

শ্রী

মানিক বন্দ্যোপাধ্যায়

জীবন্ত প্রথম সংস্করণেব প্রচ্ছদচিত্র

নয়নতারার ক্লাব ও পাঠাগারের বড়ো হল ঘরটাতে আজ সন্ধ্যায় একটি সভা বসেছে। গোড়ায় এটির নামকরণ হয়েছিল স্থানীয় একজন প্রবল প্রতাপাধিত ম্যাজিস্ট্রেটের নামে, যদিও স্বর্গীয়া নয়নতারার উপযুক্ত ছেলে ভৈরবই চাঁদা দিয়েছিল সবচেয়ে বেশি—দি ব্যাণ্ডেন পাবলিক লাইব্রেরি অ্যান্ড ক্লাব। ক বছর আগে একুশ সালে বাংলা ঘুরবার সময় গান্ধীজি ঘণ্টা তিনেকের জন্য এখানে পদার্পণ করে এক স্তূপ বিলাতি কাপড়ে আগুন ধরিয়ে দিয়ে যান, সেই আগুনে পুরানো নামটি পুড়ে এই নাম হয়েছে।

ক্লাব শব্দটাকে বদলে সংঘ করার চেষ্টাও হয়েছিল, কিন্তু মতভেদ ঘটে। সংঘ বলতে নাকি রাজনৈতিক গন্ধ এসে যায় ! বিশেষ কোনো রাজনৈতিক আন্দোলন চালাবার উদ্দেশ্যেই সংঘ কবা হয়, এই শহরেই যেমন দু-তিনটি আছে। এটা হল বিশুদ্ধ ক্লাব, দশজন ভদ্রলোকের মেলামেশা গল্পগুজন ত্রি: পেলার এবং মাঝে মাঝে তরুণদের সহযোগিতায় পূজাপার্বণ অভিনয় ইত্যাদি আনন্দ করার স্থান। অনর্থক রাজনীতির গন্ধওয়ালা সংঘ নামে দরকার কী ?

তবে লাইব্রেরিকে পাঠাগার করতে কারও আপত্তি হয়নি। ভৈরবের ইচ্ছা ছিল এই সুযোগে নিজের নামটা জুড়ে দেবে। চেষ্টা করলে হয়তো পারত। দুটি কারণে ভরসা হয়নি। ব্যাণ্ডেন সায়েব উঠতে উঠতে তখন অনেক উঁচুতে উঠে সশরীরে বর্তমান, নাম খারিজের জন্য তার রাগটা নিজের উপর নেওয়া উচিত হত না। তা ছাড়া ব্যাণ্ডেনের বদলে নিজের নামটা দিলে লোকেও গোলমাল করত। হয়তো পালটা প্রস্তাব করত মৃত বা জীবিত কোনো স্মরণীয় স্বদেশি নেতার নাম দিতে। তখন আর না বলার পথ থাকত না, ভৈরব নিজেও তো স্বদেশি ! তার চেয়ে মার স্মৃতিরক্ষা করে ভালো হয়েছে। চারিদিক বজায় থেকেছে।

হঠাৎ ডাকা জবুরি সভা, সভ্যেরা কিছু গাদাগাদি করে এসেছে। শহরের উকিল ডাক্তার চাকুরে পেনশনভোগী ভদ্রলোকেরা। ঘর জোড়া মস্ত লম্বা টেবিলের চারিদিকে ঘিরে বসেছে প্রায় পঞ্চাশজন বিশিষ্ট সভ্য। কয়েকজন সাধারণ ও অল্প-বিশিষ্ট সভ্যকে দেয়াল ঘেঁষে বেষ্টি পেতে বসতে দেওয়া হয়েছে, তারা কিছু দাঁড়িয়েই আছে। এদের মধ্যে অনেকে হয় সময়মতো এসে চেয়ার বা বেঞ্চ দখল করতে পারেনি, অথবা মুরকি গোছের বিশিষ্ট মানুষ দেখে সবিনয় হাসির সঙ্গে আসন ছেড়ে দিয়ে ভদ্রতারক্ষা ও আত্মরক্ষা করেছে। বাইরের বারান্দার দুটি বড়ো বড়ো দরজায় ভিড় করে দাঁড়িয়ে আছে একদল ছেলে।

একটি ছেলে বসে আছে ঘরের মধ্যে, টেবিলের একমুখায় মান্যগণ্য ভদ্রলোকদের সঙ্গে চেয়ারে। বাড়ন্ত গড়নের একটু কাঠখোঁটা চেহারা ছেলেটির, বয়স অনেক বেশি মনে হয়। মুখে বয়সের ছাপটা ঠিক ধাঁধার মতো, আদুরে কচিছেলের চলচল কোমলতার সঙ্গে এমন খানিকটা পাকা বখাটে ভাব মিশে আছে যে, তার মধ্যে যখন যেটা চোখে পড়ে সেটাকেই খাপছাড়া মনে হয়। ছেলেটির নাম প্রকাশ, হাইস্কুলে সেকেন্ড ক্লাসে পড়ে। এই প্রকাশ্য সভায় আজ প্রকাশের এক গুরুতর অপরাধের বিচার হবে এবং বিচারে দোষী সাব্যস্ত হলে উপযুক্ত শাস্তির ব্যবস্থা হবে। শাস্তি যা দেবার সেটা অবশ্য ভৈরব নিজেই দেবে ; তার ভাগনের কান মলতে বা তাকে বেত মারতে অন্য কেউ হাত তুললে সেটা উলটে হবে ভৈরবের অপমান। ভৈরব না নিয়ে এলে এ বেসরকারি আদালতে বজ্জাত

ছোঁড়াকে বিচাবেব জন্য হাজিৰ কববাব ক্ষমতাই বা ছিল কাব? ভৈবব ব্যাপাবটা গ্ৰাহ্য না কবলে অবশ্য অন্য ব্যবস্থা হত। ভৈবব নিজেও টেব পেত এত বডো ব্যাপাবটা উপেক্ষা কবাব মজা।

ভৈবব আব ভুবনেব মধ্যে আছে সামাজিক মান কস্যাকৰি। মান থেকে মন। যাবা ভুবনেব কাছে বসেছে, নিচুগলায জোব দিয়ে তাবা বলে, সহজে ডাডবেন না কিঙু। ঘা টা যেন ভৈববেবও লাগে। তফাত থেকে উঠে এসেও দু একজন তাকে প্ৰায় এই কথাই বলে যাচ্ছে। আগেও অনেকবাব বলেছে।

তাই কি ছাডি ?— ভুবন বলেছে মৃদু হেসে।

প্ৰকাশ কী শাস্তি পাবে না পাবে তা নিয়ে ভুবনেব খুব বেশি মাথাব্যথা নেই, যে কোনো একটা শাস্তি পোলেই হল। আসলে শাস্তি যা পাবাব এখন থেকেই পাচ্ছে ভৈবব, তাতেই ভুবন খুশি। শহবেব দশজন ভদ্রলোকেব সামনে প্ৰকাশ্যভাবে ভৈববকে যে অপদস্থ হতে হচ্ছে, মাথা তাব হেঁট হয়ে যাচ্ছে, এটাই ভুবনেব আসল লাভ। শূণ্ণ ক্ষমা চাওয়াব মধ্যেও যদি শেষ হয় ব্যাপাবটা, সে ক্ষমা চাওয়া হলে ভৈববেবই। এমন গণ্যমান্য মামা হাজিৰ থাকতে স্কুলেব একটা ছেলেব আবাব কীসেব ক্ষমা চাওয়া, বিশেষ কবে এ বকম সভায়। শূণ্ণ ওই ছোড়া হলে, স্কুলে হেডমাষ্টাৰকে জানালেই সোজাসৃজি ওব শাস্তি হত। এত কাণ্ড কববাব দবকাব কী ছিল তৰে।

টেবিলেব উদ্ভব পাশেব লম্বা সাবিব মাঝমাঝি গম্ভীৰ মুখে বসে আছে ভৈবব। মাথা তাব হেঁট নয়, মুখে লজ্জা বা অপমানেব চিহ্ন ও নেই। তবু তাব দিকে চেয়ে খুশি হয়ে উঠছে ভুবন। সভাব কাণ্ড একবাব আবস্ত হলে হয়। সব তাব বেড়ি ববাই আছে। কাবেব সভা তিনজন ভদ্রলোককে দিয়ে সে জোব গলায ঘোষণা কববে, প্ৰকাশেব অমার্জনীয় অপবোধেব পেছনে ভৈববেব পৰামৰ্শ ছিল, উসকানি ছিল। মৃদু ক্ষমাৰ সুবে তাবা উল্লেখ কববে ছেলেটিব অল্প বয়সেব কথাটা, পিছনে খুঁটি না থাকলে কি এত সাহস হয় এইটুকু ছেলেব। ইঞ্জিতেব পব ইঞ্জিত ছডাবে নানা নৌশলে যে আসল অপবোধ ভৈবব। অনেকেব মন বিমিয়ে যাবে, তিতো হয়ে উঠবে লোকটাব বিবৃদ্ধি। অনেকে বিবক্ত হলে।

একটা ব্যাপাব শূণ্ণ ভালো লাগছে না ভুবনেব। মনে বডো একটা খটকা প্ৰলগেছে এব। কলকাতা থেকে অনন্তলালেব কাল মফসলেব এই শহবে এবং আজ এই সভায় হঠাৎ আবির্ভাব। এই শহবেবই সে ছেলে, আত্মীয়স্বজনেবা এখনও তাব পুনানো ভিটে দখল কবে বসবাস কবছে। ভৈববেব সঙ্গেও বৃদ্ধি প্যাচালো একটা কী সম্পর্ক আছে এব। পবীক্ষা পাসেব কৃতিত্বে অনন্ত এ শহবেব মুখোজ্জ্বল কবেছিল, শহবেব মুখ সে আবও উজ্জ্বল কবেছে ব্যাবিস্টাৰিতে অল্পসময়ে অসাধাৰণ পশাব জন্মিয়ে এবং গত আন্দোলনে যোগ দিয়ে নেতা হিসাবে নাম কবে। নাম ও সম্মান তাব আবও বেড়েছে আইন সভাব ইলেকশনে দাঁড়িয়ে। শহবে তাব পদাৰ্পণেব খবৰ মুখে মুখে ছড়িয়ে গেছে চাবিদিকে, শহববাসীৰ পক্ষ থেকে সংবৰ্ধনা সভাব আয়োজন তাডাতাড়ি গড়ে তোলা হচ্ছে। আগে থেকে উপযুক্ত সংবৰ্ধনাৰ আয়োজন গড়ে উঠবাব যথেষ্ট সময় না দিয়ে, কোনো খবৰ না দিয়ে এমন আচমকা তাব কলকাতা ছেড়ে এখানে আসবাব মানে হয়তো কল্পনা কৰা গেলেও যেতে পাবত। বিশেষত যখন সঙ্গীক এসেছে। এটা তাব দেশবাডি, যতই বোজগাব কবুক আব উপবে উঠুক, দেশবাডিতে বেডাতে আসবাব শখ কি মানুষেব হয় না ? কিঙু বিনা নোটিশে, বিনা সংবৰ্ধনাৰ আয়োজনে, এমন কী, বিনা আহ্বানে সে এ সভায় আসে কেন ? এটাই উদ্ভট চৈকছে ভুবনেব কাছে।

কথা বলছে প্ৰায় সকলেই, পবম্পলে অথবা একজন কয়েকজনকে শুনিয়ে। তবু সভা যেন সংহত, সীমাবদ্ধ হয়ে এসেছে টেব পাওয়া যায়। সকলেব মধ্যে প্ৰত্যাশা ও আগ্ৰহেব ভাবটা স্পষ্ট। এলোমেলো ভাব কেটে গিয়ে সভা এবাব থমথম গমগম কবছে। সভাব কাজ আবস্ত হলেই সকলে চূপ কবে সেদিকে মন দেবে, গমগম চাকেব গুঞ্জন থেমে যাবে সঙ্গে সঙ্গে।

গোডায় বুডো শিবকালী সবকাব মশায়কে সভাপতি কবা হবে ঠিক ছিল। কিন্তু শেষ মুহূর্তে সব উলটে পালটে গেল।

সভাপতি হবার জন্য বুড়ো শিবকালীবাবুর নাম প্রস্তাব করার ঠিক কয়েক সেকেন্ড আগে অনন্তলাল উঠে দাঁড়ায়। সানন্দ হাসিমুখে একবার সকলের মুখে চোখ বুলিয়ে ঘরের লোকের মতো সহজ সুরে বলে, সভার কাজ এবার আরম্ভ করা যাক, কী বলেন আপনাবা ? মিছামিছি দেরি করে লাভ কী ! তা ছাড়া আমার ওপর হুকুম জারি হয়েছে যে এখান থেকে ফিরবার পথে বগন-সংঘ হয়ে যেতে হবে। ওঁরা নাকি সারাদিনের কাজকর্মের পর সাতটা থেকে এগারোটা পর্যন্ত চরকা কাটেন, দুটো তাঁত বসিয়েছেন। দেশ-গাঁয়ে ফিরে জানাশোনা চেনা মানুষের এমন একটা বিরাট কর্মপ্রচেষ্টাব কেন্দ্র যদি না দেখে যাই, আজ আমার ঘুম হবে না নিশ্চয়।

হাসি মুখ, শাস্ত নির্বিকার। এখন মোটে সওয়া সাতটা, এগারোটা বাজতে অনেক দেরি। কিন্তু সোটা বড়ো কথা নয়। একশ-বাইশের আন্দোলনের জোয়াব কেটে ভাটা এসেছে অনেকদিন, মানুষের মনে বড়ো হতাশা, বড়ো ব্যাকুলতা। আশেপাশে কিছুই ঘটছে না, ডিস্ট্রিক্ট বোর্ডের আগামী নির্বাচনে ভৈরব আর ভুবনের লড়াই ছাড়া। এখন একমাত্র ভরসা তো অনন্তলালের মতো মানুষেরা, যদি তারা কিছু করতে পারে !

সভার আবহাওয়ায় কেমন একটা পরিবর্তন আসে। টেবিলের পূর্ব-পশ্চিম কোণে কয়েকজন কাঁ বলাবলি করে নিজেদের মধ্যে। ভূবন অবস্থাটা অনুমান করে তাড়াতাড়ি শিবকালী সরকার মশায়কে সভাপতি করার ব্যবস্থা করে ফেলবার জন্য উঠতে না উঠতে ওদিকের কোণ থেকে মনোমোহন ঘোষ উঠে দাঁড়িয়ে বলে, আমাদের বড়ো ভাগ্য যে অনন্তবাবুর মতো লোককে অকস্মাৎ ঘটনাচক্রে আমরা আজ আমাদের মধ্যে পেয়েছি। আমি অনন্তবাবু বললাম, যদিও অনন্ত বলাই উচিত ছিল, কারণ ছেলেবেলায় একদিন ওর সঙ্গে এই শহরে খুলোমাটি মেখে খেলা করেছি, তুই-তুকারিও করেছি, যদিও অনন্ত আমার দু-তিন ক্লাস নীচেই পড়ত। কিন্তু নিজের চেষ্টায়, নিজের সাধনায় উনি আজ এমন স্তরে উঠে গেছেন যে খুলোমাটির খেলাব সাখিদের কাছেও উনি মহাপুরুষ। যাই হোক, আমি লক্ষ্য বক্তৃতা দেব না, সভাপতির নাম প্রস্তাব করতে উঠে সুদীর্ঘ বক্তৃতা দিলে আপনারাও হাসবেন। যাই হোক, আমি প্রস্তাব করিতেছি যে আমরা যখন ভাগ্যক্রমে শ্রীযুক্ত অনন্তবাবুকে আজ আমাদের এই সভায় পাইয়াছি, তিনি আজ সভাপতিত্ব কবিয়া আমাদের বাধিত ও আনন্দিত করিবেন।

আধবুড়ো শ্রীধর উকিল উঠে দাঁড়িয়ে প্রস্তাব সমর্থন কবে বলে, আমি সর্বাঙ্গতঃকরণে এই প্রস্তাব সমর্থন করিতেছি। সত্য কথা বলিব কী, আমার প্রাণটা কেমন যেন আনন্দান কবছে। সময় বয়ে যায়, কালশ্রোতের মতো। আজ যে শিশু, কাল সে বালক, পরশু তরুণ, পরদিন সে আবার বৃদ্ধ, আমারই মতো মরণের প্রতীক্ষায় ধুকছে। কিন্তু জীবন কী ? মরণ কী ? কেহ কি কোনোদিন তাহা জানিয়াছে ? হাঃ, হাঃ, হাঃ ! ও সমস্যার সমাধান নাই। একমাত্র সত্য—কর্ম। সেই কর্মের প্রতীক আমাদের এই অনন্তলাল। কর্মন্যাধিকার বলিয়া যে একমাত্র সার্থক মন্ত্র আছে, জগতে সেই মন্ত্রের সাধক, ভবিষ্যৎ মহাপুরুষ !...

শাস্ত সমাহিত স্তব্ধ সভা। অনন্ত উঠে দাঁড়ায়। আপনজনের মতো মৃদু হাসি আর শাস্ত স্নিগ্ধ দৃষ্টি নিয়ে আবার তাকায় চারিদিকে। বলে, আমায় কী বিপদে ফেললেন বলুন তো ? এতদিন পবে ফিরে এলাম, কোনো কিছু জানি না, আমাকেই করে দিলেন সভাপতি ! আপনাদের স্নেহ প্রীতির সম্মান আমি তুচ্ছ করব না। ভুলচুক হলে দায়ি কিন্তু আপনারা।

অনন্ত বসে, ভূবন ও তার অনুগতদের মধ্যে গুঞ্জন আরম্ভ হয়। ভূবন হঠাৎ উঠে দাঁড়িয়ে বলতে আরম্ভ করে, একটা গুরুতর, অতি গুরুতর বিষয়ে এ সভা ডাকা হয়েছে। সভাপতি মহাশয় অনুমতি দিলে—

অনন্তও উঠে দাঁড়ায়। বিস্কন্ধ জনতাকে সংযত করার ভঙ্গিতে দুহাত তুলে বলে, নিশ্চয়। নিশ্চয়। এবার সভার কাজ আরম্ভ হবে। এই ছেলেটির দুস্তামির—

দুষ্টামির ! ভুবন গর্জন করে ওঠে, আমাকে আগে বলতে দিতে হবে। আমি ব্যাপারটি সভায় উপস্থিত করতে চাই।

অসহায় হতাশভাবে অনন্ত এদিক ওদিক সকলের মুখের দিকে তাকায়, ভুবনের বাহাদুরিতে, গর্জনে, সে বড়ো বিব্রত, বিরক্ত, আহত হয়েছে। ভুবনের দিকে চেয়ে জোর গলায় কিন্তু বিনা গর্জনে সে বলে, সবাই বলবেন, যার যা কিছু বলার আছে। কিন্তু হইহই রইরই হলে তো আমি এখানে থাকতে পারব না। একটা সামান্য তুচ্ছ ব্যাপার নিয়ে হইচই আমার বিস্ত্রী লাগে, কুৎসিত লাগে। দেশের সব কাজ করা যখন বাকি আছে, দেশকে স্বাধীন করার চেষ্টায় প্রাণ বিসর্জন করা—

তিন দরজায় জন্মায়ত ছেলেরা উল্লাস জানায়। ভুবন হঠাৎ চমকে ওঠে। সভা আবার থমথম গমগম করে।

আমি বলি কী, খানিকক্ষণ অপেক্ষা করে অনন্ত বলে, যে ছেলেটির বিচারের জন্য আমরা জমা হয়েছি, তাকেই আগে তার যা কিছু বলার আছে বলতে দেওয়া হোক। এটা নিশ্চয় ইংবেজের আদালত নয়, যেখানে স্বরাজ চাই বলেছিলাম প্রমাণ হতে না হতে আমার ছমাস জেল হল ? ছেলেটি আগে বলুক, দোষ করেছে কী করেনি। যদি স্বীকার না করে, তখন দোষ প্রমাণ করার ফ্যাসাদটা বাধ্য হয়েই মানতে হবে। কিন্তু সব যদি মেনেই নেয় ছেলেটি, মিছামিছি হাঙ্গামা করে কী লাভ ! একটি স্কুলের ছেলে, অবুঝ ছেলে, একটা কাজ করে বসেছে বলে তার বিরুদ্ধে এমন একটা কাণ্ড করা আমার কাছে বড়ো লজ্জার বিষয় মনে হয়। পাকা, আই মিন, প্রকাশ, উঠে দাঁড়িয়ে বলো তো তোমার কী বলার আছে ?

প্রকাশ তড়াক করে উঠে দাঁড়িয়ে বলতে আরম্ভ করে, আমি স্বীকার করছি যে আমার দোষ হয়েছিল। রাখালবাবুকে মারা আমার উচিত হয়নি। এক বছর ধরে চাওয়া মাত্র ওই বইগুলি রাখালবাবু আমাকে দিয়েছেন—

কোন বইগুলি প্রকাশ ? অনন্ত প্রশ্ন করে।

পাকা চোখ নামিয়ে চূপ করে থাকে।

খানিক চূপ করে থেকে অনন্ত আর একবার আরও স্পষ্ট ভাষায় প্রশ্ন করলে প্রকাশ মরিয়্যা হয়ে বলে, কতকগুলি উপন্যাস আর সেক্সের বই।

কী কী বই ? অনন্ত প্রশ্ন করে।

আগে থেকে শেখানো-পড়ানো আছে, তবু প্রকাশ এবার রেগে যায়, আপনি জানেন না ?

অনন্ত ধমক দিয়ে বলে, আমার জানার কথা হচ্ছে না প্রকাশ। তুমি কী জান বলো।

প্রকাশ একটু চূপ করে থেকে কলের মতো বলে যায়, পঁচিশ-ছব্বিশখানা খারাপ ধরনের বই লাইব্রেরিতে আছে। আর সেক্স-সাইকোলজির কুড়ি-বাইশটা বই আছে। সেক্রেটারির পারমিশন ছাড়া ও সব বই ইস্যু করা বারণ। আমি আজ এক বছর বিকেলে খেলা বন্ধ করে এসে রাখালের, মানে, রাখালবাবুর কাছ থেকে এ সব বই নিয়ে পড়েছি, নটার আগে ফেরত দিয়ে বাড়ি চলে গেছি। সেদিন স্যান্ডার্সের প্রিন্সিপলস অব ল্যাব বইটা চাইতেই কোথাও কিছু নেই খেঁকিয়ে উঠে রাখাল বলল, যা যা ফচকে ছোঁড়া, লভের বই পড়তে হবে না।

ফচকে ছোঁড়া বলেছিল রাখালবাবু তোমাকে ?

লাইব্রেরিয়ান রাখালের বয়স কুড়ি-বাইশ, অনেকদিন ম্যালেরিয়ায় ভুগছে। ভুবনের বাড়িতে সে থাকে। তার ভীক্ষুগলার প্রতিবাদ শোনা যায়।

আমি যদি বলে থাকি—

অনন্ত বলে, আপনি চূপ করুন।—বলেছিল ?

বলেছিল। আরও বলেছিল, আমার মামা এবার ডিস্ট্রিক্ট বোর্ডের ইলেকশনে হেরে যাবে, চামারটাকে কেউ ভোট দেবে না। তাইতে রাগ সামলাতে না পেরে আমি গুকে মেরেছি। একটা ঘুঘি আর লাথি খেয়েই যে মরোমরো হয়ে হাসপাতালে যাবে, আমি তা ভাবতে পারিনি।

চূপ করো প্রকাশ ! অনন্ত প্রচণ্ডভাবে তাকে ধমক দিয়ে উঠে দাঁড়ায়। সভাকে সে বলে, ছেলেটা লজ্জায় দুঃখে ভয়ে ভাবনায় আধমরা হয়ে গেছে। প্রকাশ ! তোমায় ক্ষমা চাইতে হবে।

বাখালকে, মানে রাখালবাবুকে মারার জন্য আমি ভারী দুঃখিত।

বাস্ ! বাস্ ! অনন্ত সোপ্লাসে বলে ওঠে, রাখালবাবুর সঙ্গে তোমার বন্ধুত্ব আবার গড়ে উঠবে নিশ্চয়। অন্যায় করার দুঃখই তোমার নবজন্ম দিক। বন্দে মাতরম্ !

কী ঘটনা কীসে দাঁড়াল ! ব্যাপারটার আসল ও গুরুতর অংশটাই রয়ে গেল আড়ালে, চাপা পড়ে গেল। প্রকাশ যা বলল তা মিথ্যে নয়, বানানো নয়, কিন্তু যা নিয়ে আজকের এই সভার এত আড়ম্বর এটুকু তার তুচ্ছ একটা দিক মাত্র। আসল ঘটনা সকলের জানা, সেটাকে আরও ফেনিয়ে ফাঁপিয়ে বাড়িয়ে তুলে ভৈরবকে সভায় অপদস্থ করার যে আয়োজন ভুবন করেছে তাও প্রায় কারও অজানা ছিল না। পাহাড়কে এ ভাবে হুঁদুর বিয়োতে দেখে অনেকে কৌতুক বোধ করল। পয়সা দিয়ে টিকিট কিনে জমকালো নাটক দেখতে এসে শুবুতেই অভিনয় ফেঁসে যেতে দেখার মতো ব্যক্তিগতভাবে বঞ্চিত হবার ক্ষোভও অনুভব কবল অনেকে। তবে এটাও ভাবল অনেকে যে, অন্যদিকে ক্ষতিপূরণ হয়েছে। অনন্তের কৃতিত্বে কমবেশি মুগ্ধ হয়ে গেছে সকলেই। অন্যায়সে হাসিমুখে খেলার ছলে সে মোড় ঘুরিয়ে দিয়েছে এমন একটা মান্যগণ্য জন্মোৎসবের মনের গতির ! এমন না হলে এত কম বয়সে ব্যারিস্টারিতে এত পশার, নেতাগিরিতে এমন নাম করতে পারে কেউ !

দু-চারজনের ক্ষীণ এবং ভুবনের ক্রুদ্ধ প্রতিবাদ আর অভিযোগ সভাভঙ্গের বিশৃঙ্খলায় কোথায় ভেসে যায়। চেয়ার ঠেলে দিয়ে উঠে দাঁড়িয়ে অনন্ত বিনা বাক্যব্যয়ে সভা ভেঙ্গে দিয়েছে। অনেকে তাড়াতাড়ি উঠে কাছে গিয়ে তাকে ঘিরে দাঁড়িয়েছে। ভুবন অসহায় ক্রোধে অগত্যা নিজে নিজেই ফেঁস ফেঁস করে নিজের লোকের কাছে।

পাকা অদ্ভুত দৃষ্টিতে তাকিয়ে ছিল অনন্তের দিকে। চোখে তার ধাঁধা দেখার অবাক জিজ্ঞাসা। এখন মুখ দেখলে মনে হবে, ছেলেটা বৃষ্টি হাবাগোবা, ভাবুকতা আর পাকামির মেশানো ছাপটা মিলিয়ে গেছে। অনন্তের বাহাদুরি তাকে মোটেই মুগ্ধ করেনি, ওটা বাহাদুরিও হয়ে ওঠেনি তার কাছে, অন্য একটা শব্দ এসেছে মনে সংজ্ঞা হিসাবে—চালবাজি—তার মনে আঘাত লেগেছে কঠিন। ছেলেবেলা থেকে এই মানুষটাকে সে বোধ হয় অন্য সবার চেয়ে ভয় ও ভক্তি করে এসেছে, তার কাছে অনন্ত অনেক উঁচু, অনেক বড়ো দৃঢ়চেতা কর্তব্যনিষ্ঠ চরিত্রবান মানুষ। সে যে এমন ছল-চাতুরী অভিনয় জানে, দেশ ও স্বাধীনতার নামে ফাঁকি দিয়ে বোকা বানাতে পারে এতগুলি মানুষকে এমন গা-ছাড়া অবহেলার সঙ্গে এ কথা সে ভাবতেও পারত না। হাঙ্গামা যে অল্পেই মিটে গেছে এ জন্য তার বিশেষ দুঃখ নেই, কিন্তু কী দরকার ছিল এ ভাবে অল্পে হাঙ্গামা মেটাবার ? একটুখানি সভা নিয়ে পাক দিয়ে চালাকি করে এমন মিথ্যা খাড়া করবার ? তেমন গুরুতর প্রয়োজন থাকলেও সে নয় বুঝতে পারত এ রকম ঘোরপাঁচ চালবাজির মানে। বিশেষ বই ইস্যু করা নিয়ে রাখালের সঙ্গে তার ঝগড়া হয়েছিল, কিন্তু ফচকে ছোঁড়া বলার জন্য সে তাকে মারেনি। সে নিজেও কতবার কত বন্ধুকে বলেছে কথাটা। ভুবন এসে রাখালের পক্ষ নিয়ে তাকে ধমক দেওয়ায় তার মেজাজ বিগড়ে যায়। রাগারাগি করে সে চলে গিয়েছিল, ভৈরবকে দিয়ে একখানা স্লিপ লিখিয়ে এনেছিল। ভৈরব অবশ্য জানত না সে কী বই চায় কিংবা তার স্লিপেব জোরে লাইব্রেরি থেকে সে একেবারে

পঞ্চাশ-ষাটখানা বিশেষ বই দাবি করে বসবে ! আমার সঙ্গে এ ছলনাটুকু সে করেছিল। রাখালের সঙ্গে ঝগড়ার কথা, নিজের আসল মতলবের কথা গোপন রেখে সরলভাবে চিটটা চেয়ে নিয়েছিল। প্রকাশ্য সভায় এটা মেনে নিতেও রাজি ছিল প্রকাশ। কিন্তু সে যা করেছে, করেছে তার নিজের আমার সঙ্গে, মামাকে যদি সে ঠকিয়ে থাকে তাই নিয়ে বোঝাপড়া হবে আমার সঙ্গে তার, এর সঙ্গে অন্যের তো কোনো সংশ্ব নেই। রাখাল কোন সাহসে কী যুক্তিতে স্লিপ দেখেও বইগুলি তাকে দিতে অস্বীকার করবে, মামা তার ক্লাব আর লাইব্রেরির প্রেসিডেন্ট ? ভৈরবের চিট নিয়ে এলেও ভুবনবাবু এবং আরও কয়েকজন কোন আইনে রাখালের পক্ষ নিয়ে তাকে ধমকাতে আসবে ? বারবার সে জোর দিয়েছিল এই কথাটাতে। রাগে কাঁপতে কাঁপতেও ধীর শাস্ত ভদ্রভাবে সকলকে সে বলেছিল, প্রেসিডেন্টের লিখিত অনুমতি সে নিয়ে এসেছে, লাইব্রেরি থেকে যে বই খুশি, যতগুলি বই খুশি নিয়ে যাবার অধিকার তার আছে। এর সঙ্গে তর্ক না করে পরে যেন তারা তার আমার সঙ্গে বোঝাপড়া করে। এরই মাঝে বলা নেই কওয়া নেই রাখাল তাকে দিয়েছিল ধাক্কা। তখন সে মেরেছিল রাখালকে। ভুবনদের সামনেই মেরেছিল।

বাড়িতে আলোচনার সময় অনন্ত বলেছিল, ওরা বলবে তুমি আগে রাখালের গায়ে হাত তুলেছিলে, জোর করে আলমারি ভেঙে বই নিতে গিয়েছিলে।

আমার বন্ধুরা ছিল, তারা দেখেছে—

অনন্ত ঘাড় নেড়েছিল।

তা ঠিক। পাকা তা জানে, মানেও। তার বন্ধুদের, বিশেষ করে কানাই তিনু পাঁচ নবেশদেব কথার বিশেষ দাম কেউ দেবে না। এটুকু না বুঝবার মতো বোকা সে নয়। হাঙ্গামা করার জন্য, রাখালকে মারার জন্য সে যে সত্যি সত্যি বন্ধু চারটিকে সঙ্গে নিয়ে যায়নি, এরা শুধু বইগুলি বয়ে আনার জন্য সঙ্গে গিয়েছিল, কেউ যে ওরা একটি কথাও বলেনি আগাগোড়া, রাখালকে মারার সময় কাছে পর্যন্ত যায়নি, কেবল ভুবনবাবুরা সাত-আটজন বুখে তেড়ে এলে তার পাশে শ্বিয়ে দাঁড়িয়েছিল, এ কথাও কেউ বিশ্বাস করবে না। কিন্তু কী আসত যেত তাতে ? লোক নয় বিশ্বাস করত দল বেঁধেই সে হাঙ্গামা করতে গিয়েছিল, রাখালকে মেরেছিল। রাখালকে মেরেছে এ কথা ভোঁ সে অস্বীকার করতে চায়নি, সে জন্য সভায় দুঃখ প্রকাশ করতে সে রাজি হয়েছিল অনন্তের কাছে, দুঃখ প্রকাশও করেছে। ভুবনবাবুরা তার গুরুজনের মতো বয়সে বড়ো মানাগণ্য ভদ্রলোক, একটা অন্যান্য কথা না বলে থাকলেও তার ব্যবহারকে বেয়াদপি মনে করে ওদের মনে যদি আঘাত লেগে থাকে, ওদের কাছেও সে নয় দুঃখ প্রকাশ করত !

তার বদলে বিক্রী দোষে সে দোষী হল, ভীৰু কাপুবুধ দাঁড়িয়ে গেল সবার চোখে। সে যে আমার কাছ থেকে স্লিপ নিয়ে এসেছিল, সে কথা উঠল না। সবাই জানল, রাখাল তাকে দয়া করে কিছুদিন লাইব্রেরির বই পড়তে দিয়েছিল, অনুগ্রহটা বন্ধ করায় হীন অকৃতজ্ঞ বখাটে ছোঁড়া সে, দল বেঁধে এসে রাখালকে মেরেছে। রাখাল তাকে গাল দিয়েছিল, এ সব বাজে সাফাই গেয়ে আজ নিজেকে বাঁচাতে চেয়েছে।

আরও জানল সবাই, অনন্তের কুটিল ব্যারিস্টারি চালবাজির ফলে সহজে রেহাইও পেয়েছে।

সে সভায় না এলে যেন কেউ তার কিছু করতে পারত, কোর্টে নালিশ করা ছাড়া।

ভৈরব পারেনি, অনন্ত তাকে রাজি করিয়েছিল। তাও ক্ষমা চাইতে নয়, দুঃখ প্রকাশ করতে। রাখালের জন্য তার সত্যি দুঃখ হয়েছিল, মার খেয়ে তাকে এলিয়ে পড়তে দেখে খেয়াল হয়েছিল, কী রোগা দুর্বল একজনকে সে মেরেছে। অনন্ত সকলকে বোকা বানিয়েছে, তাকেও ঠকিয়েছে। কী প্রশ্ন জিজ্ঞাসা করলে সে কী জবাব দেবে, অনন্ত যখন তাকে শিখিয়ে দিয়েছিল, তখনও সে বুঝতে পারেনি তার আসল মতলব। সে ভেবেছিল এমনি জিজ্ঞাসাবাদের ভেতর দিয়ে আজেকাজে কথা বাদ দিয়ে

অনন্ত যেটা আসল কথা, প্রধান কথা সমস্ত ব্যাপারটার, যা সত্যিকারের মানে তার কাজের, তাই টেনে বার করবে ; দেখিয়ে দেবে যে তার অধিকার ছিল বই দাবি করার, তবে রাখালকে মারা তার উচিত হয়নি।

খারাপ লাগছে, না ? মুন্সেফ সুরেনবাবু কাঁধে হাত রেখে সম্মুখে জিজ্ঞাসা করে। শান্ত মিন্ধু মিস্ত্রি তার মুখখানা, একটু শীর্ণ। সুন্দর কীর্তন গাইতে পারে। এখানে বদলি হয়ে এসে কয়েক মাসের মধ্যে শহরের শিক্ষিত ভদ্রসমাজকে কীর্তন শুনিয়ে মুগ্ধ করে দিয়েছে। এমনি তার কথাবার্তা চালচলন বা খাওয়া পরা জীবনযাপনে বৈষ্ণবত্বের কোনো লক্ষণই প্রায় ধরা পড়ে না, মাছমাংস খায়, ইংরেজি সাহিত্যই বেশি পড়ে, শ-কে নিয়ে অত্যন্ত উৎসাহী, দশজনের মতোই সাধারণভাবে দশজনের সঙ্গে মেলে মেশে, হাসি গল্প করে। সরলতা আর নম্র মিশুক স্বভাবের শূণ্য একটা আকর্ষণ তার আছে, তাকে সকলের ভালো লাগে। কিন্তু কীর্তনে মানুষটা সত্যই গুণী। আসরে গাইতে নামলে তার মধ্যে আশ্চর্য এক পরিবর্তন আসে, সে জীবন্ত প্রাণবন্ত হয়ে ওঠে, নিজেও বিভোর হয়ে যায় কীর্তনে, উপস্থিত সকলের মধ্যেও সঞ্চারিত হয় খাঁটি আবেশ, গভীর ব্যাকুলতা।

প্রকাশও দু-তিনবার তার কীর্তন শুনতে গিয়ে ভেতরে জোরালো নাড়া খেয়ে এসেছে। কিছুদিন আগে সে কীর্তন শিখতে আরম্ভ কবেছিল সুবেনের কাছে। তার গলার সাধারণ গান শুনে সুরেনও আগ্রহের সঙ্গে তাকে শেখাতে রাজি হয়েছিল। কিন্তু অল্পদিনের মধ্যেই শেখার আগ্রহে প্রবল জোয়ার-ভাটার খামখেয়ালি গীলাখেলা দেখে শিষ্যের কীর্তন গাওয়ার ভবিষ্যৎ সম্বন্ধে তার মনে রীতিমতো খটকা লেগেছে।

তার স্নেহ ও সহানুভূতিতে ফাঁকি ছিল না। শিষ্য বড়োই প্রিয় পদার্থ—স্নেহ করতে ভালো লাগে, অবশ্য যদি বশব্দ হয়। কিন্তু খাঁটি জিনিসটাও এখন ক্রেদের মতো লাগল পাকার কাছে। ভৈরব উঠে চলে গেছে ; শান্ত নির্বিকারভাবে এব ওর তার সঙ্গে দু-একটি কথা বলতে বলতে। পাকা জানে, আজ এখানে এখন ভৈরব দশজনের চোখের সামনে অনন্তের সঙ্গে একটা কথাও বলবে না, দুজনের যেন চেনা পরিচয়ও নেই। যদিও সকলেই জানে তারা আত্মীয় এবং ঘনিষ্ঠ। অনন্তকে ঘিরে ভদ্রলোকের ভিড় ক্রমে ক্রমে বাড়ছে।

আধবুড়ো শ্রীধর উকিলের নিজের দিকে তার মনোযোগ আকর্ষণের চেষ্টাটা এমন করণ ! সুরেনের কথায় নীরবে মাথা নেড়ে পাকা তাড়াতাড়ি হল থেকে বেরিয়ে যায়। ভদ্র বেশ, ভদ্র ভাষা, ভদ্র ভিড়ের ঘাম আর নিশ্বাস চুরট সিগারেটের গন্ধের চাপে তার ফাঁপর ফাঁপর লাগছিল।

২

কাঁকর বিছানো পথের দুদিকে টেনিস কোর্ট। সাধারণ বন্ধু দু-চারজন নাম ধরে ডাকে পিছন থেকে। সে সাড়াও দেয় না, ফিরেও তাকায় না। যে বন্ধুদের সঙ্গে সে মনে মনে চাইছিল তারা অবশ্য ডাকাডাকির হাঙ্গামা না করেই তার সঙ্গে ধরে।

গেট পেরিয়ে রাস্তায় নেমে পাকা বলে কানাইকে, বিড়ি দে।

নরেশ তাড়াতাড়ি একটা ঘোড়া-মার্কী সিগারেট বার করে।—একটা ছিল, তোর জন্যে রেখেছি। জবর লোক বটে তোর অনন্তমামাটা সত্যি ভাই। হবে না কেন ? ব্রেন আছে তো !

আগে একটা বিড়ি দে। পরে সিগ্রেট খাব।

পাঁচ বলে, কী ব্যাপার। আগে বিড়ি, পরে সিগ্রেট ?

তিনু বিড়ি দেয়, চারজনকেই। পাকার একটানে চড়চড় করে আধখানা পুড়ে যায় বিড়িটা। পথে নেমে এসে এদের সঙ্গে পেয়ে তার প্রাণ জুড়িয়েছে। ফুসে-ওঠা ঈর্ষা অভিমানের আগুন থিতুয়ে গিয়ে

অনন্তের বিবুদ্ধে বিদ্রোহী খেদটা আর ফুটন্ত অবস্থায় নেই। অত বেশি অস্থির হবার জন্য বরং একটু লজ্জাই বোধ হচ্ছে তার। চাঁদের কাঁচা আলোয় পড়ে আছে লাল কাঁকরের লম্বা সড়ক। কার গাড়ি ধুলো উড়িয়ে দিয়ে গেছে, নাকে চেনা মেটে গন্ধের মতো লাগছে ধুলোটা।

কালীনাথকে এগিয়ে আসতে দেখে তিনজনে বিড়ি লুকিয়ে ফেলে, পাকা ছাড়া। মনের তলা থেকে তার হাতে টান লাগে জ্বলন্ত বিড়িটা পিছন দিকে সরিয়ে ফেলতে নয়তো ফেলে দিয়ে জুতোর নীচে পিষে ফেলতে। কিন্তু বিড়ি লুকানোটা হবে কালীদাকে ফাঁকি দেবার চেষ্টা। বিড়ি ফুকলেও হবে কালীদাকে অসম্মান করা। তাই রফা সে করে বিড়িটা মুঠিতেই একটু আড়াল করে ধরে রেখে।

প্রৌঢ়বয়সি সন্ত্রাস্ত ভদ্রলোক কালীনাথ নয়, বছর সাতাশ বয়সের যুবক মাত্র, ধৃতি আর হাতকাটা শার্ট পরা সাদাসিদে বেশ, শক্ত ব্যায়ামী শরীর, ধীর পদক্ষেপ। ছেলোদের কাছে কিন্তু অনেক গুরুজনস্থানীয় সন্ত্রাস্ত ভদ্রলোকের চেয়ে তার শ্রদ্ধা ও সম্মান বেশি। গত আন্দোলনে যোগ দিয়ে মাসকয়েকের জন্য জেলে গিয়েছিল। ফিরে এসে চরকারতীদের টিমে রাজনৈতিক কার্যকলাপ থেকে সরে গিয়ে অন্য কাজে মন দিয়েছে। একটা ব্যায়াম সমিতি করেছে ছেলোদের জন্য, ডন বৈঠক সাঁতার কুস্তি বস্ত্রিং ছোরাখেলা যুযুৎসু সবকিছু শেখানো হয়, চরিত্র গড়া হয় আর মানানো হয় কঠোর ডিসিপ্লিন। অনেক কিশোরের মা-বাবা, ছেলেকে হঠাৎ মেয়ের মতো লাজুক হয়ে উঠে শুকিয়ে চিমাতে মেরে যেতে দেখে যারা ভড়কে গিয়েছিল, ছেলে ব্যায়াম সমিতিতে যোগ দেওয়ার পর আবার তাব চোখ-মুখে স্বাস্থ্যের জ্যোতি ফুটতে দেখে স্বস্তির নিশ্বাস ফেলেছে। একটা সেবাসংঘের পিছনেও কালীনাথ আছে। গত বন্যায় এই সংঘের রিলিফের কাজ দেখে বড়োবাও কালীনাথকে শ্রদ্ধা করতে শিখেছে।

শুধু শ্রদ্ধা নয়, সকলে একটু ভয়ও করে তাকে। দু-দণ্ড তার সঙ্গে মিশলে মানুষ টের পায়, শুধু তেজি সাহসী ত্যাগী নয়, কাজের নিষ্ঠায় চরিত্রের দৃঢ়তায় লোহাব মতো শক্ত নয়, কী যেন প্রচণ্ড একটা শক্তি আছে তার মধ্যে, ভয়ংকর আবেগের জমানো বিস্ফোরক। তাকে ঘিষে একটা রহস্যাব আবরণ নামে অনুভূতিগত কল্পনায়। মনে হয়, সে বৃষ্টি বিপজ্জনকও বটে।

কালীনাথের প্রতি তীব্র আকর্ষণ বোধ করে পাকা। ওর সামনে সে নার্ভাস হয়ে পড়ে। মাঝে মাঝে তার মধ্যে প্রবল একটা বিদ্রোহের ভাবও জাগে। হঠাৎ অবাধ্যতার অবজ্ঞায় মানুষটাকে হুট করে উড়িয়ে দিতে প্রচণ্ড তাগিদ মাথা চাড়া দিয়ে ওঠে।

তুমি তিনদিন যাওনি প্রকাশ, এই ব্যাপারের জন্য কি ?

একটু ইতস্তত করে পাকা।

ঠিক তা নয়, ভোরে ঘুম ভাঙেনি।

ঘুম ভাঙেনি ! এ তো চলবে না পাকা। আমার ক্লাবের ছেলে তুমি, ভোরে তোমার ঘুম ভাঙে না ! কাল আসবে ?

কাল ? কাল নয় কালীদা, পরশু।

আচ্ছা। কিন্তু তোমার মনে আছে তো এটা তোমার ফার্স্ট স্টেজের শেষ মাস ? টিল দিলে চলবে না আর। ক্লাবের নিয়ম কিন্তু ভারী কড়া।

দু-পা এগিয়ে মুখ ফিরিয়ে কালীনাথ বলে যায়, তোমায় একটা খবর দি। রাখালের বেশি লাগেনি। হাসপাতালে যাওয়ার কোনো দরকার ছিল না।

কানাই বলে, আমারও সন্দ ছিল। ভুবনটা কম বানু !

পাঁচু বলে, কী ব্যাপার, মাইরি ! মোটে লাগেনি রাখালের ? হি হি করে পাঁচু হাসে, পাকা মোদের বস্ত্রিং শিখছেন, এক ঘুমিতে রাখাল কুপোকাত ! তাই তো বলি।

তোকে একটা মারব ?

মার। মাইরি মার।

সামনে বঁেকে পাঁচু দাঁড়ায়, বলে, গাঁটের ব্যথা কমেছে ? ছাল ওঠেনি তো রাখালকে মেরে ? আহা বাট !

পাঁচু গাঁয়ের ছেলে, তার বাবা ধনদাস চার ক্রোশ দূরের আটুলিগাঁর গেরস্ত চাষি। পাঁচু এখানে আত্মীয়ের বাড়িতে থেকে স্কুলে পড়ে। এমন পাঁচুর চালচলনে গেলো ছাপ আছে, হাবাগোবাই মনে হয় তাকে। কিন্তু পাকাকে খোঁচা দেবার ব্যঙ্গ করবার সুযোগ পেলেই কী স্মার্ট যে সে হয়ে পড়ে সঙ্গে সঙ্গে ! শহুরে বন্ধু কটিকেও যেন ছাড়িয়ে যায়।

তিনু বলে, ভুবনটাকে একদিন দিলে হয় না ক্লাব থেকে ফেরার পথে ?

কানাই বলে, ধেৎ !

কানাই লম্বা, কালো, রোগা। কম কথা কয়।

ফার্স্ট ক্লাসে পড়ে, গতবার ইচ্ছা করে ম্যাট্রিক দেয়নি। কারণ কেউ জানে না, বাড়ির লোকেরাও না। তার সঙ্গে পাকার ভাব হওয়ার ইতিহাস এই যে, তার বাবা রসিকের সাইকেল সারাইয়ের দোকানে পাকা প্রায়ই তার পুরানো সাইকেলটা নিয়ে যেত টুকটাকি মেরামতের জন্য। বন্ধুত্ব জমট বঁধতে তাদের মাসখানেকও লাগেনি। তারা দুজন একা থাকলে কানাইয়ের মুখ ফোটে।

পাকা বলে, কোথায় যাওয়া যায় !

তিনু প্রস্তাব করে, তামাক খাবি তো দোকানে যাই চ।

পাকার উৎসাহ জাগে।—তাই চ।

তিনুর বাবা ধনেশ সাধুখানের আছে মুদি দোকান। দোকানে নিয়ে গিয়ে বন্ধুদের, বিশেষ করে পাকাকে, তামাক লজেপ বিস্কুট খাওয়ার লোভটা তিনুব সদাজাগ্রত। বোজ্জই প্রস্তাব করে দু-চাববার, যখন তখন। পাকা কান দেয় না, রাজি হয় কদাচিত্। নেমস্তন্নটা যখন সে গ্রহণ করে খুশির সেন সীমা থাকে না তিনুর।

সৈদবাজার এলাকায় ধনেশের দোকান। ভৈরবের বাড়িও ওই এলাকায়। সৈদবাজারের আরস্ত কোথায় শেষ কোথায় দূশো বছর আগে হয়তো সুনির্দিষ্ট ছিল, আজ কোনো মহাপুরুষের সাধ্যও নেই সেটা আবিষ্কার করে। ডাকপিয়ন জৈনুদ্দিন আজ একুশ বছর এ শহরে চিঠি বিলি করছে, খাম পোস্টকার্ডের ঠিকানার নামগুলিই তাব কাছে সৈদবাজার। রাস্তার দুপাশে শুকনো নালায় ফনীমনসা, পাতাকচু আর বুনো চারার ঝোপ। পথে পুরু ধুলোব আস্তরণ বিছানো। পুবানো ইটের ভাঙাচোবা চৌকো মহলঙয়লা বাড়িই এই পুবানো শহরের বৈশিষ্ট্য, ইটের স্তূপ হয়ে এখানে সেখানে পৌড়ো বাড়িও পড়ে আছে অনেক, তাতে বাস করে সাপ আর শেয়াল। শহরের প্রাচীনতাই যেন এ ভাবে স্তূপাকার হয়ে স্থানে স্থানে পড়ে আছে। কতকগুলি বাড়িব খানিকটা অংশ ভেঙে পড়েছে, বাকিটাতে বসবাস করছে মানুষ। এত বেশি পুরানো যে-সব বাড়ি নয়, সেগুলিরও গড়নের ধাঁচে আর বিবর্ণতায় প্রাচীনতার ছাপ। শহরের এ সব এলাকায় নতুন বাড়ি প্রায় চোখে পড়ে না। নতুন বাড়ি দেখা যায় শহরের পুব দিকে, ওদিকের বিস্তীর্ণ প্রান্তরে শহর এখনও নিজেকে বাড়িয়ে এগিয়ে নিয়ে চলেছে হাল ফ্যাশনের বাড়ি তুলে তুলে।

ধনেশের বাড়ির দেয়াল কাঁকর-মেশানো মাটির, পাথরের মতো শক্ত, ছাত টিনের। সামনের বারান্দা ঘিরে একাংশ মুদির দোকান করা হয়েছে। মুদিখানার এদিকের অংশটা ফাঁকা, শুধু পুরানো ভারী তক্তাপোশ পাতা আছে। তিনু তাড়াতাড়ি পাটি বিছিয়ে দেয়। হুকোতে জল বদলে রান্নাঘরের আখা থেকে জলস্ত কয়লা দিয়ে তামাক সেজে আনে। হুকোটা নতুন, তাদের ব্যবহারের জন্যই তোলা থাকে। ধনেশ নিজেই দোকান থেকে হুকোটা দিয়েছে তাদের জন্য। দুদিন বাদে তিনু ম্যাট্রিক দেবে, পাকার মতো উঁচু ঘরের ছেলেরা তার বন্ধু, গর্বে ধনেশের বুক আজকাল দশ হাত হয়ে থাকে। পাকা

তামাক টেনে চলেছে একমনে, ভাবে বিভোর হয়ে। কালি-পড়া লঠনটার মৃদু লালচে আলোয় মনে হয়, সে যেন এখানে নেই, হারিয়ে গেছে।

একাই ফুঁকে দিবি নাকি ? কানাই বলে শেষ পর্যন্ত। পাকা চমকে ওঠে। আজ চটে না, লজ্জা পেয়ে হুঁকোটা বাড়িয়ে দেয়। তিনু জানায় যে অনেকটা তামাক দিয়েছে, সহজে ফুরোবে না। ফুরোলে আর এক ছিলিম সেজে আনবে, সামান্য তামাক তো।

কী ভাবা হচ্ছিল ভাবুকমশায়ের ? নরেশ বলে খানিকটা বিরক্তির সঙ্গে।

তা দিয়ে দরকার কী বাবুমশায়ের ? পাকা বলে মুখ বাঁকিয়ে।

কী ছোটোলোকের মতো তামাক টানা ! শেষ করে যাই চল।

আমরা ছোটোলোক, তামাক টানি। তুই যা নরেশ।

নরেশ সরকারি ডাক্তার ধরণী গোস্বামীর ছেলে। এখানে তামাক খেতে আসা সে তেমন পছন্দ করে না, কড়া তামাক টানতেও পারে না, কাশি আসে। এ দলে আগে তার মেলামেশা ছিল না, পাকার প্রেমে পড়ে এসে ভিড়েছে। লেখাপড়ায় ভালো ছিল, এদের সঙ্গে এত আড্ডা দিয়ে শহর চষে পাকামি করে বেড়িয়েও গত পরীক্ষায় ফিফথ্ হয়ে ক্লাসে উঠেছে। তার আগের পরীক্ষায় হয়েছিল সেকেন্ড। বাড়িতে তাকে নিয়ে অফুরন্ত হতাশা আর দুর্ভাবনা। নানা ভাবে শাসন তোষণ পেশণ চলে অনিবার। এমনিই ছেলেটা খুব নিরীহ, চেহারাও কোমল, ফরসা মুখখানা স্ত্রী মেয়েলি লাভণ্যে ভরা। একান্ত বাধ্য ছিল সবার কথার, বাপকে ভয়ানক ভয় করত। তার যে এ কী অদ্ভুত পরিবর্তন এসেছে ভেবে দিশেহারা হয়ে যায় বাড়ির লোক। ধরণীর প্রচণ্ড শাসনে দু-একটা দিন ভালো ফল দেখা যায়, স্কুল থেকে সময়মতো বাড়ি ফেরে, বিকালে খেলে বেড়িয়ে এসে সন্ধ্যাবেলা পড়তে বসে। পরদিনই হয়তো দশটায় খেয়ে দেয়ে স্কুলে গিয়ে ফেরে রাত দশটায়, বিকালে জলখাবার খেতেও বাড়ি আসে না।

নরেশের জন্য একটু কবুণার প্রশয় দেওয়া প্রেমের ভাব আছে পাকার। পাকার অবহেলা নরেশ সহিতে পারে না, অন্য কারণে সঙ্গে পাকার বেশি ঘনিষ্ঠতা দেখলে সে ঈর্ষায় জ্বলে যায়। মাঝে মাঝে দাবুণ অভিমানে সে পাকাকে বর্জন করে। কিন্তু বাপের ভয়ে যদি বা দু-চারদিন দূরে থাকতে পারে, নিজের অভিমান নিয়ে একটা দিনও পারে না। মান অভিমান বিসর্জন দিয়ে পাকার কাছে ছুটে যায়। পাকা কড়া কথা বললে পাংশু বিবর্ণ হয়ে যায় তার মুখ। দেখে বোধ হয় খুশিই হয় পাকা।

ছেলের বন্ধুদের তামাক টানার আসরে ধনেশ এসে উঁকি দেয়। তার মুখভরা খোঁচা খোঁচা গাঁফ-দাড়ি, কৌচা দিয়ে আট হাতি ধুতি পরা।

সে সাগ্রহে সবিনয়ে বলে, বাবারা, শনিঠাকুরের পেসাদ পেয়ে যেতে হবে। ঘর দিয়ে এনে দেবার জো নেই পেসাদ, ভেতরের উঠানে একবারটি যেতে হয়।

তিনুর হাতে হুঁকো ছিল, নামিয়ে রাখে। তার তামাক খাওয়ায় ধনেশের অনুমোদন আছে। স্কুলে না পড়লে হয়তো এ বয়সে তামাক ধরা নিয়ে একটু খিটিমিটি বাধাত, কিন্তু ইস্কুলের উঁচু ক্লাসে পড়ে ছেলে, তার চেয়েও ছেলের আজ বিদ্যা বেশি, তামাক ধরার বয়স তার অবশ্যই হয়েছে। স্কুলের ছুটির দিন একসঙ্গে ভাত খেয়ে উঠে তামাক খেয়ে আজকাল সে ছেলের জন্য হুঁকোটা দেখালে ঠেস দিয়ে রেখে উঠে আড়ালে সরে যায়।

নিকানো উঠানের একপাশে শনিঠাকুরের পূজার ব্যবস্থা, বেঁটে ফরসা নন্দ ঠাকুর পুরোহিত।

পাকা বলে, কেমন আছেন পুরত ঠাকুর ?

কেউ পুরত বললে নন্দ ঠাকুরের ভীষণ রাগ হয়, সঙ্গে সঙ্গে দশটা সংস্কৃত শ্লোক আউড়ে প্রায় গায়ের জোরে বুঝিয়ে দেয় যে, সে কুলীন বামুন, পুরত নয়। তবে পাকাকে সংস্কৃত শ্লোক শুনিয়ে দেবার সাহসও নন্দ ঠাকুরের নেই। একবার কটমট করে তাকিয়ে সে পৃথি পড়ে যায়।

পাড়ার দশ-বারোটি মেয়ে-বউ বসবার এত জায়গা থাকতে এককোণে ঘেঁষাঘেঁষি গাদাগাদি করে বসে পাঁচালি শুনছে। তারা যেন জমাট বাঁধতে চায়, একেবারে মিশে গিয়ে দলা পাকিয়ে যেতে চায় পরস্পরের সঙ্গে। পরনে মোটা শাড়ি, তবু যেন শুধু আঢাকা গায়ের চামড়াই সম্বল করে এসেছে পাঁচালি শুনতে, প্রসাদ পেতে। লজ্জায় তাই যেন পর্দা খুঁজছে সবার মধ্যে, তারাই সকলে যেন তাদের প্রত্যেকের বোরখা।

কেন ? পাকার মনে জিজ্ঞাসা জাগে। দশজনের মধ্যে মিলিয়ে মিশিয়ে নিজেকে একেবারে লোপ করে দিতে চায় কি ? এ তো লজ্জা নয়, এ নিছক ভয়, হাড়মাসে জড়ানো ভীন্ত্রতা। একটি রাখাল যেন হাতের লাঠি উঁচিয়ে আছে, গোরু ছাগলের পাল ঠেলাঠেলি করে ঘেঁষে এসে বাঁধছে দল।

ফলমূল বাতাসা নারকেলের সন্দেশ আর শিমি—তারা সকলে খুশি হয়ে খায়। খিদেও পেয়েছিল। উঠানে পূজা, প্রসাদ ঘরে নেওয়াও বারণ। শনি বোধ হয় খুশিই হয়েছে আজ শনিবারের সন্ধ্যায় অনেক ঘরে এ রকম পূজা পেয়ে—পূজা দেবে অথচ পূজার প্রসাদ ঘরে নিতে শিউরে উঠবে এটা তো আসলে অবজ্ঞা নয়, ভয়েব পূজা। এ রকম ভয়ের পূজায় মানুষও খুশি হয়, দেবতার তো কথাই নেই, মানুষের দেবতা তো মানুষেরই বানানো। নলিনী দারোগা বাড়ির সামনের পথ দিয়ে হাঁটুক তাও কেউ চায় না, সে সাপ, সে মারী,—তাতেই নলিনীর কত আনন্দ ! ছড়ি ঘুরিয়ে হেলেদলে চলন দেখলেই টের পাওয়া যায়।

শনিবারে শুধু পূজা পেয়েই খুশি।

কাড়াকাড়ি করে তারা প্রসাদ খায়, হাসি আনন্দে হালকা হয়ে যায় বিপজ্জনক দেবতার ভয়র্ত পূজার কৃত্রিম থমথমে ভাব। তিনুর সুখ বুকের মধ্যে উথলে মুখে হয়ে থাকে একগাল হাসি। শুধু পাঁচু একটু বিষণ্ণ মনমরা হয়ে যায়।

বলে, আমাদের বাড়ি প্রত্যেক শনিবারে শনিপূজা হয়। প্রত্যেক পূর্ণিমায় সত্যনারায়ণ পূজা। তাদের সামনেও তিনুর মা ঘোমটা দিয়েছে। বকবকে মাজা গ্লাসে জল এনে দেয় তিনুর বিধবা দিদি, আধহাত ঘোমটায় মুখ ঢাকা কিন্তু পিঠে বুকের পাশে কাপড় নেই। তিনুর বুড়ি পিসি মেয়েদের প্রসাদ দেয় হাতে হাতে। পাঁচু উৎসুক চোখে চেয়ে চেয়ে দ্যাখে। তাদের গায়ের বাড়িতে হয়তো এমনি প্রসাদ বিতরণ চলছে।

সে আবার বলে, পাকা, যাবি ?

কোথা ?

মোদের গায়ের বাড়ি ? আমি আজ যাব, সাথে আয় না ?

বলতে বলতে পাঁচু উৎসাহিত হয়ে ওঠে, আমি গিয়ে যদুকাকাকে বলি, তুইও চট করে বাড়ি গিয়ে সাইকেলটা নিয়ে আয়। তাড়াতাড়ি রওনা দিলে সাইকেলে বারোটা নাগাদ পৌঁছে যাব।

তোর সাইকেল কই ?

একটাতেই হবে। একজন রডে বসব, তুই একবার চালাবি আমি একবার চালাব।

তা হয়। সাইকেলও আর একটা জোগাড় করা যায় সহজেই। আবছা চাঁদের আলোয় জনহীন পথে ষোলো মাইল সাইকেল চালিয়ে গিয়ে মাঝরাতে নিঝুম গায়ে একজনের বাড়িতে ওঠা, অচেনা গায়ে ঘুরে অজানা লোকের সঙ্গে মিশে একটা দিন কাটানো,—মনে টান লাগে পাকার। কিন্তু অনন্তমামার কাল বিকালের গাড়িতে চলে যাবে। নতুন মামির সঙ্গে এখনও দেখা হয়নি। পাঁচুর সঙ্গে গেলে দেখা হবে না।

পাকা ভাবে, নাইবা হল দেখা ! তাকে কিছু না জানিয়ে নতুন মামি এসেছে কলকাতা থেকে, তা সে আসুক। হয়তো সময় ছিল না চিঠি লেখার, হয়তো ছল করেই জানায়নি। কিন্তু কাল সন্ধ্যায় ওরা পৌঁছেছে, সারাদিনের মধ্যে একবার কি নতুন মামি আসতে পারত না তাদের বাড়ি ? অনন্ত মামা

দুবার এল। স্কুল কামাই করে সে পথ চেয়ে কাটাল সারাটা দিন। নিজে থেকে সে কালও যাবে না দেখা করতে। কিন্তু কাল যদি নতুন মামি আসে ? আটুলিগাঁ চলে গেলে যদি দেখা না হয় তার সঙ্গে ?

মন্দ কী হয় ? নতুন মামি টের পায় তার জন্য কিছুমাত্র মাথাব্যথা নেই পাকার। প্রায় দুবছর পরে কাছাকাছি এসেছে দুজনে কিন্তু পাকার কাছে সে এতই তুচ্ছ যে তার সঙ্গে দেখা না করেই বন্ধুর বাড়ি চলে গেছে আটুলিগাঁ।

না, তা হয় না। যেচে গিয়ে দেখা না করুক, একেবারে শহর ছেড়ে চলে যাওয়া যায় না। এমন তো হতে পারে যে নতুন মামিও সারাদিন আশা করে বসে ছিল পাকার পথ চেয়ে ! তাদের এ বাড়িতে এত লোকের ভিড়, নতুন মামি এলেই বাড়ির সবাই তাকে ঘিরে ধরবে, পাকার সঙ্গে দুদণ্ড কথা বলার সুযোগ মিলবে না। তার চেয়ে এটা বুঝে পাকা যদি তার কাছে যায়, বেশ হয় তা হলে—এ কথা যদি ভেবে থাকে নতুন মামি ?

ভাবতে ভাবতে নিজের ওপর চটে যায় পাকা। নিরিবিলি তার সঙ্গে কথা বলার আশায় তার পথ চেয়ে বসে থাকতে গরজ পড়েছে নতুন মামির ! সব তার মনগড়া ছেলেমানুষি। নতুন মামি কি খবর দিয়ে ডেকে পাঠাতে পারত না তা হলে ? অনন্ত মামাকে বলে দিতে পারত না তাকে যেতে বলতে ? তবু, কালকের দিনটা শুধু নতুন মামি আছে এখানে। শহর ছেড়ে একেবারে আটুলিগাঁ চলে যাওয়াটা ঠিক হবে না।

কী ভাবছিস ? পাঁচু ধৈর্য হারায়।

না ভাই, আমার যাওয়া হয় না। আর এক শনিবার যাব। তোর বুঝি মন কেমন করছে বাড়ির জন্যে ?

না—পাঁচু অস্বীকার করে।

আমার সাইকেল নিয়ে তুই যেতে পারিস।

পাঁচুর সাইকেলের লাইট নেই। মফস্বলের শহরে আবার সাইকেলের লাইট, অমাবস্যার অন্ধকারেও তারা চেনা রাস্তায় বন্বন্ব সাইকেল চালায়। তবে শহরের বাইরে রাস্তাটা বড়ো খারাপ। নিজের টর্চটা সে পাঁচুকে দেয়। পাঁচুর উৎসাহে একটু ভাটা পড়েছে মনে হয়। শেষ মুহূর্ত পর্যন্ত সে ইতস্তত করে পাকা না গেলে একা যাবে কী না ! তারপর হঠাৎ বুঝি আটুলিগাঁয়ে মা-মাসি ভাই-বোনের মাটির দেয়াল টিনে-চাল নিকানো উঠানে ধান-খড় গোয়ালগন্ধি নীড়টির জন্য প্রাণটা আবার আনচান করে ওঠে তার।

আচ্ছা আমি চললাম—বলেই সে জোরে হাঁটতে আরম্ভ করে দেয়। মনে হয় যেন ছুটছে। কতক্ষণে কাকার বাড়ি পৌঁছে সাইকেলে গায়ের দিকে রওনা দেবে।

তিনু বাড়িতে রয়ে গেল। থমথম করছে পাকার মন। ভিতরের অস্থিরতা আরও বেড়েছে। কী শাস্ত চারিদিক, শহর কেমন ঘুমন্ত ! রাত বুঝি নটাও বাজেনি। ঝিঝির ডাক আর অনেক দূর থেকে ভেসে আসা কুকুরের চিংকার। কাঁচাপাকা বাড়িগুলিতে লালচে আলোয় মানুষ জেগে আছে, সাড়াশব্দ নেই, মড়ার মতো চুপচাপ। একটা কিছু করার জন্য সে কিছু ভেতরে ভেতরে ফেটে পড়ছে। হইটই লাফালাফি হাসাহাসি দুর্গম দুর্বলপনা নয়, অন্য কিছু, খাপছাড়া কিছু, নতুন কিছু। নয়তো নদীর বালিচড়ায় গিয়ে বসে প্রাণ খুলে গান গাওয়া। যদিও ও সব কিছুই ভালো লাগবে না। সে জানে, ভালো লাগবে না। বাড়িতে থাকলে কবিতা লিখত। তাও ভালো লাগত না। কাল রাত্রে ভালো লেগেছিল, ইচ্ছা হয়েছিল কবিতা লিখতে। প্রথম কটা লাইন গড়গড় করে এসেছিল, ভাবতে হয়নি, মনে হয়েছিল চমৎকার হয়েছে কবিতাটা। সকালে উঠে ভালো লাগেনি।

তাতে আপশোষ নেই। কেউ তো আর পড়ছে না তার কবিতা, সে নিজে ছাড়া।

নরেশ ঘা খাওয়ার পর আরও জেঁকের মতো পাকার সঙ্গে লেগে আছে।

কানাইকে চুপিচুপি পাকা বলে, ওকে ভাগা দিকি।

কানাই বলে, ভাগাচ্ছি।

তাদের কানে কানে কথা বলতে দেখে নরেশ সন্দেহের চোখে তাকায়। জানবাজারের দিকে এগিয়ে চলতে চলতে একটু পরে কানাই তাকে বলে, এবার তুই কেটে পড় নরেশ। বাড়ি যা।

কেন ?

বাড়িতে বকবে তো তাকে।

তোরা কোথা যাবি ?

আমরা একটু তাস পিটোতে যাব এক জায়গায়। সেখানে তোর যাওয়াটা—

এটা সত্যি সত্যি কানাইয়ের কথা হলে নরেশ গায়ে মাখত না। একটু ক্ষুণ্ণ হয়ে কেটে পড়ত। কিন্তু পাকা কানে কানে মন্ত্রণা দিয়েছে কানাইকে। স্ফোভে দুঃখে অপমানে সে যেন ফেটে পড়ে, কথা জড়িয়ে যায় তার জিভে।

তোর সঙ্গে কোনোদিন যদি আর কথা বঁজি পাকা...

আমি তোর কী করলাম ? থাকতে চাও সঙ্গে থাকো। কিন্তু বারোটা বেজে গেল, একটা বেজে গেল বলে জ্বালাতে পারবে না।

নবেশ যেন কেঁদে ফেলবে। পরক্ষণে সে ছুটে চলে যায় মোড়ের দিকে।

কানাই কিছু বল না। বুড়োর মতো বুড়োর মতো, তার ধৈর্য সময় সময় নার্দাস করে দেয় পাকাকে। বন্ধু যদি তার কেউ থাকে এ শহরে, সে কানাই। একমাত্র সে-ই তার মুক্তি ও অনুগত সাথি নয়, সমান বন্ধু। সবচেয়ে প্রাণ খুলে শধু ওবই সঙ্গে সে মিশতে পারে। তবু সময় সময় ওর সঙ্গে তার বিরক্তিকর লাগে। মনে হয় তার প্রায় সব রকম পাকামিতে যোগ দিলেও দিচ্ছে আলগা আলগোভাবে, সব বিষয়ে সে যেন খুব সংযত, ভাবী শক্তি তার ভেতরটা।

৩

মোড়ে বনমালীর চায়ের দোকানটার দিকে এগোতে এগোতে পাকা নিজেই অনর্গল কথা বলে যায়।

চায়ের দোকান তখন প্রায় ফাঁকা হয়ে এসেছে। ভিড় হয় সকাল ও সন্ধ্যার দিকে। তেরচা করে আটকানো কাঠের পায়ায় বসানো সাদাসিদে তক্তা হল চায়ের টেবিল, পালিশ পর্যন্ত করা হয়নি। সব লম্বা বেঁধেটার কোণের দিকে বসে ছিল একুশ-বাইশ বছরের একটি ছেলে। পাকা তার মুখ চেনে, নাম জানে, কিন্তু পরিচয় নেই। তার নাম অমিতাভ, কলকাতায় কলেজে পড়ে। সিন্ধের মতো মিহি একরাশি চুল, চওড়া কপাল, মাঝখানে খাঁজকাটা চ্যাপটা মোটা চিবুক। ওকে দেখলেই পাকার মনে হয়, কাঁচা বয়সের সাধারণ একটি মুখ শুধু ওই চওড়া কপাল আর খাঁজকাটা চিবুকের জন্যই এমন আশ্চর্য রকম দৃঢ়তা আর কাঠিন্যের বাঞ্ছনা পেয়েছে।

কানাই বলে, কখন এলে অমিতদা ?

আজ সকালে। তুমি ভৈরববাবুর ভাগনে প্রকাশ, না ?

ঘাড় হেলিয়ে সায় দিয়ে প্রকাশ ওদিকের বেঞ্চে গিয়ে বসে। কারও কাছ থেকেই গায়ে-পড়া দাদা তার ভালো লাগে না। সে অমিতাভই হোক, আর কালীনাথই হোক।

বনমালী ! দুকাপ চা।

কানাই এসে পাশে বসলে পাকা কথা বলে যায়, আগের কথারই জের টেনে। এটার কেন, ওটার মানে, সেটার কারণ। এই বয়সেই জ্ঞান আর অভিজ্ঞতার যেন সীমা পরিসীমা নেই তার। সংসারে সব সে জেনে গেছে। মেয়েদের পর্যন্ত ! একটানা বলে যায়, কানাইকে শোনাচ্ছে না নিজেকে শুনিয়ে বলছে, নিজের কাছে কথাগুলি সাজিয়ে গুছিয়ে ধরে নিজেই ভালো করে বুঝবার চেষ্টা করছে,

ঠিক বোঝা যায় না। নিজের কথা বলতে বলতে সে টেনে আনে ভদ্র জীবনের অজস্র ফাঁকি মিথ্যা ও নোংরামির কথা আর হঠাৎ শুরু করে যৌন-বিজ্ঞান।

পাকার এই পাকামি ছেলেদের কাছে তাকে প্রায় মহাপুরুষ করে দিয়েছে। গোপনে গোপনে কথা তারাও বলে—এত বেশি বলে যে শুনলে বড়োরা থ বনে যেত। বড়ো হয়ে মানুষ ছেলেবেলার কথা ভুলে যায়। মেয়ে-পুরুষের রহস্যময় ব্যাপার এবং তার নানাবকম বিকার নিয়ে কিছু জানা কিছু শোনা আর বানানো আলাপে ছেলেরা পারিবারিক জীবনের কত দৈন্য আর কৃত্রিমতা যে ফুটিয়ে তোলে ! ফ্রয়েডীয় অপব্যাক্যার বদলে সামাজিক মানে খুঁজলে ভদ্রসমাজকে মাথায় হাত দিয়ে বসে পড়তে হত।

পাকার গোপনতা নেই, যেন কৌতূহলও নেই। প্রাণের বন্ধুর সঙ্গে চুপিচুপি যে আলাপে অন্যের মুখ লজ্জায় রাঙা হয়ে যায়, তার দশগুণ নিগূঢ় কথা পাকা নির্বিচারে বলে যায়। যেন, শুধু জানে বোঝে নয়, জানা বোঝারও অনেক উর্ধ্বে উঠে গেছে।

কানাই বলে, নরেশকে নিয়ে এত কথা কেন ? ও রকম কত ছেলে আছে।

আছে বলেই তো।

তোর এত মাথা ব্যথা কেন ?

ছেলেরা বিগড়ে যাবে, মাথা ব্যথা হবে না ?

কী করবি তুই ? নিজে খাঁটি থাকলেই হল।

না। যতটুকু পারি করব। একটা ছেলেকেও যদি বাঁচাতে পারি সেটা কি কম হল ?

যেমন নবেশকে বাঁচিয়ে মানুষ করছিস ? যতক্ষণ ভালো লাগবে ততক্ষণ পা চাটতে দিবি, খুশি হলে তাড়িয়ে দিবি। এমন করে যদি ছেলেদের মানুষ করা যেত, কালীদাকে একটা ছেলে তৈরি করতে এত কাণ্ড করতে হত না।

পাকা বড়োর মতো হাসে।

কালীদা বেছে বেছে মনের মতো ছেলে নিয়ে ক্লাব করেছেন। একটু দুর্বল ছেলে এলেই সে বাতিল। এই ছেলেদের কী হবে ? এদের অ্যাবনরম্যালিটি এদের গোপনায় নিয়ে যাচ্ছে যে ? এদের যদি কিছু করতে পারতেন কালীদা, বন্যর্তাম।

অমিতাভ শুনছিল। পাকারও তা অজানা নয়। কানাই গম্ভীর হয়ে বলে, এদের জন্যই করছেন কালীদা।

তাই এত বাছবিচার ? এত কড়াকড়ি ?

হ্যাঁ, তাই এত এত বাছবিচার, এত কড়াকড়ি। তুই ভাবছিস একটি দুটি ছেলের কথা, তোরা দু-একজন বন্ধুর কথা, কালীদা ভাবছেন সব ছেলের কথা, সারা দেশের সমস্ত মানুষের কথা। দেশটাই অ্যাবনরম্যাল, তুই ক-টা ছেলের অ্যাবনরম্যালিটি ঘুচাবি ?

পাকা চুপ করে থাকে। কানাই বড়োর মতো কথা বলছে। কালীদার মতো।

কানাই বলে, দেশ স্বাধীন না হলে ভালো শিক্ষার ব্যবস্থাও হয় না, কিছুই হয় না। বাছা বাছা ছেলে নিয়ে গড়তে পারলে তারাই দেশকে স্বাধীন করতে পারে। কালীদা তাই—

অমিতাভ ডাকে, কানাই !

কানাইয়ের গলা চড়ে গিয়েছিল। ভালো লাগছিল পাকার তাকে দেখতে ও তার কথা শুনতে। অমিতাভ নাম ধরে ডাকতেই কানাই থেমে যায় ; চায়ের দোকানে লোক ছিল না তবু কালীনাথের নাম ধরে এত জোরে এ সব কথা বলা উচিত হয়নি, পাকাও এটা বুঝতে পারে। অমিতাভ যেভাবে সতর্ক করে দেয় আর কানাই অপরাধীর মতো থেমে যায়, সেটা আশ্চর্য করে দেয় পাকাকে। সে বুঝতে পারে, কানাই তার চেয়ে অনেক বেশি জানে কালীনাথদার সম্পর্কে। এতদিন এটা ঘুণাক্ষরে টের পাওয়া যায়নি।

অমিতাভ বলে, কানাই, কাল আমার একটা সাইকেল ভাড়া চাই ভাই—সারাদিনের জন্যে। সাইকেল ভাড়া চাই ? আচ্ছা।

একটু চূপচাপে কাটে। হঠাৎ উঠে দাঁড়িয়ে কানাই বলে, চলি।

পাকার সঙ্গে যে তার ভালো লাগছে না, সহ্য হচ্ছে না, সেটা একরকম স্পষ্ট ঘোষণা করেই কানাই পা বাড়ায়। তাকে শুনিয়ে পাকা হাঁকে, বনমালী, আর এক কাপ চা দেবে বাপধন ?

অমিতাভ উঠে এসে তার পাশে বসে।—আমাকে এক কাপ খাওয়াবে ভাই ?

এবার আর মনে হয় না অমিতাভ দাদাত্ব করছে। সহজ সাধারণভাবে আলাপ করে, পাকার মামাদের কথা জিঙ্কেস করে, শহরের দু-একটা সাধারণ খবর জানতে চায়। প্রসঙ্গক্রমে জানায় যে কালীনাথের কাছে পাকার কথা সে শুনেছে। নয়নতারা ক্লাবের ব্যাপারটা মন দিয়ে শোনে। তার সঙ্গে অমিতাভের ভাব করার আগ্রহটা পাকা টের পায়। সে খুশি হয়।

বাড়ি যাবে না ? চলো একসঙ্গেই যাই কোতোয়ালি পর্যন্ত।

আপনি এগোন। আমার মনটা ভালো নেই।

দুই

এখনও বাড়ি যেতে মন চায় না।

হইচই কাণ্ডকারখানা কম হয়নি সারাদিন, ঢং ঢং করে কোতোয়ালির ঘড়িতে রাত দশটা বাজল। অস্থিরতা ছটফটানি ছড়িয়ে দেওয়া সারাদিনেও কুলোতে পারা যায়নি, রাতে এসে ঠেকল। একেবারে যেন দম আটকে আসছে, তাই দিশে হারিয়ে মুক্তি চেয়ে দিনরাত্রি একাকার করে দিচ্ছে। শ্রান্তি নেই, তৃপ্তি নেই কিশোর দেহ-মনটার। কিশোর বলেই বোধ হয়, একটু বেশি বয়স হলে বুড়োদের চালচলন এবং মন ঠান্ডা আর শাস্ত রাখতে হাওয়ায় ফাঁপানো নীতির দাওয়াইয়ে ভক্তি জন্মে যেতে পারত। একা হয়ে যেন আরও বেড়েছে অজানা উদ্বেগ, অবোধা চাপ।

বটগাছটার তলে একদল পশ্চিমা মজুর ঢোল করতাল বাজিয়ে একটানা গেয়ে চলেছে সা-রা-রা-রা, সা-রা-রা-রা, তাও যেন একটা প্রচণ্ড উদ্দীপনা হলেও হয়ে উঠতে পারত কিন্তু কেন যেন হতে পারছে না। কোথায় রহস্য আছে, রোমাঞ্চ আছে, আছে জীবনের নিষিদ্ধ অসঙ্গত প্রকাশ—খুঁজে বার করো, দ্যাখো, জানো, বোঝো, ভয় করুক, গায়ে কাঁটা দিক, অস্তিত্ব উন্মাসে ভরে যাক হৃদয় মন।

একা হলেই সবার কাছে পাকা অপরাধী হয়ে যায় এই তাগিদের জন্য। এ অন্যায়। কোনো ছেলের মতিগতি এমন নয়, বড়ো তার বাড় বেড়েছে। বাড় বেড়েছে বাড় বাড়বে বলে, বড়োলোক না হয়ে ছোটোলোক হতে চেয়ে বাড়বে বলে। গুনগুনিয়ে গান গেয়ে তাই এগিয়ে যায় বাজারের পাশের রাস্তা ধরে।

কী হবে বাড়ি গিয়ে ?

নতুন মামি যদি এসেও থাকে বেড়াতে বিকালের দিকে, অনেক আগেই নিশ্চয় ফিরে চলে গেছে। বাড়ি গিয়ে শুধু বিক্রী মন কেমন করা, গুমরানো কান্না যেন গলায় এসে ঠেকে রয়েছে, নামবে না। ও বিবাদকে ষড়ো ভয় করে পাকা, ঠিক যেন মা মরে যাবার ভয়ানক দিনগুলিকে আবার অনুভব করে।

মরিয়্য হয়ে সে খারাপ পাড়ায় যায়।

এ মন্দ কী, হোক অন্যায়। পাড়ায় ঢুকবার আগে থেকেই উত্তেজনায় তার বুক কাঁপছে। আজকের সঙ্গে সেদিনের মজা দেখতে আসার তুলনা হয় না। সেদিন এসেছিল সন্ধ্যার আগে, তখনও দিনের আলো ছিল। আজ রাত দশটা বেজে গেছে। এ সব পাড়ার আসল যা পরিচয়, নাচগান বাজনা, মাতলামি গুন্ডামি, মারামারি খুনজখম, সে তো শুরু হয় বেশি রাতে। অনেক দিন থেকেই মনে মনে ঘুরপাক খাচ্ছিল সাধটা, বেশি রাতে একবার এসে দেখে যাবে এই ভয়ংকর রহস্যপূরীর কাণ্ডকারখানা, যেখানে রাত কাটানোর অপরাধে তার সেজোমামাকে ভৈরব দূর দূর করে বাড়ি থেকে তাড়িয়ে দিয়েছে, যেখানে যাতায়াত করে বলে পরমেশবাবুকে পাড়ার লোকে এত ভয় আর ঘৃণা করে। সবু সবু আঁকাবাঁকা গলি, আবছা অন্ধকার, গা ছমছম করে। দূরে দূরে থামের মাথায় টিমটিমে তেলের বাতি, আলো দেয় না, প্রমাণ দেয় না যে শহরে মিউনিসিপালিটি আছে। সেটা দখল করবার জন্য দুদিন বাদে ভৈরব আর ভুবনের মধ্যে লড়াই লাগবে। পান সিগারেটের দোকানের আলোগুলি তেজি, দু-একটাতে আবার ডে-লাইট টাঙিয়েছে। কোনো কোনো বড়ো বাড়ির সামনে রোয়াকে বা ভেতরে ঢুকবার প্যাসেজে সেজেগুজে মেয়েরাও এসে দাঁড়িয়ে আছে ডে-লাইটের আলোয়, তবে বেশির ভাগই টিমটিমে লষ্ঠন। তেমন যেন সরগরম নয় আজ পাড়াটা, সেদিন সন্ধ্যায় যত দেখেছিল মেয়েগুলিও যেন তার চেয়ে সংখ্যায় অনেক কম। এবাড়ি ওবাড়িতে তবলা হারমনিয়মের সঙ্গে গান চলছে, নাচের আওয়াজও পাওয়া যায়। হইচই হুল্লোড়ের শব্দ শুধু এল একটা বাড়ির ভেতর থেকে, তাও অল্প লোকের সামান্য গলাবাজি। রাস্তায় লোকও চলাচল করছে কম। একটু দমে যায় পাকা, তার আগ্রহ আর উত্তেজনা কিমিয়ে আসে।

হঠাৎ বুকটা তার ধড়াস করে ওঠে তারই বয়সি একটি ছেলের মুখোমুখি হয়ে। ছেলেটি বেবিয়ে এসেছে পাশের বাড়ির দরজা দিয়ে। সেখানে পানের দোকানের আলো ছিল, চেনাচেনি হয় তৎক্ষণাৎ। সাবজজ তুষারবাবুর ছেলে অবনী। বয়সে তার চেয়ে অনেক বড়ো একজন যুবক সঙ্গে আছে। সিন্ধের জামা গায়ে লুচা আর ফুলেল ধরনের মেশানো বাবুবেশ। তুষারবাবু নামকরা কৃপণ। তাদের কুলেই ফার্স্ট ক্লাসে পড়ে অবনী। সঙ্গী যুবকটি পাকার অচেনা। কয়েক মুহূর্ত ভয়ারত চোখে বিহুলের মতো পাকার দিকে চেয়ে থাকে অবনী, তারপর হনহন করে চলতে আরম্ভ করে তার পাশ কাটিয়ে। বুকের ধড়ফড়ানি কমে পাকার। না, সে ভয় নেই, অবনী কিছু প্রকাশ কববে না। নিজেকে বাঁচাবার জন্যই ওকে চূপ করে থাকতে হবে। কিন্তু এই বয়সে ছেলেটা এমন লিগড়ে গেছে, এই মাতাল বদ সঙ্গীর সঙ্গে এতদূর গড়িয়েছে তার অধঃপতন? একটা ঝাঁকি লাগে পাকার মনে, একটা সে বিস্ত্রী অস্বস্তি বোধ করে। এ তার নতুন অভিজ্ঞতা, নতুন আবিষ্কার, নতুন জ্ঞান। ছেলেরা বদ অভ্যাস শেখে তা সে জানত এবং বিশ্বাস করত ওইখানেই সেটার সীমা। এই বয়সে বাজারের মেয়েমানুষ যে দরকার হতে পারে কোনো ছেলের, এ ধারণাও তার ছিল না এতকাল।

বাঁয়ের একটা গলিতে বেকে দু-পা এগিয়ে যেতে ডাক শোনে, কী গো! ফিরেও তাকাবে না? বাড়িটা চিনতে পারত না পাকা, মেয়েটিকে মনে ছিল। বেশ মোটাসোটা গোলগাল চেহারা, কপালের আধখানা ঢেকে পাতা কেটেছে, আজও সেদিনকার সেই নীলাম্বরী শাড়িখানাই পরনে। মানুষের মন ভুলাতে দেহটা সাজাবার জন্য ওই শাড়িখানাই বোধ হয় ওর সম্বল। শাড়িখানা দিয়ে দেহ সাজিয়ে এতদিন মানুষের মন ভুলিয়েও দ্বিতীয় আর একখানি মানুষের মন ভুলানোর শাড়ি জোগাড় করতে পারেনি। সেদিন ঘরের যে অবস্থা দেখেছিল তাতেও সে কথাই মনে হয়।

ভুলে গেছ? চিনতে পারলে না?

আজ টাকা আনিনি।

একটা টাকা, তাও সাথে নেই? মেয়েটি হাসে, আচ্ছা, আট গন্ডাই আজ দিয়ো তুমি।

দাঁড়াও, দেখি।

পকেটের পয়সা গুনে দেখে পাকা মেয়েটির সঙ্গে ভেতরে যায়। সেদিন ওর ঘর দেখে কী রকম হতাশ আর আশ্চর্য হয়ে গিয়েছিল স্পষ্ট মনে আছে। সব কল্পনা ভেঙে চুরমার হয়ে গিয়েছিল। জীবটা সৃষ্টিছাড়া, জীবন সৃষ্টিছাড়া তার আস্তানাও হবে খাপছাড়া উদ্ভট ধরনের কিছু, কখনও যেমনটি সে চোখেও দেখেনি, ভাবতেও পারেনি। তার বদলে ঝি-শ্রেণির একজন গরিব মেয়েলোকের সাধারণ নোংরা গেরস্থালি ঘর দেখে থ বনে গিয়েছিল পাকা। তাছাড়া, সেদিন লজ্জা সংকোচ অস্বস্তিতে সে একটু নার্ভাস হয়ে গিয়েছিল, বারবার শুধু এই কথাটাই মনে হচ্ছিল যে মেয়েটা মনে মনে নিশ্চয় ভাবছে : আমি ওর দিদির বয়েসি, আমার কাছে ছোঁড়া এয়েছে পিরিত করতে ! শুধু পালাই পালাই করছিল সেদিন মনটা, আস্ত একটা টাকা খরচ করেও ভালো করে দুটো কথা কয়ে রহস্য জগতের এই খাপছাড়া প্রাণীটিকে একটু জানবাব চিনবার সুযোগটা কাজে লাগাতে পারেনি। ঘরটা যেমন হোক, মানুষটা কি উদ্ভট হতে পারে না ?

পয়সা হাতে দিতে হয় ঘবে ঢুকেই। মানুষ এদের ঠকায়, নিশ্চয় ঠকায়, নইলে ভদ্রঘরের ছেলেকে এত অবিশ্বাস কেন ? কী ভয়ানক ! এদেবও মানুষ ফাঁকি দিতে পারে !

তোমার নাম কী ?

ও বাবা ! সেদিনেব শোধ তুলবে বুঝি আজ ?

সে পেঁচিয়ে পেঁচিয়ে হাসে, মোব নাম বিমলি। তোমাব নামটা শুনি ?

সাঁওসেতে ঘর, ধোঁয়াটে গন্ধ। নোংরা ময়লা ঘব, অথচ বাসন ক-টি কী ঝকঝকে করে মাজা, প্রদীপেব শিখাটা চকচকে, যেন পিলসুজ বেয়ে লম্বিয়ে উঠেছে, মেঝেতে গর্ত থাক, এককণা ধুলো নেই, নিকানোর চিহ্নটা স্পষ্ট। উই-পবা পায়ী তজ্ঞাপোশেব, তুলো-নড়া ছোঁড়া তোশক বলেই চাদব টান কবে পেতেও এবড়ো-খেবড়ো ভাবটা ঘোচানো যায়নি, কোনার দিকে একটু বেরিয়েও আছে তেলচিটে ছোঁড়া তোশক, কিন্তু সাবান-কাচা পরিষ্কার চাদরটি।

বাবা কী করেন ?

বিমলি আজ খালি প্রশ্ন কবছে। বিমলিকে তাব জানবাব চিনবার কৌতূহলের চেয়ে যেন তার ঘর-সংসার আপনজনদের কথা জানবাব আগ্রহ বিমলিবই বেশি। তার বাড়ির অবস্থাটা বিমলি আঁচ করতে চায়, পাকা বোঝে। সে ছেলেমানুষ, বোজগার কবে না, বড়োলোকের ছেলে হলে হয়তো কিছু বাগাবার ভবসা থাকবে। ছেলেমানুষকে ভোলানোও হবে সহজ। তাকে সরল, লাজুক, ভালো ছেলে বলে জেনেছে বিমলি। একটু ভীৰুও হয়তো ভেবেছে। মেয়েদের সঙ্গে কারবার করতে জানে না, একেবারে অভিজ্ঞতা নেই, ঠাহর করে নিয়েছে। তাই তার মন ভোলাতে কথা কইছে আদুরে সুরে, হাসি তামাশায় তাকে ভবসা দিচ্ছে, চং করছে, নিজেকে দেখাচ্ছে।

ইস, আশায় পেয়েছে ওকে, আশা ! আট গন্ডা পয়সা পেয়েছে মোটে তার কাছে, কিন্তু আশা করছে ভবিষ্যতের ! বয়স কম হয়নি, কতকাল ধবে কত মানুষের কাছে কত আশা করে করে এসেও এ পর্যন্ত ঝি-চাকরানির চেয়ে অবস্থা ভালো হয়নি, আজ অল্পবয়সি নতুন রকমের একটা মানুষ পেয়েই ফের ভীষণভাবে আশা করতে শুরু কবেছে ! ও কি সতাই এমন বোকা যে ভাবতে পারছে তামাটে রঙের ওই গোলগাল শরীর, ওই তেলচিটে মুখ নিয়ে তাকে ভোলাতে পারবে ?

ধাঁধার মতো লাগে ব্যাপারটা পাকার কাছে। মানে বুঝে উঠতে পারে না বিমলির ব্যবহারের। এদিকে রাত বাড়ছে। তাগিদ বাড়ছে আট গন্ডা পয়সায় ভাড়া খাটা শেষ করার।

ভূমিকা শেষ করে হঠাৎ বিমলি যে ব্যবহার করে তার বীভৎসতার ধাক্কায় রাস্তায় ছিটকে বেরিয়ে যেতে হয়, হতবুদ্ধি ভাবটা একটু সামলে নেবার পর সাম্প্রতিক ধাঁধাটার একটা জবাব মনে আসে পাকার। মনের জিজ্ঞাসার জবাব টেনে আনাটা তার স্বভাব। ছেলেবেলা থেকে মনটা তার 'কেন'র পোকায় ভরতি, ছোটো-বড়ো সাধারণ-অসাধারণ সব ব্যাপারেই সে জিজ্ঞাসু, যখন যে

'কেন'টা মাথা চাড়া দিয়ে ওঠে তার একটা লাগসই ব্যাখ্যা খুঁজে বার না করলে তার চলে না, মানসিক অসাধ্য সাধনের চেষ্টায় শরীর খারাপ হয়ে যায়।

কয়েক আনা পয়সা অবশিষ্ট ছিল, দু-পয়সা দিয়ে দুটো সিগারেট কিনে একটা ধরিয়ে সে ভাবে, বিমলির আশা হয়তো একেবারে অর্থহীন পাগলামি নয়। এ রকম হয়তো ঘটে সংসারে। তারই মতো ভদ্র ভালোমানুষ হয়তো বিমলির মতো কুৎসিত কদর্যতা চায়। হয়তো কেন, চায়। মনোবিজ্ঞানের বইয়ে সেও তো পড়েছে এ কথা। সে তো জানে কয়েকজন শ্রদ্ধেয় ভদ্রলোকের কাণ্ড। স্বাধীনতার সংগ্রাম ভাঙিয়ে খাবার ব্যবসায়ের রত বিখ্যাত পত্রিকায় দেশের মুক্তি-সাধনার সংগ্রামের সংবাদ, দেশপূজা নেতাদের নড়াচড়া চলাফেরা কথা বলার সংবাদ থাকে, আবার ওই কাগজেই আদালতের মকদ্দমার বিবরণে পদস্থ ভদ্রলোকের যে কদর্য কেচ্ছার কাহিনি বার হয় সেগুলি বানানো গল্প হতে পারে না।

তাছাড়া থাকে আদালতে বিচার্য পাশবিক অত্যাচারের কাহিনি। সব ক-টাই অবলা মেয়ে। প্রাইভেট মাস্টারের অট্টালিকায় পড়ার ঘরের নির্জনতায় উঁচু শ্রেণির কচি মেয়ের মন ভুলিয়ে এবং পাটের খেতের পাশে ডোবার ধারে জঙ্গলে নিচু স্তরের কচিবউটাকে টেনে নিয়ে মুখ বন্ধ করে দু-চার-দশজনের পাশবিক ভোগের কাহিনি। স্বয়ং মহাদেবেরই যেন জগৎ-ধর্ষণ!

সে যে আজ এ পাড়ায় এসেছে এত রাতে, বিমলির ঘরে গিয়েছে, তার মানেও কি তাই? নতুনমামিকে সে ভালোবাসে।

এ খাঁটি ভালোবাসা, অতি স্বর্গীয়, খুব পবিত্র। চিরজীবন দূর থেকে মন দিয়ে বিরহের ব্যথায় পূজা করে যাওয়ার ভালোবাসা। তারই প্রতিক্রিয়ায় সে কি আজ এই নোংরামির দেশে এসেছে, পয়সা দিয়ে যেখানে কেনা যায় মেয়েমানুষের সশরীর ভালোবাসা, বিমলির মতো স্ত্রীলোকেরা যেখানে উদ্যত হয়ে থাকে যেচে বীভৎসতম বিকারের তৃপ্তি দিতে?

মাথায় ঝাঁকি দেয় পাকা, কাতরভাবে শুধায় পানওয়ালাকে, লেমোনেড ক-পম্পসা?

উঃ, তৃষ্ণাই পেয়েছিল বটে মরুভূমির পথহারা পথিকের মতো। নইলে এত ভাবে? অন্তত সাতাশ-আটাশ কি ত্রিশ বছর বয়স হবার আগে ও সব জটিল ব্যাপার নিয়ে মাথা ঘামানোর কোনো মানে হয় না, সেটা উচিতও নয়। একা হলেই কেন যে নিজেকে এত কষ্ট দেয় বোবার মতো বড়ো বড়ো কথা ভেবে; জগতে কারও সে ক্ষতি করেনি, করছেও না। ওটুকুই যথেষ্ট।

পাড়া থেকে বেরিয়ে যেতে যেতে আর একজন চেনা ভদ্রলোক চোখে পড়ে। পাকা মুখ বাঁকায়। আর ভালো লাগছিল না। কত রোমাঞ্চ আশা করেছিল, পাড়াটা তাকে বঞ্চনা করেছে। কিছু নেই এখানে, খানিকটা ভেঁতা নিস্তেজ নোংরামি ছাড়া।

এই অজানা জাতকে জানবার জন্য সে উতলা হয়েছিল?

স্টেশনে যাবার রাস্তা।

শহরের দুদিক থেকে দুটি বড়ো রাস্তা বেরিয়ে শহরকে বেড় দিয়ে বৃত্তাকারে এগোতে এগোতে হঠাৎ এক জায়গায় মুখোমুখি মিশে দিক পরিবর্তন করে সিধে চলে গেছে স্টেশনের দিকে। পশ্চিমে নদী, লিটন ময়দান। লিটন ময়দান মাঠ নয়, প্রান্তরের শামিল—রেলপথ ও নদী দুয়েরই দুপাশে অনেক দূর অবধি ছড়ানো। রেললাইন বুক ভেদ করে গিয়ে উঠেছে নদীর পুলে, যেসো মাঠ, পাথুরে ধুসরতা, ঝোপঝাড় শালবন সবই আছে প্রান্তরে, একটি বারনা পর্যন্ত। লিটন ময়দানের শহর-ঘেঁষা

অংশের বিস্তৃতিতে শহরের হাঁকা উপরওয়ালাদের কতকগুলি বাড়ি আর বাংলা ছড়ানো, ফলে ফুলে ভরা বাগান দিয়ে ঘেরা। জজ-ম্যাজিস্ট্রেট রাজা-জমিদার লাখপতি ব্যবসায়ীরা এ সব বাংলায় বাস করেন, ক্লাব করেন, বাগানবাড়ি করেন, নোংরা ঘিঞ্জি শহরের দূরত্ব উপভোগ করেন দিগন্ত পর্যন্ত ফাঁকা দক্ষিণের হাওয়াকে টানা পাখায় নাড়া দিয়ে। এদের এলাকার একপাশে কিছু তফাতে অনেক বেশি ঘেঁষাঘেঁষি করে নতুন ফ্যাশানের কতকগুলি ছোটো-বড়ো বাড়ি উঠেছে সাধারণ বড়োলোক আর মধ্যবিত্ত মানুষের। অনন্তের বাড়িটিই বোধ হয় এই নতুন গড়ে ওঠা অবিমিশ্র দেশি পাড়ায় সবচেয়ে নতুন, সবচেয়ে বড়ো আর সবচেয়ে সুন্দর হবে। অন্য এলাকাটিতেও বাড়িটা বেমানান হত না মোটেই। সামনে বাগান, চুনকাম করা ধবধবে সাদা মানুষ-সমান উঁচু প্রাচীর। দোতলার চারটি ঘরে আলো জ্বলছে।

কোন ঘরে নতুন মামি আছেন কে জানে ?

আলোকিত জানালাগুলির দিকে তাকাতে তাকাতে পাকা সামনের পথ দিয়ে ধীরে ধীরে হেঁটে বাড়িটা অতিক্রম করে চলে যাচ্ছিল, বাগানের শেষ কোণটার কাছে পৌঁছে থমকে দাঁড়াল। ফুলের তীব্র সুগন্ধ তার নাকে লেগেছে একটা মনোরম মাদক আঘাতের মতো। একটা দুটো নয়, অনেকগুলি ভুঁইচাঁপা নিশ্চয় ফুটেছে দেয়ালের ওধারের গাছে, নইলে রাস্তায় এমন গাঢ় হত না গন্ধ যে দম নিতে তার কষ্ট হয়। এত প্রিয় এই গন্ধ তার, অভিজ্ঞতা অনুভূতি স্মৃতির মতো, আনন্দ-বেদনার স্বাদের মতো !

গেট খুলিয়ে গটগট করে বাড়ির ভেতর গিয়ে নতুন মামির সঙ্গে দেখা করা যায়, ফিববার সময় আলো দিয়ে খুঁজে কয়েকটা ফুল পেড়ে সে নিয়ে যেতে পারে অনায়াসে।

কিন্তু ফুলের জন্য হার মানবে নতুন মামির কাছে ? একেবারে প্রমাণ করে দেবে যে, না দেখে আর থাকতে পারল না বলে পাগলের মতো দেখতে ছুটে এসেছে রাত এগাবোটার সময় ?

প্রাচীর ডিঙিয়ে মিনিট দশেক খোঁজাখুঁজির পর দুটি ভুঁইচাঁপা ফুল উপড়ে নিয়ে পকেটে ভরে পাকা আবার রাস্তায় নেবে যায়। নাকের কাছে ফুল দুটিকে একটিবারের জন্যও সে ধরে না। নতুন তাজা ভুঁইচাঁপার গন্ধ শৌকার সে রোমাঞ্চকর রতিও সে বাতিল করে দেয়। বড়ো একা লাগছে। বড়ো বেশি রকম একা লাগছে। কেমন জটিল আর আড়ষ্ট হয়ে আসছে তার নিজের কাছেই নিজের মতিগতির স্বাচ্ছন্দ্য। একাকিত্ব দিয়ে যেন ক্রমাগতই সে জড়িয়ে জড়িয়ে পের্চিয়ে পের্চিয়ে বেঁধে ফেলছে নিজেকে।

জীবনকে মেনেও এ কী অভিশাপ !

নদীর দিকের পথটা অপরিসর, অপরিচ্ছন্ন এবড়ো খেবড়ো। কিছু দূর এগোলে অস্পষ্ট আর একটা গন্ধেরই অনুভূতি জাগে। এগোতে এগোতে বাড়তে থাকে পচা গন্ধের জের। নদীর ধারে কেন্দার ভট্টাচার্যের বেনামি চামড়ার কারখানার গন্ধ এটা। চাংসি নদীতে বর্ষাকালে মাস দুই নৌকা চলাচল করে, তারপর আরও মাসখানেক বজায় থাকে হাঁটুজলের একটা মদু স্রোত। বাকি মাসগুলিতে ভেসে থাকে বালির চর, তার মধ্যে সৃষ্টি হয়ে থাকে পচা বন্ধ জলের পুকুর, দীঘি, হ্রদ। এমনই একটা জলার কাছে করা হয়েছে চামড়ার কারখানা, জলাটা কাজে লাগে। জঙ্গলে আমবাগানটার গা ঘেঁষে কতগুলি অস্থায়ী কুঁড়েঘর, কারখানার কয়েকজন চামারের একটা বস্তু। কারখানা কিছু তফাতে থাকলেও এখানে গাঢ় পচা গন্ধ ম ম করে যেদিক থেকেই বাতাস আসুক। কালচে-মারা কাঠের গুঁড়ো এদিক ওদিক ছড়ানো আছে দেখা যায়, চামড়া পাকানোর কাজে লাগে ওই গুঁড়ো। এই গুঁড়ো বিছিয়ে চলার পথ ওরা নরম করেছে, শত বর্ষাতোও কাদা হয় না।

স্ত্রী-পুরুষ কয়েকজন একত্র হয়ে তখনও চেষ্টামেচি করছিল ফাঁকা আমগাছটার নীচে নিকানো জায়গায় বসে। পচাই গিলে দু-তিনজন কাত হয়ে পড়েছে পচাইয়ের মাত্রা বাড়ায়।

খানিক তফাত থেকেই পাকা টের পায় এদের আজ কোনো পরব ছিল। ধরা-বাঁধা বছর-ঘুরতি কোনো পরব নাও হতে পারে, বিয়ে বা বিয়ে খারিজ বা অপরাধের প্রাচিতির বা অসঙ্গত জন্মকে সঙ্গত করা বা মরণকে মেনে নেওয়ার মতো কোনো ব্যাপার হতে পারে—সবই এদের পরবের মতো পালিত হয়, একভাবে সবাই মিলে পচাই খেয়ে চেষ্টামেচি করে। ঢোলক করতাল বাজিয়ে আওয়াজ তুলে সবাই মিলে এক সুরে এক তালে একটানা সা-রা-রা-রা সা-রা-রা আওয়াজ করে ভ্রমজমাট করবে মেলামেশার পরব, তাও এরা জানে না। শুধু চেষ্টামেচি করে এলোমেলো।

পাকাকে দেখে বুড়ো নাঙি জিভ কাঁপিয়ে একটা উদ্ভট লুয়াউ লুয়াউ আওয়াজ তোলে, আওয়াজ থামিয়ে বলে, পাংলা বাবু এতাম রে !

চূপ থাক্‌ চ্যামনা বুড়ো।—পাকা হেসে বলে।

নিকানো মাটিতে সে বসে পড়ে ধপ করে।

বাস্, সভ্যতার সব দড়ি যেন ছিঁড়ে যায় সঙ্গে সঙ্গে, গিট খুলে যায়, আলগা হয়ে খসে যায় সব বাঁধন। যা খুশি বলুক সে, যা খুশি করুক, কেউ এখানে ভাববে না : ছি ছি, ভদ্রলোকের ছেলে হয়ে—? ন্যাংটো হয়ে সে যদি খেই খেই নাচতেও আরম্ভ করে হঠাৎ, মজা পাবে সকল স্ত্রী-পুরুষ এখানে, হা হা করে হাসবে সকলে, বাবুদের ছেলে বলে তার সম্বন্ধে এদের মনে যেটুকু সন্দেহ ভয় আর অবিশ্বাস এখন আছে, আরও তা কমে যাবে। পাকা দীর্ঘশ্বাস ফেলে। তার মতো অভাগা ছেলে সর্ভা জগতে নেই। এমন দুঃসহ তার জীবন যে জীবনের এই আদিম নিঃস্বতার মধ্যে এসে তাকে হাঁফ ছাড়তে হয় !

কারকি ভাঁড়ে পচাই এনে দেয় পাকাকে, ভাঁড়টা সামনে রেখে পাকার ডান হাতটা তুলে নিজের মুখে গালে বুকে পিঠে বলিয়ে শুধায়, পছন্দ হয় ? মোকে লিবি আজ ? একটা স্তন কারকির মরা, শুকনো। খড়ি-ওঠা কর্কশ গায়ের চামড়া। কিন্তু এমন তার দেহের গঠন, নতুন মক্ষির ভাসুরঝি উষা এত উপোস আর বিশেষ ব্যায়ামের সাধনা দিয়েও যার ধারে কাছে পৌঁছতে পারেনি। কারকিব ছেলেটাকে আছড়ে মেরেছিল পুলিশ সায়েব কার্লটন বুটের ধাক্কায় তেরো হাত দূরে ছিটকে ফেলে দিয়ে। লিটন ময়দানের ঝরনার ধারে তিন বছরের ছেলেটা না বুঝে ধরতে গিয়েছিল সায়েবের কচি মেয়েটাকে। তার পুরুষ গিধার সাহেবের মাথায় লাঠি মারতে গিয়ে মারতে রাজি হয়নি বলে কারকি দা দিয়ে নিজের স্তন কাটতে আরম্ভ করেছিল।

যা যা বুড়ার কাছে যা।

পচাইয়ের ভাঁড় ঠোটে ঠেকায় পাকা নিশ্বাস আটকে রেখে। গন্ধেই তার বমি আসে। একটা দুয়ানি নাঙির দিকে ছুঁড়ে দিয়ে বলে, আমার চাঁদা।

দুনি ? আঠ আনা দে, আঠ আনা দে।

পাকা মাথা নাড়ে।—ভাগ্‌ ভাগ্‌, আট আনা খায় না।

ও সব জানা আছে পাকার। বেশি পয়সা খয়রাত করলে এদের খাতির মেলে, পাজ মেলে না। দয়া এরা চেনে টাকাওয়ালা মানুষের, কেউ টাকা ছড়ালেই এদের মনে সন্দেহ জাগে তার মতলবটা কী। সে অবিশ্বাস আর ঘোচে না, দাতা হিসাবে তাকে সম্মানে তফাতে রেখে দেয়, নজর রাখে উপকারী সাপকে চোখে চোখে রাখার মতো। যতক্ষণ সে দাতা হাজির থাকে কাছে এরা আর নিজেরা থাকে না ততক্ষণ, সে যেমন চায় সেই রকম হবার চেষ্টা করে, আড়ষ্ট, সতর্ক, ভোঁতা আর বোকা ভালোমানুষ। জেলে-বাগদি চাষি-মাঝিদের সঙ্গে পাকা মিশছে ছেলেবেলা থেকে, ও অভিজ্ঞতা তার আছে। বিকৃত শিক্ষাদীক্ষা সভ্যতা-ভব্যতার ভারী বোঝা নামিয়ে মনটাকে একটু হাত-পা ছড়িয়ে বিশ্বাসের সুযোগ দিতে হলে ভদ্রত্ব বাবুত্ব ছাঁটলেই শুধু চলে না, পয়সাওলাত্বটাও ছাঁটতে হয়। নইলে

এই গরিব ছোটোলোকেরা ততটুকু আমল কিছুতেই দেয় না যতটুকু আমল না পেলে এদের সঙ্গে বসে এদের মতো অভদ্র হওয়া যায়।

অবশ্য একেবারে খোচে না সন্দেহ অবিশ্বাস—কিছুতেই না। সব খোলস খুলে ওদের ভাব ভাষা ভঙ্গি আয়ত্ত করে প্রাণখুলে সমানভাবে মিশলেও না। ভয়, সংকোচ, ব্যবধান কমবেশি থেকে যাবেই। বন্ধু বলে, আপন বলে, নিজেদের একজন বলে এরা তাকে মেনে নেয়নি। এটা তার পাগলামি বলে জেনে, মাথায় ছিট থাকার জন্যই সে এ ভাবে তাদের সঙ্গে মিশতে আসে ধরে নিয়ে, তবে এরা মোটামুটি আশ্বস্ত হয়েছে যে হয়তো তার বিশেষ কোনো খারাপ মতলব নেই। বয়সটা তার কম, এ পর্যন্ত কোনো মেয়েকে নিয়ে টানাটানিও করেনি। সে পাগলাবাবু, তাই বাবুত্বের প্রতি হাড়মজ্জায় মেশানো ভয়-সংকোচ অনেকটা এরা বাতিল করেছে তার বেলায়।

তা হোক, উপায় কী! এরা পাগল ভাবে না ছাগল ভাবে তাকে তাতে তার বয়ে যায় বলেই না এখানে সে পায় এতখানি মুক্তি, মনটা এত সহজে নিশ্বাস ফেলতে পারে। কে কী ভাববে ভাবতে হয় না, নিজেকে জাহির করতে হয় না, বিদ্যাবুদ্ধির বাহাদুরি বজায় রাখতে হয় না, মান অভিমানের পালা গাইতে হয় না, দরদ দেখাতে হয় না, যাকে দেখলে গা জুলে তার সঙ্গে হাসিমুখে আর যাকে দেখলে গায়ে থুতু দিতে ইচ্ছা হয় তাকে সম্মান করে কথা কইতে হয় না...কিছুই করতে হয় না।

ওদের সুখী স্বাধীন মনে করে পাকা, কী সহজ স্বচ্ছন্দ জীবন! ওদের মধ্যে নিজে সে যে অপূর্ব মুক্তির স্বাদ পায় তারই মাপকাঠিতে সে বিচার করে ওদের জীবনকে। দরদ খানিকটা আছে বইকী, তবে সেটা সব সময়ে তেমনভাবে অনুভব করে না। একটা দয়া আর সহানুভূতির ভাব মাঝে মাঝে গভীরভাবে নাড়া দেয় তার হৃদয়-মনকে। বড়ো সে বিচলিত হয়ে পড়ে তখন। ভাবে, মোটা মোটা টাকা দান করে এদের দুঃখ যদি সে দূর করতে পারত!

নতুন একটি মেয়েকে দেখা যাচ্ছিল। আগে বোধ হয় দু-একবার ওকে দেখেছিল পাকা, মাঝখানে এখানে ছিল না, ভালো মনে নেই। কমদামি হলেও রঙিন একখানা শাড়ি তার পরনে— তার চেয়েও দর্শনীয় গলার তার ছেঁড়া জুতার মালাটি। কপালে সিঁদুরে মাটির খাবড়ানো গোলাটা শুকিয়ে উঠেছে, চাঁদেব আলোয় মনে হয় কপালের চামড়াটাই বুঝি চলটার মতো উঠে আসবার উপক্রম করছে।

হেই পাগলাবাবু, খপর্দার! জবরদস্ত মোচে তা দিয়ে জোয়ান ঝানকু বলে, উয়ার পানে নজর লয়।

সে জবর নেশা করেছে এতক্ষণ চেষ্টামেচি করছিল সবার চেয়ে বেশি। এমনিতেই তার মেজাজটা গরম, পচাই খেলে একেবারে বিগড়ে যায়। মোটা মোটা হাড়ে গড়া মস্ত জোরালো চেহারা, বাঁ গালে কান থেকে চিবুক পর্যন্ত একটা কাটা দাগ, ডেউ তোলা গৌফ সেটা অতিক্রম করে গেছে।

পাকা এক গাল হেসে বলে, চূপ থাক শালা।

টলতে টলতে উঠে তাকে মারতে আসে ঝানকু গাল দিতে দিতে। ছেঁড়া জুতোর মালা-পরা মেয়েটি তার কাপড় ধরে টেনে রাখতে চায়। ধর্রাও জোয়ান, সে উঠে এসে ঝানকুর হাত চেপে ধরে।

বুড়ো নাঙি হাঁকে, হেই ঝানকু!

পাকা গলা ফাটিয়ে ধমকায়, মুখ সামাল এই বজ্জাত! খুন করে ফেলব।

ঝানকু গর্জে ওঠে। একা সে মেরে খেঁতলে দিতে পারে পাকাকে পাঁচ মিনিটে, কিন্তু কোয়ার থেকে পাকা ধারালো বকবককে ছোরা বার করে বাগিয়ে ধরেছে। আরও তিন-চারজন পুরুষ উঠে এসে ঝানকুকে জাপটে ধরে। নাঙি তার গালে একটা চড় বসিয়ে দিয়ে বলে, চূপ মেরে বস্ গা ভালা চাস্ ত। তুর বিয়া বাতিল করে দিব বলে দিলম, খানকির বাচ্চা!

অঁ ? ঝানকু যেন সতাই ভয় পেয়ে সজাগ হয়ে নিজে থেকে পিছু হটে শান্ত হয়ে বসে, জোর করে ঠেলে নিতে হয় না।

উয়ার বিয়া ?—পাকা শুধায়।

অঁ—সায় দেয় নাঙি।

ওই মেয়েটার সঙ্গে বিয়ে হবে ঝানকুর। দুলী একজন খ্রিস্টানের সঙ্গে পালিয়ে গিয়েছিল কমাস আগে, লোকটা তাকে ফেলে পালিয়ে গেছে খবর পেয়ে ঝানকু তাকে নিয়ে এসেছে। দোষ কাটাবার ব্যবস্থা আজ সম্পূর্ণ হল, আজ মাঝরাত্রে। এখন গলার জুতার মালা খুলে ফেলা হবে দুলীর, কাল বিয়ে। জুতার মালা খোলার পর স্নান করে একটা জিনিস খেয়ে নির্দোষ হবে দুলী, বাকি রাতটা কোনো ছেলের মার কাছে শুয়ে থাকবে। খেয়ে পবিত্র হবার জিনিসটার নাম শুনে গা শিরশির করে উঠল পাকার—এত নিচু কি এরা যে প্রায়শ্চিত্তে গোবর খাওয়াও সানায় না, এমন নোংরা অশ্লীল জিনিস দরকার হয় ?

চাঁদ হেলে পড়েছে। গাছের ছায়া প্রায় ঢেকে দিয়েছে নিকানো স্থানটি। এবার বাড়ির দিকে পা বাড়ানো উচিত, অনেকটা হাঁটতে হবে।

৩

মাঝরাত্রি পার করে পাকা বাড়ি ফিরল।

এই প্রথম নয়, অভ্যাস আছে। দরজা খুলতে কাউকে সে ডাকে না, দেয়াল বেয়ে গোয়ালের চালা রান্নাঘরের ছাত হয়ে দোতলার বারান্দার উঠে যায়। সেখান থেকে তেতলায় উঠবার জন্য সিঁড়ির ব্যবস্থাই আছে।

তেতলায় ছোটো একখানা নিরিবিবি ঘরে থাকত বড়োমামির আশ্রিত-ভাইপো রমেন, আবদারের গায়ের জোরে তাকে উৎখাত করে নিজে ঘরটি পাকা দখল করেছে। রমেন অবশ্য দোতলায় অনেক ভালো আর বড়ো ঘরে স্থান পেয়েছিল মেজোমামা গিরিশের ছেলে সলিলের সঙ্গে, নইলে বড়োমামি কখনও সহিত না এ অপমান। এবং সমবয়সি রমেনের সঙ্গে সলিলের অবশ্য খুব ভাব হয়েছিল, নইলে নিজের ঘরে সে তাকে কোনোমতে ঠাইও দিত না।

ভৈরব জানত পাকার আবদার কী চিজ। তেতলার ঘরটি না পেলে পাকার আবদাব দাঁড়াতে জিদে, একটা কেলেঙ্কারি হয়ে যেত। পাকা হয়তো রাগ করে ফিরে যেত তার বাবার কাছে। পাকার বাবা ভৈরবকে লিখত : শুনলাম তুমি শ্রীমানকে লেখাপড়ার সুবিধার জন্য একখানা ঘর ছাড়িয়া দিতেও আপত্তি করিয়াছ। তোমার ভাগনে ভাগনিরা তোমার কাছে কখনও কোনো প্রত্যাশা করে নাই, কখনও করিবেও না। অত্যন্ত দুরন্ত বলিয়া এবং তুমি নিজে হইতে লিখিয়াছিলে বলিয়া যে তোমার ওখানে থাকিয়া পড়িলে হয়তো শ্রীমান শূধরাহিতে পারে সেই জন্য তাহাকে পাঠাইয়াছিলাম। তুমি যে একটা বছরও—ইত্যাদি। দেশ-বিদেশে যেখানে যত আত্মীয়কুটুম্ব আর বন্ধুবান্ধব থাকে সকলে ভৈরবের হীনতার খবর পেত—পাকার বাবা গরিব নয়, পাকা আশ্রয়-ভিখারি নয় মামাবাড়িতে, তবু তার সঙ্গে এমন খারাপ ব্যবহার ! পাকা নিরুপায় নিরাশ্রয় গরিবের ছেলে হলে বরং কথা ছিল। ঘরে ভাত ঢাকা থাকে, কোনোদিন লুচি বা পরোটা, বাটিভরা দুধ, প্রায়ই সন্দেহ। আঁতুড়েই কেন যে ছেলোটাকে কেউ গলা টিপে শেষ করেনি ভেবে ভৈরব মাঝে মাঝে নিজের মনে আপশোষ করে, কিন্তু কী করা যায়, নিজের মান বাঁচাতে বাধ্য হয়ে পাকার আদরযত্নের বিশেষ ব্যবস্থার হুকুম দিতে হয়েছে। নয়তো টাকা থাকলেও বাড়ির মানুষকে লুচি-পরোটা দুধ-সন্দেহ খাওয়াবার মতো হাতখোলা মানুষ ভৈরব নয়।

বড়োলোকের বড়ো সংসার, রাতে হাঙ্গামা চুকে আলো নিভে বাড়ি অঙ্ককার হতে এগারোটা সাড়ে এগারোটা বেজে যায়। বড়ো জোর, মাঝরাত্রি হয় ঠাকুর-চাকরদের শূতে। পাকা আশ্চর্য হয়ে লক্ষ করে, আজ এখনও কয়েকটা ঘরে আর বারান্দায় আলো জ্বলছে,—রাত প্রায় দুটো বাজে। রাঙামামির ঘরের দরজা খোলা, রাঙামামি ঘরে নেই, ছেলেমেয়েগুলি ঘুমোচ্ছে। মেজোমামির ঘরের দরজা ভেজানো, ভেতরে আলো জ্বলছে। ভৈরবের মেজো মেয়ে সরযুর ঘরে তার বর টেবিলে খোলা বইয়ে মাথা রেখে ঘুমোচ্ছে, বোধ হয় সরযুর প্রতীক্ষায় বই অবলম্বনে জেগে থাকবার চেষ্টার ফল এটা,—সরযুর বিয়ে হয়েছে মোটে বছরখানেক।

কিছু ঘটেছে। নিশ্চয় ঘটেছে।

তেতলা থেকে সরযুর চাপা হাসির আওয়াজ ভেসে আসে।

নতুন মামি এসেছে নাকী ? এত রাত পর্যন্ত বাড়ির মেয়েদের হাসিগল্পের আর কী উপলক্ষ ঘটতে পারে আজ !

তেতলায় মেজোমামির ঘরে নতুন মামিকে ঘিরেই গল্পের আড্ডা বসেছে দেখা যায়। দুয়ারে দাঁড়িয়ে ভালো করে একনজর নতুন মামিকে দেখারও সুযোগ পায় না পাকা, মেজোমামি কথা থামিয়ে বলে, ওই যে এসেছেন !

নতুন মামির চোখ ঘুরে আসে পাকার দিকে। মুখের হাসি, চোখেব কৌতুক মিলিয়ে যায়। আগ্রহ উৎকণ্ঠা বিস্ময় মিশিয়ে নতুন মামি বলে, পাকা ! কোথা গেছিলে তুমি ? কোথা ছিলে এত রাত পর্যন্ত ? ভেবে মরি আমরা এদিকে, চাদিকে লোক পাঠিয়েছিলাম খুঁজতে—ইস, কী চেহারা হয়েছে ?

নতুন মামির হাসি দেখেই পাকার মন বিগড়ে গিয়েছিল। ভেবে মরি ? এত হাসি, এত গল্প বুঝি ভেবে মরার লক্ষণ যে পাকা কোথা গেছে ?

সরযু বলে ঠোট উলটে, নতুন কাকির যেমন, ও তো রাতকাবার করে ফেরেই। আমি টের পাই না ? দরজা দিয়ে আসেন না, গোয়ালঘরের চালায় উঠে ছাত বেয়ে বাড়ি ঢোকেন। কত বললাম, আসবে আসবে, সময় হলেই বাবু বাড়ি আসবে। নতুন কাকি হুলুস্থল বাধিয়ে দিল, যাও যাও, ছোটো সবাই, খোঁজ নাও কী হল ! আমি যত বলি, নতুন কাকি—

তুই থাম তো সরযু।

সরযু থেমে গেল অত্যন্ত আহত হয়ে। নতুন কাকি সুধাময়ী শুধু তাকে থামতে বলেনি ধমক দিয়ে, গভীর থমথমে মুখে এমন তীব্র ভর্ৎসনার দৃষ্টিতে তাকিয়েছে !

সুধা সহজভাবে পাকাকে বলে, ভেতরে এসো পাকা। জিরিয়ে নাও একটু, তারপর খাও যদি তো খাবে, নয় ঘুমোতে যাবে। দশটা বাজে, এগারোটা বাজে তুমি ফিরলে না। আমার সত্যি বড়ো ভাবনা হয়েছিল, ওরা বলেছিল বটে এক-একদিন তুমি খুব রাত কর বাড়ি ফিরতে, কিন্তু আমি ভাবলাম, লাইব্রেরিতে ওই সব কাণ্ড হল, তুমি যদি কিছু করে বসে থাক ! খেয়েদেয়ে বাড়ি চলে যাব ভেবেছিলাম, তার মধ্যে তুমি নিশ্চয় ফিরবে, ওমা, তোমার দেখাই নেই। এখানেই রয়ে গেলাম আজ রাতটা—

আমরা যেন থাকতে বলিনি ? ফৌস করে ওঠে দারুণ অভিমানে গিরিশের মেয়ে গীতা।

সুধা কান না দিয়ে পাকাকে বলে, তোমার চেহারা তো বড়ো খারাপ হয়ে গেছে পাকা।

আমরা খেতে দিই না—

পাকাও কান না দিয়ে বললে, নদীর ধারে গিয়েছিলাম।

আমিও তাই ভাবছিলাম, নদীর ধারে, নয় লিটন ময়দানের ঝরনার কাছে নিশ্চয় বসে আছে। জানি তো তোমায় !

নদীর ধারে ভয় করল না একা একা ?—ভয়ে ভয়ে ক্ষীণ স্বরে জিঙ্কস করল সেজোমামি মিনতি। পটের পরির মতো সুন্দরী মিনতি, অত্যন্ত ছেলেমানুষ, বয়স বোধ হয় সতেরোও হয়নি। খারাপ পাড়ায় গিয়ে চরিত্র খারাপ করার জন্য ভাইকে বাড়ি থেকে দূর করে দেবার মাস তিনেক আগে মণীশকে ঘরে চরিত্রবান ছেলে করে আটকে রাখার শেষ চেষ্টা হিসাবে ভৈরব মিনতিকে ঘরে এনেছিল। মিনতিকে দেখলে ভৈরবের শেষ চেষ্টার সত্যি তারিফ করতে হয়। সে হেন মানুষ টাকা চায়নি, গয়না চায়নি, শুধু চেয়েছিল রূপ,—মণীশের চোখে যাতে এমন ধাঁধা লেগে যায় যে বাজারের রূপসিদের তার মনে হবে বিন্দে ঝির মতো কুৎসিত। মিনতিকে দেখে মানুষ সত্যি অবাক হয়ে ভাবে যে কেন তা হয়নি, চোখে কেন পলক পড়া বন্ধ হয়নি মণীশের।

মণীশ চলে গেছে, তাড়িয়ে দেবামাত্র গভীর রাত্রে মাতাল অবস্থায় এক কাপড়ে চলে গেছে। মিনতিকে ভৈরব একদিনের জন্য গরিব বাপের একতলা বাড়িতে যেতে দেয় না। ভাইকে শোধরাবার এমন চাল তার ব্যর্থ হয়েছে ভৈরব তা মানবে না। মিনতির জন্যই নাকি মণীশ ফিরে আসবে !

পাকা বলে, কীসের ভয় ?

এই নদীর ধারে একেবারে একলাটি—মিনতি হাসবার চেষ্টা করে। কান্নার মতো চেষ্টা।

যাগ গে, যাগ গে, সুধা বলে জোর দিয়ে, রাত বুঝি ভোর হল। কিছু খাওনি তো ? খাবে নাকি এত রাতে ?

খাব, চান করে খাব।

চান করবে ? নতুন মামি যেন মিনতির সুরে বলে।

একটু যেন রোগা হয়ে গেছে নতুন মামি, না-ফরসা না-কালো রঙের সে অদ্ভুত মখমলে জলুশ খানিকটা ভোঁতা হয়েছে। গালের তিলটা যেন আলগাভাবে ভাসছে না, এঁটে বসেছে। কোমরের বাঁকটা যেন আরও বেঁকেছে, রোগা হওয়ার জন্য নিশ্চয়। কোমর থেকে হাঁটু পর্যন্ত আগেরই মতো অবিকল। পায়ের গোড়ালিতে কয়েকটা ফাটার দাগ নতুন, দুর্বোধ্য। আলতা পবুক আর না পবুক, ঝামা ঘষুক আর না ঘষুক, নতুন মামির পায়ের ফাটল ধরেছে বড়োমামি, মেজোমামি, বিন্দে ঝির মতো, যারা খালি পায়ের ভিজে মেঝেতে হেঁটে বেড়ায় সংসারের কাজে ! কী অদ্ভুত ব্যাপার এটা ? চোখ একেবারে নতুন হয়ে গেছে নতুন মামির। এ আবছা কালো কাজলের ছোপ কোথা থেকে এল চোখের নীচে, চোখের পাতায়, যা কাজল নয়, চামড়ার রং ? চোখে যেন কোনো একটা কষ্ট স্পষ্ট হয়েছে, দেহের অথবা মনের। বরাবর সে দেখে এসেছে শুধু আনন্দের, উদ্ভাসের, প্রাণ-চাঞ্চল্যের চমক-মারা জ্যোতিভরা চোখ নতুন মামির, ক্লাস্তিতে স্তিমিত। অথবা অন্য কিছু হয়েছে নতুন মামির চোখে ? চোখ পরীক্ষা করিয়ে চশমা নেবার দরকার ? এ বড়ো বিক্রী ব্যাপার। নতুন মামির চোখ বদলে গেছে, খাপছাড়া হয়ে গেছে, কিন্তু কেন হয়েছে, কী বৃত্তান্ত কিছুই সে জানে না, জানবার উপায় নেই। অথচ শুধু এটুকু জানবার জন্য সে মরতে রাজি আছে।

চান করবে ? সত্যি চান করবে ? চলো তবে, আর দেবি নয়, চলো।

নতুন মামি যেন ধৈর্য হারায় !

পাকা সাবান মেখে স্নান করে আসে। খেতে বসে। ডাল তরকারি মাছ দুধ সন্দেশ সব চেটেপুটে খায়। আঁচিয়ে ঘরে গিয়ে বিছানায় শুয়েই সে ঘুমিয়ে পড়ে পাঁচ মিনিটের মধ্যে। নতুন মামি মশারি ফেলে মশারি গুঁজে দিয়ে দাঁড়িয়ে আছে চৌকির পাশে এটা সে অনুভব করে দু-একমিনিটের জন্য, স্বপ্ন দেখার মতো। তারপর গাঢ় ঘুমের মধ্যে তলিয়ে গিয়ে জাগ্রত দিনটা শেষ হয়।

তিন

১

একুশের আন্দোলন আপসের হতাশায় ফুরিয়ে গেছে। স্বাধীনতা আসেনি।

আন্দোলন নেই কিন্তু নেতারা আছেন। সাধারণ খাটিয়ে গরিব মানুষ বঞ্চিত হয়েছে কিন্তু নেতারা মুনাফা লুটেছেন জনপ্রিয়তার।

এই শহরের ছোটোখাটো নেতারা পর্যন্ত।

স্বাধীনতা নাই বা পাওয়া গিয়ে থাক একুশ সালে, ক-বছর পরে শহরটা স্বাধীনতার ভরসাদাতা মহাপুরুষ অনন্তলালকে পেয়েছে।

রবিবার বিকালে রাজা ভীমশ্রীতিলক মেমোরিয়াল হলে অনন্তলালকে মহাসমারোহে সংবর্ধনা দেওয়া হল।

শুধু বিকালে নয়, সমস্ত রাত ধরেও বটে। সভাটা হল বিকালে, ঘণ্টা দুই। তারপর রাত দশটা থেকে কাকডাকা ভোর পর্যন্ত হলের স্থায়ী স্টেজে অভিনয় করা হল বাংলায় বর্গির হানা অবলম্বনে লিখিত একটি নাটক ও 'শিক্ষিতা বউ' প্রহসন। এটাও যে অনন্তলালের সংবর্ধনারই অঙ্গ বিকালে সভায় তা বিশেষভাবে ঘোষণা করা হয়েছিল।

এই শহরে একটি মস্ত অ্যামেচার ড্রামাটিক ক্লাব আছে, প্রতিষ্ঠা ১৯১৮ সাল ইং। সাত-আটবছর ধরে ক্লাবটি প্রতিবছর গড়ে তিনটি নাটক এবং প্রত্যেকটি নাটকের সঙ্গে ছোটো একটি প্রহসন মঞ্চস্থ করে শহরবাসীকে আনন্দ দিয়ে আসছে, অসহযোগ আন্দোলন চলবার সময়টা ছাড়া। আন্দোলন একটু থিতিয়ে এলে, যারা জেলে গিয়েছিলেন অধিকাংশই যখন বেরিয়ে আসেননি, ক্লাব মরিয়া হয়ে ক্লাবের সভ্য তরুণ উকিল নরেন দস্তিদারের স্বলিখিত একটি স্বদেশি নাটকের অভিনয় করে শহরবাসীর হৃদয় জয় করে।

নাটকটি ছিল খুবই কাঁচা আর অত্যন্ত ফেনিল ও কবুণ। দেশের জন্য ত্যাগ করা, এমন কী নায়িকাকে পর্যন্ত কিছুদিনের জন্য দেশের বৃহৎ প্রয়োজনের কাছে ছোটো করা, এ সব ছাড়াও অন্য বড়ো বড়ো কথা ছিল অনেক, তবু নাটকটা ছিল শুধু ব্যর্থতা ও হতাশার বেদনায় ভরা, পরিণতিটা মিলনাম্বক হলেও। মাত্র কয়েকবছর পরে আজ ক্লাবের সভ্যরাই টের পেয়ে গেছে, ও রকম বাজে নাটক কেন তখনকার মানসিক অবস্থায় মর্মস্পর্শ করেছিল সকলের। সংঘর্ষের অভাব, জীবন্ত তেজ ও বিক্ষোভের অভাবে কাতর হয়ে মনটা আঁকুপাঁকু করেছিল সকলের যে, মানুষ যা চায় তা হয় না কেন ?

ক্লাবের প্রধান পৃষ্ঠপোষক ছিল রাজকুমার জয়শ্রীতিলক, এখন সে সীতাপুরের রাজা। গোড়ায় সে অভিনয় নিয়ে মেতে উঠেছিল, ক্লাবের পিছনে অনেক টাকা খরচ করেছে। রাজা হবার পর অন্য কড়া কড়া নেশায় মেতে পুরুষকে মেয়ে সাজিয়ে অ্যামেচার থিয়েটার করবার বা করাবার নেশাটা জলো হয়ে গেছে খানিকটা। আজও প্রধান পৃষ্ঠপোষক হিসাবে নাম থাকলেও ক্লাব তাকে তেমনভাবে আর পায় না, তার টাকাও পায় কদাচিত্, যৎকিঞ্চিৎ।

অনন্তলাল বরাবর মাসে দশ টাকা করে চাঁদা দিয়ে এসেছে, এবার এখানে এসে সকলে ধরে পড়ায় ক্লাবের ফাণ্ডে এককালীন দান করেছে আড়াইশো টাকা।

আরও সপ্তাহ দুই রিহাসীল দেবার দরকার ছিল নাটকটা ভালোমতো খাড়া করতে, কিন্তু অনন্তলাল কাল চলে যাবে তাই আজ তাড়াতাড়ি ব্যবস্থা করে অভিনয় করা হচ্ছে। অভিনয়ে খুঁত থাকবে সন্দেহ নেই কিন্তু কে ধরবে খুঁত মফস্বলের শহরে এই বিখ্যাত দলের অভিনয় বিনা পয়সায় দেখতে এসে !

এদের থিয়েটার সভাই এখানে একটা উৎসব পরবের মতো। ঘরে ঘরে সাড়া পড়ে যায়, পান, বিড়ি, লেমোনেড, চা যারা বিক্রি করে তাদের মধ্যেও। বাড়ি বাড়ি মেয়েরা তাড়াহুড়া হইচই করে বেলাবেলি রাঁধাবাড়ি সারে, আগ্রহে উত্তেজনায় তাদের ওলট-পালট হয়ে যায় কথাবার্তা চলাফেরা কাজকর্ম। উতলা হবার জন্য পুরুষেরা ঠাট্টা করে মেয়েদের, তেমন সম্পর্ক হলে ধমকও দেয়, কিন্তু মনে মনে তারাও কম উদ্গ্রীব হয়ে থাকে না সময়মতো যাবার জন্যে, আগে থেকে পাট-করা জামাটি, ফরসা কাপড়টি ঠিক করে, জুতোতে কালি লাগিয়ে রাখে।

ও সব বাল্যই যাদের নেই, রান্নাবান্নার হাঙ্গামারও নয়, ফরসা জামাকাপড়েরও নয়, অর্থাৎ গরিবদের, তারাও অনেকে শুনতে যায় থিয়েটার। কয়েকটা বেশি পয়সার ব্যবস্থা রাখে, কিছু বেশি পান ও বিড়ির জন্য। আগে গেলেও তারা সামনে বসতে বা দাঁড়াতে পায় না। পিছনের বেঞ্চে কয়েকজনের স্থান হয়, বাকি সব দুপাশে ও পিছনে ভিড় করে দাঁড়িয়ে সারারাত থিয়েটার যতটা পারে দেখে ও শোনে।

অনেকে ভাবে যে বাবুদের এমন বোকামি কেন, লম্বাটে ঘরের এক মাথায় পালা না কবে ফাঁকা জায়গায় আসার করলেই হয় চাদিকে স্থান রেখে, ঘিরে বসে মানুষ শুনতে পারে।

রাজা ভীমশ্রীভিলক মেমোরিয়াল হলটি অভিনয় করার উদ্দেশ্যে থিয়েটার হলের মতো করেই তৈরি। পাকা মেঝে ও উঁচু দেয়াল, উপরে কাঠের আচ্ছাদন, তার উপর টিনের চালা। গাদাগাদি করে হাজার খানেক লোক ধরে। ক্লাবের প্রত্যেক অভিনয়েই গাদাগাদি মানুষ হয়।

একটু ফাঁকায় হলটা তৈরি করা হয়েছে জায়গার সুবিধার জন্য, কাছাকাছি বাড়িঘর বেশি নেই। শহরের সভাসমিতি সব কিছুই প্রায় হয়ে থাকে আদালত এলাকা ও শহরের বসবাসের এলাকার মাঝামাঝি চৌকো টাউন হলটাতে। কদাচিৎ বিরাট জনসভা হলে, ফাঁকা মাঠে। এই হলটি শুধু যেন আছে অভিনয় করবার জন্য, এখানে সভা করার, এমন কী বিরাট জনসভা করার পর্যন্ত এত সুবিধা, কিন্তু নাটক অভিনয় ছাড়া সারা বছর ওখানে কিছুই হয় না। বোধ হয় এই কারণে য়ে সেটাই দাঁড়িয়ে গেছে প্রথা। টাউন হলটি পুরানো, দেয়ালে কয়েকটি বড়ো বড়ো তৈলচিত্র, কয়েক স্থানে বসানো কয়েকটি মর্মর মূর্তি এবং টেবিল চেয়ার বেঞ্চগুলি অযথা ভারি গঠনে গুরুগুস্তীর। ভারি লোকেরা ওখানে সভা করতেই হয়তো তাই ভালোবাসে।

সারা বছর ফাঁকা পড়ে থাকে থিয়েটারের হলটির আশেপাশের জায়গা, সন্ধ্যার পর সেখানে হয়তো শেয়ালও ঘোরাফেরা করে নিঃশঙ্ক চিত্তে, অসংখ্য বাবুর-চামচিকে যে হলটার ভেতরে বাসা বেঁধেছে তার প্রমাণ পাওয়া যায় অভিনয়ের রাত্রিও—অত্যন্ত আবেগপূর্ণ বক্তৃতার সময়ও হয়তো চামচিকে নায়কের গালে ঝাপটা দিয়ে নায়িকার ওড়নায় জড়িয়ে গিয়ে দর্শকদের হাসায়। তবে তাতে অভিনয় মাটি হয় না। এক মিনিট পরে কেউ মনেও রাখে না চামচিকের কথা।

নিখিল খোষাল এই ক্লাবের সেরা অভিনেত্রী।

ক্লাব স্থাপনের পর প্রথম নাটকে সতেরো-আঠারো বছর বয়সে সে নায়িকার পাঁট করেছিল, সাত-আটবছর পর আজও কেউ তার সঙ্গে পাল্লা দিয়ে তাকে অতিক্রম করে যেতে পারল না। পড়াশোনা ছেড়ে সে ডিস্ট্রিক্ট বোর্ডে চাকরি নিয়েছে, পাড়ার একটি কালো মেয়ের সঙ্গে প্রেম করে তাকে বিয়ে করেছে বছর দুই আগে বাড়ির লোকের সঙ্গে লড়াই করে, ক-মাস আগে একটি মেয়ে হয়েছে তার। রোগা ছিপছিপে গড়নটি তার অবিকল বজায় আছে, গৌফদাড়ি কামিয়ে মুখে রং মেখে বুক কাঠের বর্তুল দুটি ঐটে নিজের স্তীর একখানা জমকালো সিন্ধের শাড়ি পরে (ক্লাবের সভারা অভিনয়ের জন্য দরকারি সাধারণ পোশাক নিজেদের বাড়ি থেকেই আনে, বিশেষ পোশাকের ব্যবস্থা ক্লাবের আছে) সে যখন এবারও স্টেজে এসে দাঁড়াল, পুরুষেরা তাকাল সচকিত হয়ে, মেয়েদের চোখের কোণে ঝিলিক মেরে গেল ঈর্ষা।

কবে বর্গি এসেছিল বাংলায়, তখনকার মেয়েদের বিশেষ ধরনের বেশ ধারণ করার সুযোগে একেবারে মোহিনী হয়ে নিখিল নেমেছে স্টেজে, বাস্তব জীবনে কোনো মেয়ের আজ যে সুযোগ স্বাধীনতা নেই।

ভুবনের বিধবা বোন চপলা তার মেয়েকে বলে, ও রকম সাজতে ইচ্ছে হচ্ছে তোর ! টের পেয়েছি।

পানেরো বছরের প্রতিমা বলে, কী রকম মানিয়েছে দেখো মা !

মানিয়েছে, স্টেজে মানিয়েছে,—চপলা বলে, মেয়েকে অত্যন্ত বিরক্ত করেছে জেনেও ধীর-স্থির ভাবে বলে—তুমি যদি বাড়িতে ও রকম বেশ কর, স্কুলে যাও, সবাই হাসবে। পাকাও হাসবে। তা ছাড়া কী জানো, তখনকার দিনেও কোনো মেয়ে ও রকম বেশ করত না। কোনো মেয়ে তখন এ রকম বেশ করলে তখনকার লোকেরাও ভাবত সং সেজেছে।

মা, আমি রানীর কাছে গিয়ে বসি ?

বসো।

চপলা নিশ্বাস ফেলে। উপায় কী ?

সুধার সঙ্গে কথা বলে চপলা। ভুবন ও ভৈরবের বাড়ির মেয়েরা কেউ কারও বাড়ি বেড়াতে যায় না বটে, কিন্তু তাদের মধ্যে কথা বন্ধ নেই। কথা না বলে দুরত্ব বজায় রাখাটা ধাতে আসে না মেয়েদের। নিঃশব্দতার মধ্যে ফিসফাস গুজগাজ নিন্দা ও সমালোচনা চলে অফুরন্ত অন্য বাড়ির মেয়েদের সম্পর্কে, দূর থেকে এড়িয়ে চলা চলে, সামনে পড়লে পরিহার করাটা ধাতে সয় না। নলিনী দাবোগার বউটাকে পর্যন্ত ছেঁটে ফেলতে পাবেনি মেয়েরা এখানে, পারলে দোকান সাজানোর মতো গয়না আর অদ্ভুত ঝলমলে শাড়ি পরে বেচারি ঘেঁষাঘেঁষি মেয়েদের মধ্যে একেবারে একা হয়ে যেত, সাথি থাকত শুধু তার ন-মাসের ছেলে রাখবার খিটি।

দারোগার বউ ! কিছুকাল আগেও যে দেশে মা ছেলেকে আশীর্বাদ করত এই বলে যে, দারোগা হও,—সেই দারোগার বউ !

অহংকারে এমনই তার গলা উঁচু, বুক চেতানো, আর একটু অহংকার বেড়ে নিজে থেকেই সে যদি একা হয়ে যেত কারও সঙ্গে কথা না বলে, সকলে খুশি হত, স্বস্তি পেত। পান চিবিয়ে চিবিয়ে তার কাটা কাটা কথা, নাক সিটকানো, বয়স্কাদেরও তুমি তুমি করা, হুল করে অন্যটার বদলে আজ এই জড়োয়া নেকলেসটি পরে আসবার কথাটা হাজারবার উল্লেখ করা—শুনতে শুনতে সকলের গা জ্বালা করে। বড়াঘরের মেয়ে-বউয়েরা নানা কৌশলে স্থান অদলবদল করে একটু সরে যায়, পিক ফেলতে উঠে গিয়ে ফিরে এসে অন্য একজনকে নিজের খালি জায়গায় বসিয়ে নিজে বসে তার জায়গায়। একসময় দেখা যায়, নলিনী দারোগার বউ যাদের মধ্যে এসে বসেছিল তারা আর নেই তাকে ঘিরে, গরিব মধ্যবিত্তের বউ, বয়স্ক গৃহিণী আর বিধবাদের মধ্যে সে শোভা পাচ্ছে। তার বসার উদ্ভূত ভঙ্গি বদলে গেছে, কথাও কমে গেছে আশ্চর্য রকম !

ভুবনকেও আসতে হয়েছে অনন্তলালের সংবর্ধনার সভাটি বাদ দিয়ে এই অভিনয় উপলক্ষে। এখানে না এসে উপায় নেই, লোকে ভাববে তাকে বৃষ্টি নিমন্ত্রণ করা হয়নি, সে বৃষ্টি বাদ পড়েছে। সামনে সম্মানের আসনে ভৈরবের পাশেই তাকে বসতে দেওয়া হয় অন্যান্য গণমান্যদের সঙ্গে, ভৈরব ও অনন্তলালের সঙ্গে ভদ্রতার অমায়িক আলাপও তার চলে। জঙ্ক-ম্যাজিস্ট্রেট বা উঁচুদেরের হাকিমরা কেউ এখানে আসে না, কারণ তাদের বসবার স্পেশাল স্বতন্ত্র বন্দোবস্ত নেই। ভৈরব, ভুবন, অনন্তলাল প্রভৃতি বিশেষ মান্যগণ্যেরাও সাধারণত নাটক আরম্ভের একঘণ্টা দেড়ঘণ্টার মধ্যে উঠে যায়। তারা যে গণ্যমান্য নেতা !

রাতের পর রাত যে শূন্য নির্জন হলটিকে ঘিরে অঙ্ককারে মেঠো বাতাস কেঁদে ফেরে, আজ তার ভিতর ও বাইরে এত হইচই কলরব, আলোর ছড়াছড়ি ভোজবাজির মতো অদ্ভুত লাগে, রাত্রি জাগরণের এমন উপভোগ্য উন্মাদনার মধ্যে ভোলা যায় না কাল আলোহীন শব্দহীন এই পরিত্যক্ত স্থানটি দূর থেকে দেখেও মনটা বড়ো খারাপ হয়ে যাবে। স্বপ্নের মতো মিথ্যা মনে হবে আজ রাত্রের উৎসব, আনন্দ, কোলাহল।

পাকা অন্য মনে কানাইকে বলে, কাল সন্ধ্যাবেলা একবার আসতে হবে কানাই। দেখে যাব, কী রকম লাগে !

কানাই চূপ কবে গভীর হয়ে থাকে। অন্য একটি ছেলের সঙ্গে পাকার অনেক পরে কানাই থিয়েটার দেখতে এসেছে। এসেই একেবারে বসে পড়েছে জায়গা দখল করে। তাদের যেন বসে দাঁড়িয়ে সামনে থেকে বা স্টেজের ভিতবে গিয়ে থিয়েটার দেখার কখনও অসুবিধা হয়, সাজঘরে ঢুকে আড়ালের ব্যাপারগুলি দেখবার ইচ্ছা হলেও কেউ ঠেকাতে পারে। কানাইয়ের সঙ্গেব ছেলেটিকে চেনে না পাকা।

সিগ্রেট টেনে আসি চ।

নাঃ, কানাই বলে একান্ত অবহেলার সঙ্গে, ছেড়ে দিইছি। ধোঁয়া গিলে স্বাস্থ্য নষ্ট কবে লাভ ? মিছিমিছি পয়সা নষ্ট।

কানাইয়ের মুখে এমন গুবুজনি কথা ! পাকা একটু হেসে সরে যায়। সঙ্গেব ছেলেটির সামনে কানাই সিগারেট খাবে না, এটুকু কী আর সে বোঝে না ! নরেশ কিন্তু গুবুতর খবর দেখে। কানাই নাকি সভাই বিড়ি-সিগারেট খাওয়া ছেড়ে দিয়ে ভালো হয়ে গেছে, তাদের সঙ্গে মেশে না। শুধু বিড়ি-সিগারেট নয়, তাদেরও ত্যাগ করেছে। শূনে তখন খেয়াল হয় পাকার যে কানাই তাব সঙ্গে ভালো করে কথা বলেনি, তাকে এতটুকু আমল দেয়নি। কানাই তার সঙ্গে মিশবে না ? নতুন বন্ধু পেয়েছে ? বহুৎ আচ্ছা, কেঁদে কেঁদে সে মরে যাবে !

দু মিনিটের মধ্যে সে ভুলে যায় কানাইকে, একবার সাজঘর ঘুরে আসে, মালাইকর সিদ্ধেশ্বরের কাছে মালাই কিনে খায়, সিগারেট টানে, পান চিবোয়, মানুষের রকম দেখে, মানুষের সঙ্গে কথা বলে, ভেতরে বাইরে এখানে সেখানে পাক খেয়ে বেড়ায়, ড্রপ উঠলে একটা সিন স্টেজে উইৎসেব পাশে দাঁড়িয়ে আর একটা সিন সামনে ভিড়ের মধ্যে দাঁড়িয়ে দ্যাখে। তার প্রাণ আনন্দে উচ্ছল, সেখানে তুচ্ছ সুখ-দুঃখের স্থান নেই। কেবল সে নয়, ছেলেবড়ো সকলেই যেন এখানে আজ কী একটা গভীর লজ্জা ও দুঃখের, আত্মকৃত অপরাধের চাপ থেকে মুক্তি পেয়ে হাঁফ ছেড়েছে, আজকের সন্ধ্যার চরম কর্তব্য হিসাবে আঁকড়ে ধরেছে এই উৎসবকে, সাময়িক ফাঁপানো আনন্দে মশগুল হয়ে যেতে। ছেলেরা চঞ্চল, একটু উচ্ছঙ্খল, বড়োরা একটু ধীরস্থির কিন্তু ভাব প্রায় সকলের একরকম। আনন্দের উপলক্ষ হিসাবে সারারাতের থিয়েটার তো আগেও ছিল এখনও আছে, কিন্তু তাতেই সবাই খুশি নয়, এই উপলক্ষকে নিঙড়ে নিঙড়ে শেফাবিন্দু আনন্দ আহরণ করলেই শুধু চলবে না, নিজের ভেতরের উত্তেজনা উন্মাদনা দিয়ে ফেনিয়ে ফাঁপিয়ে উথলে তুলতে হবে সে উপভোগকে ! নাটক, অভিনয়, দৃশ্যপট ভালো কী মন্দ কেউ যেন তা বিচার করে না, যে রসটুকু পরিবেশন করা হয় রঞ্জামঞ্চ থেকে তাতে নিজের তাগিদেই উচ্ছসিত হয়ে ওঠে দর্শকেরা। ভালো করে যে নাটক দেখছে না, এদিক ওদিক ঘোরায়েরা করছে চঞ্চলভাবে, বাইরে যে রয়েছে নাটক না দেখেই, তার মুখখানাও উত্তেজনায় স্মুরিত।

গ্রামের মেয়েপুরুষ বিশেষ উপলক্ষে যেভাবে সমারোহ করে যাত্রা দেখে, অবিকল সেই রকম।

তা ছাড়া, তুচ্ছ কারণে, হয়তো একেবারেই অকারণে, আজ ক্রমাগত গন্তগোল সৃষ্টির চেস্তা চলতে থাকে দর্শকদের মধ্যে, বিশেষ করে বয়স যাদের কম। একটা বাধা কাটিয়ে দেখতে দেখতে নাটক জমজমাট হয়ে ওঠে, অভিনেতাদের যেন কিছুমাত্র সাধা-সাধনারও দরকার হয় না, হঠাৎ হয়তো এক কোণে হাতাহাতি বাধবার উপক্রম ঘটে যায় একজনের কনুইয়ে আর একজনের একটু গুঁতো লাগায়, অথবা একজন আর একজনকে মাথাটা পকেটে ভরতে অনুরোধ করেছে বলে। এই হলে আজকের মতো অভিনয়ও কখনও আর এমন জর্মে, আন্দোলন থামাবার পর সেই স্বদেশি নাটকটির অভিনয়ও নয়, এমন গন্তগোলও কোনোবার দেখা যায়নি দর্শকদের মধ্যে।

লোকে বিরক্ত হয় অলক্ষণের জন্য, গোলমাল থামলে তখন সেই ফ্যাকড়াটাও যেন উপভোগ করে। একঘেয়ে জীবনে অভিনয় একটা নতুনত্ব, চিরকালে একটানা অভিনয়ে গোলমাল যেন আর একটা নতুনত্ব, মজার ব্যাপার !

কয়েকজনের ভালো লাগে না। যেমন সপরিবারে মুস্বেফ সুরেন ঘোষালের। টসটসে মিস্তিরকম মোটা স্ত্রী, কাঁদো-কাঁদো-মুখ কিশোরী মেয়ে ও ছ-সাতবছরের দুটি গভীর চুপচাপ যমজ ছেলে।

পাকাকে দেখে যেন আকুল পাথারে কূল পেল সুরেন।

পাকা, বড়ো বিপদে পড়েছি বাবা। বেয়ারাটাকে এখানে থাকতে বলেছিলাম, ব্যাটা যেন কোথা ভেগেছে !

কোথা? ঠিকিয থিয়েটার শুনছে।

আমাব যে এদিকে মুশকিল ভাই। উনি বলে পাঠাচ্ছেন, ভিড়ে ওঁর ফিটের উপক্রম হচ্ছে, এখুনি বাড়ি যাবেন।

বাড়ি নিয়ে যান।

কোথা গাড়ি পাই, কী করি—সুরেন যেন কেঁদে ফেলবে।

ভৈরব ও অনন্তলাল তখনও যায়নি। পাকা গিয়ে দাবি জানায়, একজন ভদ্রলোকের স্ত্রী হঠাৎ অসুস্থ হয়ে পড়েছে, তাকে বাড়ি পৌঁছে দিতে হবে, আমার গাড়িটা একটু চাই আধঘণ্টার জন্য।

অনন্তলাল বলে, আমি যে যাব ভাবছিলাম ? তোর নতুন মামি—

নতুন মামি থাকবে বলেছে, পাকা স্পষ্ট মিথ্যা জানায়।

গাড়িটা পাওয়া যায় ভৈরবের, সুরেন সপরিবারে উঠে বসে গাড়িতে, কিন্তু পাকা নিজেই গোল বাধায় সব বিষয়ে তার কতালি করা স্বভাবের দোষে। গঙ্গা কামার, সৈদবাজারে দক্ষিণে গলির মোড়ের কাছে তার কামারশালা আছে, পানের দোকানের সামনে মাটিতে বউটিকে শূইয়ে তার কপালে বরফ ঘষে দিচ্ছিল, বউটি সত্যসত্যই খুব অসুস্থ হয়ে পড়েছে। চারিদিকে ঘিরে কাঁদছিল এগারো থেকে দেড় বছরের পাঁচটি ছেলেমেয়ে। পাকা মাঝে মাঝে ওর দোকানে উবু হয়ে বসে মুঞ্চ হয়ে দেখেছে, নেহাইয়েব উপর তাতানো লোহা থেকে হাতুড়ির আঘাতে আগুনের ফুলকি ছোটা, দেখেছে দু হাতে হাতুড়ি তুলে প্রাণপণে যে যা মারছে সেই ধুমসো কালো সহকারীটির ডাকাতের মতো চেহারা।

গঙ্গাকে ব্যাপার জিজ্ঞেস করেই সে এক অন্যায় প্রস্তাব করে বসল। ওদেবও তুলে নিতে হবে গাড়িতে, আগে ওদের পৌঁছে দিয়ে গাড়ি সুরেনদের বাড়ি যাবে।

হাসপাতালে নিতে হবে না তো ?

না বাবু। ঘর গিয়ে একটু শুষে রইলে ঠিক হয়ে যাবে। ফিটের ব্যারাম, মাঝে মাঝে এমন হয়।

সুরেন চটে বলে, পাকা, এ গাড়িতে কখনও জায়গা হয় ?

তার স্ত্রী অনুরাধা বলে অধীর হয়ে, আমাদের পৌঁছে দিয়ে আসুক না, তারপর ওদের নিয়ে যাবে ?

তুমি গাড়ি চালাও ড্রাইভাব, ও পাগলের কথা শুনো না—বলে তাদের বৃপসি কিশোরী মেয়ে মায়া।

তবে আপনাবা নেমে একটু ওয়েট কবুন, পাকা বলে, আগে ওকে পৌঁছে দিয়ে আসুক। দেখছেন না অজ্ঞান হয়ে পড়ে আছে ?

সুবেন বলে, পাকা, শূনে যাও, কাছে এসো।

অনুবাধা বলে, পাকা, তুমি ভারী হয়ে কিন্তু।

মায়া বলে, পাকাদা।

কিন্তু কিছুতেই কিছু হয় না। গঙ্গা কামাবকেও সপবিবাবে স্থান দিতে হয় গাড়িতে—বউকে বুকে কোলে নিয়ে এক কোণে বসে যথাসম্ভব কম জায়গা দখল কবাব চেষ্টা কবে গঙ্গা, কিন্তু হলে কী হবে, তাব পবিবাবটি প্রকাও। ড্রাইভাব মাখন একটু বিবক্তি ও প্রতিবাদ জানিয়ে বলতে গিয়েছিল গঙ্গাবা গাড়িতে উঠাবাব আগেই কী কবছেন দাদাবাব, বাবু জানতে পাবলে—

চোপবাও।

সে গর্জনে শুধু ড্রাইভাব নয়, সুবেনও সপবিবাবে স্তব্ব হয়ে গিয়েছিল।

সুধাও এদিকে অনন্তলালকে জিজ্ঞেস কবে পাঠায়, বাডি ফিবতে দেবি কেন ? এ সব যাত্রাব মতো অভিনয় ও লোকের তা উগ্র আগ্রহে শোনা বেশিক্ষণ ভালো লাগে না সুধাব। অনন্তলাল বলা মাত্র তিনটি ছেলে খুঁজে পেতে এনে হাজিব কবে দেয় পাকাকে, সঙ্গে আসে নবেশ। নবেশকে হঠাৎ কিছু সদুপদেশ দেবাব সাধ জেগেছিল পাকাব। বাসবে থেকে যা মনে হয় অপবৃপ অস্ত্রুত, ভেতবে সেটা যে শুধু ফাঁকিব ব্যাপাব, এটা বোঝানোব জন্য নবেশকে সে সাজঘবে নিয়ে গিয়েছিল। মোয়ে সাজা নিখিলকে দেখিয়ে বলছিল, বাইবে থেকে কেমন দ্যাখায়, আব কাছে থেকে কেমন দ্যাখায় দ্যাখ। গা ঘিনঘিন কবে না দেখলে ?

কবে না তো। আমাব ববং ভালো লাগছে দেখতে।

পাকা একটু ভডকে গিয় মনে মনে জবাব খুঁজছে, অনন্তব অনুগত একটি ছেলে তাঁকে সেখানে আবিষ্কাব কবে বলে, শিগগিব, অনন্তবাবু ডাকছেন।

পাকা ধীবভাবে বলে, কী হয়েছে ?

ছেলেটি উত্তেজনায় প্রায় তোতলায়, অনন্তলালের একটা হুকুম তালিম কবতে পেবেছে এ তাব কল্পনাভীত সৌভাগ্য। বলে, ডাকছেন, তাডাতাডি এসো।

অনন্তলাল বলে, তুমি বললে থাকতে চায়, এদিকে দেগি যাবাব জন্য তোমাব মামি ব্যস্ত।

নতুন মামি আজ বাগ্রে যাবে ? হুঁঃ। দাঁডান আমি দেখে আসছি।

সুধা বলে, ভালো লাগছে না আমাব। খালি বীবত্ব আব চিংকাব—

পাকা বলে, এ ঘুপটির মধ্যে বন্ধ হয়ে থাকলে ভালো লাগে ? চান্দিকে একটু যোবো ফেবো, দ্যাখো শোনো—

ওমা, থিয়েটাব চান্দিকে ছডানো থাকে নাকি ? বাইবে পর্যন্ত ?

থাকে না ? চান্দিকেই তো আসল থিয়েটাব।

তা নয় হল। শবীবটা যে ভালো লাগছে না।

শবীব ভালো লাগছে না ? চলো এখনি তবে তোমায় বাডি নিয়ে যাই। গাড়ি যোগাড হবে যাবে।

সুধাব গলায় কথা আটকে যায় কয়েক মুহূর্তেব জন্য। এই অনিয়মকে নিয়ে কী কবা উচিত ভাববাবও সময় নেই।

ও কিছু নয়। আব একটু দেখেই যাই। বাডি দিয়ে আসতে পাববে তো ?

পারব না ?

সকলের সঙ্গে গেলে হবে না কিন্তু, ওরা রাত কাবার করবে। আমি অত রাত জাগতে পারি না।

পাকা হাসিমুখে অভয় দিয়ে বলে, যখন তুমি যেতে চাইবে, তখনই নিয়ে যাব। আধঘন্টা পরে পরে তোমার খোঁজ নিচ্ছি।

সুধা শুধু চেয়ে থাকে। সে দৃষ্টিতে পাকা একটু বিব্রত বোধ করে নিজের বাহাদুরিতে। মনে হয়, সুধা যেন জগতে সকলের চেয়ে তাকেই বেশি আপন বলে চিনে ফেলেছে হঠাৎ !

কানাই কখন উঠে চলে গেছে তার নতুন বন্ধুটির সঙ্গে, পাকা টের পায়নি। কানাইকে সে ঠিক বুঝে উঠতে পারল না। হঠাৎ সিগারেট ছেড়ে দিয়েছে, বন্ধুত্বও ত্যাগ করেছে। তার সঙ্গে মিশে বখে যাবার ভয় হয়েছে নাকি ওর ?

নরেশ সঙ্গে লেগে ছিল গোড়া থেকে, মাঝখানে কিছুক্ষণের জন্য সেও যেন উধাও হয়ে গিয়েছিল কোথায়। দ্বিতীয় অঙ্কের দ্বিতীয় দৃশ্যে সে আবার এসে সঙ্গ ধরল।

পাকা, তুই আমাকে চাস কিনা বল তো স্পষ্ট করে ?

তার মানে ?

মানে, তুই যদি আমার বন্ধু না চাস, সোজা কথা বল, আমি কানাইয়ের দলে যাই।

কানাই, না কবেছে নাকি ?

দল নয়, তোর সঙ্গে কানাই মিশবে না।

তুই কানাইয়ের দলে যা নরেশ।

নরেশ আহত হয়ে ফোঁস করে ওঠে কিন্তু লেগে থাকে পাকার সঙ্গেই।

গাড়ি ফিরে এলে ভৈরব আব অনন্তলালের সঙ্গেই পাকা নতুন মামিকে বাড়ি পাঠিয়ে দেয়। হুকুমের ভঙ্গিতে তার কথা বলার ধরন শুনে সুধা হেসে ফেলে।—থিয়েটার দেখব না ?

না, খারাপ শরীরে রাত জাগতে হবে না।

তোমায় জাগতে হবে, কেমন ?

আমার শরীর তো খারাপ নয় !

মস্ত নাটক, অভিনয় শেষ হয়ে প্রহসন আরম্ভ হতে হতে চারিদিকে ফরসা হয়ে এল। তখন পাকার খেয়াল হল, আজ তার ব্যায়ামের আখড়ায় যাওয়ার কথা কালীনাথকে কথা দিয়েছে। ঘাটে নেমে মুখে চোখে জল দিয়ে দোকানে এক কাপ চা খেয়েই সে জোরে হাঁটতে আরম্ভ করে। রাত জাগা আর ছটফট করে ঘুরে বেড়ানো পা দুটিকে ছুটিয়ে জোরে হাঁটা অসহ্য হয়। পাকা ভাবে, সাইকেলটা আনলে এখন কাজ দিত।

চলতে চলতে পথে এক অদ্ভুত গুজব শোনে পাকা, মাঝ রাতে থিয়েটার দেখে বাড়ি ফেরার পথে নলিনী দারোগার স্ত্রীর গায়ের গয়না ডাকাতি হয়ে গেছে। ডাকাতেরা নাকি ভদ্রঘরের ছেলে, মুখোশ পরা ছিল। নলিনী দারোগার স্ত্রীকে তারা নাকি বলেছিল, মা, আপনার বিয়ের গয়না রেখে অন্যগুলি খুলে দিন—আমরা কিন্তু জানি কোনটি কোনটি আপনার বিয়ের গয়না। তারা নাকি আরও বলে দিয়েছে যে আজ মহাপাপের গয়নাগুলি গেল, স্বামী যদি তার সাবধান না হয় একদিন তাকেও হারাতে হবে।

৩

আখড়ায় পৌঁছবার তাড়ায় খবরটা ভালো করে শুনবারও সময় সে পেল না। ছেলেরা সবাই ইতিমধ্যে এসে গিয়েছে, খেলা ও ব্যায়াম শুরু হয়েছে। কালীনাথ হাজির ছিল, পাকা পৌঁছতেই কাছে ডাকল।

পাকা, তোমার নাম কাটা গেছে। তুমি আর এখানে এসো না।

নাম কাটা গেছে ? দু চোখ জুলে ওঠে পাকার, কেন ?

তোমার মতো ছেলেকে আমরা চাই না পাকা।

কী করেছি আমি ?

বদ ছেলেদের এখানে স্থান হয় না ভাই।

অন্য যে কোনো মানুষকে যা-তা বলা যায় রাগের মাথায়, কালীনাথকে গাল দেওয়া যায় না।

পাকা অনুযোগের সুরে বলে, এ আপনার অন্যায় কালীদা। আমি বদ, আমার নাম কেটে দিলেন, আমায় বলবেন না আমি কী করেছি ?

তুমি নিজেই বেশ বুঝতে পারছ।

কালীনাথ ভাবে, এখনও সতেজে কথা বলছে ছেলেটা। এই বয়সে চরম অশংপাতে গেছে অথচ সোজাসুজি মুখের দিকে চেয়ে কথা বলছে সহজ ও স্পষ্ট। পোকায় না ধরলে কী যে তৈরি করা যেত একে ! মনের মতো একটা আগুনের গোলা !

সিগ্রেট খাই, আড্ডা মেরে বেড়াই বলে ?

তীক্ষ্ণদৃষ্টিতে তার মুখের দিকে তাকায় কালীনাথ।—চাল মারছ, না ? তুমি কি শুধু সিগ্রেট খাও, আড্ডা মেরে বেড়াও ? ও সব দোষ আছে জেনেই তোমায় ক্লাবে নিয়েছিলাম। ও দোষগুলি ধরিনি। যে সব ছেলের এনার্জি বেশি থাকে, ঠিক মতো ট্রেনিং না পেলে তারা একটু ও রকম বিগড়ে যায়— এনার্জির আউটলেট চাই তো। আবার দুদিনে শুধরেও নেওয়া যায় ওদের। গোবেচারি ভোঁতা ভালো ছেলের চেয়ে এ রকম ছেলেদের দিয়েই বরং কাজ হয়, মানুষের মতো মানুষ করে গড়ে তোলা যায়। কিন্তু তুমি একেবারে নষ্ট হয়ে গেছ, তোমাকে দিয়ে আর কোনো আশা নেই।

পাকা চেয়েই থাকে জিজ্ঞাসু চোখে।

কালীনাথ আবার বলে, আজ তোমায় বলতে বাধা নেই, তোমার কাছে অনেক আশা করেছিলাম পাকা। অদ্ভুত প্রাণশক্তি দেখেছিলাম তোমার মধ্যে, তেজ আর সাহস। ময়দানে যেদিন চারজন গুন্ডার সামনে একা বৃখে দাঁড়িয়েছিলে, শঙ্করের কাছে শুনেই পরদিন তোমার সঙ্গে আলাপ করেছিলাম। তোমায় ডিসিপ্রিন মানানো কঠিন হবে জানতাম, কিন্তু সে জন্য ভাবিনি। আমার সত্যি বিশ্বাস ছিল, অল্পে অল্পে তোমাকে ক্লাবের সেরা ছেলে করে তুলতে পারব। তোমার তুলনা থাকবে না। সারা দেশ একদিন তোমায় নিয়ে গর্ব করবে।

নিন্দা নয়, সমালোচনা নয়, আন্তরিক আপশোশ। কালীনাথের আবেগ ও দরদে ফাঁকি নেই। বুকটা তোলপাড় করে পাকার। ক্লাবের ছেলেরা ব্যায়াম করে চলেছে, ডন বৈঠক কুস্তি, মুগুর ভাঁজা, লাঠি ছোরা খেলা, মুষ্টিযুদ্ধ, যুয়ুৎসু। সুন্দর সুগঠিত শরীরগুলি, নতুন কয়েকটি ছেলের শরীর গড়ে উঠছে। শঙ্করও আছে ওদের মধ্যে। ময়দানে দুটি মেয়ের পিছু নিয়েছিল চারজন গুন্ডা গোছের জোয়ান ছোকরা একদিন সন্ধ্যাবেলা। পাকা একাই এগিয়ে গিয়েছিল বটে কিন্তু দেহটা আস্থ থাকবে এ ভরসা রাখেনি। তবে মেয়ে দুটি সরে পড়তে পারবে সে কাবু হতে হতে এটুকু জানত। কিন্তু মারামারি বাধতে না বাধতে চারজনেই আচমকা দৌড় দিয়েছিল পাশের নালা ডিঙিয়ে ঝোঁপঝাড়ের দিকে।

সাইকেল থেকে নেমে শঙ্কর আপশোশ করে বলেছিল, পালিয়ে গেল !

সেই দিন থেকে পাকার মনে গভীর শ্রদ্ধা আর আকর্ষণ জেগেছে কালীনাথের ক্লাবের প্রতি। যে ক্লাবের একটি ছেলেকে আসতে দেখেই চারজন গুন্ডা মরি কি বাঁচি ভাবে পালায় সে ক্লাব তো সামান্য নয় !

আমার স্বভাব খারাপ জেনেই ক্লাবে নিয়েছিলেন বলছেন, তবে কেন তাড়াচ্ছেন কালীদা ?

আগে জানতাম না ভূমি বেশ্যাবাড়ি যাও, বস্তুতে গিয়ে তাড়ি খেয়ে হইচই কর।

ও ! এবার বুঝতে পেরে পাকা মাথা হেঁট করে। এই দোষ দুটি এতক্ষণ তার মনে আড্ডা মারা হইচই করে বেড়ানোর অন্তর্গত হয়েই ছিল।

কালীনাথ বলে, যদি পার নিজেকে শূদ্রবে নিযো ভাই। এ ভাবে নষ্ট করার জন্য মানুষের জীবন নয়। কত মহান আদর্শ আছে, সাধনা আছে, কাজ আছে জীবনে, সমস্ত ভবিষ্যৎটা তোমার সামনে.....

মাথা হেঁট করে শুনতে শুনতে দীর্ঘে ধীরে মাথা উঁচু হতে থাকে পাকার। উপদেশ তাব সয় না, কোনো অবস্থাতে কারও কাছ থেকেই না।

নিজেকে যদি বদলে নিয়ে মানুষ করে তুলতে পার ভাই, সবার চেয়ে আমি বেশি খুশি হব।

একটা কথা বিশ্বাস করবেন কালীদা ? আমি বেশ্যাবাড়ি যাই না, তাড়ি খাই না। দু দিন শূদ্র গিয়েছিলাম ওরা কী রকম মানুষ, কী ভাবে থাকে দেখবার জন্যে, একটু সময় থেকেই চলে এসেছি, আর ওই গরিব দুঃখী ছোটোলোকদের সঙ্গে মিশতে আমার ভালো লাগে তাই মাঝে মাঝে যাই, তাড়ি খেতে নয়।

কালীনাথ গম্ভীর মুখে চুপ করে থাকে। সরল হলেও বোকা নয় পাকা। সে জানে তার কথা বিশ্বাসযোগ্য নয়, কালীনাথ ভাবছে, এ তার চালাকি। বিশ্বাস করলেও তাতে দোষ কাটানো যায় না। বেশ্যাবাড়ি যাওয়াটাই কম গুরুতর অপবোধ নয় এবং তাড়ির ভাঁড় ঠোটে ঠেকানো। কিন্তু হৃদয় যে এদিকে তাব প্রচণ্ড আবেগে ঠেলে উঠছে, কোনো মতে মানতে চাইছে না আজ থেকে ক্লাবের সঙ্গে তার সম্পর্ক চূকে যাবে। মাঝখানে কয়েকদিন একটু উদাসীন ভাব এসেছিল, খানিক আগে পাকা নিজেও জানত না ক্লাবের জন্য তাব এত মায়া, ক্লাব ছাড়তে গিয়ে মনে হবে সব ফুরিয়ে গেল, সর্বনাশ হল তার। দু হাতে ক্লাবের মাটি আঁকড়ে ধবে থাকতে ইচ্ছা হবে।

সত্যি বলাই কালীদা, আমার ব্রহ্মচার্য নষ্ট হয়নি। কোনোদিন এক ফোঁটা তাড়ি আমি গিলিনি। আমায় আর একটা চাপ দিন।

আর্ত আবেদন জানায় পাকা।

তা হয় না পাকা।

আমি আজ থেকে অক্ষরে অক্ষরে ক্লাবের নিয়ম মেনে চলব প্রতিজ্ঞা করছি। সিগারেট হোঁব না, আড্ডা দেব না—

তা হয় না ভাই। আমাকে ক্লাবের ডিসপ্লিন বজায় রাখতেই হবে। তোমায় আর একটা চাপ দিলে অন্য ছেলেদের নিয়মনীর্ন দূর্বল হয়ে পড়বে। প্রলোভনে পড়লে মনে হবে, একবার ভুল করলেও চাপ পাওয়া যায়। ক্লাবে নাই বা রইলে, নিজেকে বদলে ফেলো। ইচ্ছে হলেই এসো আমার কাছে।

অমিতাভের সঙ্গে কানাই আসে আখড়ায়। পাকার রাত-জাগা শুকনো মুখ দেখে অমিতাভ বলে, অসুখ করেছে ?

না। তুই ক্লাবে ঢুকেছিস নাকি কানাই ?

কানাই অন্যদিকে তাকিয়ে থাকে, কথা বলে না।

পাকা বেরিয়ে যায়। ব্যায়ামরত ছেলেদের দিকে চোখ তুলে সে তাকাতে পারে না। দু কান ঝাঁঝ করে অপমানে, অভিমানে। তাড়িয়ে দিয়েছে ! কানাইকে বরণ করে নিয়েছে, তাকে তাড়িয়ে দিয়েছে ক্লাব থেকে ! চলতে চলতে বাড়তে থাকে জ্বালা আর আক্রোশ। আজ থেকে সে শত্রু কালীদার, কালীদার ক্লাবের। মহান আদর্শের জন্য ক্লাব করেছে না কচু ! মারপিট করার জন্য তৈরি করছে কতকগুলি গুন্ডা। সেও একটা ক্লাব করবে। কালীদার ক্লাবে আর ক-টা ছেলে, তার ক্লাবের মেস্কার হবে একশো।

সুধা বলে, তুমি সত্যি অধঃপাতে গেছ পাকা।

বেশ করেছি। একশোবার অধঃপাতে যাব। তোমাদের কী ?

পড়ার টেবিলে দু হাতে মাথা গুঁজে দেয় পাকা।

সুধা অবাক হয়ে চেয়ে থাকে। পাকা কাঁদছে। তাকে কখনও কাঁদতে দেখেছে বলে মনে করতে পারে না সুধা।

পাকাও তবে কাঁদে ? ওর কাঁদুনে মুখখানা দেখতে বড়ো সাধ হয় সুধার।

কী হল ? চেয়ার ঘেঁষে দাঁড়িয়ে দু হাতে ধরে সে তুলবার চেষ্টা করে পাকার মুখ।

যাও, যাও, চাই না তোমাদের। আমায় কেউ ভালোবাসে না, দেখতে পারে না, কাউকে চাই না আমি।

যাঃ, ও কথা বলতে নেই।

এবার জোর করে পাকার মাথা তুলে সুধা বৃকে চেপে ধরে। চোখের জলে ভেসে গেছে পাকার মুখ। রাত-জাগা দু চোখের গভীর দূরস্ত বাথা প্রায় অভিভূত করে দেয় সুধাকে।

ছি, একটু বকেছি বলে এমন করে ? রাত জেগে বৃষ্টি বিগড়ে গেছে মাথা ? যে ভালোবাসে সে-ই বকুনি দেয়, বোকা ছেলে। চলো, এখনি চান করে একবাটি গরম দুধ গিলে, সঙ্গে সঙ্গে বিছানা নেবে। নইলে শুধু বকুনি নয়, মেরে আস্ত রাখব না।

নতুন মামি, আমি খুব খারাপ, না ?

না, তুমি খুঁউব ভালো। ওঠো দিকি এবার।

চার

১

শহর তোলপাড় কদিন থেকে।

ঘটনাটাই একটা চমক, শাস্ত্র অহিংস ভদ্র শহরের ঘাড় ধরা ঝাঁকুনি। তার উপর পুলিশের আকস্মিক কর্মতৎপরতা, খোঁজখবর জিজ্ঞাসাবাদ খানাতন্নাশের হিড়িক—গ্রেপ্তার। অন্দরে-বাইরে রাস্তায়-বাজারে স্কুলে-কাছারিতে লোকের মুখে অন্য কথা নেই। এদিক ওদিক চেয়ে নিয়ে সাবধানে নিচু গলায় কানাকানি ফিসফাস কথা—সতর্ক হওয়া ভালো, কে চর, কে শত্রু, কে জানে ! মুখোশপরা স্বদেশি ডাকাত কেড়ে নিয়েছে নলিনী দারোগার বউয়ের গায়ের গয়না—বিয়ের গয়না বাদ দিয়ে ! বলেছে, মাগো, পাপের বোঝা খানিক হালকা করে দিলাম, এবার একদিন পাপটার কবল থেকে মুক্তি দেব তোমায়। কতকাল এমন রোমাঞ্চকর ঘটনা ঘটেনি এ শহরে, অহিংস অসহযোগের আগে তখনকার পুলিশ সায়েব ডেভিসকে স্টেশনে মারবার সেই চেষ্টার পর থেকে। বছর গুনে হয়তো খুব পুরানো নয়, অহিংসার বন্যাই যেন স্মৃতিটাকে ভাসিয়ে নিয়ে গিয়েছে দূর অতীতে। নগেন বোসের ছেলে পনেরো-ষোলোবছর বয়সের বাচ্চা নারায়ণ গিয়েছিল পিস্তল নিয়ে, একা। গুলিটা বেরিয়েছিল ঘোড়া টেপার দশ-পনেরোসেকেন্ড পরে পিস্তলটা হাত থেকে ছিনিয়ে নেবার সময়, ডেভিসের বৃকের বদলে ভেদ করেছিল শেষ বেলার নীল আকাশ।

এবার পিস্তল ছিল চারজনের হাতেই। দেখেই কেঁউ কেঁউ করে উঠেছিল মেয়েদের সঙ্গে চাকর-আর্দালি আর নলিনীর শালা। পিস্তল নিয়ে ডাকাতিটুকুই যথেষ্ট ছিল শহরকে নাড়া দেবার পক্ষে, ওদের শাসানিটা চরমে তুলে দিয়েছে উত্তেজনা। এই শেষ নয়, এ শুধু ভূমিকা, আরও আছে ভবিষ্যতে।

রাত আড়াইটে তিনটের সময় জনহীন পথের ঘটনা, কিন্তু তার খুঁটিনাটি বিবরণও জানাজানি হয়ে গেছে। নলিনী অবশ্য ভয়ংকর হুমকির সঙ্গে হুকুম দিয়েছিল সকলকে বাইরের লোকের কাছে মুখ বন্ধ থাকতে। শ্যামলী কি পারে সে হুকুম মানতে, পাড়াব মেয়েদের কাছে কী কী গয়না গেছে তার ফর্দ আর কীভাবে গেছে তার রংদার বর্ণনা দাখিল না করে বাঁচতে ! ইয়ার বন্ধু আছে নলিনীর শালা সুখেন্দুর। চাকরটা আরদালিটা গাড়োয়ানটারও কি নেই ?

ভদ্রলোকেরা সঙ্গুস্ত, ব্যক্তিগতভাবে যেন বিপন্নও। শঙ্কা ও উদ্বেজনা চাপতে আরও বেশি ধীরস্থির। গভীর বিরক্তি আর আপশোষ যে, কী কাণ্ড করে গুভাগলি ! বয়াটে বখাটে ছোঁড়া ক-টা গা ঢাকা দেবে, টানা-হেঁচড়া চলবে নির্দোষ ছেলের নিয়ে। তবে, নলিনীরও বড়ো বাড়াবাড়ি, ইয়ংম্যান সব, এমনিতেই রক্ত গরম.....। দেশের নামে মেয়েছেলের গয়না কেড়ে নেওয়া, গয়না-পরা মেয়েরা বলে, উচিত নয়, ছি ! তবে, মাগিরও বড্ড গুমোর বেড়েছিল, সোনাদানা যেন কারও নেই আর, উনি একাই গয়না পরেন !

যুবকদের অনেকটা থমথমে ভাব, অসীম কৌতূহল, জিজ্ঞাসা আর সংশয়, এলোপাথাড়ি তর্ক কিন্তু হাতাহাতি নয়। ব্যাপারটা নলিনী-ঘটিত, ওঁকের সময়ও দু পক্ষের মাঝখানে তার অদৃশ্য উপস্থিতি ভোলা যায় না, ঘোচানো যায় না কিছুতেই, মুখের বদলে হাতাহাতি তর্ক চালাবার মতো গরম হয়ে উঠতে পারে না তার্কিকেরা। ছেলের বিস্ময়িত চোখ, আবেগে গলায় আটকে আটকে যাওয়া কথা, সব মতে এটা জঘন্য কাজ, তারও। নিন্দা করা যায় কাজটার, কাপুরুব বলা যায় আর গুভা ভাবা যায় ডাকাভদের, কিন্তু কোনো তরুণ বা কিশোরের সাধ্য কী যে অখুশি হয় নলিনী দারোগার বউয়ের গয়না লুট হয়েছে বলে।

গরিব সাধারণ মানুষের মধ্যে অতটা উদ্বেজনা নেই, যেটুকু আছে তাও অন্য ধরনের। বৃপকথার মতো তাদের মুগ্ধ করে ডাকাতির গল্প, স্বদেশিবাবুদের দুঃসাহসে তারা অবাক, নলিনীর ক্ষতি ও লাঞ্ছনায় উল্লসিত। হাতুড়ি চালাতে, চাকা ঘুবোতে, তাঁত বুনতে, ঘর বানাতে সারাতে, সাইকেল বাসন আসবাব মেরামত করতে, মাছ ধবতে, কাঠ চিরতে, বাস্তা সারাতে, গাড়ি হাঁকাতে, মোট বইতে, চামড়া পাকাতে, বেসাতি নিয়ে এসে বাজাবে বসতে জোরদার বলাবলির সময় বা সুযোগ কম, কাজ শেষের ক্লাস্ত অবসরেও পেট বুকুর ভালোমন্দের কথায় বারবার চাপা পড়ে যায় ও-আলোচনা। তবু ঘুরে ফিরে বারবার কথাটা ওঠে, স্বদেশিবাবুরা বউয়ের গয়না নিয়েছে, খুঁটোকে খুনও করবে।

ডেভিসের চেয়ে কার্লটিন চালাক বেশি, একটু পিছনে, আড়ালেই থাকে নিজে, যা কিছু করা দরকার করায় নলিনীকে দিয়ে। নলিনীকেই লোকে ভয় করে, ঘৃণা করে বেশি ! সাদা হাতের চেয়ে সাদা হাতের কালো চাবুকটাকে।

সার্চ চলে চারিদিকে, সকলের আগে কালীনাথের অগ্রণী ক্লাব, সাধনা সংঘ, ক্লাব ও সংঘের সভ্য ও পুরানো দিনের ছাপ মারা কয়েকজন বিপ্লবপন্থীর বাড়িতে। সাধনা সংঘ একটি ছোটোখাটো লাইব্রেরি, জেল-ফেরত প্রৌঢ়বয়সি আগের যুগের স্বদেশি ডাকাতি বিপিন দত্তের বাড়িতে একটি আলমারি ও একটি বুক শেলফ নিয়ে। তাতে সাজানো থাকে শুধু দর্শন ও যোগসাধনের বই। সঙ্গে গীতাপাঠ ও ব্যাখ্যা, ভূমার বিচার-বিশ্লেষণ, যোগসাধনার লাভালাভ ইত্যাদি বিষয়ে আলোচনা হয়। বক্তা অধিকাংশ দিন বিপিন, মাঝে মাঝে তার সহযোগী দীনেশ দাশ। নারায়ণ মাঝে মাঝে এখানে আসে। বছর খানেক আগে ছাড়া পেয়ে সে বাড়িতে অন্তরীণ হয়ে আছে। রসিকের সাইকেল সারাইয়ের কারখানা আর বাড়ি তন্নান্ন করা হল তন্নতন্ন করে, কানাইকে থানায় নিয়ে যাওয়া হল

জিজ্ঞাসাবাদের জন্য, মুখ-চোখ ফুলিয়ে কানাই ফিরে এল। রাত্রে জ্বল এল হু-হু করে। থিয়েটার দেখতে দেখতে উঠে গিয়ে সে বাড়ি ফেরেনি, রাত্রে শুয়েছিল সমরের বাড়িতে। সার্চ করা হল সমরের বাড়ি। তার বাবা দুর্গাপদ আদালতের পেশকার। যাকে তাকে বাড়িতে আনার জন্য ছেলেকে সে একটা চাপড় মেরে বসল পুলিশ বাড়ি ছেড়ে যাওয়ার পর। সমর এক কাপড়ে বেরিয়ে গেল বাড়ি ছেড়ে, দশ-বারোদিন পরে খোঁজ পেয়ে দুর্গাপদকেই কলকাতা গিয়ে তাকে বাড়িতে ফিরিয়ে আনতে হল যাকে তাকে বাড়িতে আনার তার যে পূর্ণ অধিকার আছে এটা পুরোপুরি স্বীকার করে নিয়ে। অমিতাভ একবার গ্রেপ্তার হল ঘটনার পরদিন দুপুরে। রাত দুপুরে সে বাড়ি থেকে বেরিয়েছিল, এগিয়ে গিয়েছিল জানবাজারের রাস্তা ধরে, সে পথ সোজা গিয়েছে ঘটনাস্থলের দিকে। ডাক্তার এন রায় চৌধুরী স্বীকার করল যে, মাঝরাতে অমিতাভ এসেছিল মার কলিকের বাথার জন্য তাকে ডাকতে, সে যায়নি, তবে ওষুধ দিয়েছিল আর ব্যবস্থা। দু দিন পরে ছাড়া পেলে অমিতাভ, আবার গ্রেপ্তার হল তিন দিন পরে কলকাতা যাবার সময় স্টেশনে। হাজত থেকে আবার ছাড়া পেলে কিন্তু বঞ্চিত হল ম্যাজিস্ট্রেটের লিখিত হুকুম ছাড়া শহর ছেড়ে যাবার বা সন্ধ্যার পর বাইরে আসার অধিকার থেকে। নারায়ণের বাড়ি সার্চ করা হল দুবার, চার-পাঁচবার থানায় গিয়ে তাকে প্রমাণ দিতে হল যে সে বাড়ি ছেড়ে বেরোয়নি ঘটনার রাত্রে, পুলিশের রাত দশটার হাঁকেও সাড়া দিয়েছিল, রাত তিনটোর হাঁকেও সাড়া দিয়েছিল। সিদ্দিকের দর্জির দোকানেও একদিন হানা দিল পুলিশ, এগাবোজন সন্দেহজনক লোক এত দর্জি থাকতে শুধু সিদ্দিককে জামা বানাবার অর্ডার দেয় কেন ? দোকান ও পিছনে বসবাসের ঘর দুখানা চার ঘণ্টা ধরে তল্লাশ করা হল। রমেশ আর কান্তি প্রায়ই যায় দীপ্তিব বাড়ি, দীপ্তি প্রায়ই যায় কালীনাথের কাছে, খার্ড ক্লাসের এতটুকু মেয়ে স্কুলের মেয়েদের সভায় জোরালো বক্তৃতা দেয় স্বাধীনতার জন্য প্রস্তুত হবার আহ্বান জানিয়ে—হেড মিস্ট্রেস মিসেস তরফদারের কড়া চিঠির জবাবে অবশ্য দীপ্তির বাবা রজনী সিকদার জানিয়েছে, মেয়ে তার ভবিষ্যতে কখনও ও রকম পাগলামি করবে না—তাকেও জেরা করা হল। শহব থেকে বাইরে যাবার পথের মোড়ে মোতায়েন পুলিশ তল্লাশ করতে লাগল পথিকের মোটাবাট, গাড়ির মালপত্র। স্টেশনে তছনছ করা হতে লাগল যাত্রীর বাকসো পেঁটার শ্যামলীর গয়নার সন্ধানে।

বেশ একটু দিশেহারা ভাব পুলিশের, যাকে তাকে সন্দেহ করছে, যেখানে সেখানে টু মারছে।

তখন কলকাতা থেকে এল স্পেশালিস্ট রায় বাহাদুর এন এন ঘোষাল। বোলাটে ফরসা মুখে বুদ্ধিজীবী বৈজ্ঞানিকের শান্ত সমাহিত ভাব, চোখে ভাবুক কবির অন্যমনা উদার দৃষ্টি। একটা দিন থেকেই সে কলকাতা ফিরে গেল, বেলা তিনটোর গাড়িতে। পরদিন অদৃশ্য হয়ে গেল পথের মোড়ে, স্টেশনে, বাজারে মোতায়েন বাড়তি পুলিশ, খানাতল্লাশ ও যখন তখন যাকে তাকে টানাটানি ও গ্রেপ্তার প্রায় বন্ধ হয়ে গেল। শ্যামলীর গয়না ডাকাতি হওয়ার মতো তুচ্ছ নিষয় যেন হঠাৎ তুচ্ছই হয়ে গেল পুলিশের কাছে। শুধু বোঝা গেল, নজর কড়া হয়েছে। সাদা পোশাকের ছদ্মবেশি চোখ-কানের সংখ্যা বাড়তে আরম্ভ করেছে, কয়েকজনের চলাফেরা গতিবিধি চক্ৰবর্তী ঘণ্টা দেখছে চোখগুলি, সবার সঙ্গে মিশে গিয়ে এদিক ওদিক ঘুরে ফিরে কে কী বলে কানগুলি শুনছে।

কলকাতা ফিরবার দিন সকালে এন এন ঘোষাল দেখা করতে এল ভৈরবের সঙ্গে। পিসির জা-এর মেয়ের জামায়ের মতো কোনো একটা সম্পর্কে সে ভৈরবের ভগ্নিপতি হয়।

কেমন আছেন রায় বাহাদুর ?

আসুন রায় বাহাদুর।

আত্মীয়তামূলক ভদ্র আলাপ চলে, নিকট ও দূর আত্মীয়কুটুম্বের সংসারে বিবাহ মৃত্যু পাশ ফেল চাকরি-বাকরির সংবাদ আদান-প্রদান।

এই ব্যাপারে এসেছেন ? ভৈরব জিজ্ঞাসা করে কিছুক্ষণ পরে।

হ্যাঁ, তা ছাড়া কী !

কী যে দাঁড়াচ্ছে ছেলেগুলো আজকাল, ভৈরব আপশোশ করে, ধর্ম নেই, নীতিজ্ঞান নেই। অবাধ্য উচ্ছৃঙ্খল, যা খুশি করে বেড়াচ্ছে। গান্ধীজির প্রভাবে আর কিছু না হোক, এ সব চাপা পড়ে যাবে ভেবেছিলাম, একটু সংযত হবে। এই জন্য চরকায় এত জোর দেন গান্ধীজি, আমার যা মনে হয়। এমনি নিয়মনিষ্ঠা তো মানবে না কিছু, তবু নিয়মমতো চরকা কাটলে মনটা হয়তো কিছু শান্ত থাকবে। তা, চরকাও ছোঁয় না ছোঁড়াগুলো। আচ্ছা রায় বাহাদুর, একটা কথা মনে হয়। স্বদেশি ছেলের নামে সাধারণ চোর-গুন্ডার কাজ হতে পারে না ?

রিভলবার পাবে কোথা ?

ও, হ্যাঁ, তা বটে, ঠিক কথা, খেয়াল ছিল না। তা, কদিন চলবে এ রকম ?

আর চলবে না। নলিনী একটা গোমুখ্য। তেমনি মুখ্য কার্লটন আর আপনাদের নতুন ম্যাজিস্ট্রেট হার্টলি। সবে বিলেত থেকে এসেছে, কিছু জানেও না, বোঝেও না।

ওই সাদা মুখ্যরাই তো চালাচ্ছে !

তা নয় রায় বাহাদুর, তা নয়। চালাচ্ছি আমরাই, কালা আদমিরা। আমাদেরই ব্রেন, আমাদের ওয়ার্ক, ওরা সেটা শুধু কাজে লাগায়। ওরা স্রেফ নুলো জগন্নাথ, আমরাই দড়ি টেনে রথ চালাই। একটু থেমে ঘোষাল বলে, পাকা নাকি আপনার কাছে থেকে পড়ে ? ওর বাবার সঙ্গে দেখা হয়েছিল, শশীব খুব খারাপ দেখলাম। বহুকাল পরে দেখা, কী রকম বদলে গেছে মানুষটা। পাকা কোন ক্লাসে পড়ে ?

সেকেন্ড ক্লাসে। বড়ো দুরন্ত ছেলে, বড়ো অবাধ্য। ওরে কাঞ্চা, পাকাবাবু আছে নাকি, ডাক তো। চা-মিস্তির সঙ্গেই প্রায় পাকা আসে। ঘোষাল সন্নেহে বলে, তুমি পাকা ? কত বড়ো হয়ে গেছ ! আমি তোমার মেসোমশাই হই। তোমায় আগে দেখেছিলাম, দাঁড়াও দেখি হিসেব করি। তেরো না চোদ্দো সালে, বাঁকুড়ায়। তুমি তখন এইটুকু বাচ্চা। আমায় দেখলেই বলতে, মুসু, মুসু, লজেন ? রোজ পকেটে করে তোমার জন্য চকোলেট লজেন্স নিয়ে যেতে হত। তোমার মা বলতেন—
মা তো বেঁচে নেই।

চুরমার হয়ে যায় আত্মীয়তা অমায়িকতা স্নেহপ্রীতির সংগঠন, বুঝি বা রবারথর্মী ভদ্রতাও। এ কী কাণ্ডজ্ঞানহীন ছেলে, এ সময় এমন গণ্ডীর অপ্রসন্ন মুখে এ ভাবে বলে তার মা তো বেঁচে নেই ! তিন বছর আগে তার মা মরেছে এ খবর যেন মানুষটা রাখে না—যে দাবি করছে আত্মীয়তার ! বিব্রত ভৈরব বলে, মেসোমশায়কে প্রণাম করলে না পাকা ?

একটু খতোমতো খাওয়া ঘোষাল বলে, থাক, থাক। তোমার মার কথা জানি ভাই।

পাকাকে ভাই বলে বসে ঘোষাল, বলে খেয়ালও হয় না, পাতানো মেসো শালি-পুত সম্পর্ক, ভাই বলার সম্পর্ক নয়। অতিরিক্ত তীক্ষ্ণ বুদ্ধির রকমই এই, কয়েকটা ফলা চকচকে ধারালো হয়, কয়েকটা মর্চে ধরে মেরে যায় ভোঁতা।

শুভাদি আমায় আচার খাওয়াতে বড়ো ভালোবাসতেন। কী শখ ছিল আচার করার ! দিনাজপুরে একবার আমাকে সাতরকম আচার খাইয়েছিলেন, তুমি তখনও জন্মাওনি।

মা তো কখনও বলেনি আপনার কথা ?

বলেছে, তুমি ভুলে গেছ।

এতক্ষণে পাকাকে একটু নরম, একটু উৎসাহী মনে হয়।

বলে, মার এগারোটা আচারের জার ছিল। শ্মশান থেকে ফিরে আমি সব কটা ভেঙে চুরমার করে দিয়েছিলাম। বলুন না মেসোমশাই, আচারের জার দেখে, কাপেট দেখে, ফটো দেখে মাকে মনে রাখতে হবে ? ও রকম মনে নাই বা রাখলাম !

বোসো পাকা, দাঁড়িয়ে কেন ? ঘোষাল তার সঙ্গে সন্নেহে আলাপ করে—এবার গুবুজনের বদলে খানিকটা বন্ধুর মতো সন্নেহে।

২

সুধার কাছে সগর্বে বলে পাকা, জানো নতুন মামি, আমি ইচ্ছে করলেই কালীদাকে আচ্ছা জন্দ করতে পারতাম। ঘোষাল মেসোমশায়কে বলে দিলেই হত। নামকাটার মজা টের পেও কালীদা। ইচ্ছে করে বললাম না।

সুধা চমকে ওঠে, কী বললে না পাকা ?

তা শূনে কী করবে ডুমি ? শোধ নিতে পারতাম, নিলাম না, বাস।

সুধা হাত চেপে ধরে পাকার, আমায় বলো।

দারুণ বিরত হয়ে পড়ে পাকা। এ কী মুশকিল হল ? বলবে নতুন মামিকে ? না বললে ভয়ানক রাগ করবে নতুন মামি। কিন্তু বললে যদি জানাজানি হয়ে যায় ? যে গল্প করার স্বভাব নতুন মামির !

তামাশা করছিলাম নতুন মামি। আমি জানি না কিছু।

আমায় চূপিচূপি বলো পাকা। আমি কাউকে বলব না।

আমি সত্যি কিছু জানি না।

তোমার এ সব ইয়ার্কি বিস্তী লাগে পাকা। আমি তোমার গুবুজন না !

সুধা দুপদাপ পা ফেলে চলে যায়। মুখখানা বিপন্ন করে পাকা চেয়ে থাকে। নরেশের কাছে সে কথাটা শূনেছে। নির্বিবাদে সোজাসুজি তাকে কানাইয়ের দলে যাবার অনুমতি দেওয়ায় আহত ক্ষুব্ধ অভিমানী নরেশ সেদিন রাত্রে একা বাড়ি চলে গিয়েছিল আর থিয়েটার না দেখে। যেখানে ডাকাতি হয় তার কাছে রাস্তার পাশে গাছের আড়ালে দাঁড়িয়ে দুজন কথা বলছিল। সে কাছে আসতে রাস্তায় নেমে এসে হাঁটতে আরম্ভ করে কোথায় যেন মিলিয়ে গিয়েছিল কালীনাথ, অন্যজন সরে গিয়েছিল আড়ালে। তাকে ঠিক চিনতে পারেনি নরেশ, মনে হয়েছিল নারায়ণ হবে ! বাড়ি বয়ে এসে বুদ্ধ্বাসে নরেশ পাকাকে জানিয়েছে সব। পাকা তাকে বারণ করে দিয়েছে কারও কাছে এ কথা বলতে, বললে জীবনে কখনও সে তার সঙ্গে কথা কইবে না। নরেশ মুখ বুজে থাকবে পাকা জানে। বোকার মতো সে যে কেন বাহাদুরি করতে গেল নতুন মামির কাছে !

সতাই কী আর সে পুলিশের লোকটাকে কিছু বলত, না, এতটুকু ইচ্ছাও তার হয়েছিল বলতে ? ঘোষালের সঙ্গে কথায় কথায় কী ভাবে যেন ক্লাবের কথা উঠেছিল, তখন শুধু একবার মনে হয়েছিল, সে ইচ্ছা করলে কালীদাকে বিপদে ফেলতে পারে। শুধু মনে হয়েছিল কথাটা, আর কিছু নয়। ক্লাব থেকে তাড়িয়ে দেওয়ার জন্য এ রকম হীন প্রতিশোধ নেওয়ার চেয়ে সে বরং মরে যাবে।

খবর পেয়ে শেষ মুহূর্তে কালীনাথ একবার শেষ চেষ্টা করে দেখতে গিয়েছিল নারায়ণকে ঠেকাতে পারে কিনা। ভরসা খুব বেশি ছিল না, নারায়ণের যেমন প্রাণের মায়ী নেই এতটুকু, তেমনই আবার ঠিক করে ফেলা কর্তব্যে তার মমতাও অটল। সে নিষ্ঠায় তখন যুক্তিতর্ক মিছে, অচল।

নারায়ণ, আমি কালীনাথ। কথা আছে।

বিরক্ত হয়েছিল নারায়ণ। শ্যামলীর গাড়ি কখন এসে পড়ে ঠিক নেই। রাত আড়াইটে বেজে গেছে। অনেক আগেই বাড়ি ফেরা উচিত ছিল শ্যামলীর। এমনিই সে কখনও রাত জাগতে পারে না

অথবা জাগে না, এখন আবার কাছে কচি ছেলেটা। থিয়েটার থেকে তাকে রওনা হতে দেখলে কিশোর জোরে সাইকেল চালিয়ে এসে বেলে সংকেত বাজিয়ে চলে যাবে সামনের রাস্তা দিয়ে। প্রতি মুহূর্তে সে কিশোরকে প্রত্যাশা করছে। এই কি তর্কবিতর্কের সময় ! তবু, আডাল থেকে নারায়ণ উঠে আসে।

তোমায় আমি আবার অনুরোধ করছি নারাণ, এটা ক্যানসেল করে দাও। তোমায় আগে বলিনি, এখন জানাচ্ছি, তোমায় এত করে বারণ করার আর একটা কারণ আছে, আমরা একটা বড়ো প্ল্যান করেছি। কারও গয়না বা টাকা নয়, গবর্নমেন্টের টাকা, পঞ্চাশ-ষাট হাজার হবে। এই সামান্য ব্যাপারের জন্য তাতে ব্যাঘাত ঘটায়ো না ভাই। আমাদের বিপ্লবীদের মধ্যে যদি এটুকু ঐক্য না থাকে আমরা কোনোদিন কিছুই করতে পারব না।

তুমি যদি খুলে বললে, আমিও বলি। আমারও বড়ো প্ল্যান আছে, শুধু এই গয়না ডাকাতি করা নয়। নলিনীকে শেষ করাই আমার আসল উদ্দেশ্য। এর মধ্যে নলিনী খুব বাড়াবাড়ি করলে, আজকের এটা দরকার হত না, সোজাসুজি ওকেই ঘা দিতাম। কিন্তু চারিদিক ঝিমিয়ে আছে, নলিনীরও লাফালাফি নেই, হঠাৎ ওকে মারলে তেমন এফেক্ট হবে না। সাড়া জাগবে না। আজকের ব্যাপারে ও খেপে যাবে, খুব দাপট চালাবে। তখন ওকে শেষ কবব।

একজন দুজন অফিসারকে মেরে কি বিশেষ লাভ আছে ? সেদিন বোধ হয় চলে গেছে। আজ দরকার নয়, দল কবে সোজাসুজি গবর্নমেন্টকে বড়ো ঘা মারা।

এ সব কাজে বড়ো দল হয় না। অত ছেলে পাবে কোথায় ? একজন দুর্বল থাকলে তার জন্য দল ভেঙে চুরমার হয়ে যায়। তুমি ভুল বকছ কালীনাথ।

আমাদের দলে এমন একটি ছেলেও নেই, একটু একটু করে গায়ের চামড়া খুলে নিলেও যে মুখ খুলবে।

কী জানি !

এক কাজ করো। তোমরাও এসো আমাদের সঙ্গে, নলিনীকে খ্যাপাতে চাও, বড়ো ঘা খেয়ে ওরা সব ক-টাই খেপে যাবে। তখন তোমরা যাকে খুশি মেরো।

তোমাদের মধ্যে অনেক কাঁচা ছেলে। কোন ভরসায় তোমাদের সঙ্গে যাব ? তুমি এত ঘাবড়েই বা যাচ্ছ কেন কালীনাথ ? আজকের ব্যাপারে বড়ো জোর ওদের কড়াকড়িটা বাড়বে। সে জন্য ভয় পেলে চলে আমাদের ? ওরা তো সতর্ক হবেই, কড়া ব্যবস্থা করবেই, আমরা আজ কিছু না করি, তোমার অপারেশনটার সঙ্গে সঙ্গে করবে। দু দিন আগে আর পরে। ওটাই তো তোমার শেষ কাজ নয় ? আরও তো প্ল্যান আছে ?

শুধু ভাই নয়, মেয়েদের গয়না লুঠ করা লোকে পছন্দ করে না। আমাদের যারা সমর্থন করে তাদের কথাই বলছি।

নলিনী দারোগার বউ মেয়ে নয়।

রাতের শেষভাগে গাছের ফিকে চাঁদের আলোর ছায়ায় দাঁড়িয়ে তারা মৃদুস্বরে কথা বলছিল, দুজনেই শান্ত, নিরুদ্বেজ।

আর একদিন আলোচনা করতে হবে। শেষ কথা বলেছিল কালীনাথ।

বেশ তো।

মুনসেফ সুরেনবাবুর মেয়ের বিয়ের নেমস্তম্ভ রাখতে গিয়ে তাদের দেখা হল। ঘোষাল এসে ফিরে যাবার কয়েকদিন পরেই। যে কজনের চলাফেরা ওঠা-বসা নিয়ন্ত্রণ করে নতুন নিবেধ জারি করা

হয়েছিল সব তখন তুলে নেওয়া হয়েছে। এমন কী, নাবায়ণ ম্যাজিস্ট্রেটের কাছে দরখাস্ত করায় প্রায় সঙ্গে সঙ্গে সন্ধ্যা থেকে বাড়ি থাকবার পুরানো হুকুমটাও বদলে হয়েছে মাঝরাত্রি থেকে বাড়ি থাকার হুকুম। ঘোষাল নিজে থেকে তাকে হেসে বলেছিল, এদিকে রিভলবার নিয়ে সায়েব মারতে যান, সাধারণ বিষয়ে একেবারে উদাসীন আপনারা। সন্ধ্যা থেকে কেটরে ঢোকান হুকুম একটা দেওয়া হয়েছে, আপনিও তা মেনে নিয়ে চূপচাপ বসে আছেন। ও সব হল ফর্মাল অর্ডার একটা দিতে হয় তাই দেওয়া। এক বছর তো হয়ে গেল, এবার একটা দরখাস্ত করুন। আপনি চূপ করে থাকলে কার গরজ পড়েছে মাথা ঘামাবার !

নারায়ণ উৎসাহ দেখিয়ে বলেছিল, ঠিক কথা, খেয়াল হয়নি তো !

এতদিন দেয়নি, এখন গতিবিধি নিয়ন্ত্রণের হুকুম রদের প্রার্থনা জানিয়ে দরখাস্ত দেওয়া, শহবে এমন ঘটনার পরেই ! ভেবেচিন্তে তাই করেছিল নারায়ণ। ওরা যদি চায় সে একটু স্বাধীন ভাবে চলাফেরা করুক, তার আপত্তি কীসের !

দেশে কে রাজা কে প্রজা, কে কেন ডাকাতি কবে, পুলিশ কেন তোলাপাড় কবে শহব, এ সব বিষয়ে সুরেন একান্ত উদাসীন। মেয়ের বিয়েতে সে আয়োজন করে বিরাট ভোজব, শহরে সমস্ত চেনা মানুষকে নেমস্তন্ন করেছে।

পাঁচ

১

সুরেনের বাড়িটা একটু পুরানো আর বেটপ এবং সেই জন্যই ভাড়ার অনুপাতে ঘর অনেকগুলি, স্থান অঢেল। সামনের উঠানটা এত বড়ো যে যাত্রাব আসর বসানো চলে। বাড়িওয়ালাকে মিঠেকড়া উপরোধ অনুরোধ জানিয়ে জানিয়ে বিফল হয়ে সুরেন অগত্যা নিজেই পয়সা খরচ কবে ভাসা-ভাসা ছাড়া-ছাড়া চুনবালির প্রলেপে বাড়িটার জীর্ণতা খানিক ঢাকবার চেষ্টা করেছে। সংকল্প আছে ভাড়া থেকে টাকাটা কেটে নেবার, কিন্তু খুব বেশি ভরসা নেই। বাড়িওয়ালা শ্রীমন্ত সাহা পাকা ঝানু লোক, আর এদিকে সরকারি চাকুরে হলেই বা কী, সে নিছক মুনসেফ। ছোটোখাটো একটা সাবডেপুটি হলেও লোকে কিছু ভয় করত, শ্রীমন্তও হয়তো বাড়ি মেরামতের অনুরোধটা অমান্য করতে সাহস পেত না, কিন্তু মুনসেফকে কে মানে, একটা ছাঁচড়া চোরকেও যার পুলিশ দিয়ে বেঁধে এনে জেলে দেবার ক্ষমতা নেই ? অথচ সে হাকিম, জোর করে ভাড়া না দিলে বদনাম রটবে যে অমুক হাকিম বাড়ি ভাড়া দেয় না—জজসায়ের কানে গেলে রাগ করবে, ধমক দেবে। এ এক বড়ো আপশোশ সুরেনের, বড়ো সে ঈর্ষা করে পুলিশি ফৌজদারি হাকিমদের।

ছাতটা হোগলা দিয়ে ঢেকে সেখানে সকলের পাতা পাতবার ব্যবস্থা। ভিতরের উঠানে ছোটো শামিয়ানার নীচে বিয়ের আসর। সামনের অঙ্গনে মস্ত শামিয়ানার তলে বসবার জন্য ফরাশ ও চেয়ার। ডে-লাইট জ্বলে আর কারবাইড পুড়ে দরকারের চেয়ে অনেক বেশি আলোকিত করেছে চারিদিক। যে ঘর আর আনাচ-কানাচে এ আলো পড়ছে না সেখানে জ্বলছে সাধাবণ লঠন। শুধু আলোর বাড়াবাড়ি নয়। রাত আটটা নাগাদ বর নিয়ে বরযাত্রীরা এসে হাজির হবার পর কিছু বাজিও পুড়ল, তুবড়ি এবং হাউই। তখন সাধারণ নিমন্ত্রিতেরা অনেকেই এসে গেছে, বিশিষ্ট ব্যক্তির শুরু করেছে আসতে। সকলের সঙ্গে কুশঘাসের আসনে বসিয়ে পাতায় খাওয়ানোর বদলে এইসব পদস্থ ও সন্ত্রাস্ত লোকগুলিকে বড়ো একটা ঘরে ভিন্নভাবে বিশেষভাবে খাওয়ানোর ব্যবস্থা হয়েছে বটে কিন্তু আসরে বসবার জন্য সাধারণ ভদ্রলোকের নাগালের বাইরে পৃথক কোনো রিজার্ভ ব্যবস্থা করা হয়নি।

তাদের জন্যও ওই সাধারণ চেয়ার। তবু যেন কী ভাবে সক্রিয় কৌশলে প্রকৃতির কোন অলঙ্ঘ্য নিয়মে আপনা থেকেই বিশিষ্ট ব্যক্তিদের বসবার একটা নিজস্ব এলাকা সকলের মধ্যে গড়ে উঠছে দেখা যায়। ফরাশে একাকার হয়ে গেছে ছোটো-বড়ো সাধারণ ভদ্রলোক, চেয়ারের সারিগুলির একদিকে খানিকটা মাননীয় ও গণনীয় উকিল ডাক্তার চাকুরীদের মধ্যে পর্যন্ত মেশাল পড়েছে সাধারণ ছোটো-বড়ো ভদ্রলোকের, কিন্তু অপরদিকে শহরের শুধু সেরা ব্যক্তিদের নিছক নির্ভেজাল ঘাঁটি। ঘাঁটি গড়ার কেন্দ্রটা সহজেই লক্ষণীয়, কয়েকজন বড়ো অফিসার। ওঠাবসা নড়াচড়া হাসিকথা রকম-সকম দেখে মনে হয় ওরাই চুম্বকের মতো জমিদার, ব্যবসায়ী, নেতা, কলেজের অধ্যক্ষ, সরকারি উপাধিধারী প্রভৃতিকে কাছে টেনে জড়ো করেছে—খাঁটি চুম্বকের মতো ওরাই হল আসল সম্ভ্রান্ত,—লোহার টুকরোর মতো অন্যদের মানসম্ভ্রম কেবল ওদের সম্ভ্রান্তে অর্জন করা।

লগ্ন রাত সাড়ে এগারোটায়।

প্রথম ফাঙ্কনে শীতের ছোটো দিন কিছু বড়ো হয়েছে বটে কিন্তু তিন-চারদফায় এতগুলি লোককে খাওয়াতে হলে আটটাই বা কি এমন কম রাত? প্রথম দলকে ভোজনে বসাতেই হবে শিগগির। তার আয়োজন চলাছে ছাতে। একতলায় চলাছে বিয়ের অনুষ্ঠানের প্রস্তুতি, অকারণেই নানা ছুতায় উল্ধ্বনি উঠছে ঘনঘন। আসবে চলেছে আসুন বসুন রব তুলে সিগারেট বিতরণের সংবর্ধনা।

অথচ মাগব বাপ সুরেন যেন একেবারেই নিরপেক্ষ। এ যেন তার মেয়ের বিয়ে নয়, তারই পয়সার ঘটনা নয়, সে-ই যেন শুধু নগদেই সাড়ে তিন হাজার টাকার পণ দিয়ে কলকাতা কর্পোরেশনের নতুন কাউন্সিল অঘোরের জীবনের ভরসাবূপ পুত্ররত্ন কর্পোরেশনেই সদা নিযুক্ত কেরানি রোগা ও কালো শ্রীমান পরিমলকে বাগায়নি মেয়েকে বিলিয়ে দেবার এই উৎসবের জন্য। তাকে কেমন যেন মন-মরা, উদাসীন মনে হয়। জেলা জজ অরবিন্দবাবুকে ফাঙ্কনের দখিনা হাওয়ায় দামি শাল উড়িয়ে আসতে দেখেও সে এগিয়ে গিয়ে অভ্যর্থনা জানায় না। কাজটা করতে হয় তার দাদা হরেনকে।

অরবিন্দ বলে, সুরেনবাবু—?

জজ হয়েও বোকার মতোই বলে। কারণ, দুজনেই তারা খানিক দূরে স্পষ্ট দেখতে পাচ্ছে সুরেনকে। বাঁশের খুঁটিতে লটকানো ডে-লাইটের নীচে তাদেরই দিকে মুখ করে দাঁড়িয়ে সুরেন যেন সব ভুলে তন্ময় হয়ে শুনছে তার মেয়ের বিয়ের সানাই। বাড়ির সদর দরজার ডাইনে রোয়াকে বসে লখীন্দর তান ধরেছে তার নিজস্ব মেশাল পূর্ববীতে—এ জেলায় লখীন্দর বিখ্যাত সানাইওয়াল। বিভোর হয়ে বাজাচ্ছে লখীন্দর, ওটা তার স্বভাব। পো-ধরা তাল বাজানোদের নিয়ে সানাই বাজিয়ে মোট পাবে তেরোটি টাকা, পাঁচ বেলা খাওয়া আর একখানি কাপড়, আটহাতি কী বড়ো জোর ন-হাতি হবে কাপড়খানা জানা কথাই, গামছাও হয়ে দাঁড়াতে পারে শেষ পর্যন্ত। তবুও মন দিয়ে সানাই বাজায় লখীন্দর, শূনে মন কেমন করে মানুষের।

মেয়ের বিয়ের ব্যাপার বুঝতেই তো পারেন, হরেন সবিনয়ে জানায়, আসুন, বসুন এসে, সুরেনকে খবর দিচ্ছি। আপনি পায়ের ধুলো দিয়েছেন শুনলে--

খানিক এমনি বিভোর আনমনা হয়ে থাকে সুরেন, আবার হঠাৎ সচেতন হয়ে খানিক এদিক ওদিক ছটফট করে বেড়ায়, যাকে সামনে পায় তার সঙ্গেই কথা বলে। বলে যে, সাড়ে এগারোটায় লগ্ন, বিয়ে শুবু হতেই বারোটা বাজবে, কী দিয়ে সকলকে সে যে আপ্যায়ন করবে—একটু গান-বাজনার ব্যবস্থা পর্যন্ত করে উঠতে পারেনি। তার বিনয়ের জবাবে সকলে বিনয় করে, এটা যে আসলে তার একটা গোপন প্রার্থনা বুঝে উঠতে পারে না। বলে যে, আহা, ব্যস্ত হচ্ছেন কেন, কোনো অসুবিধা নেই, কিছু ভাববেন না আপনি, এ তো আমাদেরই ঘরের কাজ।—কেউ ভুলেও বলে না তাকে যে, গান-বাজনার ব্যবস্থা নাই বা রইল, আপনিই আমাদের একটু কীর্তন শোনান না

সুরেনবাবু ? বলে তার অনিচ্ছা সত্ত্বেও জোর করে চেপে ধরে তাকে বাধা করে না কীর্তন গেয়ে শোনাতে।

ভৈরব বরং বলে, আরে মশায়, এন্টারটেনমেন্টের ব্যবস্থা করেননি, বেঁচে গেছেন। ও সব কিছু দিলেই ভজ্জট বাড়ে। কাজের ভার দিয়েছেন যাকে সে দাঁড়িয়ে গান শুনছে, খেতে বসতে ডাকছেন কেউ উঠছে না, আবার হয়তো এক সঙ্গে সবাই হুড়মুড় করে এসে বসতে চাইছে।

আর একজন বলে, ডান হাতের আয়োজন আছে, আবার কীসের এন্টারটেনমেন্ট ?

মাঝে মাঝে হরেন এসে তাকে ভৎসনা করে যায়, তুমি করছ কি সুবেন ?

আর ক্ষণে ক্ষণে এ এসে ও এসে জানায়, এটা চাই, ওটা হল না, সেটার কী করা যায় !

মেয়ের বিয়ে দেবার শ্রান্তিতে, চারিদিকের এই নীরস বাস্তব ব্যবস্থা আর বেসুরো কলরবের চাপে, উজ্জ্বল আলো আর উলঙ্গ আনন্দের কটুস্বাদে সতাই ফাঁপর ফাঁপর লাগে সুরেনের। সব বন্ধ করে পালিয়ে যদি যাওয়া যেত দূরে, বহুদূরে, এ সব হাঙ্গামার সীমা ছাড়িয়ে, যেখানে শুধু রাখাক্ষেপের প্রেম-বিরহের বিচিত্র মধুর রসে মশগুল হয়ে জগৎ-সংসার ভুলে থাকা যায়। পাকা নেশাখোরের যেমন কাজ আর দায়িত্বের ঝঞ্জাটে দম আটকে আসে, অভ্যস্ত নেশায় মাত্রা বাড়িয়ে ডুব দিতে প্রাণটা ছটফট করে, সুরেনেরও সেই দশা।

বিয়ের আসরেও দেশের কথা নিয়ে তর্ক বাদ যায় না। অসহযোগ আন্দোলন রাশ টেনে থামিয়ে দেওয়া উচিত হয়েছে কী হয়নি, সেই তর্ক। বয়ন সংঘের ভবতোষ বলে, আর কিছুই করার ছিল না। আন্দোলন বিপথে চলার উপক্রম করলে সেটা বন্ধ করাই নেতাদের কর্তব্য।

অমিতাভ মৃদুস্বরে মন্তব্য করে, আন্দোলন বিপথে যায় কেন !

ভবতোষ বলে, দেশের লোক নিয়ে যায়। সংযম হারায়, নেতাদের কথা শোনে না, উচ্ছৃঙ্খল হয়ে ওঠে।

অমিতাভ বলে, কিম্বা আন্দোলনটাই ভুল পথের বলে দেশের লোক ধৈর্য হারায়, নেতাদের কথা শোনে না, নিজেরা আন্দোলন চালাতে চায় ?

ভবতোষ বলে, কী যে বলো তুমি অমিত ! সাধারণ লোক কত রাজনীতি বোঝে !

অমিতাভ বলে, স্বাধীনতা চাই, এটুকু তো বোঝে ? ব্রিটিশ শাসন ধ্বংস করা চাই, এটুকু তো বোঝে ? মুখ বুজে মার খেলে স্বাধীনতা আসে, এ রাজনীতি তারা বুঝতে পারে না, তা ঠিক। কোনোদিন বুঝতে পারবেও না। যে মারে তাকে মারতে হয়, এই সোজা সত্যটা তারা বোঝে। চিরকাল তাই বুঝবে।

তোমরাই দেশের শত্রু। বুঝলে অমিত, মাথা-গরম তোমরাই দেশের সর্বনাশ করছ !

কেন ? আমরা তো নেতা নই !

আহা, গরম হয়ে লাভ কী ? তোমার কথাই ঠিক ভবতোষ। আর কী করার ছিল ? ভবতোষকে সমর্থন করে ডাক্তার রায়চৌধুরী বলে, যে-ভাবে যে-পথে যিনি মুভমেন্ট চালাবেন তিনিই যখন দেখলেন দেশের লোক সে-ভাবে সে-পথে চলছে না, তাঁর নির্দেশ মানছে না, বুঝতেই পারছে না তাঁর কথা, মুভমেন্ট বন্ধ না করে তিনি করেন কী ? তাঁরই মুভমেন্ট তাঁরই দায়িত্ব, তিনিই সব। চৌরীচৌরার পর আর তিনি পারেন চালাতে ?

ডাক্তার রায়চৌধুরীর পরনে ফেনার মতো কোমল আর ধবধবে সাদা খদ্দেরের ধুতি-পাঞ্জাবি, কাঁধে চাদর, তার তুলনায় বয়ন সংঘের ভবতোষের জামা-কাপড় অনুজ্জ্বল, কর্কশ ও মোটা।

তাঁরই মুভমেন্ট, তাঁরই দায়িত্ব, তিনিই সব !

নিশ্চয় ! এ বিষয়ে সন্দেহ আছে ? বলতে বলতে প্রশান্ত উদ্দীপনার ভাব ফুটেছে ডাক্তার রায়চৌধুরীর মুখে, একটা কথা ভেবেছেন মশায় গাঙ্গীজি ছাড়া কারও সাহত হত বলতে, আর নয়,

যথেষ্ট হয়েছে, এবার বন্ধ করো ! মুভমেন্ট শুরু করতে পারে অনেকে, বন্ধ করতে পারে কজন ? আমরা তখন ধরতে পারিনি, শুধু উনি একা বুঝেছিলেন মুভমেন্ট চলতে দিলে কী অবস্থা দাঁড়াতে, একা ওঁর সে দূরদৃষ্টি ছিল।

কীসের দূরদৃষ্টি ? মুভমেন্ট আর ওঁর থাকবে না, ওঁর একার দায়িত্ব থাকবে না, উনিই সব থাকবেন না, এই দূরদৃষ্টি ?

ভৈরবের মেজো শালা গিরিশ বলে, আমি একটা কথা বুঝে উঠতে পারি না। মুভমেন্টটা যখন আরম্ভই করলেন, ওঁর কি আগেই জানা উচিত ছিল না এতবড়ো দেশে ও রকম একটা মুভমেন্ট চালালে এখানে-ওখানে হাঙ্গামা হবেই ?

আহা, অ্যামেচার ক্লাবের অভিনীত স্বদেশি নাটকটির লেখক—উকিল নরেন দস্তিদার বলে, তাই তো উনি খোলাখুলি স্বীকার করলেন ওঁর মস্ত ভুল হয়েছিল। অন্য কেউ এমন সরলভাবে বলতে এ কথা ? ওঁর কাছে ছলচাতুরী নেই।

ঠিক কথা, ভবতোষ সায় দেয়, অহিংসা আর সভ্যই ওঁর সাধনা। রাজনীতির চেয়ে তা ঢের বড়ো জিনিস। নইলে দেশসুদ্ধ লোক তাঁকে দেবতার মতো পূজা করে ?

বাস, গান্ধীজিকে বুঝে ফেলেছ তো তোমরা ? ডাক্তার রায়চৌধুরী বলে, আপনিও বুঝে ফেলেছেন তো ভবতোষবাবু ? অতই যদি সোজা হত গান্ধীজিকে বোঝা, তিনি গান্ধীজি হতেন না, আর দশটা পলিটিক্যাল লিডারের মতো সাধারণ নেতাই হয়ে থাকতেন। গান্ধীজি কখনও ভুল করেন না। তিনি সব জানেন, সব বোঝেন, ভবিষ্যৎ তাঁর কাছে আয়নার মতো স্বচ্ছ। মুভমেন্ট শুরু করার আগেই তিনি জানতেন কিছুদিন পরে বন্ধ হবে দিতে হবে।

গিরিশ, নরেন ও ভবতোষ তো বটে, আরও যারা শুনছিল সকলেই অল্পবিস্তর ভড়কে যায়। —কী বললেন কথাটা ? গান্ধীজি জানতেন ? ফল কিছু হবে না জেনেশুনেই তিনি মুভমেন্ট শুরু করেছিলেন বলতে চান ?

ফল কিছু হবে না মানে ? ডাক্তার রায়চৌধুরী প্রশান্ত গভীর মুখে চেপে চেপে বলেন, ওইখানেই ভুল করেন আপনারা। ফল কি হয়নি কিছু ? সাড়া কি পড়েনি দেশে, দেশ কি জাগেনি ? ওইটুকুই গান্ধীজি চেয়েছিলেন। তাঁর আন্দোলন ব্যর্থ হয়নি, আন্দোলনের উদ্দেশ্য সফল হয়েছে। দেড়শো বছরের পরাধীন দেশ, হঠাৎ একটা আন্দোলনে একেবারে তার স্বাধীনতা আসে না, দেশকে শুধু জাগাবার জন্যই দুটো একটা আন্দোলন দরকার হয়। গান্ধীজি তা জানতেন, তাই স্বরাজ আসবে না জেনেও মুভমেন্ট চালিয়েছেন—স্বরাজ যদি আনতে হয় কোনোদিন, এ মুভমেন্ট করতেই হবে। সেই জন্যই যতদিন মুভমেন্ট চালানো দরকার চালিয়ে, ঠিক সময়ে বন্ধ করে দিয়েছেন।

আপনার এ ব্যাখ্যা জানিয়েছেন নাকি গান্ধীজিকে ? অমিতাভ বলে হাসিমুখে, জানালে খুশি হবেন। আপনার মতে গান্ধীজি চালবাজ, না ডাক্তারবাবু ?

নরেনও ক্রুদ্ধ প্রতিবাদ জানায়, কী বলছেন আপনি ডাক্তারবাবু ? উনি মনে মনে এক কথা ভাবেন আর দেশের লোককে অন্য কথা বলেন ? আপনাদের মতো ভক্তদের জন্যই মুভমেন্টটা বানচাল হল !

আহা, মাথা গরম করবেন না নরেনবাবু ! গিরিশ বলে।

ডাক্তারবাবু জেল খেটেছেন, নাটক লিখে দেশোদ্ধার করেননি।—বলে ভবতোষ।

আপনার ব্যাখ্যার মানে কিন্তু তাই দাঁড়ায় ডাক্তারবাবু, গান্ধীজি সবাইকে ধাঙ্গা দিয়েছেন। অমিতাভ সহজভাবে কথার কথা বলার মতো করে বলে, উনি স্পষ্ট ঘোষণা করলেন ভুল করেছেন, হিমালয় পাহাড়ের মতো প্রকাশ ভুল করেছেন, দেশের লোক তাঁর অহিংস নীতি মানল না। আপনি

বলছেন তিনি ভুল করেননি, তিনি গোড়াতেই জানতেন সবাই পুতুলের মতো মার সহিবে না, উলটে পুলিশকে মারবে। তা হলে তাঁর মুভমেন্টটাই ছেলে-ভুলানো ধাঙ্গা দাঁড়ায় না ?

চটে আগুন হয়ে ডাক্তার রায়চৌধুরী বলে, তুমি কি বলতে চাও গান্ধীজি দেশকে নিয়ে ছেলেখেলা করছিলেন ?

আমি কি পাগল ? অমিতাভ হাসিমুখেই জবাব দেয়, গান্ধীজি মহাপুরুষ, নেতা হিসাবে তাঁর তুলনা হয় না, এতে আপনি সন্তুষ্ট নন, তাঁকে অদ্ভুত উদ্ভট কিছু বানাতে চান, তিনি সর্বজ্ঞ দেবতা, মহাঋষি, ম্যাজিসিয়ান, সব কিছু। আমার তাতেই আপত্তি। আপনার ব্যাখ্যা মানতেও আপত্তি হয় না, গান্ধীজিও তাতে ছোটো হন না, তাঁকে যদি ধর্মপ্রচারক না করে রাজনৈতিক নেতা বলে ধরেন। আর কিছু হোক বা না হোক, যুক্ত দেশটাকে শুধু জাগাবার জন্যই একটা আন্দোলন দরকার এ বিশ্বাস নিয়ে যদি তিনি আন্দোলন চালিয়ে থাকেন, সে তো ভালো কথা, গৌরবের কথা। তাঁর বিশ্বাস ভুল কি না, সে প্রশ্ন আলাদা। ভাবুন তো তা হলে কত সরল সহজ হয়ে যায় তাঁর অহিংসা, আর সত্য ? অহিংসনীতি পরাধীন দেশের শিকল কাটার অস্ত্র, রাজনৈতিক স্ট্র্যাটেজি, আর কিছু নয়। বেদান্তের মাপকাঠিতে সত্য হোক বা না হোক, দেশের কোটি কোটি লোকের ভালোমন্দের হিসাব কষে যা করা দরকার, যা বলা দরকার, তাই করা আর বলাই সত্য। হিসাব ভুল কি না সে প্রশ্ন অবশ্য আলাদা।

বাস হয়ে গেল ! বিক্ষুব্ধ ভবতোষ ব্যঙ্গ করে, উনি শুধু রাজনৈতিক স্ট্র্যাটেজির প্রতীক ? শুধু পাকা পলিটিশিয়ান ? ভারতের যুগযুগান্তের জ্ঞানকর্মের সাধনা যাঁর মধ্যে মূর্ত হয়েছে, বেশ একটা সার্টিফিকেট তাঁকে দিলে তো অমিত !

কী করব বলুন ? অমিতাভ নির্বিবাদে বলে যায়, অমন একটা মানুষের নামে যা-তা রটাতে ভালো লাগে না। ভারতের যুগযুগান্তের জ্ঞানকর্মের সাধনা তাঁর মধ্যে মূর্ত হয়ে থাকে, তাঁকে শত শত প্রণাম। কিন্তু প্রশ্ন ওঠে, তাহলে রাজনীতি করতে আসেন কেন ? চল্লিশ কোটি লোকের ভাগ্য নিয়ে রাজনীতি, সেটা শুধু একটা সাইড লাইন হিসাবে গ্রহণ করেছেন, এ কথা বললে যে তাঁর মতো মহাপুরুষকে অপমান করা হয় ভবতোষবাবু ! তা ছাড়া দেখুন, তাঁর নীতি বৃথতে হাবুডুবু খেতে হয়, কুল-কিনারা মেলে না। একেবারে অবতারের লীলাখেলার শামিল করে তাঁর মত আর পথকে সমর্থন করতে হয় ডাক্তারবাবু। মানুষটা দেশের জন্য এত করেছেন এ ভাবে তাঁকে অপমান করা কি উচিত ? তার চেয়ে তিনি যখন রাজনীতি করেন তাঁকে নিছক রাজনৈতিক নেতা বলে ধরে নিলেই গোল থাকে না। আমরা তা হলে নিশ্চিত হয়ে তাঁর নীতি বিচার করতে পারি, তাঁর পথ ঠিক না ভুল তাই নিয়ে ঝগড়া করতে পারি।

তুমি করবে গান্ধীজির বিচার ! ডাক্তার রায়চৌধুরী বলে, তার চেয়ে সোজাসুজি গালাগালি দাও, তাতে কম অপমান করা হবে।

চটেন কেন ? অমিতাভ বলে, স্বাধীনতার লড়াইটা ফাঁসিয়ে দেওয়া, তার লজ্জা আর গায়ের জ্বালাটাও একচেটে করে নেবেন ? আমারও হার হয়েছে, আমারও লজ্জা করে, গা জ্বলে।

আশেপাশের ক-জন যারা শুনছিল সশব্দে হেসে ওঠে। ডাক্তার রায়চৌধুরীর নিরুপায়ের আঘাত হেনে আত্মসমর্পণের বীজ উড়ে যায় সে হাসিতে।

এইখানে, চেয়ারের সারির এই সাধারণ প্রান্তে এ রকম আলোচনা বা তর্ক বা কথার লড়াই শুধু এইটুকুই চলে, তাও অমিতাভ আলোচনার সূত্রপাতটা ঘটিয়েছিল বলে। ডাক্তার রায়চৌধুরী সদা সদা গান্ধী আশ্রম ঘুরে এসেছে, সেখানে ইলেকশন সম্পর্কে কংগ্রেস ওয়ার্কিং কমিটির একটা যে সাধারণ

বৈঠক হয় সেই কমিটির একজন মেম্বারের সঙ্গে দর্শক হিসাবে—ডাক্তার রায়চৌধুরী তার ছেলেবেলার বন্ধু। অমিতাভ জানতে চেয়েছিল ভবিষ্যতের ভিত্তিতে আজকের দিনের সমস্যা নিয়ে কী কথাবার্তা হয়েছে, নেতাদের মনোভাব কী—নিছক কৌতূহল নয়, জানবার তাগিদেই জানতে চেয়েছিল। কিন্তু আলোচনা আরম্ভ হতে না হতে ফিরে গেল অতীতের ব্যর্থতার ব্যাখ্যায়, বেশি দূর অতীত নয়, এই সেদিন আকস্মিক রাশ টানায় গতিশীল জাতীয়তার গাড়িটা যে দুর্ঘটনায় উলটে গেছে। অমিতাভ চারিদিকে ঘুরে বেড়ায়, ব্যাকুল আগ্রহে কান পেতে শোনে কে কী বলছে। বিয়ের আসরের নানাবিধ গান-গল্প হাসি-তামাশা আর ঘরোয়া আলাপের সঙ্গে সঙ্গে না হোক, পাশে পাশে না হোক, ফাঁকে ফাঁকেও কেউ কি সাধারণ দুটো চারটে কথা বলবে না, যে কথা খাঁটি হোক ভেজাল হোক অস্ত্রত দেশের কথা, দশের কথা, বাঁচার কথা ? স্বদেশি একটা ডাকাতি যে হয়ে গেল শহরে কদিন আগে, শহর তোলপাড় হল কদিন ধরে, পুলিশ তছনছ করল চারিদিক, তা নিয়েও কি দুটো কথা বলাবলি করবে না কেউ ? বিয়ের আসরও কি অস্ত্রত কয়েকজনের কাছেও চুলোয় যায় না এই বিবেচনায় যে একজনের মেয়ে বড়ো হয়েছে বলে তার বিয়ে দেবার সামাজিক বাস্তব প্রয়োজনের কল্যাণে তারা একত্র হয়ে সুযোগ পেয়েছে অজস্র বলাবলির ? বেঁচে থাকার সহজ সরল তাগিদও কি এ ভাবে তালগোল পাকিয়ে তলিয়ে যাওয়া সম্ভব প্রত্যেকের বাঁচার কথা মূলতুবি রাখার অর্থহীন অপরিসীম ব্যাকুলতায় !

আলো জ্বলে শামিয়ানা টাঙিয়ে আসর সাজিয়ে সানাই বাজিয়ে উলুধ্বনি তুলে সবাই কি জেনে থেকে ঘুমোবে ?

বিয়ের আসরে অমিতাভ খুঁজে বেড়ায় পরাধীনতার বেদনার, প্রতিবাদের চিহ্ন : একটুখানি প্রতীক-চিহ্ন, ইঙ্গিত। বিয়ের আসরে কি স্বাধীন হয়ে গেছে ছ-সাতশো লোক সকলেই, বিলাতি বুটের ছাঁচার জ্বালা মিলিয়ে গেছে ?

খালি যে পাক পেয়ে বেড়াচ্ছ অমিত ? দেখাচ্ছ নাকি যে খুব খাটছ ?

চপলা বলে প্রায় সামনে দাঁড়িয়ে পথরোধ করে। তার দেশি মিলের মিহি থানে প্রায় সাদা সিন্ধের জলুশ, হাতকাটা শেমিজের সাদা আরও গাঢ়, গায়ের রং আশ্চর্য রকম ফরসা। পতিহীনতায় তিনি যেন বিশেষভাবে মহীয়সী।

না। দেখছি। দেখে বেড়াচ্ছি।—অমিতাভ বলে।

ফাঁকি দিচ্ছ তো ? তা বাবা আমার একটা কাজ করে দাও। মেয়েটাকে খুঁজে পাচ্ছি না, খোঁজও পাচ্ছি না। বেঁচে আছে, নিরাপদে আছে শুধু এই খবরটা তুমি আমায় এনে দাও।

চপলা নির্ভয় অব্যাকুল শাস্ত হাসি হাসে। সে ভুবনের দ্বিতীয় পক্ষের বউ, বি-এ পাস, নাম-করা মৃত বৈজ্ঞানিক স্যার রাধাদুলালের স্ত্রী।

আপনি না কথা কইছিলেন ওর সঙ্গে ?

তারপর থেকেই তো খুঁজে পাচ্ছি না, একটু থতোমতো খেয়ে চপলা বলে, কোথায় যে গেল !

অমিতাভ মজা বোধ করে না। দশ মিনিটের অদর্শনে মেয়ের জন্য চপলার ব্যাকুল হবার ভানকেও ভান হতে দেয় না, বলে, ডেকে দাঁড়। বইটা পড়েছেন মাসিমা ?

কোন বইটা বাবা ?

মাত্র চার-পাঁচদিন আগে বাড়ি এসে বইটা পড়তে নিয়েছে, চপলার মনেও নেই।

আইরিশ রিভোলিউশনের সেই বইটা নিয়ে গেলেন না ?

ও ! প্রতিমা পড়ছে। আমি কি পড়াশোনার সময় পাই ?

প্রতিমাকে খোঁজ করতেই পাওয়া যায়।

মা আমাকে খুঁজছে ? আশ্চর্য হয়ে প্রতিমা অমিতাভের মুখের দিকে কয়েকবার তাকায়, মুখের ভাবের ভাষা পড়বার জন্যই তাকায়, বয়স বেশি না হলেও এ মুখখানা সে অধ্যয়ন করে আসছে অনেক দিন, ভাষাও আয়ত্ত করে ফেলেছে অনেকখানি।

মার শরীর ঠিক আছে তো ?

ঠিক থাকবে না কেন ?

তাই জিজ্ঞেস করলাম, হঠাৎ যদি শরীর খারাপ হয়ে থাকে ?

মাদ্রাজি একখানা শাড়ি পড়েছে প্রতিমা, খানিটা রাজপুতানা ধরনে। বঞ্চে বর্গি নাটকে নিখিল ঘোষালকে যে বেশে মেয়ে সাজতে দেখে তার ঈর্ষা জেগেছিল তারই অনুকরণে।

মাসিমা নীচে আছেন, দেখা করে এসো।

কী আবার দেখা করব !

খুঁজছেন তোমায়।

খুঁজছে না হাতি। এটুকু বুঝতে পার না ?—প্রতিমার দাঁতগুলি সুন্দর, হাসিটি ভারী মিষ্টি।—সেই কবে এসেছ কলকাতা থেকে, অ্যাঙ্গিনে একবার দেখতে এলে না জ্যাস্ত আছি না মরে গেছি। মার ভাবনা হবে না ?

অমিতাভের নীরবতায় ধীরে ধীরে মিলিয়ে গিয়ে একেবারে মরে যায় প্রতিমার মিষ্টি হাসি।

কী ভাবছ ?

কিছু না।

কী ভাবছিলে ? বলো আমায় কী ভাবছিলে, বলতে হবে। অমন করে তাকিয়ো না বলছি। কেমন যে কর তুমি !

কী হল তোমার ? অমিতাভ বিপন্ন হাসি ফুটিয়ে বলে, রাগছ কেন ?

চেপে গেলে তো ? বেশ। যা শুবু করেছে, আমি বলে কথা কইলাম, আর কেউ হলে—

উদ্বেগের ব্যাকুলতায়, উদ্বেল অভিমানে, বিপদের সম্ভাবনা আঁচ করা ভয়ে চপলার মতো মুখখানা দেখায় প্রতিমার। না জেনে না বুঝে কিছু যাতে বলে না ফেলে সে সংযম বজায় রাখার চেষ্টাটুকু কষ্টটুকুও অনুভব করা যায়। মায়া বোধ করে অমিতাভ, জোরালো মায়া। হাসি মুখে মিষ্টি কথা বলার দুরন্ত সাধ জাগে। মনে হয়, মেয়েটাকে বড়ো আঘাত দেবার চরম সংকল্প খাড়া রেখেও বুঝি এখন ওর এইটুকু দুঃখ অভিমান উপেক্ষা করার মতো জোর সে খুঁজে পাবে না। তাই, নিজেকে একান্ত নিরুপায় ও অসহায় বোধ করায় অকারণ অর্থহীন কঠোরতার সঙ্গে ধমকের সুরে বলে, এখানে এখন ঝগড়া কোরো না প্রতিমা।

প্রতিমা যেন ঝগড়া করছে !

তাই প্রতিমার ভয় ভাবনা বাড়িয়ে দিয়েই আবার বলতে হয়, কাল তোমাদের বাড়ি যাব, কথা আছে।

কী হয়েছে ? আবার ধরবে নাকি তোমায় ?

না না, তা নয়। বলবখন কাল।

কখন যাবে ?

সকালে।

আধঘন্টার মধ্যে প্রতিমা তাকে খুঁজে বার করে।

মা চলে গেছে। আমায় বাড়ি পৌঁছে দিয়ে আসবে।

ভুবন তখনও যায়নি, তার বাড়ির ছেলেমেয়েরাও আছে। সে কথা তোলে না অমিতাভ, লাভ কি ?

এখনই যাবে ?

হাঁ যাই চলো।

এবার সহজভাবে বলে অমিতাভ, সকাল পর্যন্ত ধৈৰ্য ধরছে না বুঝি ?

না, তা নয়।—একটু ভাবে প্রতিমা, আচ্ছা বিয়েটা দেখেই যাই। বাড়ি পৌঁছে দেবে কিন্তু।

বাড়ি পৌঁছে দেব ? বাড়িতে খেয়ে ফেলবে না ?

খেয়ে ফেলুক ! দু চোখ জলে ওঠে প্রতিমার, সুন্দর দু সাৰি দাঁত টুক করে আওয়াজ তুলে ঠুকে যায়, তুমি আজ আমায় বাড়ি পৌঁছে দেবে। বল পৌঁছে দেবে, কথা দাও। নইলে এখানে আমি কেলেক্কাৰি করব।

তবে এখনই চলো।

না। বিয়ে দেখে যাব।

৩

কালীনাথ বলে অমিতাভকে, তুমি যে মুষড়ে গেলে একেবারে ? এ তো জানা কথাই, হতাশা থেকে অবসাদ আসবে, প্রতিক্রিয়া আসবে। একটা কথা ভুলো না অমিত, এ কিন্তু একেবারে হাল ছেড়ে দেবার লক্ষ্য নয়, রোগীর মতো নিজীব দুর্বল হবার অবসাদ নয়। মনটা শুধু সবাই গুটিয়ে নিয়েছে, সরিয়ে ফেলেছে। আর কিছুই করার নেই তাই। নেতাদের যেমন ভাব, আমাদেরও তেমনই। স্বাধীনতার কথা, লড়াইয়ের কথা কেউ আলোচনা পর্যন্ত করতে চায় না। সামনে কিছু নেই তো দেশেব কথা, স্বাধীনতার কথা, লড়ায়ের কথা তুললেই পিছনে তাকাতে হয়। হেরে গেছে, লজ্জা কবে, খারাপ লাগে, কষ্ট হয়। তার চেয়ে যাক বাবা, যা হবার হয়ে গেছে, চুলায় যাক, এ ভাবে উদাসীন হওয়াই ভালো। কিন্তু আজ তুমি পথ দেখাও, লড়াই বাধাও, দেখবে সঙ্গে সঙ্গে সবাই গা ঝাড়া দিয়ে চাঙ্গা হয়ে উঠেছে। ভড়কে যাবার কিছু নেই। তা, বিশেষ করে বিয়েবাড়িতে তুমি স্বদেশি আলাপ হাতেড়ে বেড়াচ্ছ কেন বলো তো ?

আমার বোনের বিয়ে কবে হয়েছিল মনে আছে ? সরলার ? রেগুলেশন জারি করেই প্রথম যে উমেশকে ধরে নিল, তার মাসখানেক পরে। বিয়ের সভায় শহরে ওই একটা অ্যারেস্ট নিয়ে লোকে যে কত কথা বলাবলি করেছিল আর কদিন আগে এত হইচই হল, কেউ একবার উল্লেখ পর্যন্ত করছে না ?

শুনছ নারায়ণ ? কালীনাথ বলে, ওই এক কথাতেই আসছি আমরা—আসতে হচ্ছে। আজ এই হল রিয়ালিটি ! উমেশের অ্যারেস্টটা কি শুধু শহরের একজনকে অ্যারেস্ট করাই ছিল অমিত ? পিছনে দেশ জোড়া রেগুলেশন আইনটা ছিল না ? আইনটার বিরুদ্ধে তখন লোকের কী রাগ, কী জ্বালা, সেটা ভুলছ কেন ? তখন সময়টাও কী রকম ছিল ভেবে দেখ। চারিদিকে গোলমাল বাড়ছে, লোকের মিলিট্যান্ট ভাব বাড়ছে। সামনে যা পাচ্ছে তাই নিয়ে ফাইট করতে সবাই পাগল। নয় তো নন-কো-অপারেশন মুভমেন্ট চলত, না, চালাতে ভরসা হত নেতাদের ? আজ অবস্থা অন্য রকম। কিন্তু তাতেও আসত যেত না, যদি নারায়ণের সেদিনের কাণ্ডটা লোকের কাছে সামান্য বিচ্ছিন্ন ব্যাপার না হত।

মানে ? নারায়ণ বলে মুখ থেকে চায়ের কাপ নামিয়ে। দাঁড়িয়ে চা খেতে খেতে খোশগল্প করার মতো তাদের কথা চলছিল।

মানে হল, এ ঘটনার পেছনে লোক বড়ো কিছু দেখতে পাচ্ছে না। পুলিশ হইচই না করলে লোকে যেটুকু নজর দিয়েছে তাও দিত না ব্যাপারটাকে। এই কথাটাই তোমাকে বোঝাতে চাচ্ছি নারায়ণ।

আজ এ সব ছাড়া ছাড়া ছোটোখাটো কাজের বিশেষ কোনো এক্ষেপ্ত নেই। তুমি বলছ নলিনীকে মারতে পারলে এক্ষেপ্ত হত, সাড়া জাগত। কী এক্ষেপ্ত হত ? কতটুকু হত ? দু-চারদিনের জন্য খানিকটা বেশি উত্তেজনা। লোকে আবার ভুলে যেত। লোকে আজ অনেক বড়ো কিছু চায়, ব্রিটিশ শাসনের ধ্বংস, এখানে ওখানে ঘা মেরে গায়ের ঝাল ঝেড়েই তারা সন্তুষ্ট নয় ! নলিনী কেন, আজ লাটসায়েরবেকে মারো, লোকে চমকে উঠবে, বলবে একটা কাণ্ড হল বটে, বাস, তাবপর চূপ হয়ে যাবে। এ তো শুধু একটা ঘটনা। ব্রিটিশ গবর্নমেন্টের একটা চাকরকে মারলে, গবর্নমেন্টটা তো মরল না ! লোকের মনে যদি বিশ্বাস আনতে পার যে এটা নিছক ঘটনা নয়, এটা বিপ্লবের আহ্বান, প্রস্তুতি, বিপ্লবের পথে স্বাধীনতা লাভের আয়োজন চলছে, এ বকম ছোটো ঘটনার চেহারাও সঙ্গে সঙ্গে লোকের কাছে বদলে যাবে। নারায়ণের ছেলেখেলাটুকুর মধ্যেও তখন লোকে দেখতে পাবে, তাদের শহরেও বিপ্লবের লড়াই শুবু হয়ে গেছে। বিয়ের আসরে অমিতও শুনতে পাবে লোকে ওই কথা কানাকানি করছে।

লোকে জানবে কী করে বিপ্লবের চেষ্টা হচ্ছে ? নারায়ণ বলে, হাত গুটিয়ে বসে থাকলে ?

কালীনাথ বলে, দুটো উপায় আছে। চারিদিকে একটার পর একটা ছোটো ছোটো অপারেশন ক্রমাগত চালানো কিম্বা কোথাও বিরাট স্কেলে একটা অপারেশন প্ল্যান করা। শুধু এইভাবে তুমি দেশের লোককে জানাতে পার তোমার রিভোলিউশনারি প্ল্যান আছে, অর্গানিজেশন আছে, তুমি লড়াই চাও।

তার স্কোপ পাচ্ছ কোথায় ? নারায়ণ বলে, ছোটো স্কেলে অনেকগুলি হোক আব বড়ো স্কেলে একটাই হোক, তার জন্য লোক চাই। দু-একটা নমুনা দেখিয়ে নাড়া দিয়ে সাড়া না জাগিয়ে তুমি লোক টানবে কী করে ?

এটা আপনার ভুল হল, অমিতাভ প্রতিবাদ জানায়, নমুনা যথেষ্ট দেখানো হয়েছে, আমবা যখন আঁতুড়ে তখন থেকে দেখানো হচ্ছে। ক্ষুদিরাম শুবু করে আজ পর্যন্ত কম লোক কম নমুনা দেখাননি।

আজ ও বকম নমুনার দরকার নেই, কালীনাথ জোর দিয়ে বলে, লাভও নেই ওতে। শুধু শক্তি ক্ষয়, কাজের অসুবিধা। বিপ্লব গড়ে তোলার নমুনা দেখাতে পার দেখাও, নয় চূপচাপ থাকাই ভালো।

তোমার ফ্যান্সি-মতো অপারেশন গড়তে যদি দু-চারবছর লাগে ?

লাগবে।

জড়িয়ে বরফ হয়ে যাবে না দেশটা ? যে কজনকেও পেয়েছ কাজের জন্য তারা ধৈর্য হাবাবে না ? ঝিমিয়ে পড়বে না ? ছিটকে বেরিয়ে যাবে না অন্য দলে যারা অন্তত হাতেনাতে ছোটোখাটোও কিছু করছে আমার ছেলেখেলার মতো ?

এ যুক্তি উড়িয়ে দেবার মতো নয়, এ সমস্যা কালীনাথকেও বিব্রত ও চিন্তিত করে রেখেছে। বিপ্লবের জন্য প্রাণ দিতে যে তরুণ এগিয়ে আসে কিছু করার জন্য এমন সে ছটফট করে, কাজ চাই, কাজ, বিপজ্জনক রোমাঞ্চকর গুরুর কাজ !—প্রাণ দিতে একটু বিলম্ব যেন সয় না। কিছু করার জন্য, তাড়াতাড়ি করার জন্য, দলের এই চাপ বিপন্ন অস্থির করে তোলে নেতাকে। কিছুদিন ঠেকিয়ে রাখা যায়, আরও বেড়ে যায় সবার উৎসাহ ও আগ্রহ কিন্তু একেবারে কাজের খোরাক না পেলে তারপর ঝিমিয়ে আসে, বাড়ে অস্থিরতা, চাঞ্চল্য, বিরক্তি, অবসাদ। কেউ কেউ সত্যই দল ছেড়ে দিয়েও চলে যায়। একেবারে বিপ্লবের পথ ত্যাগ করে নয়, চলে যায় অন্য সক্রিয় দলে, যারা শুধু প্রস্তুতি নিয়ে নিষ্ক্রিয় হয়ে নেই। কিছু করার অদম্য আবেগকে খানিকটা শান্ত রাখা যায় দলের কাজ দিয়ে, যাতে দায়িত্ব বিপদ আর গোপনীয়তার রোমাঞ্চ আছে। কাজ উদ্ভাবনও করতে হয় কিছু কিছু। তবু আয়ত্তে রাখা কঠিন হয় উৎসাহ।

সেই জন্যই তো আমাদের একা দরকার, মিলেমিশে প্ল্যান করা দরকার যতটা সম্ভব, ট্রেনিং যাতে আদর্শ আর কাজের সামঞ্জস্য রেখে হয় তাও দেখা দরকার।

এর বেশি আর কিছু বলতে পারে না কালীনাথ। সে জানে না কেন এই আপাতবিরোধিতা, বিপ্লবী কর্মীর আদর্শবোধ ও উদ্দীপনাময় মানের কোন গহনে এই জটিলতার মূল ! দেশের মুক্তি যার যত বেশি কামা, স্বাধীনতার আদর্শ যার কাছে যত বড়ো সত্য, যে যত বেশি নির্ভীক, বেশি তেজস্বী কর্মঠ জীবন্ত, সে-ই যেন তত বেশি উন্মাদ বিপ্লবে ঝাঁপ দিতে, প্রাণ দিতে দেরি যেন তারই তত বেশি অসহ্য ! অথচ এ দেরি চাই বিপ্লবী দল গড়তে, অথচ ধীর-শান্ত নিরুদ্বেগ অহিংস ভালোমানুষ যৌবনে বিপ্লব নেই। পুঞ্জ পুঞ্জ বোমা গড়ে সঞ্চয় করে রাখা যায় যেদিন খুশি খাটানোর জন্য, তারুণ্যের প্রচণ্ড প্রাণশক্তির জীবন্ত বোমা গড়লে বড়ো হয়ে ওঠে তারই বিস্ফোরণের তাগিদ।

মনটা তার নিজের দেশেই আবদ্ধ। জগতেও যে বিপ্লব ঘটেছে এ ধারণাও তার নেই। রাশিয়ায় যে সার্থক বিপ্লব ঘটেছে অল্পদিন আগে তার কোনো মানেই সে বোঝেনি। প্রাণটা শুধু তার ব্যাকুল হয়েছে। রাশিয়ায় বিপ্লব হল, সে এ দেশে বিপ্লব কবতে পারল না, সে একা !

8

বড়ো অফিসার ও অতিশয় গণ্যমান্য ব্যক্তি কজন বেশিক্ষণ থাকে না, প্রায় কিছুই খায় না। সন্দেশের কোনো ভেঙে মুখে দেওয়া তাদের সাধারণ নিমন্ত্রণ রাখার রীতি। শুধুই যে নিয়মতান্ত্রিক বাহাদুরি তা নয়, প্রাণ সকলেরই ডিসপেনসিয়া ! মুসলমান নিমন্ত্রিত ছিল মোট পাঁচজন, তার মধ্যে চারজনই অফিসার। তিনজন বড়ো আর একজন সুরেনের সমান দরের মনসেফ। তাব নাম সিরাজুল আলম, অল্প বয়স, হাসিখুশি, মিশুক, কবি ও সাহিত্য-যশপ্রার্থী। অন্যজন একেবারে বাড়ি-ঘেঁষা প্রতিবেশী উকিল মীজানুর রহমান। আর যে দু-চারজন মুসলমান এসেছে, আর্দালি পিয়ন বাজি-পুড়ানেওলা, আসলে তারা নিমন্ত্রিতই নয়। সিরাজুল ও মীজানুর অনেক রাত্রি পর্যন্ত থাকে, সুরেনের কীর্তন শোনে। বড়ো অফিসার না হলে অন্য তিনজনও হয়তো থাকত।

দশটা নাগাদ সুরেন সতাই কীর্তন আরম্ভ করেছিল, সম্পূর্ণ নিজের তাগিদে। সরকারি, বেসরকারি উঁচুদরের লোক কজন যতক্ষণ উপস্থিত ছিল, নিজেকে সামলে রাখতে পেরেছিল সুরেন, তারা চলে যাবার পর আর তার ধৈর্য থাকে না। এতগুলি মানুষের এত বড়ো আসরকে মুগ্ধ করার সাধটা তার বহুদিনেব, কে জানে জীবনে এ সুযোগ আর আসবে কি না ! যেন আরও যে দুটি মেয়ে আছে সুরেনের, চোন্দো বছরের ছায়া আর দেড় বছরের খুকি, এর চেয়ে ঘটা করে আরও বড়ো আসর জমিয়ে তাদের বিয়ে দিতে কেউ তাকে বারণ করবে !

আসরের একপাশে কীর্তন আরম্ভ করেছিল রাধাদাস বাবাজী। শুনতে শুনতে হৃদয় আকুল হয়ে উঠল মেয়ের বিয়ের আসরে কীর্তন গাইতে, যেটুকু বাধা নিজের মধ্যে সুরেনের ছিল তাও গেল ভেসে। সে আসরে নামতে রাধাদাস তার গলায় ফুলের মালা পরিয়ে দিল, ঝুপ করে বসে পড়ে নয়নচাঁদের হাত থেকে কঙ্কিটা কেড়ে নিয়ে সী করে মারল টান।

তা, কীর্তন গায় বটে সুরেন, মধুর, মোহকর—সাংঘাতিক ! দেখতে দেখতে আসর জমে ওঠে, মজে যায়। বাড়ির ভিতরের লোক বেরিয়ে আসে, মেয়েরা এসে জমাট হয়ে বসে, বিয়েবাড়ির কাজে যারা ছুটোছুটি করছিল এদিক-ওদিক, তারাও দাঁড়িয়ে পড়ে কিছুক্ষণের জন্য, সব তাগিদ ভুলে যায়। ওদিকে অন্দরে ঘনিয়ে আসে বিয়ের লগ্ন, এদিকে বাইরে মেয়ে-পুরুষ কাতর হয় রাখার বিরহে, রাখাল কৃষ্ণ রাজা হয়ে রাখাকে ভুলে গেছে। রাখার অবস্থা খারাপ, সখীরা চিন্তাকুলা, কৃষ্ণবিরহে তাদের রাখারাগী কি বাঁচবে ? আবেগে উৎকণ্ঠায় হৃদয়গুলি টনটনিয়ে তোলে সুরেন সখী-পরিবৃত্তা বিরহিণী রাখার বর্ণনায়, যার জগৎ কৃষ্ণময়, জীবনমরণ বিরহমিলন সবই যার কৃষ্ণ, বিরহে কেন তার জীবন থাকে না, কৃষ্ণের জন্য মরতে বসেও কেন সে বলে দেয় তার দেহটি না পুড়িয়ে জলে

না ভাসিয়ে তমালের ডালে তুলে রাখতে, তারই ব্যাখ্যায়। তার সঙ্গে মনোহর দাসের খোল যেন কথা কয় অশ্রুট বেদনার, সনাতনের করতাল যেন বাজে সুদূর চরণের নুপুরধ্বনির ক্ষীণ প্রতিধ্বনির মতো, নয়নচাঁদের বেহলার তারে সুর যেন থাকে কি থাকে না রাখার দেহে নিশ্বাসের মতো।

হরেন অন্দরে দাঁতে দাঁত ঘষে বলে, এমন জানলে এ পাগলের মেয়ে বিয়ের দায় এড়িয়ে চেঞ্জ যেতাম।

অনুরাধা বলে, এমনই ধারা চিরদিন। আমার মরণ নেই !

বিয়ের কনেকে নিয়ে এদিকে আবার আর এক বিপদ ! বর নাকি ভীষণ রোগা, একটু বেশ কালোও বটে। মায়ার দু-তিনটি সখী চুপিচুপি উঁকি দিয়ে দেখে এসে ম্লান মুখে বলাবলি করেছিল, ই কী ভাই, মায়ার জন্য এই কালো একটা কাঠি !

তাই, একবার ফিট হয়েছে মায়ার। মাসির হাত কামড়ে সে রক্ত বার করে দিয়েছে। একটা সংকে সে বিয়ে করবে না, মরে গেলেও নয়। হোক কেলেঙ্কারি, চুনকালি পড়ুক তার বাপ-দাদা খুড়ো-জ্যাঠার মুখে, তার কী ! এখুনি সে বেরিয়ে যাবে বাড়ি থেকে। জোর করে ধরে রাখলে, বিয়ের আসরে টেনে নিয়ে গেলে, নিজের মাথা ফাটিয়ে দেবে। সে তো মরতেই চায়, বাপ-জ্যাঠা বলুক না গিয়ে যে হঠাৎ হার্ট ফেল করে মেয়ে মরে গেছে।

বাইরে কীর্তন চলে, বিয়ের লগ্ন ঘনিয়ে আসে, ভয়ে ভাবনায় মাথা ঘুরতে থাকে মেয়ের মা-মাসি আপনজনের।

তখন কুজা নাপতিনি বলে, এত অস্থির হচ্ছ কেনে গো মায়েরা বলো দিকি ? বিয়ের রাতে এক-একটা মেয়ে এমনধারা করে। তাও জান না ? থামো না, আমি ঠিক করে দিচ্ছি সব। একটা লোট কিন্তু চাই দশ টাকার।

বিড়বিড় করে মায়াকে কী সব বলে কুজা, কাঁসার গ্লাসে খানিকটা কী খাইয়ে দেয় সে-ই জানে। ধীরে ধীরে শান্ত হয়ে আসে মায়ী, তার বিদ্রোহ কিমিয়ে পড়ে। ঢুলুঢুলু হয়ে আসে স্মাধবোজা চোখ দুটি। ডাকামাত্র বিনা প্রতিবাদে কলের পুতুলের মতো সে গিয়ে বসে পিঁড়িতে, মাসি তাকে ধরে নিয়ে যায়।

কীর্তন এবং বিয়ে তখনও চলছে, মাঝরাতে প্রতিমা বলে অমিতাভকে, এবার যাই চলো। আর ভালো লাগছে না।

তোমার যাওয়ার ব্যবস্থা করেছি প্রতিমা, অমিতাভ সোজাসুজি জানায়, তুমি পাকাদের সঙ্গে যাবে। সুধাদি গাড়ি এনেছেন, তোমায় নামিয়ে দিয়ে যাবেন।

আমি হেঁটে যাচ্ছি। তুমি আমার সঙ্গে আসছ, পৌঁছে দিতে।

নিরুপায় অমিতাভ হার মানে, আমি তাহলে আগে রাস্তায় নেমে যাই, তুমি একটু পরে এসো। অনেকে তাকিয়ে আছে, এত লোকের চোখের সামনে—

ছি ! আহত-সাপিনির মতো ফাঁস করে ওঠে প্রতিমা, ভীষু, কাপুরুষ ! কোন মুখে স্বদেশি কর ? বিপ্লবের বই পড় ?

পথের প্রথম অংশটা জানবাজারের ভিতর দিয়ে, এদিকে মুসলমানের বসতি বেশি। বাড়িগুলি অতি পুরানো, অতিশয় জীর্ণ, মধ্যবিত্তের বাস নেই, একেবারে বস্তি অঞ্চল ছাড়া শহরের অনাদৃত গরিব এলাকাতেও দু-চারটি ছোটোখাটো বাড়িতে বা পথঘাটের সামান্য সামান্য সংস্কারে বা মানুষের বেশভূষা চালচলনে একটু যে ঘষামাজার চিহ্ন চোখে পড়ে, এদিকে তার ছাপটুকুও পড়েনি। শুকনো খালের পুলটা পেরিয়ে যেতে হয়। খালটা প্রাচীন, পুলটা নতুন, বছর দশেক আগে একটা গাড়ির

ভারে হুড়মুড় করে ভেঙে পড়েছিল পুরানো পুলটা। মাস ছয়েক পরে নতুন পুলটি তৈরি হয়। ম্যাজিস্ট্রেট সায়েবের মোটর একদিন আটকে গিয়েছিল, তার দু-মাসের মধ্যে। শহরের বহু নালা নর্দমা নিজেদের টেলে দেয় এই খালে, গৌজলা-ওঠা ঘন সবুজ পদার্থে খালের অর্ধেক এখন ভবাট হয়ে গন্ধ ছড়ায়, বর্ষা নামলে ধুয়ে যাবে, কাংসী নদী জীবন পেলে জলও হবে খালে। রাত্রির আজ অসাধারণ উদারতা, জ্যোৎস্না আর ঘুমন্ত শান্তি ছড়িয়ে রেখেছে চারিদিকে, শিশুর কান্নায়, কুকুরের ডাকে, দু-একটি মানুষের পথ চলায় জীবনের সাড়া। কে যেন এই পুরানো পচা খালের কাছেই কোথায় টিনের বাঁশি বাজাচ্ছে।

কলহের মধ্যেই শুরু হল তাদের বোঝাপড়া। অমিতাভ শুধু বিরক্ত হয়নি, চটে গিয়েছিল।

তুমি কী বুঝবে? সে ঝাঁজের সঙ্গে বলে, তোমার দায়িত্ববোধ জন্মায়নি। অন্য মেয়ে হলে বুঝতে পারত ভিতরে গুরুর কিছু আছে, ছ্যাবলামি করে উড়িয়ে দিত না, জিদ করত না।

তোমার লাটসাহেবি দায়িত্ববোধে আমার কাজ নেই। এত বেশি বুদ্ধিও চাই না। ছ্যাবলামি দেখলে আমার, কী চোখ! অন্য মেয়ে বুঝতে পারত, আমি বুঝিনি গুরুর কিছু আছে। না বুঝেই অস্থির হয়েছি, সকাল পর্যন্ত থাকতে পারব না বলে ছোটো হয়ে অপমান তুচ্ছ করে পায়ে পরে তোমায় রাস্তায় টেনে এনেছি।

প্রতিমার সঙ্গে কথায় পারা দায়। এ বয়সে কী-ই বা সে জানে বোঝে জীবনের কতটুকুই বা তার অন্তর্ভুক্ত। সব নিজের মধ্যে সে অস্পষ্টতাকে তোয়াজ করে না, যতটা জানে না বোঝে না তা বোধ হয় সরিয়ে রাখে কিশোরী মনের সাধ মিটিয়ে স্বপ্ন দেখা, কল্পনা করা আর রহস্য অনুভবের কাজে লাগাতে, বাকিটুকু করে রাখে স্বচ্ছ, পরিষ্কার। তার কাছে কোনো সমস্যাই সমস্যা নয়। সবটা আয়ত্ত করতে না পারে, একটা টুকরো কেটে নিয়ে মীমাংসা করেই সন্তুষ্ট থাকে, তাব পরে আর কথা নেই।

তা নয়, নবম সুরে নামতে হয় অমিতাভকে, আমি যে চাই না আমায় নিয়ে তোমার নামে কিছু রটুক, এটা তোমার বোঝা উচিত ছিল।

বুঝিনি? বুঝেছি বলেই তো।

তার পাকামিতে আবার একটু রাগে অমিতাভ, তা হলে এটাও বুঝেছ তো আমি মন বদলেছি?

হাঁটতে হাঁটতে কি এ সব কথা হয়? তারা দাঁড়িয়ে পড়েছে খালের পুলে উঠে লোহার রেলিঙে হাত রেখে। কিচূক্ষণ চূপচাপ কাটে। বুজি দম বা কান্না আটকে রাখায় কাঁপা কাঁপা কথাগুলি অদ্ভুত শোনায় প্রতিমার, তার কথার ব্যাকুলতায় প্রাচীন খালের নতুন পুলের রং-চটা রেলিঙের লোহাটা অমিতাভের গরম মনে হয় জোরে চেপে ধরার বেদনায়।

একটা কথা বলো, সত্যি বলবে, প্রতিমা বলে, তারপর তুমি চলে যেয়ো। আমি কোনো দোষ করেছি? না, আমায় তোমার ভালো লাগছে না বলে?

না না, তা নয়, তাড়াতাড়ি বলে অমিতাভ, ও সব নয়। আমি ঠিক করেছি বিয়ে করব না। আমার বিয়ে করা চলবে না। আমি এমন একটা কাজ নিয়েছি জীবনে, ব্রত নিয়েছি—

ও? তাই বলো। আটকানো দম আর কান্না দুটোই প্রতিমা এক নিশ্বাসে ঝেড়ে ফেলে।—কত কী ভাবছিলাম, মাথা ঘুরছিল। দ্যাখো, হাত দিয়ে দ্যাখো, এখনও বুকটা ধড়ফড় করছে। কিন্তু তুমি কী, অ্যা! এই কথা বলার জন্যে এত কাণ্ড? আমি কি ছটফট করে মরে যাচ্ছি বিয়ের জন্যে? তুমি কী ভাবছিলে জানি। প্রতিমা সহজে ছাড়বে না, একবার যখন বলেছি বিয়ে করব, প্রতিমা কেঁদে কেটে ঘাড়ে ধরে বিয়ে করাবেই। ছেলেরা এমনই ভাবে মেয়েদের। প্রতিমা সে মেয়ে নয়, প্রতিমাকে চিনতে তোমার বাকি আছে।

ক্ষুর অমিতাভ বলে, তাই দেখছি। শূনে তোমার মনে খুব কষ্ট হবে ভেবেছিলাম।

কষ্ট হচ্ছে না ? প্রতিমা আশ্চর্য হয়ে যায়, তোমার যেমন কষ্ট, আমারও তেমনই। কিন্তু তুমি যদি পিছিয়ে দিতে চাও, কষ্ট সইতে পার, আমিও পারব।

তুমি বুঝতে পারনি পিতৃ। পিছিয়ে দেবার কথা নয়।

এবার অমিতাভ স্পষ্ট করে বলে প্রতিমা ও আদর্শের মধ্যে একটিকে চিরজীবনের জন্য তার বেছে নেবার কথা, যার মধ্যে আপস নেই, ভবিষ্যতে অদল-বদল নেই। সে স্পষ্ট করে শুধু বলে না কী তার আদর্শ, ব্রতটা কী। তবে মোটামুটি অনুমান করে নিতে কষ্ট হয় না প্রতিমার।

তুমি শেষ এই ঠিক করলে ? এই পথ বেছে নিলে ? দেশের কাজ তো অন্যভাবে করা যায়। সে আমার কাছে ফাঁকি। আমি যা ঠিক বলে জেনেছি তাই আমার পথ।

তারপর তারা ধীরে ধীরে হাঁটতে আরম্ভ করে। চলতে চলতে এক সময়ে প্রতিমা বলে, আমরা দুজনে মিলেও তো কাজ করতে পারি ?

মিলে করার কাজ নয়। এ শুধু কাজ।

কয়েক পা হেঁটে আবার বলে প্রতিমা, আমিও তো নিতে পারি এ কাজ ?

মেয়েদেব কাজ নয়।

কী করে জানলে মেয়েদের কাজ নয় ? মেয়েরা মরতে জানে না ?

শুধু মরতে জানলেই কি সব কাজ হয় ?

কোন কাজটা পারে না মেয়েরা ? মেয়েরা যুদ্ধ করতে পারে, মারতে পারে, মরতেও পারে। কেন তোমরা এত অশ্রদ্ধা কর মেয়েদের !

এ তিরস্কার কিছুক্ষণ মুক করে রাখে অমিতাভকে। তার নিজের কাছে এ সমস্যা তেমন স্পষ্ট নয়। সে মনেপ্রাণে বিশ্বাস করতে চায়, আগেও চেয়ে এসেছে যে মেয়েদের সঙ্গে নিলে কাজের তাদের ক্ষতি হবার কথা নয়।

তোমাদের অশ্রদ্ধা করে বোধ হয় নয় পিতৃ। বোধ হয় আমাদের দরকার বলে। আমরা দুর্বল নই, তবে মনটা শক্ত করতেও তো কষ্ট আছে। তোমাদের সঙ্গে জানাশোনা না থাকলে মিছামিছি আমায় এ যন্ত্রণা ভোগ করতে হত না।

এ কি একটা কথা হল ? মৃদু প্রতিবাদের সুরে প্রতিমা বলে।

কে জানে ! ঠিক জানে না অমিতাভ। ব্রত ছাড়া কিছুই তো ছিল না কচের। মেয়েরাও তো সবাই দেবযানী নয়। তবু যেন কী একটা অভিশাপ আছে তাদের, বাংলার ছেলেমেয়েদের, অস্পষ্ট অনুভব করে অমিতাভ। মাঝরাত্রির বিদায়-বেদনায় কথা ও চলা দুই তাদের আবার খেমে গেছে পথের মাঝে প্রকাণ্ড এক কৃষ্ণচূড়া গাছের ছায়ায়। তার শুধু মনে পড়ছে যে কত দেশে ছেলেমেয়েরা পাশাপাশি এগিয়ে গেছে মরণের ব্রত পালনে, তাদের হয়তো ভাববারও দরকার হয়নি হৃদয়ের এই কোমলতার কথা, অকারণ বেদনাভোগের কথা। কেন ভাবা যায় না বাঙালি মেয়েও লোহার মতো কঠিন হতে পারে, কেন এত মায়ী ? ছেলেমেয়ে কেন এত নরম হয়, ভাবপ্রবণ হয় পরস্পরের সম্পর্কে ?

তাদের দোষ নেই। তারা এ রকম হয়ে জন্মায়নি, সাধ করে এ রকম হয়নি অমিতাভ জানে। জন্ম জন্ম ধরে এই ভয়ংকর মমতায় উর্বর করা হয়েছে তাদের বুক। আজ তাই তাদের এই শান্তি।

পিছন থেকে মোটরের আওয়াজ আসছিল, তাদের কাছে এসে গাড়িটা থামে। গাড়িতে সুধা, তার ছোটো ননদ আর পাকা।

সুধা অনুযোগ দিয়ে বলে, আমায় বলে কয়ে রাখলে প্রতিমাকে পৌঁছে দিতে হবে, আর তোমাদের খোঁজ নেই। বলে তো আসতে হয় ? আমি এদিকে ভেবে মরি কোথায় গেল মেয়েটা, কার সঙ্গে গেল, একলাই রওনা দিল নাকি রাত দুপুরে ? যা বেপরোয়া মেয়ে !

ছয়

১

পাঁচুৰ বাবা আটুলিগাঁৱ ধনদাসেৰ অবস্থা চাষিসমাজেৰ মাপকাঠিতে ভালোই বলা যায়। জমিৰ আয়ে খোৱপোশাৰ্টা এক ৰকম চলে, অজন্মাৰ বছৰে টানটানি হয়। একজোড়া বলদ আছে, চাষেৰ কাজেও লাগে, অন্য সময়ে গাড়ি টানে। দুটি গাই, দুখ বেচে কিছু আয় হয়। আগে অৰ্ধেক দুখ রাখা হত বাড়িৰ ছেলেপিলোদেৰ জন্য, এখন পাঁচুৰ পড়ার খৰচ জোগাবাৰ দায়ে প্ৰায় সবটাই বেচে দিতে হয়। বাগানেৰ ফলমূল তৰি-তৰকাৰিও হাটে যায়। ছোটোখাটো একটা বাঁশঝাড় আছে। চৈত্ৰ মাসে একবাৰ ডোবাটা ছেঁচে দশ-বাৰো সের মাছ পাওয়া যায়, তবে তাতে ভাগীদাৰ আছে ধনদাসেৰ খুড়তৃতো ভাই যাদব, মাছেৰ ভাগাভাগি নিয়ে প্ৰতি বছৰ একবাৰ দুটি পৰিবাৰে মাৰামাৰিৰ উপক্ৰম হয়। গোটা চাৰেক আম গাছ, তাৰ দুটিতে সুন্দৰ সুস্বাদু আম হয়। প্ৰকাণ্ড সতেজ কাঁঠাল গাছটায় অজস্ৰ ফলে কিন্তু কী যেন ফাঁকি আছে গাছটায়, বড়ো হয়ে পাকবাৰ আগে শুকিয়ে শুকু হয়ে যায় কাঁঠালগুলি, এঁচড়েই তাই খেতে আৰ বেচে ফেলতে হয়।

এক শনিবাৰ পাঁচুৰ সঙ্গে পাকা বেড়াতে এল ধনদাসেৰ বাড়ি। শনিবাৰ এলেই বাড়িৰ জন্য পাঁচু উতলা হয়ে ওঠে। পাকা ভেবে পায় না বাড়িতে কী এমন আকৰ্ষণ থাকতে পারে যে বাড়িৰ জন্য ছটফট কৰবে মানুষ, এক শনিবাৰ যেতে না পারলে মনমরা হয়ে থাকবে। বড়ো ভালো লাগে তাৰ আটুলিগাঁ, আৰ একটা অজানা গাঁয়ে এসে আৰ একবাৰ ভালো লাগা। ধনদাসেৰ গৈয়ো চাষাড়ে পৰিবাৰটি তাৰ মনপ্ৰাণ দখল কৰে রাখে, উদবেল কৰে রাখে সোমবাৰ সকাল পৰ্যন্ত, আৰ একবাৰ আৰ একটা সাদামাটা সংসাৰে মশগুল হওয়া। কিন্তু তাৰ মধ্যে পাঁচুৰ অদ্ভুত ঘৰটানেৰ সন্ধান নেই।

গোবুৰ নাম শ্যামা। তাকে দুইছিল ধনদাস। বাছুর ধৰে দাঁড়িয়েছিল পাঁচুৰ পিসি সুভদ্ৰা। এমন সময় সাইকেল চেপে দুই বন্ধুৰ আবিৰ্ভাব। বিছানাপত্ৰ জামাকাপড় কিছুই সঙ্গে আনেনি, এক-কাপড়ে ৰায়বাহাদুৰ ভৈৰবচন্দ্ৰেৰ ভাগনে এসেছে তাৰ বাড়িতে অতিথি হয়ে, সোমবাৰ পৰ্যন্ত থাকবে। ভৰ্ৎসনাৰ চোখে ছেলেৰ দিকে তাকায় ধনদাস। স্কুলে পড়ে কী বিদ্যে লাভ হচ্ছে ছেলেটাৰ ভগবান জানে, বুদ্ধি মোটে হয়নি। আগে থেকে একটা যে খবৰ দেবে বাড়িতে সে কাণ্ডজ্ঞানটুকুও নেই।

কত দুখ হয় দুবেলায় ? পাকা জিজ্ঞেস কৰে।

শ্যামা ছোটোখাটো গাই, সে অনুপাতে দুখ দেয় অনেক, গাঢ় মিষ্টি দুখ, কাঁচাতেই হলুদ আভা। জ্বাল দিতে তলায় লেগে যায়। পাকা সায়ে দিয়ে বলে, সে ঠিক কথা, দেশি গোবুৰ মতো দুখ হয় না, পশ্চিমা গাই দুখ বেশি দেয় বটে কিন্তু সে পাতলা দুখ, এমন স্বাদ নেই। দেশি গোবুৰ জন্য তাৰ গৰ্ববোধ ধনদাসেৰ অন্তৰ স্পৰ্শ কৰে।

গোবুৰ দুখ মুখে, ধনদাস বলে, যেমন খাবে, সেবায়জ্ঞ পাবে, দুখ দেবে তেমনই।

বাছুরটি বড়ো আকাৰেৰ, অন্য ধাঁচেৰ, কিন্তু ৰোগা কঙ্কালসাৰ।

মিশেল বাছুর, না ? ষাঁড় পেলেন কোথা ?

হাঁ, মিশেল। বিশেষ উৎসাহী মনে হয় না ধনদাসকে, মোদেৰ বড়োকত্তা এনেছিলেন একটা ষাঁড়, বসন্তবাবু। জানাচেনা ৰহিতে পারে, আজকাল শহৰে থাকেন বেশিৰ ভাগ। সেবাৰ মেতে গেলেন চাষবাস গাইগোবুৰ নিয়ে, ইস্কুল-টিস্কুল কৰলেন, চৰকা-টৰকা কাটালেন মোদেৰ, তখন এনেছিলেন ষাঁড়টা। বড়ো ষাঁড়, বাঁচবেনি দু-এক বছৰেৰ বেশি।

বাছুরটিৰ শোচনীয় অবস্থা দেখে পাকা বলে, বাঁটে বেশি দুখ ছাড়তে হয় এ বাছুরেৰ জন্যে, গাই ছোটো, বাছুর বড়ো কি না।

ছাড়ি না দুধ ? আর কত ছাড়ব ! বাছুর যদি সব দুধ খাবে তো কী করে পোষায় ? মিশেল বাছুরে সুবিধে নেই।

এর জবাব জানে পাকা, আজ এ বাছুরকে বেশি দুধ খেতে দিলে বড়ো হয়ে সে সুদে আসলে তা ফিরে দেবে, কিন্তু কিছু সে বলে না। ভবিষ্যতের ভরসায় থাকার সাধ্য যার নেই, একটা বছর টিকে থাকলে তবে যে আর একটা বছর বাঁচার কথা ভাবে, তাকে ও সব কথা বলা মিছে।

সুভদ্রা বলে, একটা পিঁড়ি এনে বসতে দে না পাঁচু, হাঁ করে দাঁড়িয়ে রইলি ?

এখন বসব না, পাকা বলে, গাঁ-টা একটু ঘুরে দেখে আসি সন্ধ্যার আগে।

তবে খেতে দি, সুভদ্রা বলে, ও শাঁখা, আয় দিকিন, ধর দিকিন এঁড়েটাকে, বেরিয়ে আয়, নজ্জা নেই। রাজুর মা, দুটো চিড়ে ধোও।

ছোটো ছেলেমেয়েরা বোঁরয়ে এসেছিল আগেই, হাঁ করে চেয়েছিল আগন্তুকের দিকে। বউ-ঝিরা জানালায় দরজায় উঁকি দেয়। গ্রামের ঘরে ঘরে পুঞ্জ পুঞ্জ এই কৌতূহল, এ একটা ভাবার মতো। শালবন থেকে একটা বাঘ বেরিয়ে এসে গ্রামে বেড়িয়ে যাক, কেউ হয়তো চোখ তুলে তাকাবে কেউ হয়তো তাকাবে না, বিদেশি মানুষ এলে, হোক সে সাপুড়ে সন্ন্যাসী ফিরিওয়াল। সায়েব বা ভদ্র একটা কিশোর ছেলে, পরম আগ্রহে গ্রাম তাকে সামনে থেকে আড়াল থেকে চোখ বড়ো বড়ো করে দেখবে। যেন বলতে চায়, আমরা জানি একটা বিরাট অদ্ভুত জগৎ আছে গাঁয়েব সীমার বাইরে, দেখি তো বিদেশি, তুমি কী পরিচয় নিয়ে এলে সেথাকার ?

নাইবি ? পাঁচু বলে, ভালো পুকুর আছে।

ঘাটে কাপড় খুলে রেখে গামছা জড়িয়ে পাকা ঝাঁপ দেয় নন্দীদের দিঘিতে। অপর পাড়ে আরও বড়ো একটি ঘাট দিঘির, শুধু নন্দীদের বাড়ির লোকের ব্যবহারের জন্য, গ্রামের ব্রাহ্মণদেরও ব্যবহার করার অনুমতি আছে। ঘাটের উপর নন্দীদের মস্ত দালান-বাড়ি। চারিদিকে ঘর তোলা ফটকওলা চার-কোনা ছোটোখাটো ইটের দুর্গের মতো, বহুদিন রং বা চুনকাম না হওয়ায় কালচে মেরে এসেছে বাইরেরটা। পাঁচুর সঙ্গে দিঘি তোলপাড় করে পাকা, যেখানে মাচায় বসে চার দেওয়া জলে ছিপ ফেলে বসে আছে বেঁটে মোটা বড়ো নন্দী বসন্ত, সেখানে ডুবে ডুবে পদ্ম তুলতে গিয়ে মাছ ভাগিয়ে দেয়।

লাল চোখে গর্জে ওঠে বসন্ত, হুকুম দেয়, কান ধরে টেনে নিয়ে আয় তো ছোঁড়া দুটোকে, কে আছিস !

ঘাটে দাঁড়িয়ে বসন্তের লোক বলে, এই ছোঁড়ারা, আয়, উঠে আয়, বড়াবাবু চিড়ে ভাজা করবে তোদের।

জল থেকে পাঁচু বলে, যা যা, ভাগ। এ কে জানিস ? বলগে যা ভৈরববাবুর ভাগনে নাইছে।

খবর শুনে আশ্চর্য হয়ে যায় বসন্ত।—রায়বাহাদুরের ভাগনে ? সতি নার্কি ? বলগে যা, বাবু ডাকছেন, আলাপ করাবেন। ভালোভাবে বলিস, সম্মান করে।

পাকা এলে ভৈরবের কুশল জিজ্ঞাসা করে বসন্ত, পাকার নাম বয়স স্কুল ক্লাস বাপের পরিচয় এবং হঠাৎ আটলিগায়ে পদার্পণের কারণ।

বেড়াতে এসেছে ? তা বেশ, তা বেশ। গাঁ দেখবার শখ হয়েছে বুঝি ? তা বেশ। গাড়িটা রেখেছ কোথায় ? ড্রাইভারকে বললছ তো গাড়ির কাছে থাকতে ? চারদিকে চোর এ গাঁয়ে, একটু ফাঁক পেলেই যা পাবে সরিয়ে নেবে। চোর-বদমাশ এ গাঁয়ের লোক। সাইকেলে এসেছ ? মোটর সাইকেল নয়, প্যাডেল সাইকেল ? বাহাদুর ছেলে তো !

বসন্ত সংশয়ভরে তাকায়, লোমশ গায়ে হাত বুলায়, শেষ ফাঙ্কনের বৈকালিক বাতাসে তার গা কুটকুট করে, জামা গায়ে দিলে আরও কষ্ট, আরও জ্বালা। কবিরাজ বলে পিত্তের আধিক্য, বসন্ত জানে রক্ত নোংরা হয়ে গেছে, সংশোধন দরকার।

রাত করে সাইকেলে ফিরে যাবে এতদূর ? বসন্ত গম্ভীর হয়ে মাথা নাড়ে, তা হয় না বাবা, আমি যেতে দিতে পারি না। না যদি জানতাম, এসেছিলে চলে যেতে, সে হত আলাদা কথা। জেনে তো ছেড়ে দিতে পারি না ! পাশানির জঙ্গলটায় নাকি বাঘ বেরিয়েছে। আজ রাতটা আমার এখানে থেকে যাও, কাল সকালে চা-টা খেয়ে বওনা দিয়ো। রায়বাহাদুর ভাববেন না, আমি খবর পাঠাচ্ছি। ঈশ্বর, অর্জুনকে তলব দে, ঘোড়া নিয়ে আসতে বলবি।

আপনি ব্যস্ত হচ্ছেন কেন, পাকা সবিনয়ে বলে, আমি এদের বাড়ি থাকব। এদের বাড়িতেই এসেছি আমি।

ধনদাসের বাড়িতে থাকবে ?

গান্ধীর আড়ালে বসে বসন্ত যেন বোমার আওয়াজ শুনে চমকে গেছে।

পাঁচু এতক্ষণ চুপ করে ছিল, এবার বলে, ও আমার ক্লাসফ্রেন্ড, একসাথে পড়ি।

২

নেয়ে এসে কাঁঠাল কাঠের পিঁড়িতে বসে ধনদাসের বাপের আমলের প্রকাশু এক কাঁসার জামবাটিতে দুধ কলা দিয়ে টিড়ে মেখে খায় পাকা। বাড়িতে দুটো গোরু থাকলেও দুধ খাওয়া চাষির ঘরে বিলাসিতা। চাষীর ঘরের ছেলে এলে হয়তো তাকে শুকনো করে টিড়ে কলা মাখার মতো দুধ দিয়ে সুভদ্রারা ভাবত যথেষ্ট দেওয়া হয়েছে। পাকাকে দিয়েছে অনেক বেশি, পাতলা করে টিড়ে কলা মাখতে পেরেছে পাকা। বাড়িতে বাটিভরা দুধ চুমুক দিয়ে সরিয়ে রাখার কথা এখন পাকা ভুলে গেছে। ভুলে না গেলে কি তার এত খিদে পেত, বাটি চৌঁছে পুঁছে খেতে পারত আবাস্তি পাকানো টক-টক চাঁপা কলা দিয়ে মাথা মোটা টিড়ে, গুড়ে এত পিপড়ে থাকা সত্ত্বেও ?

পাকার কথাবার্তা চালচলন আশ্চর্য লাগে ধনদাসের, যেমন হবে ভেবে প্রথমে একটু ভড়কে গিয়েছিল মোটে তেমন নয়। এ ছেলে হাওয়ায় কথা কয় না, দেখায় না যে অনেক উঁচু থেকে নেমে এসেছি তোমাদের নিচু ঘরে, মায়া করি ভালোবাসি তোমাদের, তোমরা কেমন জানতে বুঝতে এলাম। নিজে থেকে কিছু করে না বা বলে না, উচিত-মতো ঘরোয়া কথা কয়, নয়তো খালি চকচকে দুপাটি দাঁত বার করে গালভরা হাসি হাসে।

বড়ো ভালো লাগে পাকাকে ধনদাসের।

বলতে চায় অনেক কথা, তার বদলে শুধায়, পাঁচুর লেখাপড়া হবে কিছু ?

কিছু হবে না। ও একটা গোমুখ্য।

ধনদাস কাঁচাপাকা খোঁচা খোঁচা দাড়ির ফাঁকে হাসে। উঁহুক, অত মুখ্য লয়। তুমি কেনে মিশবে উয়ার সাথে গোমুখ্য হলে ?

আশেপাশের চাষিরা দু-চারজন আসে, জানতে চায় সদর থেকে কে এল ধনদাসের বাড়ি। বসতে বলা নেই, নিজেরাই বসে, বসে নিজেরাই কথাবার্তা বলে নিজেরদের মধ্যে, হাত বদল করে তামাক খায়। পাকা স্পষ্ট অনুভব করে ওদের অনেক জিজ্ঞাসা আছে, অনেক কিছু বলবার সাধ, হোক সে ছেলেমানুষ তারই কাছে। ছেলেমানুষই বলেই বোধ হয় আগ্রহটা বেশি, তাকে অতটা ভয় করার সমীহ করার দরকার নেই। তা ছাড়া, সে পাঁচুর বন্ধু, সহপাঠী। কিন্তু কিছু বলতে পারে না কেউ, কথা খুঁজে পায় না, ভাষা জানা নেই। মামুলি আলাপের মধ্যেই হঠাৎ সোৎসাহে কী যেন নতুন কথা বলতে যায় একজন, মেবুদগু সোজা হয়ে যায় তার, গলার কাছ পর্যন্ত বৃষ্টি উঠেও আসে দু-চারটি শব্দ, কিন্তু বলা আর হয় না, খেই হারিয়ে ভ্যাবাচ্যাকা খেয়ে অসহায়ের মতো তাকিয়ে থাকে। ওদের উদ্বেগ

আর অস্বস্তি ব্যাকুলতা জাগায় পাকার মধ্যে, ওদেরই মতো যেন কত কী প্রশ্ন আর কত কিছু বলার সাধ চাপ দেয় ভেতরে। কিন্তু মুখ ফোটে না তারও, ধরতে গেলেই পিছলে যায় জিজ্ঞাসা, স্পষ্ট হয় না, শুধু একটা এলোমেলো আকুলি-বিকুলি হয়ে থাকে যত-কিছু যা-কিছু সে বলতে চায়। অশিক্ষিত বোকা গৈয়ো চাষা ওরা যেমন, ইংরেজি স্কুলে-পড়ুয়া চালাক চতুর শহুরে ছেলে সেও যেন তেমনই বোবা !

ধনদাসের ভাই জ্ঞানদাসের খবর জিজ্ঞেস করে প্রত্যেকে দুয়ারে পা দিয়েই। বলে, ডেকে নিয়ে গেছে শুনলাম নাকি ?

ধনদাস বিমর্ষ ভাবে বলে, ধরে নিয়ে গেছে।

শুনে আপশোশের একটা আওয়াজ করে আগতুক। বসে বলে, ডাকলে পরে না গিয়ে উপায় কী !

গৈয়ার যে, বাঘা গৈয়ার, মাথা গরম।—ধনদাস বলে ক্ষোভে দুঃখে, বেগারে না যাবি যদি, বললে হয় ব্যারামের কথা, বললে হয় পেট ছেড়েছে, নয় জ্বব এসেছে কাঁপিয়ে। চোটপাট কবিস কেনে তুই, গাল দিস কেনে বোকার মতো ?

হাঁ, তা বটে। তবে কি না তেজি বড়ো।

জন্মো তেজি। জনক জানার ছেলে ছিল মইষাখালির ইন্দ্র জানা, উয়ার ছিল জন্মো তেজ, কিবা বেয়েস আঁ ? মরল সেবার তিনটো মেরে জবর লেটেল নাঙ্গিপুতার ব্যাপারটাতে।

মরার কথা, মরার কথা রাখো।

আরে বালাই, মরার কথা কীসের কার, তেজের কথা বলি। জানার আয়ু শত বছর !

সারদা উন্মনা অস্থির হয়ে আছে সন্ধ্যার পর থেকে, বারবার গিয়ে সে দেখে আসে বাইরের দাওয়াল কে কে আছে। পাঁচুর মাকে সে বলে, এখন তক যে এল না দিদি ?

পাঁচুর মা কী জবাব দেবে, পাঁচুকে দিয়ে ওই কথাই সে জিজ্ঞাসা করে পার্শ্বীয় ধনদাসকে।

ধনদাস বলে, বলগে যা আসবে। এখুনি আসবে।

বোবা হয়ে ঘরে থাকা অসহ্য হওয়ায় পাকা বাইরে যায়। পাঁচু সঙ্গে সঙ্গে আসে। কৃষ্ণপক্ষের রাত্রি, চাঁদ উঠবে সেই মাঝরাত্রে, গাঢ় অন্ধকারে অসংখ্য তারা ঝিকমিক করছে, একটা গাছে লাখখানেক জোনাকি। চারিদিকে নজর করে দেখলে হয়তো দু-একটা জোনাকি দেখা যায়, ডোবার পাশের এই একটি শ্যাওড়া গাছে জোনাকির যেন দীপালি। রাজ্যের জোনাকিরা ভিড় করেছে একটি গাছে। পাঁচু বলে, এ রকম রোজ বছর হয়। বৈশাখে চান্দিকে দেখবি, এখন এ রকম একটা গাছে ভিড় করে।

তারার আলোর অন্ধকারে পাকা সারা গ্রামে পাক খেয়ে বেড়ায় প্রায় মাঝ রাত্রি পর্যন্ত। এটা তার নিজের অস্থিরতা। গ্রাম ঘুমিয়ে গেছে তার হৃদয়ের জোয়ার-ভাঁটার তোয়াক্কা না রেখে।

পাঁচু বলে, আজকাল কিন্তু সাপ বেরোয় খুব।

দারুণ ক্ষোভে পাকা বলে, কই সাপ ? তোদের গৈয়ো সাপ বেরোয় না, গর্তে লুকিয়ে থাকে।

পশ্চিম থেকে বাতাস বইছিল দুপুরে, বিকালে থমকে ছিল, এখন দক্ষিণের হাওয়া বইতে শুরু করেছে। বেশি দূর নয় সমুদ্র, বিশ ক্রোশও হবে না। বাতাসে গা জুড়িয়ে যায়, মন কেমন করে ! চারিদিকে ছড়ানো গাঁয়ের ঘরগুলি কালি-পড়া লঠন আর বাতাস থেকে আড়াল করা ডিবরির উলঙ্গ শিখা চোখে পড়ে কাছে ও দূরে, এদিকে মাথা উঁচু করে আছে নন্দীদের দোতলা দালান, দু-তিনটে ডে-লাইটের সাদাটে আলো শ্বেতকুষ্ঠের মতো মাথা হয়ে আছে অন্ধকারের গায়ে।

শালবনের প্রান্ত পর্যন্ত গিয়ে তারা ফিরে আসে। ধনদাসের বাড়ির প্রায় কাছে এসে নাগাল ধরে জ্ঞানদাসের, অতি ধীরে ধীরে পা ফেলে সে হাঁটছিল বাড়ির দিকে।

পাঁচু বলে, কাকা ? আ্যাতক্ষণ আটকে রাখলে ?

জ্ঞানদাস কথা কয় না। বাড়ি পৌঁছে নিঃশব্দে মাটির দেয়ালে হেলান দিয়ে বসে পড়ে। মাথাও ঠেস দেয় দেয়ালে। তার গামছা ও কাপড়ে রক্তের দাগ, নাকে মুখে রক্ত জমে আছে।

নিশ্বাস ফেলে ধনদাস বলে, মারধোর করেছে ?

জ্ঞানদাস বলে, হাঁ। বেঁধে রেখেছিল, কাল থানায় পাঠাত চুরির দায়ে।

ছাড়লে যে ?

কে নাকি এয়েছে সদর থে তোমার বাড়ি !

চারদিকে ঘিরে দাঁড়িয়ে থাকে পরিবারটি, স্তব্ধ, বিষম।

জল আর মাটির গামলা নিয়ে আসে সারদা। সে রক্ত মুছিয়ে দিতে থাকে, হাত বাড়িয়ে দেড় বছরের ছেলেটাকে জ্ঞানদাস কোলে টেনে নেয়। ছেলেটা কাঁদছিল।

৩

খুব ভোরে পাকার ঘুম ভাঙে, প্রায় শেষ রাত্রে। আধখানা চাঁদ তখনও অস্ত যায়নি। অনেক রাত্রে শয়েছিল, মশারি খাটিয়ে শোয়ার ব্যবস্থা করেছিল ধনদাস, মশারির মধ্যেও মশার কামড়ে এপাশ ওপাশ করেছে পাকা, বারবার জেগে গিয়ে উঠে বসেছে। ঘুঁটের ধোঁয়ার গন্ধে নিশ্বাস আটকে এসেছে তার। মশারি কিনে মশা বুখবার সাধ্য নেই এদের, ঘুঁটের সঙ্গে ঝাঁজালো দুর্গন্ধ পানসে গাছের শিকড় পুড়িয়ে এরা ঘুমায়।

সতাই ঘুমায়। মশারা শুষে নেয় অল্প জলো রক্ত, ক্রমাগত এপাশ ওপাশ করে উপোসি হাড়মাসে বাথা আর অস্বস্তিতে, ভগবান অথবা মশাকে গাল দেয় অস্বুট অলীল শব্দে, তবু প্রাণান্তিক শান্তিতে বিভোর হয়ে ঘুমায়।

অথচ বাইরে সমুদ্রের মধুর শীতল হাওয়া বইছে জোরে। ঘরে না শুষে বাইরে শুলে মশা কামড়ায় না, চৈতের দখিনা বাতাস মশা উড়িয়ে নিয়ে যায়।

তবে বাইরে মাটিতে মাদুর বিছিয়ে শুষে মশার হাত থেকে বাঁচলেও ঘুমানো যায় না। পোষা কুকুরটা বারবার শূঁকে দেখতে এসে মুখে গালে চেটে দেয়, পগারের পচা গন্ধ নাকে লাগে, অজ্ঞপ্ত পোকামাকড় দল বেঁধে এসে কুটকুট করে কামড়ায়, গায়ে হেঁটে বেড়িয়ে সুড়সুড়ি দেয়।

উঠে বসে থাকে পাকা।

নিজেকে সে ঘণা করে, ঘণা করে আটুলিগাঁকে।

সোনার বাংলার সোনার গ্রাম ! এই বয়সেই পূবের গাঁয়ে পশ্চিমের গাঁয়ে অতিথি হয়ে এমনই রাত সে কাটিয়েছে। এমন সে অসহায় নিরুপায় যে এ গাঁগুলিকে শুধু ভালোবাসা ছাড়া কিছুই তার করার নেই। এ ভালোবাসা পাপ, মহাপাপ। এ ভালোবাসার মানে যেন এই রোগে জীর্ণ খিদেয় শীর্ণ শান্তিহীন নিদ্রাহীন হাড়গোড় পিষে-গুঁড়ো-করা গাঁকে বলা যে, তুমি নতুন মামির মতো হুঁপুঁপু সুগন্ধ সুন্দরী প্রিয়া, তুমি যেমন আছ তেমনই থাকো, আমি তোমায় ভালোবাসি !

ভোর হবার আগেই জামাটি গায়ে দিয়ে পাকা বেরিয়ে যায়, বাড়ির কেউ তখনও ওঠেনি। কাল রাত্রে শালবনের প্রান্ত থেকে ফিরে গেছে, আজ ভেতরে ঢুকবে। ঘুরতে ঘুরতে গ্রাম থেকে অনেক তফাতে চলে যায় পাকা, দেখতে পায় বনের মধ্যে একটু ফাঁকা জায়গায় পুরানো একটি ফোর্ড গাড়ি। কিছু দূরে সরকারি রাস্তা, আটুলিগাঁর গা ঘেঁষে এসে এখানে বন ভেদ করে চলে গেছে।

গাড়িটা পাকা চেনে, কালীনাথের শিষ্য শঙ্করের বাবার গাড়ি, শঙ্করও মাঝে মাঝে চালায়। খানিক আগে গুলি ছোঁড়ার অস্পষ্ট আওয়াজ কানে এসেছিল পাকার, অতটা খেয়ালও করেনি,

বুঝতেও পারেনি কী ঘটেছে। এবার সে কান পেতে দাঁড়িয়ে থাকে। বনের নিজস্ব স্তব্ধতার মতো তার হৃদয়-মনও স্তব্ধ হয়ে গেছে। কালীদার ছেলেরা গুলি চালানো শিখতে এসেছে শহর থেকে এত দূরে আটলিগাঁর জঙ্গলে, রাস্তা থেকে নামিয়ে গাছের আড়ালে গাড়ি রেখে এগিয়ে গেছে বনের ভেতরে। কে জানে কে কে আছে ওদের মধ্যে। কানাই আছে কি ? হয়তো আছে, হয়তো তার লক্ষ্যভেদের ক্ষমতায় কালীনাথ খুশি হচ্ছে মনে মনে।

কালীদা জানে না তাকে নিলে বন্দুক ছোঁড়া শেখাতে হত না, অর্জুনের মতো সে ডান হাতে বাঁ হাতে বন্দুক চালাতে পারে। তার বাবার তিনটে বন্দুক আছে, রিভলবার আছে, অন্য ছেলেরা যখন এয়ার গান নিয়ে খেলা করে সে তখন আসল বন্দুক চালিয়েছে, বাবার সঙ্গে শিকার করেছে রাঁচির জঙ্গলে। তাকে ঠেকানো যাবে না, লুকিয়ে বন্দুক ছুঁড়তে গিয়ে হয়তো বিপদ বাধাবে, বাবা তাই নিজে তাকে শিখিয়ে পড়িয়ে দিয়েছিল।

হাত নিশপিশ করে পাকার। যাবে ওখানে ? গিয়ে বলবে কালীদাকে, 'আমায় একটা দাও, বন্দুক রিভলবার যা তোমার খুশি। তুমি আমায় তাড়িয়ে দিয়েছো, শেখাওনি, কিন্তু তোমার শেখানো ছেলেদের চেয়ে আমি ভালো পারি কি না দ্যাখো ?

কে জানে কী ভাববে কালীদা, অন্য ছেলেরা ! কালীদা হয়তো বলবে, তা নয় হল, আমি তো জানি তোমার অনেক গুণ আছে, কিন্তু তোমার স্বভাব যে খারাপ পাকা ! অনেকক্ষণ চুপচাপ দাঁড়িয়ে থাকে পাকা।

পকেটে পেন ছিল, বরাবর থাকে, কালি ছিল না। মুখের থুথু দিয়ে পেনের নিব ভিজিয়ে একটুকরো কাগজে সে লেখে :

রাস্তা থেকে আওয়াজ শোনা যায়।

তলায় নিজের নামটা লিখবার লোভের সঙ্গে খানিকক্ষণ রীতিমতো যুদ্ধ চলে তার। পরনেব কাপড় থেকে সুতো বার করে গাড়ির স্টিয়ারিং হুইলে কাগজটি বেঁধে রেখে রাস্তায় নোমে গাঁর দিকে হাঁটতে আরম্ভ করে। হঠাৎ মন অনেকটা শান্ত হয়ে গিয়েছে।

8

শহরে স্কুলে পড়ে, পাকাদের সঙ্গে মেলামেশা করে, তবু পাঁচুর মধ্যে তার চাষি বাপ-খুড়োর জন্য বিশেষভাবে আর সাধারণভাবে আটলিগাঁর জন্য গর্ববোধ টিকে আছে, যদিও আজকাল একটু স্তিমিত ও দ্বিধাপ্রস্তু হয়ে।

জ্ঞানদাসের জন্যই তার অহংকার বেশি, কাকাকে সে দেবতার মতো ভক্তি করে। খাজনা বন্ধের ডাকে সর্বাপ্রাে সাড়া দিয়েছিল আটলিগাঁ, সবার আগে ছিল তার বাবা আর কাকা, সকলের চেয়ে বেশি বীরত্ব দেখিয়েছিল জ্ঞানদাস। আজও তার গায়ে পুলিশের অত্যাচারের চিহ্ন আছে, মাথায় লাঠির ক্ষত আর বাঁ উরুতে গুলির ক্ষতের দাগ। হাতের তিনটি আঙুল তার ভাঙা, লক্ষ করলে দেখা যায় সে একটু খুঁড়িয়ে চলে। ধনদাস ধীর শান্ত মানুষ, ধীর শান্ত ভাবেই সে বিলাতি বর্জন, চরকা কাটা এ সব গ্রহণ করেছিল, গায়ের জোরে খাজনা বন্ধের ব্যাপারে তার ছিল দ্বিধা, বিশেষত বসন্ত নন্দী যখন এর বিরুদ্ধে দাঁড়াল, প্রাণপণে ঠেকাতে চেষ্টা আরম্ভ করল, বলতে লাগল, খাজনা বন্ধের হুকুম কংগ্রেসের নেই। বসন্ত এদিকে কংগ্রেসের পাশ্চাত্যনীয় ব্যক্তি, যে রকম কাজ বা বক্তৃতায় জেল হয় সেগুলি বাদ দিয়ে কংগ্রেসের কাজ করে, খন্দর পরে, নেতাদের সঙ্গে মেশে, সভায় সভাপতিত্ব করে, চরকা প্রচারে, নাইট স্কুল চালানোয়, ডোবা পুকুর সাফ করানোর কাজে, কুইনিন বিলানোয়, ভালো

বীজের নমুনা আনিয়ে বিখানেক জমিতে ভালো চাষের নমুনা দেখানোয়, যাঁড় আনায় সাহায্য ও সহযোগিতা করে। সারা জেলায় আর তার আটুলিগাঁয়ে খাজনা বন্ধের তোড়জোড় দেখে বসন্ত ও তার অনুগত কয়েকজন কংগ্রেস-কর্মী ভড়কে গিয়েছিল। তাদের বাধা অগ্রাহ্য করে সাধারণ কংগ্রেস-কর্মীদের উৎসাহ ছিল আরও একটা ভয়ের কারণ, এর আগে কখনও তারা এ ভাবে বিদ্রোহী হয়ে ওঠেনি। আর এমন আশ্চর্য ব্যাপার, বড়োলোক নয়, নাম-করা লোক নয়, গেরস্ত চাষি, ধীর সংযত ধনদাস হয়ে দাঁড়িয়েছিল আটুলিগাঁর খাজনা বন্ধের নিয়ন্তা। সে যোগ না দিলে ভাগ হয়ে যেত আটুলিগাঁর চাষি সমাজ, অত প্রচণ্ড হত না আন্দোলন, মাথা তুলে দাঁড়াতে না দাঁড়াতে ফেঁসে যেত।

জ্ঞানদাসের জনাই ধনদাসকে খাজনা বন্ধে যোগ দিতে হয়। লোকটার ভাই-অন্ত প্রাণ।

অদ্ভুত আশ্চর্য সেই দিনগুলি, ভয়ানক দিনগুলি, মনে গাঁথা হয়ে আছে পাঁচুর। পাকাকে সে ছাড়া ছাড়া ঘটনার গল্প বলে, কোন বাড়ি পুড়েছিল, কার ঘরের লোক মরেছিল, দেখিয়ে দেয়। জ্ঞানদাস এবং ধনদাসও তাকে পাঁচুর মতোই সে সব ঘটনার উলটাপালটা এলোমেলো টুকরো টুকরো বর্ণনা শোনায়। শুনতে শুনতে কল্পনায় সাজিয়ে গুছিয়ে এক বিরাট অবিশ্বাস্য অভ্যুত্থানের, এক আশ্চর্য সংগ্রামের কাহিনি গড়ে তোলে পাকা, শন-খড়-মাটির কুঁড়ে ঘরের এই আটুলিগাঁ ছিল যার আস্তানা, খালি গা খালি পা এই শাস্ত নিরীহ মুক চাষিরা ছিল যার অংশীদার। জীবনে আর এমন কাহিনি শোনেনি পাকা। আটুলিগাঁ তার চোখে বদলে যায়।

ক'দি কিছু, ধনদাস বলে নারকেল ছোবড়া পিঁজতে পিঁজতে, তবে হ্যাঁ, মিছে মন কষাকষিটা কমতি দেখা যায়। অতটা কথায় কথায় বিবাদ করা মামলা করা নাই।

অনেকক্ষণ চুপচাপ থেকে আবার বলে, মেজাজ খানিক গরম হয়েছে সবার, তেজ বেড়েছে। দুটা চড়চাপড় চুপচাপ সয়ে যাবে তো তিনটে চড় কোনোমতে আর সহিবেনি। মোদের চাষিবাসিব মদি গায়ের জ্বালা কম ছিল, শোকতাপে মরি তো গা জ্বালাবে কীসে ? জ্বালাটা বেড়েছে ইদানীং, ইদিকে ফের শোকতাপে ঝাঁজ কম, দুঃখ কম।

হাতের কাজ বন্ধ রেখে মুখ তুলে সে তাকায় ভাইয়ের দিকে। এ ভাষা ভালো বোঝে না পাকা। তবে জানে যে তার কাছে এ সব শব্দ আর সংজ্ঞাগুলির যে মানে, ধনদাসের মানে তার চেয়ে আলাদা। মোটামুটি ওরা কী বলতে চায় সে তাৎপর্যটা সে ধরতে পারে, গভীৰতা এড়িয়ে যায় তাকে। জ্ঞানদাসের কথারও অনেকখানি মর্মার্থ দুর্বোধ্য থেকে যায়। বড়ো ভায়ের মন্তব্যের প্রতিবাদে অথবা সমর্থনে সে ফসলের কথা তোলে সেটাই ধরতে পারে না পাকা।

জ্ঞানদাস বলে, কদিন হল ধান ঘরে তুলেছি মোরা ? এৰ মদি যেন চুকে বুকে গেছে সব কিছু, যেন বাছুর মরা গাই, বাসু, আর কী রইতে পারে ? তা কী করবে মানুষ বলতে পার ? পেটের তাপে গা জ্বালায় তা শোকতাপ কী, অদেষ্ঠ কী ভিতরে যা, তো বাইরে মলম দিলি জুড়ায় ? ও শান্তির কাজ না।

বটে তো, বটে তো, ধনদাস বলে, তবে কি-না না-হক ঘাঁটায়ে লাভটা কী, তাই বলি। হিসেবের কড়ি বাঘে খায় না তা সে পয়সা বল, বীরপনা বল ! অনায়ায় তো ছিল, আছে, রইবে জগতে, না কি স্বগ্গ হবে পিথিৰ্মি ? সহিবে না তো হিসেব কর লাভ কি লোকসান কত, না তো দশটা সহিবে আর একটার বেলা সহিবো না বলে খেপে ডঠে ক্ষেতি করবে আপনার, উয়া বোকার কাজ, গোঁয়ার্ছুমি। যুধিষ্ঠির লড়েনি, মারেনি শব্দুর কুবুক্ষেত্রে ? তা ফের গাল অপমান সয়েও ছিল দুয়ুধনের ঠাই ঘাড়টি হেঁট করে।

পাকার মুখের দিকে চেয়ে বলে, ধর না কেনে, মিছাভয় নাই, মন্ত সাহসী পুরুষ একজনা— তাই বলে কি খালি হাতে লড়তে যাবে বাঘের সাথে যেচে যেচে ?

না তো কি বাঘে ধরলে নাক কান বুঁজে মরবে চুপচাপ ? জ্ঞানদাস বলে গরম হয়ে।

কথা বোঝে না, রাগে শুধু ! ধনদাস হাসে, বললাম না যেচে যেচে যাবে ? বাঘে ধরলে কথা কি, এমনিও মরবে, ওমনিও মরবে, মরো বাঁচো লড়ো তখন, বাস্। খামোকা বাঘ ঘাঁটাতে গিয়ে মোর কাজ, বাঘ মারার কলকাটি না জেনে ?

অতিথির জন্য ভগা জেলেকে কিছু মাছ দিতে বলেছিল ধনদাস, দাম দেবে, তবে পয়সায় নয়, মাছে। ধনদাসের ডোবাটা কয়েকদিন পরে আরও খানিক শুকোলে যখন ছাঁকা হবে তখন। দুগুণ্ডা বড়ো বড়ো কই আর মস্ত একটা শোল মাছ দিয়ে গেল ভগা। তার সারা গায়ে চুলকানি। একটু তেল চেয়ে নিয়ে সে গায়ে মাখে। গায়ে তেল মাখার বড়ো শখ ভগার। তার বিশ্বাস, দুটো দিন সারা গায়ে ঘষে ঘষে ভালো করে তেল মাখতে পেলে চুলকানি সেরে যেত।

মাছ নিয়ে যেন ভোজের সমারোহ আজ ধনদাসের ঘরে, অতিথির কল্যাণে প্রাণ ভরে মাছ খাওয়া যাবে। মাছ খাওয়া বিলাসিতা চাষির ঘরে। সুজলা বাংলার নদীময় জলময় পূর্বাঞ্চলেই ভারী মাছ খায় চাষি, এ অঞ্চলে তো তেমনি নদীনালাই নেই, জলাভাব। পাকা খাবে কই, বাড়ির লোক শোলমাছ। ও বেলাব জন্যে জীয়ানো থাকবে কই মাছ, অতিথির কল্যাণে আজ দুবেলাই রান্না। চাষির ঘরে দুবেলা রান্না হয় কদাচিত্, দুবেলাই যারা খায় টেনেটুনে, তাদেরও নয়। এত শালগাছ গাঁয়ের পাশে বনে, এত কাঠ চালান দেয় পশুনিদার জানকীরাম, অথচ জ্বালানির অভাব আটুলিগাঁর মাটির ঘরে। বনের পাতা পর্যন্ত কুড়িয়ে এনে জ্বালানো বারণ। কাঠি দিয়ে গোল করে গাঁথা শালপাতা যে চালান যায় রাশি রাশি তাতে ঝরা শুকনো পাতা দরকার হয় না, পরিপক্ক সবুজ পাতাই লাগে, তবু সে তার নিজস্ব শ্রীশ্রীভগবানের সৃষ্টি বনটির ঝরা পাতা গাঁয়ের গরিবদের কুড়িয়ে নিতে দেবে না। পাতা-কুড়ুনরা অবশ্য পাতা কুড়িয়ে আনে, তাদের ঠেকাবার জন্য পাহারা রাখেনি জানকীরাম, মাঝে মাঝে তার লোক ধরে পিটিয়ে দেয়। রামুর মা আর রামুকে ধরে কাপড় কেড়ে নিয়ে উলঙ্গ করে বনে ছেড়ে দিয়েছিল, পাতা ঝেঁটিয়ে ভরে আনার ছালাটা পর্যন্ত কেড়ে নিয়েছিল। সারাদিন বনে কাটিয়ে রাত্রির অন্ধকারে তাদের গাঁয়ে আসতে হয়।

নিছক অর্থহীন বজ্জাতি নয়, মানে একটা আছে,—অধিকার জাহির করা। কয়েক ঘর সাঁওতাল বাস করে গাঁয়ে, সামান্য কিছু জমি আছে, চাষ করে, শিকারে যায়, কুলিও খাটে। বিনামূল্যে শালবনের কাঠের দাবি তুলে ওরা বরাবর গোলমাল করে এসেছে। গত আন্দোলনের সময় সমস্ত আটুলিগাঁ সে দাবি আপন করে নেয়, আপন ইচ্ছায় আপনা থেকে বনে গজিয়েছে গাছ, তা থেকে তারা বঞ্চিত হবে কেন, আর কিছু না হোক অন্তত জ্বালানি কাঠ তাদের চাই। জোর করে কাঠ কেটে নিয়ে যেত সকলে, ঘরের সামনে এই প্রকাশ্য রোদে শুকোতে দিত, মানুষের এই সামান্য আদিম অধিকারটুকু আদায় করে যেন বড়ো অহংকার হয়েছে ! আসল আন্দোলন বন্ধ হবার পরেও এই হাঙ্গামার জের চলেছিল অনেকদিন।

অত সাধের শোল মাছটি নিয়ে এক হাস্যকর দুর্ঘটনা ঘটে গেল। বিকালেও পিসি খাড়া ছিল, হেঁটে বেড়িয়েছে, সংসারের কাজকর্ম করেছে, সকালে হু-হু কাঁপিয়ে তার এসেছে জ্বর। কাঁথা চাপা দিয়ে তাকে চেপে ধরে আছে শাঁকা, এ ম্যালেরিয়া আসবার সময় এমন কাঁপায় যে প্রথম দিকে একজন ধরে না রাখলে রোগীর যেন প্রাণ বেরিয়ে যাবে মনে হয়। পাঁচুর মা রীঁদছে। মাছ নিয়ে উঠানে কাটতে গেল সারদা, শোল মাছটা বড়ো দাপড়াচ্ছিল, গলাটা কেটে রেখে সে ছাই আনতে গেছে রান্নাঘরে, দু-দণ্ড বুকি দেরি হয়েছে আখা থেকে সদ্য টেনে তোলা ছাইয়ের জ্বলন্ত কয়লাগুলি জলের ছিটা দিয়ে নিভিয়ে নিতে, এই অবসরে দিনের বেলা খিড়কি দিয়ে শেয়াল এসে মাছটা মুখে করে নিয়ে পালিয়ে গেল।

পাঁচুর ছোটো ভাই নাচু চৈচাল : শ্যালো মাছ নে গ্যালো গো !

একটা হইচই হয়। লাঠি হাতে শেয়ালের পিছনে ছুটবার আগে স্তানদাস একটা ছোটোখাটো চড় বসিয়ে দেয় সারদার গালে। পাকা নির্বিকার মুখে তাকিয়ে থাকে। পাঁচু কিন্তু লজ্জায় মরে যায়।

ধনদাস সংক্ষেপে বলে, বীরপুরুষ !

মোর কী দোষ ? ভাসুরের দিকে পিছন ফিরে পাঁচুর মাকে উদ্দেশ করে গলা ছেড়ে চেষ্টায় সারদা, হাঁ দিদি, মোর কী দোষ ? ছাই আনতে রসুই ঘরে গেছি—

খানিক পরে মাছটা ফিরিয়ে আনে জ্ঞানদাস। শেয়ালটি কাছেই বাঁশঝাড়ের অধিবাসী, ভাইপো ভাগনে সমেত সদলবলে জ্ঞানদাসকে হইহই করে তেড়ে আসতে দেখে বাঁশঝাড়ে মাছটা ফেলে পালিয়ে গেছে।

হাঁঃ, সারদার সামনে মাছটা ফেলে দিয়ে সগর্বে হেসে বলে জ্ঞানদাস, কার ঘরে মাছ চুরি করতে এয়েছিল শালার শ্যাল জানবে কী !

ধনদাস বলে, অঃ, মস্ত বীরপুরুষ !

মুখখানা খুশিতে ভরে গেছে সারদার, চাপা গলায় সে জ্ঞানদাসকে শুধায়, দু-ঘা লাগিয়েছ ?

৫

মাছ যখন রান্না চড়িয়েছে পাঁচুর মা, বসন্তের লোক অর্জুন একটা সের তিনেক ওজনের বুই এনে দাওয়ায় ঝেলে দেয়। বসন্ত পাঠিয়েছে পাকার জন্য !

ছেলেমেয়েরা কলরব করে ওঠে মাছ দেখে, জ্ঞানদাসের ধমক খেয়ে হঠাৎ চুপ হয়ে যায়।

বিপনের মতো ঘাড় চুলকায় ধনদাস, চোখ তুলে তুলে তাকায় জ্ঞানদাসের দিকে। অর্জুন দাঁড়িয়ে দাঁড়িয়ে দাঁত বার করে হাসে। ধনদাসের বাড়িতে বসন্তের মাছ পাঠানোর মধ্যে যেন তার নিজেরও বসিকতা আছে। তার ভৈরবমামার প্রভাব প্রতিপত্তির বহরে একটু যে গর্ব অনুভব করে না পাকা তা নয়, তবে ঠিক যেন সুখী হতে পারে না। তাকে নিজের বাড়িতে একবেলা খেতে বলতে পারত বসন্ত, বলেনি। ধনদাসের বাড়ির অতিথিকে নিজের বাড়িতে ডেকে খাওয়ালে গাঁয়ের লোকের কাছে মান থাকবে না। তবে মাছ পাঠানো চলে, চাকর দিয়ে একটা মাছ পাঠিয়ে দেওয়া চলে। কাল যে জ্ঞানদাসকে ধরে নিয়ে গিয়ে বেঁধে মারা হয়েছিল সেটা বোধ হয় এ সব গণনায় আসে না ? পাকা জানত না যে শুধু মানের কথা নয়, তাকে ঘরে ডেকে খাওয়ানোর মধ্যে রান্না ভাত খাওয়া নিয়ে আলোচনা হয়েছে ভদ্রাভদ্র সমাজে। শহুরে বাবুর ঘরের ছেলে সে জাতবিচার মানে না ধরে নিয়ে ক্ষান্ত হয়েছে চাষিরা, ওপর জাতের কেউ যদি নিজের জাত না বাঁচিয়ে চলে তা' ধর্মের কাছে অপরাধের ভয়ে যেচে তার জাত বাঁচাতে তেমন আর তাদের মাথাব্যথা নেই। উঁচু জাতেরা কিন্তু চটেছে গাঁয়ের, সে ভৈরবের ভাগনে বলে মনে মনে আরও বেশি চটেছে। শহুরে ফিরে গিয়ে কদিন পরে আবার এ গাঁয়ে ঘুরে এলে পাকার সঙ্গে খেতে সেরা বামুনও আপত্তি করবে না আটুলিগাঁর, ধনদাসের বাড়িতে তার এবারের জাত নষ্ট হওয়াটা ছেলেমানুষের ছেলেমানুষি হয়ে চাপা পড়ে যাবে, কিন্তু এখন সদা সদা ধনদাসের বাড়ি থেকে ডেকে এনে তাকে ভোজন করালে নিন্দা হবে বসন্তের ! ধনদাসের চেয়ে জাতে বসন্ত উঁচু নয়, তবু !

পাঁচুর কাছে পাকা পরে এ সব জটিল ব্যাখ্যা ও বিবরণ শুনছিল।

জ্ঞানদাসের সংযমও আছে। পাকার দিকে চেয়ে সে সশব্দে তপ্ত নিশ্বাস ছাড়ে, হঠাৎ কিছু বলে না। দু-ভায়ের ভাব দেখে হাসিটা মিলিয়ে যায় অর্জুনের, তামাশার সুরে কথাও বন্ধ হয়।

অর্জুন বলে, দোমনা ভাব দেখি ? ও বুদ্ধি কোরো না বাবু, চাপান দাও, কত্তা নিজে দাঁড়িয়ে মাছ ধরিয়ে পাঠিয়ে দেছেন। শোনো বলি কথা, মন করে কি যে সামলে সুমলে চল যদি দু-ভাই, কত্তা আর পিছে লাগবেন না গায়ে পড়ে। কত্তার মন ভালো।

অর্জুন চলে যাবে, জ্ঞানদাস ডেকে বলে, মাছ নিয়ে যা অর্জুন।

ধনদাস বলে, আঃ থাম না। মাছ মোদের নয়। মোদের পাঠায়নি মাছ।

যাকে পাঠিয়েছে সে তবে নিক। যা খুশি কবুক নিয়ে !

জ্ঞানদাস গটগট করে বাড়ির ভেতরে চলে যায়।

অপমান বোধ করে বইকী পাকা। এতটা বাড়াবাড়ি তার ভালো লাগে না। ধনদাস ঠিক কথাই বলে, ভাইটা তার গৌয়ার। ঘর থেকে ধরে নিয়ে গিয়ে বেঁধে মাব দিয়ে রক্তপাত করে ছেড়ে দিলেও যার কিছু করার ক্ষমতা নেই, কথায় কথায় তার কেন এত তেজ ? মার সঙ্গে নিঃশব্দে ফিরে এল, মাছ পাঠানোতে তার অপমান হয়েছে।

অর্জুন, মাছটা ফিরে নিয়ে যাও। দাঁড়াও, একটা চিঠি লিখে দিচ্ছি।

পাকা লেখে যে সে শাজ শহরে ফিরে যাবে না, কাল যাবে, তাই মাছটা রাখল না। আজ ফিরে গেলে মাছটা নিয়ে যেত। বসন্ত মাছ পাঠিয়েছিল শুনে তার মামা খুব খুশি হবে।

পাকা এ সব ডিপ্লোমেসি জানে। যতই হোক, ভদ্রঘরের ছেলে তো।

চিঠি পড়ে একটু ভেবে বসন্ত সঙ্গে সঙ্গে লোক দিয়ে শহরে ভৈরবের বাড়ির উদ্দেশে মাছটা রওনা করিয়ে দিল।

দুপুরে পাশাপাশি খেতে বসেছে পাঁচু ও পাকা, একটু তফাতে উঁচু হয়ে বসে ধনদাস তাদের খাওয়া দেখছে, জ্ঞানদাস কোথা থেকে এসে কাছের খুঁটিটায় ঠেস দিয়ে বসে। হঠাৎ মুখ ভুলে লজ্জিত হাসির সঙ্গে বলে, তুমি কিছু মনে কোরো না পাকাবাবু !

পাকার মনে ছিল না। সে বলে, কীসের ?

মাছটা নিয়ে মোর চটা উচিত হয়নিকো। ঘাট মানছি, দোষ টোষ মনে রেখোনি। যে মোদের পাঁচু, সে তুমি, ঘরের ছেলে।

খুশিতে উজ্জ্বল হয়ে ওঠে ধনদাসের মুখ, ভাইয়ের দিকে সর্গর্বে চেয়ে চেয়ে চোখে তার পলক পড়ে না।

পাকা হঠাৎ জিজ্ঞেস করে, আর্ছা কাল তোমায় মেরেছিল কেন ?

পাঁচুর কাছে জেনে নেবে ভেবেছিল, জিজ্ঞাসা করতে খেয়াল হয়নি এ পর্যন্ত।

জ্ঞানদাস মুখ খোলার আগেই তার হয়ে ধনদাস বলে, ভোটাভুটি আসছে না ? মোরা পাত্রসার-র জগৎ পাশাকে ভোট লাগাব ইবারে, তাইতে কস্তার রাগ। ফের, এ গৌয়ারটা সর্মিতিতে ঢুকে গেছে বারণ না মেনে, তাতেও রাগ। আগে থেকেও রাগ ছিল। বেগারের ছুতা করে মারলে কাল হোঁড়াটাকে। তোমাকে বলি, তুমি বামনের ছেলে, ভদ্রর ঘরের ছেলে তুমি, ও পাপীটা উচ্ছন্ন যাবে। উয়ার গতি নাই। বদ যা হয়েছে পায়ে, সর্বাঙ্গ খসে যাবে উয়ার।

ধীর শান্ত ধনদাসের আকস্মিক রূপান্তর চমকে দেয় পাকাকে। তার উগ্র ভঙ্গি, কথার হলকা কল্পনারও অতীত ছিল। তুচ্ছ হয়ে যায় পাকা। তার লজ্জা করে।

আজ সকালেই ভাইকে ধনদাস যা বলেছিল, সে সব কথা মনে পড়ে। হিসাবের কড়ি বাঘে খায় না, টাকা পয়সারও নয়, বীরত্বেরও নয় ! বাঘ মারার কলকাটি না জেনে বাঘ মারতে যাওয়া গৌয়ার্তুমি।

বিকালে বড়ো কুয়াতলায় পালাগানের আসরে আর একজনের সঙ্গে পরিচয় হল পাকার, যাকে শুধু সে মনে রাখেনি, জীবনে পরে খুঁজেও ছিল অনেকবার। একদিনের আলাপে চিরদিনের তার মনে দাগ

কেটে রাখার মতো মোটেই অসাধারণ নয় চেহারা বা কথাবার্তা মানুষটার। তবে ঠিক এ রকম মানুষ পাকা আগে আর দেখিনি। চরিত্রের স্পষ্ট প্রচণ্ড বৈশিষ্ট্য আর চমকপ্রদ ব্যক্তিত্ব ছাড়াও একটা মানুষ যে মনের মধ্যে স্থায়ী আসন দখল করে নিতে পারে চলতি আলাপে মনের মতো করে অজানা অভিজ্ঞতার কথা টেনে এনে, তখন এটা পাকার জানা ছিল না। পরে জেনেছিল, বড়ো হয়ে। শ্যামল জানা ততদিনে মারা গেছে।

শরীরটা ভেঙে গেছে, দেখেই টের পাওয়া যায়। চাষাড়ে চেহাবার রোগা খাটো মানুষটা পাশে এসে বসলেও পাকাব নজর পড়ত না, কথা যদি সে না বলত নিজে থেকে।

এ অঞ্চলে কেউপালা জনপ্রিয়। কীর্তন জিয়াগান কথকতায় মেশাল দেওয়া শ্রীকৃষ্ণের লীলামৃত, তবে রাখাও নেই, কাঁদুনিও নেই। কুব্জাধরের মহাযুদ্ধে পার্থসারথির কাণ্ডকারখানা নিয়ে কাহিনি, গীতার অনেক গূঢ় তত্ত্বকথা পর্যন্ত সহজবোধ্য লাগসই এবং স্বস্তিকর গ্রাম্য দর্শনে পরিণত করা হয়েছে কেউপালায়।

আমি মারি আমি রাখি
আমি দুখী আমি সুখী
আমিই নিমিত্ত সখি—

বিষাদিত অর্জুনকে নয়, উত্তরার গর্ভপাতে শোকাতুরা দ্রৌপদীকে সাস্থনা দেবার ছলে বলা। তা হোক, আসল কথাগুলি এক, বরং চাষাভূসোর ভাষায় বলা হয়েছে বলে মর্মস্পর্শী। কেউপালা যাত্রা নয়, কোনো চরিত্রই সেজেগুজে আসরে নামে না, খালি গায়ে কোমরে উড়ানি বেঁধে একজন প্রধান গায়ক আর তার দুজন সহকারী কথায় গানে পুরাণকে রূপ দিচ্ছে, তবু শুনতে শুনতে একটি চাষি-বউ ফুঁপিয়ে কেদে উঠল উত্তরার সর্বনাশে ! কে বলবে সে চোখের সামনে দেখতে পাচ্ছে না শাউড়ি দ্রৌপদী ছেলের বউ উত্তরাকে দুহাতে বুকে জড়িয়ে ধরে অসহ শোকের অতল গভীরে তলিয়ে যাচ্ছে। চাষি-বউটির নাকে নোলক, চোখে সূর্য, কণ্ঠ-ঢাকা আঁটো তেরঙা পিরান। আবার অমন যে তার গভীর বুকফাটা সহানুভূতি উত্তরার জন্য তা জুড়িয়ে এল জীবন ও মরণের বড়ো মানের কথা শুনতে শুনতে, দেখা গেল গভীর কৌতূহলের সঙ্গে মশগুল হয়ে সে শুনছে সৃষ্টিরহস্যের ব্যাখ্যা !

এ সব ভালো লাগে না ?

পাকা সংশয় ভরে বলে, মেয়েমানুষের কাছে ফিলজফি আওড়ানো—

ও, মেয়েমানুষের কাছে বলে তোমার আপত্তি ! কিন্তু এ তো সে ফিলজফি নয়, অল্পবিদ্যা নিয়ে মুখ্যকে তাক লাগানো। ওটা আমরা করে থাকি, আমাদের ভদ্রঘরে মেয়েমানুষরা মুখ্য, আমরা বিদ্বান, আমরা ওটা পারি। এখানে ব্যাপার কি জানো, এ সব চাষাভূসো পুরুষগুলোও সমান মুখ্য !—

এই কথাই যেন শুনতে চাইছিল পাকা। মুখ ঘুরিয়ে সটান মুখোমুখি হল সে। অনেক কালের আত্মীয়ের মতো শ্যামল জানা একটু হাসল।

অর্জুন মহাপণ্ডিত, ভগবান আবার এমন পণ্ডিত যে বেদব্যাঙ্গও তার কাছে মুখ্য। অর্জুনের তো কথাই নেই। অর্জুনের কাছে স্বয়ং ভগবান যে ফিলজফি আওড়ালেন সেটা শুধু আমরা একচেটিয়া করে রাখব ? এ সব মুখ্য চাষাভূসো মেয়েপুরুষ একটু স্বাদ গন্ধ পাবে না ? আমরা তো দেব না, ওরা তাই নিজেরাই ব্যবস্থা করে নিয়েছে। মেয়েমানুষের কাছে ফিলজফি আওড়ানো নয়, মুখ্যদের চাহিদা মেটানো—

এ কথাও যেন শুনতে চেয়েছিল পাকা।

—ফিলজফি দরকার বেঁচে থাকার জন্য। সমাজের যে স্তরে যার বাস সে তেমনই করে ফিলজফিকে তেলে গড়ে নেয়। আসল জিনিসটা চাপাই কিন্তু আমরা ওপর থেকে।

পাকা কথা কয় না। একজনের কাছে এত কথা শুনে কথা না কওয়াটা তার স্বভাব নয়।

—এদের ফিলজফি অদৃষ্ট। মোয়েরা যত ছেলে বিযোয় অর্ধেকের বেশি মরে যায় আঁতুড়ে, নয়তো বড়ো হয়ে। আকাশের দিকে চেয়ে পূর্ব্বরা জমি চষে, বৃষ্টি না হলে মরবে, বেশি বৃষ্টি হলেও মরবে। এবার দেখছ তো অবস্থাটা ? বন্যা ঘায়েল করে দিয়ে গেছে। শুধু এ বছর নয়, আর বছরও। বন্যার ধাক্কা সামলে ভালো ফসল ফলাতে একটা বছর বরবাদ যায়।

জীবনে এই বোধ হয় প্রথম পাকা নিজে মুখ না খুলে একজনের কথা শুনে যায়, এই ধরনের কথা ! এটা তার খেয়াল হয়েছিল পরে, শহরে ফিরবার পর, এক অবসর-মুহুর্তে।

শ্যামল জানার খড়ের বাড়ি। দুটি ভিটের ঘর বাসের অযোগ্য হয়ে পড়ে আছে, একটি ভিটের ঘর সে সারিয়ে নিয়েছে মোটামুটিভাবে। জীবনযাত্রা তার সহজ অনাড়ম্বর। একা থাকে, নিকট আপনজন বলতে এক ভাই, যে আজ দশ-বারোবছর চাকরি নিয়ে বর্ময় প্রবাসী। মাঝখানে একবার মাত্র দেশে এসেছিল ছুটি নিয়ে, কলকাতায় বাড়ি ভাড়া করে ছিল। পিসি সম্পর্কে পাড়ার এক প্রৌঢ়া বিধবা রেষে দিয়ে যায়, নিজেও খায়। শ্যামলের চেয়ে তার নিজের নিরামিষ রান্নাই বোধ হয় বেশি পদের আর বেশি মুখরোচক হয়। শ্যামলের মধ্যাহ্নের ভোজন হল শুধু জলে সিদ্ধ করা কুচি করে কাটা একটু তরকারি, ছটাক খানেক ছোটো মাছ, দু-তিন চামচ ঘরে পাতা দই আর একেবারে জাউ করে ফোটানো আধমুঠি পুরনো চালের ভাত। রাত্রের ভোজন দুধ আর খই। সন্ধ্যার আগেই পিসিমা ভাগে। এই জেলখাটা খুনের বাড়িতে সন্ধ্যার পর একদণ্ড থাকতে তার ভরসা হয় না।

বেঁচে থাকার জনাই তার এই বিলাসিতা ! বঙ্গ-ভঙ্গ যুগের বোমাবু দলের বিপ্লবী, বছর কয়েক আগে সরকার সদয় হয়ে তাকে ছেড়ে দিয়েছে—জীবন্যত অবস্থায়।

পাকা প্রশ্ন করে, কেন ছাড়ল ?

হ্যারিকেনের আলোয় তার পঁশুটে ঠোঁটের হাসিও যেন ঈষৎ বঙিন মনে হয় : ওরা হিসেব করেছিল, বড়ো জোর পুরো একটা মাস ! ডাক্তার বাজি রেখে বলতে পারত, দুর্ভতনমাসের বেশি শ্যামল জানা পৃথিবীতে টিকতে পারে না, দুমাস যদি টেকে তো সেটা হবে জগতের আর একটা পরমাশ্চর্য ব্যাপার ! নইলে কখনও ছাড়বে ?

শ্যামল একটু থামে। এটা তার স্বভাব।

দেশ জুড়ে আবার যখন নতুন করে শুরু হয়েছে সেই সময় ? ইংরেজের হৃদয় নেই, ওরা ড্যামকেয়ার করে সেন্টিমেন্ট। ওদের মতো হিংস্র নেই, ধীর শান্ত হিসেবি হিংস্র। ওদের স্বার্থে ঘা দিয়েছিলাম, তেরো বছর ধরে আমায় ভেঙে চুরমার করেছে বলেই ওদের প্রতিহিংসা মিটেছে ভাবো ? তাই ছেড়েছে আমায় ? শ্যামল হাসিমুখে তাকিয়ে থাকে, যেন সত্যি প্রশ্ন করছে, জবাব চায়।—দু-চারমাসে মরবই না জানলে কখনও ছাড়ত না। মরারই যখন নিশ্চয় বাইরে এসে মরি। উদারতাও দেখানো হবে, বিনা যত্নে বিনা চিকিৎসায় মরলে দেশেও একটা কলঙ্ক হবে।

পাকা মুগ্ধ চোখে তাকিয়ে থাকে, শ্যামল যেন তার কথা বলছে। রাজনীতি সে বোঝে না, সম্প্রতি হৃদয় তার পুড়তে আরম্ভ করেছে ব্রিটিশ-বিদ্বেষে শুধু এই জন্য যে হাজার হাজার মাইল দূরের ছোটো একটা দ্বীপের কয়েকটা লোক তার এতবড়ো দেশের কোটি কোটি মানুষকে শাসন করছে, দু-একদিন নয়, দেড়শো দুশো বছর ধরে। স্কুলে ইতিহাস পড়ায়, কিন্তু ইতিহাসের এক কণা মানেও সে বোঝে না, ইস্ট ইন্ডিয়া কোম্পানির আগমন থেকে পলাশীর যুদ্ধের ফলাফল থেকে, যত কিছু ঘটে এসেছে সব তার কাছে উদ্ভট অবিশ্বাস্য মনে হয়। জাহাজে করে একমাস দেড়মাসের পথ যে ছোট্ট দেশ, সে দেশ থেকে এসে সারা দেশটা তারা দখল করল ! একদিনে কয়েক ঘণ্টায় যাদের এই সামান্য কয়েকজনকে লোপাট করা যেত, খবর পৌঁছে আবার জাহাজে করে যাদের সাহায্য আনতে সময় লাগত দু-চারমাস, তারা খেলার ছলে পদানত করল দেশটা ! তার মানেই আমরা

ছিলাম বুনো অসভা, গোরু-ছাগলের মতো, ইংরেজরা ছিল সভা বৃদ্ধিমান মানুষ। যাই বলি আর যাই করি এ ছাড়া অন্য মানে হয় না। দু-একটা রাখাল যেমন গোরু-ছাগলের পাল চরায়, দু-একজন ইংরেজ তেমনই আমাদের চরাচ্ছে।—কিন্তু বড়ো জ্বালা হয়, অপমান বোধ হয় এ কথা ভাবতে।

অন্য কোনো মানে যদি কেউ তাকে বলে দিত ! শূণ্য আমাদের অপদার্থতার জন্য ইংরেজ বাজা হয়নি, সহজে হয়নি—অন্য কারণ ছিল, যোগাযোগ ছিল যে জন্য ইংরেজ শাসন কায়ম করতে পেরেছে, পেরেছে অনেক কষ্টে।

ইংরেজকে উঁচুস্তরের জীব ভাবতে বুক পুড়ে যায় পাকার।

শ্যামল বলে, অনেকের বুক পুড়ে যাচ্ছে ভাই। শূণ্য আজ নয়, বহুকাল থেকে। ইংরেজ সহজে এ দেশে রাজা হয়েছে, গায়ে ফুঁ দিয়ে সহজে রাজত্ব কবে এসেছে, এটা মিছে কথা। আমরা মিছে বানানো ইতিহাস পড়ি। সাম্রাজ্য বাগাতে আর সাম্রাজ্য বজায় রাখতে ব্রিটিশ রাজের কতদিকে কতভাবে কী লড়াই করতে হয়েছে, আজও করতে হচ্ছে, সেটা ছোটো হয়ে আছে ইতিহাসে। কিন্তু তাই বলে আমরা যে খুব পিছিয়েছিলাম আর ইংরেজ এগিয়ে গিয়েছিল এ সত্যটা উড়িয়ে দিলে চলবে না ভাই !

কেন, আমাদের ভারতীয় সভ্যতা—

এককালে মহান ছিল। সেই মহত্ত্ব আঁকড়ে থেকে প্রায় অনড় অচল গতিহীন হয়ে পড়েছিল। জ্ঞানবিজ্ঞানের প্রসারে প্রয়োগে আবিষ্কারে প্রকৃতির সঙ্গে জগৎটা দখল করার তাগিদে ও দেশের সভ্যতায় এনেছিল গতির জেয়াব। তাই সাত সমুদ্র ডিঙিয়ে এসে এ দেশ দখল করতে পেরেছিল। এটা মানতে হবে ভাই, দেশকে ভালোবাস বলেই মানতে হবে। আমরা ছোটো ছিলাম, আমাদের জীবনে আমাদের সভ্যতায় ভাটা এসেছিল। এটা যদি না মানো দেশকে ভালোবাসার বোঁকে, যদি অপমান বোধ হয় এটা মানতে, তোমার দেশপ্রেম ফাঁকি হয়ে যাবে। জগৎ জুড়ে মানুষ আছে, এশিয়া, ইউরোপ, আফ্রিকা, আমেরিকা, অস্ট্রেলিয়ায়—মানুষের বাঁচা মরার লড়াইটাই আসল কথা, মূল কথা। ভারত বাঁচুক জগৎ চুলোয় যাক, এ কথা যে বলে সে ভারতের শত্রু। সে মানবতার, সে সভ্যতার মানে বোঝে না। কচি শিশু যেমন মায়ের স্তন, মায়ের কোলটাকেই মনে করে জগৎ—সেও তেমনই দেশটাকে মা মনে করে শিশুর মতো মা মা করে কেঁদে জগৎ মাত করে দিতে চায়। দেশে দেশে এগিয়ে পিছিয়ে আঁকাবাঁকা পথে সভ্যতা এসেছে, মানুষের শ্রেণির লড়াই, শ্রেণির আপস-মিলন, ঘাত-প্রতিঘাত, দাসত্ব-প্রভুত্বের ভিত্তিতে। দেশ হিসাবে আমরা পৃথক কিন্তু এ নিয়ম থেকে পৃথক নই।

শ্যামল পাকার অসন্তোষ ভরা মুখেব দিকে চেয়ে একটু হেসে বলে, পরাধীনতার জ্বালা সয় না, তাই বলে কি যেভাবে হোক এ সভ্যটাকেই উড়িয়ে দিতে হবে যে আমরা পরাধীন ! পিছিয়ে ছিলাম, অপরিণত ছিলাম, নইলে পরাধীন হব কেন ? অতীতের বিচার কর, অতীতকে প্রাণের জ্বালা ভুলবার নেশা কোরো না। তার দরকার কী ? ওঠা-নামা এগোনো-পিছানোর জোয়ার-ভাটা আজ তো আমাদের পক্ষে ! আমরা এগোচ্ছি, আমরা উঠছি, আমরা স্বাধীন হতে চলেছি—সাম্রাজ্যবাদে আজ ভাটা শুরু হয়েছে।

বাইরে রাত্রি গভীর হয়ে এসেছে, গ্রামের রাত্রি। পাকার ঘড়িতে বেজেছে সাড়ে আটটা। গ্রাম সম্পর্কে যে বুড়ি পিসি শ্যামলের খাবার তৈরি করে দিয়ে যায়, সে একবার ঘরে এসে একটু দাঁড়িয়ে নিজের মনে গজগজ করতে করতে বেরিয়ে যায়।

রাশিয়ায় বিপ্লব হয়েছে শূন্যে নিশ্চয় ? মস্ত এক সাম্রাজ্য শেষ হল, অসংখ্য মানুষ স্বাধীন হল। নিজের দেশের উপরতলার গোটা কত লোকের শাসনও ও দেশে বরবাদ হয়ে গেছে। সারা দেশটা খাটুয়ে জনসাধারণের। ওরা যে ফিলজফিটা নিয়েছে তাই কিছু কিছু পড়ছি। বেশিক্ষণ পড়তে পারি না, চোখ কটকট করে, মাথা ঘোরে। শরীরে কিছু আর রাখিনি। আগে একটানা এক পাতাও পড়তে

পারতাম না, পাতার মাঝামাঝি ঝাপসা হয়ে আসত সব, কপালের এখনটা দপদপ করত। আজকাল তিন-চারপাতা পড়তে পারি।

পড়েন কেন ? এত কষ্ট হয়—

না পড়ে বাঁচতে পারে মানুষ ?

পাকা একটানা আট-দশঘণ্টা পড়তে পাবে। পরীক্ষার দু-তিন সপ্তাহ আগে থেকে সে একরকম দিবারাত্রি পড়ে, দৈনিক ষোলো-সতেরো ঘণ্টার কম নয়। একটু শুধু রোগা হয়ে যায়, নিজের সারা বছরের স্বাভাবিক জীবনটা মনে হয় স্বপ্নের মতো। পরীক্ষার জন্য ছাড়াও, মাঝে মাঝে বিকালে পড়তে শুবু করে ভোর তিনটে চারটে পর্যন্ত পড়ে মোটা নভেল শেষ করেছে। বই পড়া শখের ব্যাপার, খেয়াল—বড়ো জোর, পরীক্ষা পাশের জন্য দরকার। এখন মনে হয়, বই পড়াও যেন বেঁচে থাকার লড়ায়ের অঙ্গ। এ মরণের দিন গোনাগাঁথা হয়ে গিয়েছিল এই মানুষটার কয়েক বছর আগে, চূর্ণ দেহটার খাওয়া-পরা, চলা-ফেরা, হয়তো বা ওঠা-বসাও কঠোর নিয়মে নিয়ন্ত্রিত করে সে আসন্ন মৃত্যুকে অন্তত কয়েক বছরের জন্য ঠেকিয়ে রেখেছে। কী দরকার তার লেখাপড়ার, আধপৃষ্ঠা পড়তে যখন জগৎ ঝাপসা হয়ে আসে মৃত্যু ঘনিয়ে আসার মতো ? কিন্তু না, শ্যামল জানার দেহ-মন স্পষ্ট ঘোষণা করেছে বই পড়তে পারার সংগ্রামটাও একসঙ্গে না চালালে সে মরে যেত !

পাকা বলে, কোটি কোটি লোক পড়তেও জানে না, অক্ষরও চেনে না। তাদের কেউ কেউ আশি নব্বই বছর বাঁচে তো !

পড়তে জানে না ? কে বলল তোমাকে পড়তে জানে না : একজন পুঁথি পড়ে, রামায়ণ পড়ে, বহু লোক শোনে। ওরা কি পড়ছে না পুঁথি, রামায়ণ ? নিজের চোখ দিয়ে না পড়ুক, আর একজনের চোখ দিয়ে তো পড়ছে ! যেমন ধরো, রাতে আমি ভালো চোখে দেখি না। তোমায় একটা বই দিয়ে বললাম, পড়ে পড়ে শোনাও তো ভাই। তুমি পড়ে শোনালে। বইটা কি শুধু তুমিই পড়লে, আমি পড়লাম না ?

পাকা শুধু মাথা নেড়ে দেয় বুড়োর মতো, কথা কয় না, আরও শুনবার জন্য নীরবে অপেক্ষা করে। শ্রান্তিতে এদিকে মুচ্ছাপন্ন হয়ে পড়েছে শ্যামল জানা। তার চোখের সামনে দোল খাচ্ছে লঠনেব আলো আর কিশোর ছেলেটির মুখ। হাতের তালু পায়ের তালু জ্বলে যাচ্ছে লংকাবাটার জ্বালার মতো দুর্বলতার ঝাঁজে। দপদপ করছে বুক। তবু সে কথা বলে। কাজের কথা, বলা দরকার।

একদিন বিপ্লবের কাজ করেছে, আজ শক্তি নেই। কিন্তু বিছানায় শুয়ে শুয়েও জানার কাজ তো করতে পারি—জগতে কোথায় বিপ্লবের চেষ্টা হয়েছে, বিপ্লব হয়েছে, কেন হয়েছে, কী ভাবে হয়েছে।

পাকা নির্বাক।

যেখানে চেষ্টা হয়েছে যেখানে সফল হয়েছে—সব আমাদের তন্নতন্ন করে জানা দরকার। কালীনাথ যাই বলুক, তোমাদের এখন থেকে তা অল্পে অল্পে জানবার বুঝবার চেষ্টা করতে হবে। জগতে একটা নিয়ম আছে ভাই, নানা দেশে সে নিয়মটা নানারকম ঠেকে, কিন্তু সব মিলিয়ে দেখতে গেলে—

শ্যামল জানা কাশতে শুরু করে। আরও অনেক কথা সে হয়তো বলতো, কিন্তু কাশিটা তার আয়ত্ত নয়। পাকা বসে থাকে পাথরের মূর্তির মতো, পিসি এসে শ্যামলকে ধরে শূইয়ে দেয়। বিড়বিড় করে বকে পিসি। অনেক সে পাপ করেছিল, তাই তার এত যন্ত্রণা ! দুখ খাইয়ে সাঁঝে সাঁঝে বাড়ি ফিরবে, তা নয় রাত ভোর করতে হবে তাকে। পুলিশ যদি আসে হঠাৎ ছেড়ে কি কথা কইবে তাকে ?

সকাল শহরে ফেরার পথে পাঁচুর কাছে শ্যামলের সম্পর্কে অনেক কথা শোনে পাকা। ছাগল তাড়াতে পাঁচু ঘনঘন সাইকেলের ঘণ্টা বাজায়। বন ভেদ করা পথ, যে বনে বাঘ থাকে। পথ-ঘেঁষা

এই বনের অংশ পার হয়ে হয়তো সিকি-মাইল আধ-মাইল ফাঁকা প্রান্তর, এই ফাঁকটুকুতে পর্যন্ত মানুষ মাথা গুঁজেছে, জমি চষছে, গোরু-ছাগল পুষছে, কুঁড়ে বেঁধে বসবাস করেছে। প্রতি বছর অনেক গোরু-ছাগল বাঘের পেটে যায়, মানুষও যায় দু-একজন, তবু ভোরবেলা এই পথে ঘণ্টা বাজিয়ে ছাগলের পাল ভেদ করে সাইকেল চালাতে হয় স্থানে স্থানে, গোরুর পাল দেখে নামতে হয় সাইকেল থেকে। ফাঁকায় ছড়ানো গ্রামে গোরু ছাগল ছড়িয়ে থাকে, যাব যার তার তার। নিবিড় হিংস্র বনের বুকের মাঝখানে স্বল্প পরিসর ফাঁকায় কয়েকটা গ্রামের গোরু ছাগলকে একত্র দল বেঁধে পাহারায় রাখতে হয়। নয়তো হাবিয়ে যায়, বাঘে খায়।

সাত

১

একদিন হঠাৎ চামারদের বস্তুটা পুড়ে ছাই হয়ে গেল।

ঘটনাচক্রের কী বিচিত্র গতি ! একদিন নদীর ধারে অব্যবহার্য পড়ো জমিতে চামড়ার কারখানা বসায়, জঙ্গলে আমবাগানে চামারদের বস্তু গড়ে ওঠায় খুশি হয়ে সীতাপুরের রাজপরিবার ভেবেছিল যে ভগবান সত্যিই দয়ালু, শূন্য থেকে এমনি ভাবে কিছু পাইয়ে দেন টানাটানির রাজভাভারে। ভীমশ্রীতিলকের বড়ো দরকার ছিল কিছু টাকার, স্থায়ী রোগের মতোই ছিল এই দরকারটা, মাঝে মাঝে কঠিন হয়ে উঠত। চামড়ার কোম্পানির কাছ থেকে টাকাটা পেয়ে ভীমশ্রীতিলক ঝাড়া দেড় ঘণ্টা গৃহদেবতার পূজা করেছিল।

সেদিন কে কল্পনা করতে পেরেছিল, লিটন ময়দানের দিকে গড়ে উঠবে শহরের ফ্যাশনেবল কোয়ার্টার, বোড়ে উঠে ছড়িয়ে পড়তে চাইবে, এমন অদ্ভুত অবিশ্বাস্য রকম বেড়ে যাবে জমির চাহিদা আর দাম এবং এমন অভিশাপ হয়ে উঠবে ওই মরা নদীর পোড়ো তীরের চামড়ার কাবখানার অস্তিত্ব ! দখিনা হাওয়া একটু পশ্চিম ঘেঁষা হলেও এদিকে দুর্গন্ধ যায়। যেদিকে বাড়বার জন্য উদ্যত আছে শহরের নতুন ফ্যাশনেবল এলাকা। শুধু এই কারখানাটার জন্য এদিকে ছড়াতে পারছে না নতুন শহর, শত শত বিঘা জমি চড়া দামে বিক্রি হতে পারছে না, নগদ টাকা আসছে না রাজকোষে !

বাবা শালার বুদ্ধি ছিল না মোটে !

জয়শ্রীতিলক বলে। সে-ই এখন রাজা সীতাপুর এস্টেটের।

কোম্পানির নিরানব্বই বছরের লিজ !

মোটে একশো বিঘার লিজ।

এবং চামড়ার কারখানা খুলবার, চালাবার, বাড়াবার স্পষ্ট ঢালাও অধিকার সমেত লিজ। এই একশো বিঘার আধ মাইলের মধ্যে কোনোদিন যে কখনও জমির চাহিদা হবে তাও কল্পনাতীত ছিল এক যুগ অর্থাৎ মোটে বারো বছর আগেও। অমন কত অজস্র জমি, ঢাল, লালমাটির পাহাড়, জঙ্গল ইত্যাদি শত শত বছর ধরে পড়ে আছে।

একশো বিঘা নয় বরবাদ গেছে জলের দামে। কারখানার গন্ধে আরও হাজার-বারোশো বিঘা যে স্বপ্নের দামে বিক্রি হবার সম্ভাবনা নিয়েও বিক্রি হচ্ছে না, হবার আশাও নেই, এ জ্বালা কি সয় ?

কারখানার মালিক কানপুরের মহম্মদ আলি আবদুরী ঈষৎ ভুঁড়িযুক্ত রোগা লম্বা পাকা ব্যবসায়ী, ব্যাপারের গতি চেনে। জানে যে তাকে শেষ পর্যন্ত সরাতে হবেই কারখানা, কারণ নতুন যে শহর গড়ে উঠছে তার পিছনে বেশ জোরালো সরকারি সমর্থন আছে, বাড়ি যা হচ্ছে তার প্রায়

অর্ধেক বড়ো বড়ো সরকারি চাকরের এবং সরকারের পেয়ারের নেতাদের। শেষ পর্যন্ত লিটন টাউনের বিস্তার কোনোমতেই ঠেকানো যাবে না। মহম্মদ আলি আবদুবী তাই জানিয়েছেন ভবিষ্যৎ মূল্যবৃদ্ধির সম্ভাবনায় হিসাবমতো যথোচিত মূল্য পেলে এবং কারখানা সরিয়ে নেবার উপযুক্ত ক্ষতিপূরণ পেলে উদারভাবে ন্যায্য দাবি ভাগ করতে সে রাজি আছে।

সুবিধা পেয়েছে, সে ছাড়বে কেন ! এ অন্যায় শুধু যে অসহ্য ঠেকে জয়শ্রীতিলকের তা নয়, বড়ো বড়ো সরকারি অফিসার ও নেতাদের পর্যন্ত রাগ হয়। আইন যাদের তারাই যে মালিক আইনের—সেটা খানিক জেনেও অতটা স্পষ্ট জানত না মহম্মদ আলি আবদুবী।

তিনমাসের চেষ্টায় তরুণ ম্যাজিস্ট্রেট হার্টলিকে শিকারে নিয়ে যেতে পারল জয়শ্রীতিলক— অর্থাৎ তার এস্টেট কারবার যারা চালায় তারা। এত সময় লাগল এই জন্য যে আগে থেকে কার্লটনের মন ভিজিয়ে কাজ আদায়ের যথোচিত চেষ্টা হয়নি। অতটা ধরতেই পবেনি কার্লটনকে কেউ। চূপচাপ থাকে, আড়ালে থাকে, নিজে সোজাসুজি ঘা মারার বদলে নলিনীকে দিয়ে বা দেশি কোনো অফিসারকে দিয়ে আঘাত হানে,—গোড়ায় সতাই অতটা বুঝে উঠতে পারেনি সকলে। নিজেব ক্ষমতা নিজের হতে খাটানোর সুখ যে কেউ কর্তব্যের খাতিরে বাদ দিতে পাবে—এটা ক্ষমতা খাটাবাব সুখের মস্ততায় খেয়াল হয়নি কারও।

মন্ত্রী নয়, উকিল ব্যারিস্টার নয়, ডবল এম, এ, সেক্রেটারি নয়, এটা প্রথম খেয়াল কবল জয়শ্রীতিলকের ভূতপূর্ব গৃহশিক্ষক ইন্দ্র চক্রবর্তী। গৃহশিক্ষক হিসাবে ঢুকে ইন্দ্র নিজেকে স্থাপিত করেছে, ছ-সাতবছর তার কোনো আইনসম্মত, স্বীকৃত বা ঘোষিত পদ নেই, তবু সে পিছনে থেকে প্রত্যেক পদস্থ লোকের কাজ খানিকটা নিয়ন্ত্রিত করে। লোকে, নিন্দুক লোকে, এক অদ্ভুত কাহিনি বলে, কুৎসিত কাহিনি। জয়শ্রীতিলক খুব খাতির করত কিন্তু ভীমশ্রীতিলক লাথি মেবে দুব কবে দিয়েছিল ইন্দ্র চক্রবর্তীকে। অল্পবয়সি অত্যন্ত সুন্দরী একটি বোন ছিল ইন্দ্রের, এখনও আছে। ইতিমধ্যে বিয়েও তার হয়েছে ঘটা করে, কিন্তু স্বামীর খোঁজ কেউ রাখে না। জয়শ্রীতিলক কোনোদিন ইন্দ্রকে ত্যাগ করেনি, বাপ মরা মাত্র সগৌরবে ফিরিয়ে এনেছে।

কিন্তু সে যাই হোক, শুধু বোনের রূপ দিয়েই ইন্দ্র যে এতদিন নিজের এই খাতির বজায় রাখতে পারেনি, বিশেষত বড়ো বড়ো এত শত্রুর বিরুদ্ধে, তাতে সন্দেহ নেই। একটা মেয়ের রূপ, তা সে বৃপ যতই অসাধারণ হোক, এতগুলি বছর কোনো রাজার ছেলেকে বাগিয়ে রাখতে পারে না। ইন্দ্রের মাথাটা ধূর্ত বুদ্ধিতে সতাই অতিশয় শাগিত, তার বাস্তববোধ প্রায় মাড়োয়ারি ব্যাবসাদারদের মতো।

ঘুম দিয়ে কাজ আদায়ের কায়দা, সরকারি কর্তব্যাক্তি বাগাবার কৌশল ইত্যাদি অনেক অনেক নিগূঢ় ব্যাপারে তার পরামর্শ ছাড়া জয়শ্রীতিলকের চলে না।

হার্টলিকে কিছুতেই ধরা যাচ্ছে না দেখে সবাই যখন চিন্তিত, ইন্দ্র বলল, কার্লটন ব্যাটাকে বাদ দিয়ে কিছু হবে না। ওর হাতেই সব চাবিকাঠি। হার্টলি নতুন এসেছে, চোখ কান বুজে ওর কথা শুনে চলে। কার্লটনকে ডিঙিয়ে হার্টলিকে ধরা যাবে না।

দেখা গেল তার কথাই ঠিক।

কার্লটনের জন্য শিকারের আয়োজন করে শিকারে যোগ দেবার জন্য হার্টলিকে নিমন্ত্রণ করায় দুজনকেই পাওয়া গেল।

কার্লটন পাকা শিকারি। পদেও সে হার্টলির চেয়ে অনেক বড়ো। শিকারের ব্যবস্থাটাও তারই জন্য। কিন্তু—

তবে বাঘের বদলে কার্লটনের হরিণ শিকারের কারণ সেটা নয়। হার্টলির মানটাও তো তাকে বজায় রাখতে হবে !

সারাদিন মহাসমারোহে শিকারের পর আপ্যায়নের মহাসমারোহ। সর্বোত্তম স্কচ হুইস্কি থেকে সর্বোত্তম অনেক কিছু দিয়ে দেবতার পূজা—বরপ্রার্থনায়।

শিকারে এসে হার্টলি দু-দুটো বাঘ মারল। একটা আসল বড়ো বাঘের ছোটো বাচ্চা, আর একটা সদ্য-প্রসবা স্ত্রীজাতীয় চিতাবাঘ, প্রায় পৌনে চার ফিট। এ সময় মারতে হলে এ রকম বাঘই মারতে হয়।

কার্লটন মারল মোটা দুটো হরিণ। এ সময় পাকা শিকারির পক্ষেও এই খানিক রক্ষিত খানিক অরক্ষিত, খানিক আসল খানিক নকল জঙ্গলে হরিণ শিকার করা বাঘ হাতি কুমির শিকার করার চেয়ে বাহাদুরির কাজ। কার্লটনের জন্যই পোষা কয়েকটা হরিণ হরিণী মাসখানেক আগে বনে ছেড়ে দিয়ে শিকারের ব্যবস্থা করা হয়েছিল।

কিন্তু কারখানায় তারা কোনো মতেই আগুন লাগাতে পারল না। কারখানার কয়েকটি দালাল শ্রমিককে বাগিয়ে একটা গোল বাধাবার চেষ্টা করে তাদের সঙ্গে নিয়েই কারখানায় আগুন দেবার চেষ্টা হল বাইরের ভাড়াটে লোকদের নিয়ে। কিন্তু দেখা গেল মহম্মদ আলিও কম চালাক নয়।

রাত প্রায় আড়াইটের সময় খুবই ধীর শান্তভাবে কার্লটন চামড়ার কারখানা সম্পর্কে ইন্দ্রকে ব্যবস্থার কথা বলেছিল। না বলে পারেনি, যতই হোক, সেও তো মানুষ।

এদিক থেকে খানিকটা চাপ দিতে হবে।

কী রকম চাপ ?

এই কারখানাতে ফাইট হল, ফায়ার টায়ার লেগে গেল, দু-চারটা মার্ডার জখম হল, লাইক দিস। ঠিক আছে ?

ইউ আর গ্রেট।

কারখানায় আগুন দেবার ব্যবস্থা করেছিল ইন্দ্র।

কিন্তু দেখা গেল মহম্মদ আলিও কম চালাক নয়। সেও ইতিমধ্যে লিটন-ফন্ডে আরও এক হাজার টাকা দান করে স্বয়ং কার্লটনের কাছে মজুরদের হাঙ্গামা ও আক্রমণ থেকে কারখানার নিরাপত্তা বিধানের জন্য আবেদন কবেছে। কার্লটনের সঙ্গে দেখা করে সে নিজেও অবস্থাটা খুলে জানায়। কারখানা সরিয়ে নেওয়া হবে, অনেক মজুর ছাঁটাই হবে, বস্তি তুলে দেওয়া হবে, এ সব গুজব শুনে মজুররা খেপে উঠেছে। এই সুযোগে ওদের মধ্যে কয়েকজন লোক সরকার-বিরোধী প্রচার শুরু করে দিয়েছে।

কার্লটনের বুক কেঁপে যায়। কী সর্বনাশ ! ইন্দ্রকে কারখানায় হাঙ্গামা সৃষ্টি করতে বলার সময় সে তো তাদের সাবধান করে দেয়নি যে, মজুরদের যেন খেপানো না হয়।

এক মুহূর্ত চিন্তা করে কার্লটন বলে, ও সব বাজে গুজব। তোমার কাবখানা ঠিক থাকবে। আমি হার্টলিকে চিট পাঠাচ্ছি যেন পুলিশ দিয়ে তোমার কারখানা প্রোটেক্ট করে।

বলে বেয়ারাকে ডেকে মহম্মদ আলিকে এক কাপ চা এনে দেবার হুকুম দিয়ে বলে, বেশ বেশ। কথাটা হল কি, তুমি নাকি লিগের বিরুদ্ধে যাচ্ছ, কংগ্রেসিদের পক্ষ নিচ্ছ ?

ঝুটা বাত।

ঠিক আছে।

মহম্মদ আলিকে এ ভাবে ভজিয়ে কার্লটন সত্যসত্যই হুকুম দিল যে, মহম্মদ আলির কারখানায় পুলিশ এবং দরকার হলে মিলিটারি প্রোটেকশনের ব্যবস্থা যেন অবিলম্বে করা হয়।

দালালদের নিয়ে কারখানায় আগুন দেওয়া অসম্ভব হয়ে গেল ইন্দ্রের পক্ষে।

কার্লটন প্রকারান্তরে বলে পাঠাল যে কারখানার বদলে বস্তিতে আগুন দিলেও আসল কাজ হাসিল হবে।

দুটো জ্যাঙ মানুষ আর কিছু চুরি করা চামড়া পুড়ে উৎকট গন্ধ ছড়াল অগ্নিকাণ্ডে। শহরে গুজব রটল কাজটা মহম্মদ আলির নিজেই। কারণটা মালিক শ্রমিক বিরোধ নয়, মহম্মদ আলি ওদের মুসলমান করার চেষ্টা করছিল, ওরা রাজি না হওয়ায় আক্রোশে বস্তিতে আগুন দিয়েছে।

যোগাযোগটাই বা কী আশ্চর্য ! সকালে খবরের কাগজ খুলে দেখল শহরবাসি—কলকাতায় হিন্দু-মুসলমানে দাঙ্গা হয়েছে, সাংঘাতিক দাঙ্গা। মসজিদের সামনে বাজনার ব্যাপার নিয়ে শুরু।

প্রায় চমকের মতোই মোচড় খেয়ে সাম্প্রদায়িক আশঙ্কাব শিরাটি টনটন করে উঠল শহরের মনে। কোথাও কিছু নেই, আচমকা। এবং অর্থহীন না হলেও উদ্ভট !

ভৈরব যেন ওত পেতে ছিল, সখেদে ঘোষণা করল, আমার অস্পৃশ্য হবিজন হিন্দু ভাইগণ--

নিজে তদন্তে এল কার্লটন। মহম্মদ আলিকে জানাল যে ব্যাপার খারাপ দাঁড়িয়েছে, আরও গুরুতর দাঁড়ানোর সম্ভাবনা। কারখানার হরিজনদের ধর্মান্তর গ্রহণের জন্য তার জবরদস্তিবি বিরুদ্ধে আগেও বেসরকারিভাবে নালিশ এসেছে গণ্যমান্য লোকের কাছ থেকে। রাজা জয়শ্রীতিলক স্বয়ং এ বিষয়ে ইঙ্গিত করেছে।

মহম্মদ আলি বলল, তুমি জানো মিঃ কার্লটন—

জানে বইকী কার্লটন, মহম্মদ আলি নিজেই তো তাকে জানিয়েছিল। বেভা: স্টিফেনকে তাব কারখানার লোকের কাছে যখন ঘেঁষতে দেবে না বলেছিল, তখন জানিয়েছিল শুধু পাদবি নয়, কোনো মৌলবি মোল্লাকেও তার কারখানা বা বস্তির এলাকায় ঢুকতে দেবে না। কাজে সে কী করেছে কে জানে !

মহম্মদ আলি বোকা নয়, সেও তো মানুষ ভাঙিয়ে পয়সা করেছে, আরও পয়সা কবাব আশা রাখে। সে টের পায় তাকে সরতে হবে কারখানা গুটিয়ে শহরের সম্প্রসারণ ও আধুনিক-করণের খাতিরে এবং আপসে মীমাংসা করতে হবে মূল্যাদি ক্ষতিপূরণের ব্যাপারে।

কিন্তু এ প্যাঁচ কেন ? একথানা চিঠিতে শহর-সম্প্রসারণের প্র্যানেব কথা উল্লেখ করে তাব নিঃস্বার্থ সহযোগিতাব আবেদন জানালেই-সে ব্যাপার আঁচ করে কাবখানা সরাবার আয়োজন কবও, সে ক্ষেত্রে এত খাপছাড়া কাণ্ড ফাঁদ কেন ? হিন্দুপ্রধান জেলা, শহরে কিছু মুসলমান আছে, বেশিভ ভাগ যেমন গরিব তেমনি মূর্খ—একটু যারা ভালো অবস্থায় আছে, গুণতি দু দশজন, তারাও এই গরিব মূর্খ কটার ঘাড় ভেঙে চালায়, অন্য কোনো বিও প্রায় নেই। এটা খুব গবম জেলা। নেতারা হরতাল করবার অনুরোধ জানালে লোকেরা সারাদিন সভা করে, শোভাযাত্রা করে, বিলাতি কাপড়ের স্তূপ পোড়ায়, কোর্ট আদালতে আগুন দিতে চায়। চাষারা কথায় কথায় খাজনা বন্ধ করে।

কিন্তু প্যাঁচের মানে কী ? কার্লটন কিছু বাগাতে চায়, মোটা কিছু ? ওর মেমটা কলকাতায় থাকে, ভীষণ খরচে। ঘর সামলাতে না পেরে মোটারকম কিছু দরকার হয়েছে কার্লটনের ? কথাটা জোর পায় না মহম্মদ আলির মনে। ছোকরা ডেভিসের সম্পর্কে এটা ভাবা চলত, সে আচমকা বদলি হয়ে গেছে, ছোকরা হার্টলি এসেছে তার জায়গায়, ব্যক্তিগত অস্থায়ী লাভের হিসাব এদের একজনের কাছেও বড়ো কথা নয়, এরা স্বদেশপ্রেমিক খাঁটি ইংরেজ, এ তো সম্ভব নয় যে মোটা ঘুসের খাতিরে হাজার হাজার মাইল দূরের ইংল্যান্ডের স্বার্থ এরা কেউ ছোটো করবে ! এমনি যত দাও তত নেবে, হাঁস মুরগি বাতল। কার্লটনের মতো লোক বোঝাপড়া করে ঘুস তো নেবে না সোজাসুজি !

তবু একবার চেষ্টা করে মহম্মদ আলি, জগতে অসম্ভব কী ? মিঃ কার্লটন, তোমার পাঁচ হাজার টাকার একটা চেক ভাঙতে নার্কি হাঙ্গামা হচ্ছে ? কোন ব্যাঙ্ক বলো তো, তোমার চেক ভাঙতে হাঙ্গামা করে ? এ সব ব্যাপার তুমি বুঝবে না, আমরা বিজনেসম্যান, আমরা বুঝি। বলো তো কালকেই টাকাটা কাশ পাঠিয়ে দিচ্ছি, ও চেক অমি ঠিক করে নেব।

পাইপের খোঁয়া ছেড়ে ভুবু কুঁচকে কার্লটন বলে, কীসের চেক ?

সুতরাং মহম্মদ আলি বুঝেই উঠতে পারল না কার্ণটনের চালটা কী।

সেদিন মঙ্গলবার। পরের ববিবার একটি বিরাট সম্মেলনের আয়োজন প্রায় এক মাস আগে থেকে আরম্ভ হয়েছিল শহবে, একজন ভারতবিখ্যাত হরিজন-নেতা, সামঞ্জস্যপন্থী ত্রিপুরাবি হাড়ি, গান্ধীজির আশীর্বাদ নিয়ে আসবেন। এ জেলায় হবিজনেরা সংখ্যায় ভারী। বাংলায় কেন, ভারতেরও কোনো জেলায় এত হবিজন নেই। চামার বাগদি নমশুদ্রে জেলাটা ঠাসা।

তা সম্মেলনটা হতে পারল না। হিন্দু-মুসলমানের হানাহানির ভয়ে পাঁচজনের একত্র হওয়াই নিষিদ্ধ হয়ে রইল, পাঁচ-সাতহাজার হরিজনের একত্র হওয়াব কথাই ওঠে না। তারা অবশ্য মানুষ নয়, জন নয়, নিচুক হবিজন।

২

জবুরি বৈঠক বসে ঠৈববের বাড়িতে। অনেক আলোচনার পর সিদ্ধান্ত হয় যে হঠাৎ সরকারের এ উগ্রতাব মাথামুণ্ড তাদের কারও মাথায় ঢুকছে না, অনস্তকে ডেকে শোনা উচিত সে কী বলে।

উগ্রতা ? পাকা ভাবে। মনের ধাঁচটা তার সাধারণ মানুষের। সন্তিনের খোঁচা আর রেগুলেশন লাঠির পিটুনি আর মাঝে মাঝে উৎসবের মতো গুলিবর্ষণ যার রীতিনীতি, এ তার কীসের উগ্রতা ! দীর শাস্ত পলিন্ত মনগুলির চিন্তা করার রকম-সকম ধরা গেল না মোটেই, বোঝা গেল না পরিস্থিতিটা কী ! পোড়া বস্তির চামারদের সম্পর্কে কথা উঠল না একবারও। দাঙ্গা হতে পারে কী পারে না তা নিয়ে মাথা ঘামালো না কেউ। শুষু আগামী নির্বাচন সম্পর্কে উদ্বেগ, আশঙ্কা, অস্বস্তি !

আর মৃত নেতার জন্য আপশোশ—আস্তরিক আপশোশ। আস্তরিকতার কারণটা যাই হোক। আজ যদি সে সব মানুষ থাকত—কত সহজ হত নির্বাচন-তরঙ্গ উতরানো। দেশে সাড়া নেই, চাবিদিকে চাপা বিবক্তি, অবিশ্বাস। বৃকে কেউ জোর পাচ্ছে না। আর খুঁটির জোর হারিয়ে সরকারের প্রত্যেকটি চাল শঙ্কিত করছে।

দেশবন্ধুকে স্মরণ কবে সখেদে বলে, আজ যদি বেঁচে থাকতেন !

অনান্তবও এই একটা বিশেষত্ব ছিল—এখনও আছে কি-না পাকা জানে না—জীবিত অপেক্ষা মৃত নেতাদের মত ও পথ এবং মহত্ত্ব সম্পর্কে তার উচ্ছ্বসিত ভক্তি। দেশবন্ধু সম্পর্কে সবচেয়ে বেশি, কারণ অতি সম্প্রতি তিনি মারা গেছেন। সভাসমিতিতে এমন ভাবে স্বর্গীয় নেতাদের কথা অনস্ত বক্তৃতায় টেনে আনে যে মনে হয় অন্তরালে থেকে তাঁরা প্রত্যেকটি কথা সমর্থন করছেন।

পাকাকে অনস্ত গত আন্দোলনের কার্হিনি শোনাতে, মৃত নেতাদের তেজবীর্য বীরত্ব মহত্ত্বের বোমাধকর বর্ণনা দিত। পাকা শুনতে মুগ্ধ হয়ে, চোখ তার জলে উঠতে স্বাধীনতার জন্য যুদ্ধের প্রেরণায়।

এটা পছন্দ হত না সুধার। অনস্তের দিকে ভর্ৎসনার দৃষ্টিতে তাকিয়ে সে বলত :

নমস্যা ছিলেন, বাসু, তার বেশি আমাদের দরকার নেই। তুমি পড়াশোনা করবে, শাস্ত হবে, কথা দিয়ে এনেছি কিন্তু পাকা তোমায়--আমার মুখ রাখতে হবে কিন্তু।

তীব্র বিতৃষ্ণা বোধ করত পাকা। ইচ্ছা হত মারতে—নতুন মামিকে মারতে !

সুধা বোধ হয় টের পেতে তার মনের ভাব, তাই অনেক রাতে তার মনটা বদলাতে আসত। পাকার ঘরে পড়ার টেবিল, বইয়ের সেল্ফ, বিছানা—যত দামি, যত সংক্ষিপ্ত, যত বেশি ঝকঝকে তকতকে করা সম্ভব সুধা তা করেছে। পাকা আরামে পড়বে, আরামে ঘুমাবে, তার বেশি আর কিছু যে সুধা চায় না ঘরটা যেন তারই সুস্পষ্ট ঘোষণা। আলো জ্বালিয়ে পাকা আধঘন্টা পড়ত পড়ার বই—তারপর নিষিদ্ধ বই। সুধা তা জানত।

ঘরে এসে চেয়ারের পিছন থেকে তার গলা জড়িয়ে মাথায় গাল রেখে বলত, তোকে নিয়ে আমি কী করি বল তো !

পাকার মনে হত, এ আক্রমণ, অন্যায় আক্রমণ। তার প্রতিরোধ করা উচিত, অপমান করা উচিত নতুন মামিকে। কিন্তু ছেলেমানুষ মনটা তার দেখতে দেখতে গলে যেত, তথাকথিত আক্রমণে যেমন ঘৃতকুম্ভ গলে যায়।

নতুন মামির গায়ের গন্ধ তখন মিষ্টি ছিল। ন্নো পাউডার ঘামের একটা অদ্ভুত মেশাল গন্ধ। এবার শোও।

শুই।

বাথরুম ঘুরে এসে এক গ্লাস জল খেয়ে কাপড় ছেড়ে পায়জামা পরে পাকা বসত খাটের বিছানায় পা ঝুলিয়ে। পাশে বসত সুধা।

মন কেমন করছে ?

হুঁ।

সুধার বুকে মুখ গুঁজে কিছুক্ষণ জোরে জোরে নিশ্বাস ফেলে ধীরে ধীরে শান্ত হয়ে আসত পাকা। এক হাতে তাকে বুকে চেপে আর এক হাতে সুধা তার ঘাড়ের ঘামাটি মারত, মাথা তোকিয়ে দিত।

তাকে শূইয়ে দিয়ে আলো নিভিয়ে সুধা চলে গেলে আবার যেন ছায়ার মতো কারা সব ভেসে আসত তার আধঘুমের ছন্নছাড়া জগতে, ভাষায় ছন্দে নাচত। মারো কাটো, ফাঁসি লটকাও, বিদায় দে মা ঘুরে আসি, বানচাল করো, ফাঁকি ওড়াও, ধর্মঘট করো !

মহম্মদ আলি হঠাৎ আসে ভৈরবের বাড়িতে—রাত এগারোটার সময়। দিনের আলোয় আসতে সে সাহস পায়নি, বেশি রাতে গা-ঢাকা দিয়ে লুকিয়ে এসেছে। উকিল রহমান আর শিক্ষক জামান খান আজ সন্ধ্যায় মহম্মদ আলির কাছে এসেছিল। শহরের মুসলমানরা আক্রমণের আশঙ্কায় উত্তেজিত হয়ে আছে। মহম্মদ আলির কারখানায় আক্রমণ হতে পারে, তার বাড়িতেও—হিন্দু এলাকায় মস্ত একটা বাড়ি ভাড়া নিয়ে মহম্মদ আলি বাস করে।

ভৈরব এটা প্রত্যাশা করেনি যে হাঙ্গামার রাশ আলগা হয়ে যাচ্ছে বলে, মজুর খেপে উঠছে বলে, মহম্মদ আলি যেচে তার বাড়িতে আসবে। মজুর খেপলে অবশ্য তাদের দুজনেরই বিপদ—কিন্তু কার্লটনের কাছে না গিয়ে সোজাসুজি তার কাছে মহম্মদ আলির পরামর্শ করতে আসা কল্পনাতীত ছিল ভৈরবের। সে তাই খুব সাবধানে কয়।

শুধু যে হিন্দুরা আক্রমণ করতে পারে তা নয়, তার চেয়ে বেশি ভয় কারখানার চামারদের হানা দেবার। তারা অত্যন্ত অসন্তুষ্ট, তাদের মধ্যে দারুণ বিক্ষোভ, তারা প্রায় খেপে আছে।

খেপাচ্ছে ভুবন, সামনে রেখেছে বিশ্বস্তর নাথকে।

ওই বিশুকে ?—ভৈরব হাসে।

জোর চালিয়েছে মোশা। ফুলিশ বটে লোকটা, একদম গাধাকা মারফিক ফুলিশ, বাট তাগদ আছে।

শ পাঁচেক দিয়ে দিন, ঠান্ডা হয়ে যাবে।

পাঁচশো কেন আরও বেশি দিতে মহম্মদ আলি রাজি, কিন্তু ডেকে পাঠালেও এবার বিশ্বস্তর আসেনি। গতবার আর একটা হাঙ্গামার সময় ডেকে পাঠানো মাত্র বিশ্বস্তর হাজির হয়েছিল, অল্পেই মিটে গিয়েছিল হাঙ্গামা। এবার তার কী হয়েছে কে জানে।

ভুবন এবার পেছনে আছে।

হাঁ, ঠিক।

ভৈরব পুলিশ প্রোটেকশনের কথা উল্লেখ করতে কানপুরের মহম্মদ আলি আবদুরি মুখ বাঁকিয়ে ঘরেই থুৎ করে থুৎ ফেলতে গিয়ে সামলে নিয়ে উঠে জানালা দিয়ে বাইরে থুৎ ফেলে আসে।

শালা পুলিশকা বাত বোলবেন না মোশা !

মহম্মদ আলি চিঠি পাঠিয়েছিল সকাল এগারোটা নাগাদ। কোনো সাড়া শব্দ মেলেনি। না আসে জবাব, না আসে পুলিশ। বেলা তিনটেয় এল—লিটন মেমোরিয়াল ফান্ডের চাঁদার খাতা, পাঁচ হাজারের অঙ্কপাত করা আছে, রসিদও কাটা আছে, সম্পাদক কার্লটনের নামে। এ শহরের পুরানো শহিদ ম্যাজিস্ট্রেট লিটনের নামে বিরাট ময়দানটির নামকরণ করা হয়েছিল, সেখানে লিটন টাউনের নামে বিরাট ময়দানটির নামকরণ করা হয়েছিল, সেখানে লিটন টাউনের পত্তন হয়েছিল, তাই যথেষ্ট মনে করা হয়েছিল তখন। আবার নতুন করে সাদা সরকারি কর্মচারী ও পূর্ণ সন্তোষবাদীদের হানা শুবু হওয়ার পর শহরের বৃক্কে বিরাট সুদৃশ্য এক স্মৃতিসৌধ স্থাপনের জিদ জেগেছে নতুন করে—বিশেষভাবে কার্লটনের।

কলকাতার মনুমেন্ট নয়, ভিক্টোরিয়া মেমোরিয়ালের অনুকরণে লিটন মেমোরিয়াল সৌধ গড়ার পরিকল্পনা আছে—যদিও অনেক ছোটো স্কেলে।

এদের হয়ে এসেছে মোশা। আগে নেভার এইসান পাগলামি করত। আগে হলে মোকে ডেকে নিয়ে একটো খাশা খাইয়ে দিত, হাসিখুশিসে বলত যে মহম্মদ আলি আবদুরি, লিটন সাব কো মেমোরিয়াল ফন্ডমে পাঁচ হাজার বুপেয়া ই দিয়া ? আজকে শালা লোককো মাথা বিগড়ে গেছে মোশা।

কার্লটন বাড়াবাড়ি করছে।—ভৈরব ব চিন্তিত ভাবে, খুব মদ খাচ্ছে শুনতে পাচ্ছি। মেমটা এসে থাকলে ভালো হত। সে মাগিটার আবার কলকাতায় হইচই না করলে দিন কাটে না। এ দেশে ইংরেজগুলো, জানো মিস্টার আবদুরি, মেমগুলোর জন্য এমনই খাপাটে বনে যায়।

আবদুরি একগাল হাসে।

ভৈরব সংশয় ভরে প্রশ্ন করে, এ সব দিকে খেয়াল নেই, না ? কার্লটনের ?

আবদুরি মাথা নাড়ে। এ প্রসঙ্গে একটা গল্প শোনায় ভৈরবকে। খাদা ও মদ্যের মতো একটা সুন্দরী মেয়েকে ভেট দিতে চেষ্টা করার গল্প—রাজা জয়শ্রীতিলক সে চেষ্টায় প্রধান অংশ গ্রহণ করেছিল। কার্লটন আর সব নিয়েছিল, মেয়েটিকে গ্রহণ করেনি।

যাই হোক, ভৈরব বলে, অনন্তর একবার আসা দরকার। কাল সকালেই টেলিগ্রাম করব ভাবছি।

হাঁ, হাঁ, আবদুরি উৎসাহিত হয়ে ওঠে, অনন্তবাবুকো লে আইয়ে। আপনাকে মোশা সচ বাত বলি, বংগালি আদমি বহুৎ ইয়ে হ্যায়, লেকিন অনন্তবাবু—

বাঙালির অপমানটা খেয়াল যেন হয় না ভৈরবের, অনন্তের প্রশংসা তার ভালো লাগে। অনন্ত তাকে ডিস্টিক্ট বোর্ডের চেয়ারম্যান করে দেবে। অনন্তের সাহায্যে সে মালসিও হতে পারবে হয়তো।

কিন্তু অনন্তও যেন আজকাল কেমন এক উদ্ভট বাঙালি-প্রীতি আমদানি করছে তাব কথায় ব্যবহারে কাজে। বাংলাদেশ আর বাঙালিকে সে যথেষ্ট গালাগালি দেয় তার প্রত্যেক বক্তৃতায়, কিন্তু অবাঙালি কেউ বাঙালির বিরুদ্ধে কথা বললেই সে যেন খেপে যায়। একেবারে উলটো সুর গাইতে আরম্ভ করে। বাংলা ভারতের মস্তিষ্ক, বাংলা ভারতের হৃৎস্পন্দন। বাংলা যা করে আর ভাবে ভারত তাই করে আর ভাবে। বাঙালির তুলনা নেই !

একজন অবাঙালি উগ্র হিন্দু, তার নাম মোহন দাস, চরকা কেটে আর জেল খেটে চল্লিশ বছর বয়সে সে প্রায় আশি বছরের স্বাণ্ড পেয়েছে, বলেছিল, পলাশী বাংলামে থা, পহেলে বাংলা বুট জুতামে পালিশ লাগায়া !

অনন্ত রেগে টং হয়ে গিয়েছিল।

অকালবৃদ্ধ মোহন দাস আবার বলেছিল, বংগালিকো বহুৎ বেশি মা-বোহিন ছিন লেকে নিকা করতা নবাব আউর চাষি। রাজা মহারাজাকো বংগালি ভেট্ দেতা মা-বহিন, দু-চার বুপেয়া মিল যাতা মুফতমে !

অনন্ত খেপে গিয়েছিল। মোহন দাস নীরব হয়ে গেছে চিরদিনেব জন্য,—চিতায় না কবরে কেউ তা জানে না। ক্ষমতা আছে অনন্তের। সে তাকে চেয়ারম্যান অনায়াসে বানিয়ে দেবে। মালসিও হয়তো বানিয়ে দেবে অনায়াসেই।

৩

পুব আকাশে পুঞ্জ পুঞ্জ মেঘেব সঞ্চাব, জমজমাট গুমোট, মাঝে মাঝে আকাশে দিক কাঁপানো গর্জন। আজ অপরাহ্নেও বুঝি বৈশাখের ঝড়-বাদলের দাপট। তা, জোরালো বাতাস উঠে কোথায যেন উড়িয়ে নিয়ে গেল এত মেঘ আর এত আয়োজন, বৃষ্টিহীন শুকনো ঝড়ে মিনিট পনেরো শাখা পাতা ঝাপটালো গাছগুলি, তারপর ডুবন্ত সূর্যের রঙিন আলোয় উদ্ভাসিত হয়ে গেল আকাশ। যাক গে। কাল মাঝরাতে তো কালবোশেখি এসেছিল চৈতের দাবুণ খবার পর পরিপূর্ণবুপে, কুঁড়েব চাল উড়িয়ে নিয়েছে, গাছপালা উপড়ে ফেলেছে, ঝাড়া তিনঘণ্টা চালিয়েছে বর্ষার ঝাপটা।

আগের রাতে যদি আসত এই ঝড়-বাদল। একদিন পরে যদি আগুন লাগত চামারদেব বস্তুতে। বৃষ্টিতে নিভে যেত, গলে যেত সেই অপবিত্র আগুন।

রং চাপালে, আগ দিলে !—বুড়ো নাঙির উদ্দাম বুপ বেপরোয়া বিষম মূর্তি !

ইংরেজ রানির আইন চালু, খেটে খাই না কি চুরি করি, মাগো রানি !—ই কাম কি বজ্জাতি ৷ মার ই ইয়া-কে, মার ! মার ! মার ! রং চাপালে, আগ দিলে !

গিধর পুড়ে মরছে, কারকির পুৰুষ। আর নবাগত একটি জেয়ান ছোকরা, কনাইয়ার বউ কাতার মামা, বাঙলা। বেখরচায় পেয়ে দুজনে বেহিসেবি চোলাই খেয়ে কাত হয়েছিল সবার আগে, তাতে ওদের ওপর গভীর অবজ্ঞা জন্মেছিল অন্য সকলের—আধচেনা বাহিনের একজন গুপ্তধন পাওয়ার খুশিতে উৎসব করার জন্য চোলাই খাওয়ার ঢালাও আয়োজন করছে বলেই এমন ধৈর্য হারিয়ে খেতে হবে—রাম রাম ! ধিক ! অবজ্ঞাভরে কয়েকজন মিলে সাপটে তুলে তাদের আবর্জনার মতোই শূইয়ে রেখে দিয়ে এসেছিল সমবুর পরিত্যক্ত কুঁড়েটার ভেতরের আবর্জনার মধ্যে। তার অনেক পরে মাঝরাত্রি। তখন অনেকের প্রায় ওদের মতোই অবস্থা, বাকিদের কাছাকাছি। এ সময় হঠাৎ আট-দশটা ঘর জ্বলে উঠলে কারও কি অত খেয়াল থাকে যে বেখরচা নেশায় ওই মরো মরো অবস্থাতেও মা ভোলেনি তার বাচ্চাকে ঘর থেকে তুলে আনতে, বাপ ভোলেনি চোখের সামনে অচেতন ছেলেকে হেঁচড়ে টেনে তফাতে নিয়ে যেতে, বউ ভোলেনি পুরুষটার প্রাণ বাঁচানোর প্রয়োজন, এক ঘণ্টা আগে যে নেশার ঝাঁকে তাকে খুন করতে চেয়েছিল, পিঁড়া-কাঠটা তুলে এক ঘায়ে দাঁত ভেঙে রক্ত ঝরিয়েছিল। প্রত্যেকে বিধে মরো মরো, তবু তারা নিজেকে বাঁচাতে ছুটে পালায়নি, সকলকে আগুন থেকে বাঁচিয়েছে—সকলকে ! আগুনকেও গ্রাহ্য করেনি। চৈতের খরায় শুকনো চালা দাঁউদাঁউ করে জ্বলছে, পাঁচ-সাতহাতের মধ্যে গলে আঁচে গা যেন বলসে যায়, তবু তাও অগ্রাহ্য করে কারকি শেষ মুহুর্তে ছুটে গিয়ে ওনার এগারো বছরের হাবা ছেলেটাকে বার করে এনেছিল। চুল বলসে গিয়েছে কারকির। অথচ, খানিক আগেও কারকি টলাছিল। কারও যদি একবার খেয়ালও হত যে ওই ভূতুড়ে চালাটায় দুটো মানুষ অচেতন হয়ে পড়ে আছে, টেনে না আনলে পুড়ে মরবে !

অন্য চালা হলেও হয়তো তাদের খেয়াল হত। সমবুর চালার ব্যাপারটা আলাদা। সব চালাতেই মাথা গুঁজে থাকে একজন, তার সঙ্গিনী এবং হয়তো বা ছেলেমেয়ে। সে চলে যায়, সে মরে যায়। আর একজন এসে মাথা গৌঁজে সে চালাতে। সমবুর চালাটা ছিল অন্যরকম। ভূতপ্ৰেতের সঙ্গে কারবার ছিল সমবুর। সে নিজে স্বীকার করত, গৰ্ব করত, বকবক করত, ওষুধ দিত, ধুকত আর জোয়ান কচি মেয়েদের বলত তার রঙিন কাঁচের পুঁতি কোথায় বাঁধতে হবে, শিকড়গুলি বেটে কখন কী ভাবে খেতে হবে, তার প্রলেপ লাগাবার কায়দা কী।

সমবু মরার পর ও চালায় কেউ থাকেনি। সমবুর কুকুর বাচ্চা বিইয়েছিল, একটাও বাঁচেনি, মরেছে নয় শিয়ালের পেটে গেছে।

কে খেয়াল রেখেছে ওই চালাতেই দুজন নেশায় বেহুঁশ মানুষকে তারা শূইয়ে রেখেছিল নেশার বোঁকে।

জবর নেশা হয়েছে আজ, খাপছাড়া অদ্ভুত নেশা ! এমন নেশা তারা কদাচিৎ পায়।

যে এনেছিল এ নেশা, বন্ধু ভাবে প্রিয় ভাবে আত্মীয় ভাবে, সে গেল কোথা ? এ আগুনে তাকে যদি তারা পুড়িয়ে মারতে পারত—পোড়া বাঁশের জ্বলন্ত ডগা দিয়ে খুঁচিয়ে খুঁচিয়ে চালার আগুনে শিকার সৈঁকার মতো উলটে পালটে মারতে পারত !

কারণ বৃষ্টিতে বার্ক নেই যে গুণ্ডন পাবার কাহিনি মিথ্যা, বস্তিতে আগুন দেবার সুবিধার জন্য তাদের শেখা: সত্যিই রাখতেই লোকটা এসেছিল বন্ধু সেজে। তাদের নিজেব জাতের লোক—দালাল। ঘুণা উথলে ওঠে সবার বৃকে, রাগে সৰ্বাঙ্গ জ্বলে যায়।

কাবখানা বন্ধ। এদিক-ওদিক ছড়ানো ছোটো ছোটো বস্তির চামাররাও এসে আমবাগানের ছায়ায় জড়ো হয়েছে।

শহরের ধাঙড় ঝাড়ু দাররাও এসেছে বোঁটিয়ে। এদিকে ভুবনের প্রতিভা আছে, হাঙ্গামা ফেনিয়ে তুলতে সে ওস্তাদ, সুযোগ একটা পেলেই হল, কোনো একটা ছুতো। ক্লাবের লাইব্রেরিয়ান রাখালের সঙ্গে পাকার সামান্য বিবাদকে উপলক্ষ করে সে শহব তোলপাড় কবেছিল, শহরের গণমান্যদের ডেকে ভৈরবকে অপদস্থ করার জন্য। তবে শুধু বাধায় নিছক হাঙ্গামা, নিজের বাঁকা উদ্দেশ্য সিদ্ধিৰ জন্য, এই যা বিপদ। নতুবা অর্থ প্রতিপত্তি জনপ্রিয়তা ক্ষমতা সব দিক দিয়ে ভৈরবের চেয়ে অনেক ছোটো হলেও খেটেখুটে কৌশল বিস্তার করে সংঘাত সৃষ্টির শক্তিতে সে ভৈরবকে হার মানাতে পারে।

বিশ্বস্তরকে পেয়ে তার বিশেষ সুবিধা হয়েছে। জেলায় হবিজন আন্দোলন গড়বার চেষ্টা সে করছে অনেক কাল থেকে—প্রথমে কংগ্রেসের মধ্যে ঢুকে আন্দোলন গড়ার প্রাণপণ চেষ্টা করেছিল কিন্তু মতবিরোধের ফলে আমল পায়নি।

ভুবনের বয়স চল্লিশ পেরিয়েছে। পোশাকে চেহাৰায় মানুষটা দৃষ্টি আকর্ষণ করে। এঁটেল মাটির কাদার মতো মোলায়েম মেটে রং, বেঁটে আঁটো চেহারা, কদমছাঁটা শক্ত চুল, নিকেলের চশমা।

গতরাত্ৰের বৰ্ষণে ভেজা পোড়া বস্তি থেকে উঠছে অল্প অল্প ধোঁয়া আর বাষ্প। বুদ্ধ অশান্ত স্ত্রী-পুরুষ, কিন্তু কী করা উচিত জানা না থাকায় একটু বিমূঢ়। বিশ্বস্তর বিমোদগার করে চলেছে উগ্র উদাত্ত কণ্ঠে : ভুলো না তোমরা হিন্দু। হিন্দুর স্বার্থ তোমাদের স্বার্থ, হিন্দুর ভবিষ্যৎ তোমাদের ভবিষ্যৎ। কংগ্রেস মুসলমানের খাতিরে তোমাদের জবাই হতে দেবে—দ্বিধা করবে না। কী দিয়েছে কংগ্রেস তোমাদের ? কতটুকু করেছে তোমাদের জন্য ? কংগ্রেস বর্ণহিন্দুর স্বার্থ দেখে, বড়োলোকের স্বার্থ দেখে, তোমরা মরবে কী বাঁচবে কংগ্রেস ভাবে না। ভুলো না তোমরা হিন্দু...

সত্য মিথ্যা আবেগ উন্মাদনা ইত্যাদির এই খিচুড়ি ভাষণে উত্তেজনা বাড়ে কিন্তু নির্দিষ্ট রূপ পায় না। কারণ বুদ্ধির যত দৈন্য থাক, বাস্তববোধ তাদের খাঁটি ও শক্ত। কারখানার মালিক হিসাবে নয়,

মুসলমান মালিক হিসাবে, অবাঙালি মুসলমান হিসাবে, মহম্মদ আলি তাদের আঘাত হেনেছে— ভুললে চলবে না তারা হিন্দু। কংগ্রেসি বড়ো বড়ো হিন্দুর সঙ্গে তার দহরম মহরম, ভৈরবের সঙ্গে তার গোপন বোঝাপড়া—গরিব অস্পৃশ্য হিন্দু তারা—তাদের ঘা দিতে, ঘরে আগুন দিয়ে পুড়িয়ে মারতে তার সাহস হয়। কেন এ স্পর্ধা ? সে জানে কংগ্রেস তার পক্ষে। কংগ্রেসে যে বড়ো বড়ো হিন্দু নামধারী পাশা আছে, তাদের এই শহরেও আছে, তারা কথাটি বলবে না অস্পৃশ্য হিন্দুদের ওপর এই অত্যাচারের প্রতিবাদে, চুপচাপ হজম করে যাবে!...এমন করে বললে বক্তব্যটা শিশুও বুঝতে পারে। কিন্তু সকলের ঠেকছে অন্য জায়গায়। মহম্মদ আলিই যে তাদের বস্তিতে আগুন দিয়েছে এই মূল কথাটাতেই তাদের সন্দেহ আছে এ সময় এ ভাবে বস্তিতে আগুন দেবার কোনো মানেই হয় না মহম্মদ আলির। শাস্ত নিরঙ্কুশ ভাবে কাজ চলছে, তাদের সঙ্গে কোনো খিটিমিটি নেই, সে কেন বস্তিতে আগুন দিয়ে হাঙ্গামা বাধিয়ে নিজের ক্ষতি করবে ?

মহম্মদ আলির লোক যে বস্তিতে আগুন দিয়েছিল তারও কোনো প্রমাণ নেই।

তাদের আঘাত হানার জন্য উদ্যত ক্রোধ তাই অনিদিষ্ট লক্ষ্য হাতড়ে ফিরছে এখনও।

শহরে একশো চুয়াল্লিশ, তা সত্ত্বেও যখন আমবাগানে চলছে এই জমায়েত, তখন এক ঘটনা ঘটেছিল শহরের অন্য এক পাড়ার রাস্তায়। ঝাঁকায় গোস্তু নিয়ে গিয়ে আবদুল মুসলিম অঞ্চলে ফিরি করে-- কাপড়ে ঢাকা থাকে গোস্তু।

ফ্যাল্ ঝাঁকা—ফ্যাল্ ওই নর্দমায়।

অনেক অনুনয় বিনয় কাঁদাকাটার পর ঝাঁকাটা ফেলতে হয়েছিল।

ব্যাটা তুই গোরুর মাংস নিয়ে এ রাস্তায় হাঁটিস !

কত মার খেতে হত, মরত কী বাঁচত কে জানে লোকটা, অমিতাভ এবং পাক ছুটে এসে তাকে ছিনিয়ে নিয়ে গেল।

কিছুদূর তারা এগিয়েছে, দারুণ আক্রোশে পিছন থেকে একজন চৌঁচিয়ে বলল, বাত দুপুরে মেয়ে চরিয়ে বেড়াও, তাই করলেই হয় !

আর একজন বলল, লোকটা প্রতিমা দেবীর ভাই নাকি হে অমিতাভ ?

জানা ছিল না তো ?

অমিতাভ এক মুহূর্ত থমকে দাঁড়াল। তারপর এগিয়ে গেল, শক্ত করে পাকার হাত ধরে তাকেও সঙ্গে সঙ্গে টেনে নিয়ে।

পাকা আশ্চর্য হয়ে যায়। এ অপমান নীরবে সয়ে যাবে অমিতাভ, তাকেও কিছু করতে দেবে না !

কিছু বলবেন না ওদের ?

কিছু বলার নেই।

বলার না থাক, করার তো আছে। পায়ে ধরে মাপ চাওয়ানো তো যায়।

না ভাই, কিছু করার নেই। তুমি বুঝবে না।

কিছু করার নেই। চুপ করেই চলে যেতে হবে তাকে। ওদের শিক্ষা দেওয়া যায় না এই কুৎসিত মন্তব্যের জন্য। নিজের এই অপমান, প্রতিমার এই অপমান সয়ে যেতে হবে তাকে, নিষ্ক্রিয়ভাবে, বিনা প্রতিবাদে। কী তার বলার আছে ? রাত দুপুরে নির্জন রাস্তায় তাকে তার প্রতিমাকে সতাই তো আবিষ্কার করেছিল সুখা।

আরও কে কে দেখেছে কে জানে ! এদের শিক্ষা দিতে গেলে, হাঙ্গামা করলে, আরও বেশি খেঁট হবে প্রতিমার নামে।

ক্ষোভে বুক জ্বলে যায়, হাসিও পায় অমিতাভের। তাকে কদর্য ইঞ্জিত শোনাবার সাহস হল এই বীরের কটার প্রতিমার নাম জড়িয়ে, সে মাথা নিচু করে শূনে গেল ওদের ধূলিসাৎ করে কাঁদিয়ে ক্ষমা না চাইয়ে !

এরা শুধু প্রতিধ্বনি, অনেক প্রতিধ্বনির মধ্যে দু-চারজন। যে মৃদু ধ্বনিটি সুধা সরল মনে না জেনে না বুঝে উচ্চারণ করেছিল গল্পগুলো মেয়েমহলে, শহরের মেয়ে-পুরুষ ভদ্র সমাজে তা মৃদু নিরর্থোষে প্রতিধ্বনিত হয়ে চলেছে।

মেয়ে-মহলে গল্প করেছে সুধা, বিয়েবাড়ির গল্প। সুরেনের মেয়ের বিয়ের দেওয়া-থোয়া আয়োজন-পত্র, আদর-অভ্যর্থনা, অন্যান্য-অবাবস্থা, বরের চেহারা, মেয়েদের সাজপোশাক দেমাক-বোকামি, মেয়ের কলেঙ্কারি কাণ্ড—এমনই সব অজ্ঞত কাহিনি বর্ণনা ও সমালোচনার মধ্যে প্রতিমাকে বাড়ি পৌঁছে দেবার ব্যাপারটা। দুপুর রাত। মেয়েটাকে নিয়ে মোটরে উঠবে, তাকে তার বাড়িতে নামিয়ে দিয়ে নিজে বাড়ি ফিরবে, ওমা, মেয়ের পাত্তাই নেই ! একা একাই বাড়ি চলে গেল নাকি, কী কাণ্ড আঁা ? অমিতাভ নিজে তাকে দায়িত্ব দিয়েছে মেয়েটাকে ভালোয় ভালোয় বাড়ি পৌঁছে দেবার— বাড়ি সে ঠিকমতো পৌঁছেছে কি-না না জেনে বাড়ি ফিরে তো ঘুম হবে না সুধার। প্রতিমার বাড়ির দিকে তাই গাড়ি চলল। ওমা, ভাঙা পুলের ওপর গিয়ে দেখে কী, দুজনে কোন ফাঁকে বেরিয়ে এসে—

সুধাকে দোষ দেওয়া যায় না। এ জগতে কাউকেই বোধ হয় দোষ দেওয়া যায় না। অকারণ বজ্রপাতে র মতো একটা দুর্ঘটনা যেন ঘটে গেল তার জীবনে। এর একমাত্র প্রতিকার চিরকালের জন্য তার দক্ষ হয়ে যাওয়া। সেই শুধু থামিয়ে দিতে পারে কদর্য কলরব, তার পক্ষেই সম্ভব প্রতিমার মিথ্যা কলঙ্কের উদ্দাম সত্যরূপকে বাতিল করা। আর কেউ পারবে না, আর কোনো উপায় নেই। আগামী যে জীবনটা তার আছে, যে জীবনকে সার্থক করার রসায়িত করার যে পরিকল্পনা আর সিদ্ধান্ত সে গ্রহণ করেছে, ভাঙা পুলে ব্যক্তিগত আকাশ-বাতাস কামনা-বাসনা আনন্দ-বেদনা বাতিল করে প্রতিমার কাছে আদায় করে নিয়েছে মরণের সঙ্গে কারবার করে জীবনের দাবি প্রতিষ্ঠা করবার অনুমতি,—সে সমস্ত বাতিল করে, উলটে দিয়ে তাড়াতাড়ি প্রতিমাকে বিয়ে করে সে থামিয়ে দিতে পারে সর্বনাশা কুশ্রী গুঞ্জল।

পাকা মুক হয়ে পথ চলে। অমিতাভের মুঠি থেকে হাতটা ছাড়িয়ে নেয়। সে জানে প্রতিমা আর অমিতাভের নামে সারা শহরে কুৎসা রটেছে। শুধু যে জানে তাই নয়, উৎসাহের সঙ্গে এই মুখরোচক খবরটা তাকে জানাতে এসেছিল বলে একজন সাধারণ ভক্ত বন্ধুর গালে সে একটা থাপ্পড়ও কষিয়ে দিয়েছে। সে ভেবে পায় না অমিতাভ কী করে এমন অহিংসপন্থী হয়ে উঠল যে মিথ্যা বদনাম নিয়ে বিক্রী তামাশা শূনেও তার রক্ত গরম হয় না !

চলতে চলতে হঠাৎ সে ব্যাকুল কণ্ঠে বলে, আমায় বলুন, বলতে হবে। ওদের মারলেন না কেন ? নিজে থেকে অনেক কথা বুঝিয়েছেন, এটাও আমায় বুঝিয়ে দিতে হবে। আমি ছেলেমানুষ বলে যদি উড়িয়ে দেন অমিতাভ—

পাকা অবশ্য বলে না ছেলেমানুষ বলে তাকে উড়িয়ে দিলে সে কী করবে, তবু অমিতাভের চমক লেগে যায়। চোখের পলকে সে বুঝতে পারে, তাদের বদনামটা সত্য কী মিথ্যা সে জন্য পাকার এতটুকু মাথা ব্যথা নেই। সে কেন ছেলে কটাকে পিটিয়ে ঠান্ডা করে দিল না, এই সমস্যা বড়ো হয়ে উঠেছে পাকার কাছে।

তুমি সত্যি বড়ো বেশি রকম পেকে গেছ পাকা, অমিতাভ ক্ষোভের সুরে বলে, বুঝিয়ে বললেও কি তুমি বুঝবে ? রাত দুপুরে ফাঁকা রাস্তার ধারে গাছতলায় সত্যিই তো আমরা কথা কইছিলাম। তুমিও তো গাড়িতে ছিলে, দেখেছ। আরও হয়তো দেখেছে কেউ কেউ। তুমি আমায় চেন, তুমি খারাপ কিছু ভাবলে না। কিন্তু লোকে তো খারাপ মানেটাই করবে !

করুক না ? তাতে কী বয়ে গেল ?

শহর জুড়ে কলঙ্ক রটা তার আর প্রতিমার পক্ষে, তাদের আত্মীয়স্বজনের পক্ষে কী ভয়ানক সমস্যার ব্যাপার, পাকার কাছে সেটাও বড়ো নয়।

বয়ে যায়, অমিতাভ বলে, মেয়েদের পক্ষে খুব বেশি বয়ে যায়। ভুলটা কবেছি আমি, অত রাগে ও ভাবে প্রতিমার সঙ্গে কথা না বলাই আমার উচিত ছিল। পরদিন কি কথা বলা যেত না ? মিথ্যা হলেও দুর্নীটটা সত্যি হয়ে গেছে। আমিই তাই প্রায়শ্চিত্ত করছি, টিটকারি সঙ্গে যাচ্ছি। নইলে মিথ্যা নিন্দাটাকেই বাড়িয়ে দেওয়া হবে।

মিথ্যাকে মেনে নিলে মিথ্যার জোর কমে ?

প্রতিমার কথাটা ভাবতে হবে তো !

প্রতিমাদির জন্য মিথ্যাকে মানতে হবে !

মানলাম কই ?

মানলেন না ? গাল শুনে চূপ করে রইলেন !

অমিতাভের রাগ হয় কিন্তু পাকাকে ধমক দিতে পাবে না। সত্য কথা বলতে কি, টিটকারি শুনে চূপচাপ পালিয়ে আসা উচিত কি অনুচিত হয়েছে, এ বিষয়ে তার নিজেব মনেই সংশয় ছিল। নইলে পাকাকে সে কী প্রশ্রয় দিত ! তার পাকামিডবা কথা শুনেই ধমক দিত প্রচণ্ড :

আমি কিন্তু তা বলিনি অমিতদা।

অমিতাভ একটা নিশ্বাস চেপে যায়। আদর্শের জন্য কাঙ্ক্ষা করা, মরা নী করিন। বয়সেব কত আর তফাৎ হবে তার আর এই পোক্ত ছেলোটোর মধ্যে, বড়ো জোর, বারো-তেরো বছর। তবুও যেন ওর মধ্যে নতুন একটা জগৎ জন্মেছে, তাব জগতের চেয়ে বড়ো হয়েছে।

দুআনার মুড়ি-মটরশুটি ভাজা কিনুন না অমিতদা। খিদেয় পেটটা চোঁ চোঁ করছে। পয়সা আছে তো পকেটে ? বেন্দাব দোকানে চায়ের সঙ্গে খাই আসুন।

আর তো পয়সা নেই।

হোগলাব চালা তুলে, হাইস্কুলের দুটো চোবাই ডেস্ক বেঞ্চ সস্তায় কিনে, বেন্দা এক চা-বিদ্যুট পাউবুটির দোকান দিয়েছে। বেন্দা ছিল এই ছোটো শহরের বড়ো জেলের একজন সাধাবণ ওয়ার্ডাব। জেল থেকে একদিন দুজন কয়েদি পালিয়ে যায়, রাজনৈতিক কয়েদি, অবশ্য কংগ্রেসি নয়। আগের দিন বেন্দা ছুটি নিয়ে বাড়ি গিয়েছিল, তাব বউ একটা মবোমরো ছেলে বিয়োতে গিয়ে নিজেও মরতে বসেছে বলে। বউ বাঁচেনি। এ রকম অবস্থায় বউরা এ দেশে বাঁচেও না। শ্রাদ্ধশাস্তি চুকিয়ে বুকিয়ে দিতে মোটে তিনদিন লাগিয়ে ফিরে এসে শোনে কী যে সে ছাঁটাই হয়েছে, কয়েদি পালানোব জন্য তাকে দায়ি করে তাকে কয়েদি বানাবার চেপ্টাটা উপরওয়ালাদের দয়ায় শুধু বাতিল হয়েছে।

বেন্দা দরখাস্ত ঝেড়েছিল। বড়োকর্তার কাছে। বড়োকর্তা বেন্দার এতদিনের চাকরিটা বজায় রাখার কথা কিছুই বলেনি, শুধু বেন্দার নামে মামলাটা তুলে নিয়ে বেন্দাকে এক মাসের মাইনে দিয়ে বিদায় করার হুকুমজারি করেছে।

তাই অবিবোচক খেয়ালি সরকারের উপর বেন্দা ভীষণ চটে গেছে।

সরকারকে সে গাল দেয়। কড়া বা নরম বা মিষ্টি ভাষায় যে সরকারকে গাল দেয় তাকেই বেন্দা আদর করে চা খাওয়ায়, তিন পয়সা কাপের দাম ধরে এক পয়সা। কখনও দাম ধরেই না।

বেন্দার দোকানে বসে পাকা বলে, সত্য হোক মিথ্যা হোক লোকের কী ? আপনারা বড়ো হয়েছেন, যখন খুশি যেখানে খুশি যাবেন, যা খুশি করবেন। অন্য কারোর ক্ষতি তো করছেন না !

এবার অমিতাভও একটু হাসে।

পাকা বলে যায়, লোকের পছন্দ না হয়, নিন্দে কবুক, নিজেরা নিজেরা নিন্দে কবুক আর ঘরের ভাত বেশি করে খাক। সামনে কিছু বলতে এলে গাট্টা মেরে ঠান্ডা করে দেব। আপনি নিন্দাকে ভয় করলেন, তাই ভীতির মতো ছোঁড়াগুলোব যা-তা কথা শুনেও চূপ করে থাকতে হল।

কে জানে, হয়তো তোমার কথাই ঠিক।

যে রেটে কুৎসা ছড়িয়েছে তা সত্যই বিস্ময়কর। মহাসমারোহে প্রচার চলছে অমিতাভ ও প্রতিমার নামে ফেনানো বানানো কাহিনীর। সত্যি প্রচার, কাবণ এই সঙ্গে জড়ানো হচ্ছে অমিতাভদের সকলকে—ওবা এই রকমই, ওরা করবে দশোদ্ধার !

অমিতাভ খাবাপ এবং সে একটা দলেব ছেলে। সুতরাং দলের সকলেই তার মতো খারাপ !

চা খেয়ে তারা উঠতে যাবে, সর্বাঙ্গে মটকার চাদর জড়িয়ে কালীনাথও চা খেতে দোকানে ঢোকে। তারা ওঠে না। দোকানে বাঁশের বাতাব বেঞ্চ। কালীনাথ সামনে মুখোমুখি বসে বলে, চা আর টোস্ট দিয়ে।

কয়েক মিনিট নিঃশব্দে কেটে যায়।

কালীনাথ সংশদে নিশ্বাস ফেলে। অমিতাভেব বোমাব বারুদের ফরমুলা নিজের হাতে খেঁটে দেখতে গিয়েছিল। বাবুদ জ্বলে উঠে নী হাতটা তার বলসে গেছে। যন্ত্রণার ছাপ তার মুখে ছিল না, এখন আপশোণ ও তিরস্কারে তাব মুপের চেহারা বদলে যায়। কথা সে কম বলে চিরকাল, আজই বোদ হয় প্রথম অমিতাভ তার মুখে এত কথা একসঙ্গে শোনে।

অমিতাভ, এই জনাই মেয়েদের বাদ দিয়েছি, মেলামেশা সম্পর্কে কড়া নিয়ম করেছি, এ সব ঘটে বলেই। আমি জর্নি এ জনা বরাবর তোমাব মনে ক্ষোভ ছিল, প্রতিবাদ ছিল। মেয়েরা কি মানুষ নয় ? আসল কথাটাই তোমরা বুঝতে পাবনি, বুঝবার চেষ্টাও কবনি। সহজ কথা তোমরা সহজভাবে নিতে পার না, ধুবিয়ে জটিল করে তোল।

ক্ষুব্ধ চোখে চেয়ে থাকে অমিতাভ। দোষ তার ? সে-ই তবে দোষী ?

কালীনাথ বলে, বাদ দেওয়া হয়েছে কি মেয়েবা মন্দ বলে ? মানুষ নয় বলে ? এ কথা কেন তোমাদের মনে হয় ! কেন মনে হয় না, আমাদের কাজে মেয়েদের দরকাব নেই, ওদের এখানে গোলমাল হয়, শুধু এই জনোই ওদের দূরে রাখা হয়। যার যা কাজ, সে কাজ তাকে দিলে ভালোভাবে সে তা করবে। অনো পাববে না। আমার মা মেয়ে ছিলেন, জীবনে এক পয়সা বোজগার কবননি, বাবার বোজগারেব পয়সায় সংসার চালায়েছেন, ছেলেমেয়ে মানুষ করেছেন। বাবার কাজ মা কবননি বলে কি তিনি ছোটো ছিলেন, তুচ্ছ ছিলেন ?

মায়েরা কিন্তু একটু ছোটো হয়েই থাকেন কালীদা। বাপেদের অধীন হয়েই থাকেন।

কী বলতে চাচ্ছ ?

বলছি, কিছু বোজগার করতে দিলে মায়েরাও একটু উঁচুস্তরের মানুষ হতে পারতেন। মা হিসেবে যেমন হোন, মানুষ হিসেবে মায়েরা তেমন কিছু নন কালীদা।

একটু উত্তেজনা এসেছিল কালীনাথের, হঠাৎ যেম শান্ত হয়ে যায়। মৃদুস্বরে বলে, তোমার মনটা এমন বাঁকা কেন অমিত ? ও কথা তো আসে না, আমি তো তা বলিনি। সমাজ-বাবস্থায় কী দোষত্রুটি আছে তাই নিয়ে কি তর্ক আমাদের ? আমার কথার মানে কি এই যে, সব বিষয়ে মেয়েদের পুরুষের সমান অধিকার পাওয়া উচিত নয়, তারা অন্যরে থাকবে, বোজগার করবে না ? এ ভাবে ধরলে সব গুলিয়ে যাবে অমিত। মেয়েদের কী হওয়া উচিত আমরা তাই নিয়ে মাথা ঘামাতে বসিনি, আমরা নারীমুক্তি আন্দোলন করছি না, সমাজ-সংস্কারেব কাজে নামিনি। আমাদের উদ্দেশ্য ইংরেজকে মেরে

তাড়ানো, দেশটাকে স্বাধীন করা। আমাদের একমাত্র বিবেচ্য এ কাজে মেয়েদের নেওয়া যায় কি না ! আমরা দেখছি কাজটা মেয়েদের শুধু অনুপযুক্ত নয়, ওদের সংস্রবে এলে পর্যাপ্ত হাঙ্গামা হয়, কাজ পশু হতে বসে।

কণ্ঠস্বর কঠিন হয়ে আসে কালীনাথের, একটু থেমে আবার সে বলে, অন্যরকম সমাজ হলে, মেয়েদের অবস্থা অন্যরকম হলে, ছেলেমেয়েদের মধ্যে সম্পর্ক অন্যরকম হলে কী করা হত, সে কথা আলাদা। ভবিষ্যতের তাকে তুলে রেখে দেবার কাজ আমাদের নয়, আমাদের কাজ বর্তমানে। মেয়েদের কথা ভেবে চোখের জলে বোমা বারুদ ভেজাবার সময় আমাদের নেই। যারা কাব্য করে ওটা তারাই করুক।

অমিতাভ বলে, প্রতিমার সঙ্গে শেষ বোঝাপড়াই করে এসেছিলাম কালীদা।

কালীনাথের কথার ধারে আহত হয় অমিতাভ। একটু আশ্চর্যও বোধ করে সেই সঙ্গে। মেয়েদের সম্পর্কে বিধিনিষেধের আসল কারণ তার জানা ছিল অন্য, সাধকের দেহমানে ব্রহ্মার্চ্য পালনের পুরানো সংস্কার, নারীকে নরকের দ্বার মনে করে চলার জের। এ রকম সোজাসুজি বাস্তব একটা হিসাবও যে আছে কালীনাথের সেটা অমিতাভের ধারণা ছিল না। হিসাবটা উড়িয়ে দেবার মতো নয়। আজ কোনোমতেই নয়। একদিন অসময়ে একটি ছেলে আর মেয়েকে পথ চলতে চলতে ভাঙ্গা পুলে দাঁড়িয়ে কথা বলতে দেখা গিয়েছিল শুনে অশ্লীলতার তুলো ভানছে শহবের জিভ। দেশের জন্য ছেলেটির প্রাণ দেবার আর কি বিশেষ কোনো মূল্য থাকবে লোকের কাছে ? কেউ কি উদ্বুদ্ধ হবে ?

কালীনাথ বলে, এখনও উপায় আছে, এখনও সামলানো যায়।

কী করে ? সাগ্রহে অমিতাভ জিজ্ঞাসা করে।

এই মুহূর্ত থেকে শক্ত হও সমস্ত যোগাযোগ ছেড়ে দাও পিতুর সঙ্গে। সব ঠিক হয়ে যাবে। একটিবারও যদি তোমাদের কাছাকাছি না দেখা যায়। আস্তে আস্তে গুজব কিমিয়ে পড়বে, মবে যাবে। যাবে কি ? কে জানে !

কালীনাথ প্রতিমার দূর সম্পর্কের মামা। অথচ প্রতিমার দিকটা সে ভাবছে না।

পিতুর দিক ?

ভাবনা তো ওকে নিয়েই। এ কেলেঙ্কারি তুলবে না কেউ। আমার বেলা হয়তো উদারভাবে তুচ্ছ করে দেবে, কিন্তু পিতুকে রেহাই দেবে না। সবার কাছে ওর পরিচয় কি হবে জানো কালীদা ? আমি শাঁসটুকু চেঁছে খেয়ে ছিবাড়ে ফেলে দিয়েছি। এখন সবটা রসালো মজার ব্যাপার, সবাই বিয়ের দিন গুনছে, যেই আমি ছিটকে সরে যাব—

তবে বিয়ে করো।

কী করে করব ? বিয়ে করে সংসারী হবার জন্য—

গলা বুজে যায় তার কালীনাথের ভেসলিন-মাথা বলসানো হাতের দিক চেয়ে। এ দুর্ঘটনার জন্যও হয়তো সে দায়ি। নানা চিন্তায় অন্যমন্য থেকে কি এ সব ঠিকমতো হয় ?

ব্যাকুল হয়ো না অমিত, কালীনাথ ভেবেচিন্তে বলে, আমি পিতুর সঙ্গে কথা কয়ে দেখি। ব্যাপারটা সে কী ভাবে নিয়েছে জানা দরকার।

না কালীদা, তুমি এ ব্যাপারে হাত দিয়ে না।

কালীনাথ আশ্চর্য হয়ে যায়।—কেন ?

এটা অন্যের কাজ নয়। যা ঠিক করার আমরাই করব।

কালীনাথ গম্ভীর হয়ে যায়। যে কাঠিন্য ফুটে ওঠে তার মুখে তার সঙ্গে অমিতের পরিচয় ঘনিষ্ঠ।

সতেরোই কিন্তু বাতিল হবে না অমিত। তুমি সরে গেলেও নয়।

সরে যাব কেন ?

দরকাব হতে পাবে না ? তোমরা কী ঠিক করবে আমি জানি না, কিন্তু যদি ঠিক কর পিতুর সুনাম বাঁচানো তোমার কর্তব্য, সতেরো তারিখের রিস্ক নেবে কি করে ? কত কী ঘটতে পারে, তুমি সবে যেতে পার, জেলে যেতে পার পাঁচ-দশবছরের জন্যে।

তুলিনি কালীদা।

আজ বারো তারিখ।

তাও মনে আছে।

সরকারি ভান্ডার লুঠের পরিকল্পনা অনেক দিন পিছিয়ে দিতে হয়েছিল নারায়ণের একগুঁয়েমির জন্য, নলিনী দারোগার বউয়ের সামান্য কিছু গয়না নাটকীয়ভাবে কেড়ে নেবার জিদ বজায় রাখায়। নলিনীও বহাল ভবিষ্যতে জলজ্যান্ত বেঁচে আছে। নারায়ণের অনুমান সফল হয়নি, বউয়ের গয়না ডাকাতি হবার রাগে দিশেহারা হয়ে চারিদিকে অনাচার অত্যাচার চরমে তুলে মানুষের ছড়ানো ঘৃণা স্পষ্ট পুঞ্জীভূত করে তুলবার আয়োজন শুরু হয়েই থেমে গিয়েছিল। রায় বাহাদুর এসে শুধু সরকারি তাণ্ডব নয়, নর্সিনাকেও শাস্ত করে দিয়েছিল। নলিনী ছুটি চেয়েছিল তিন মাস, ছুটি পায়নি। বদলি হতে চেয়েছিল, বদলি হয়নি। কড়া ধমক আর ঝাড়া দু ঘণ্টা উপদেশ শুনে ধীর শাস্তভাবে দৈনন্দিন কাজ শুরু করেছিল।

এদিকে টাকা ছাড়া কাজ চলে না কালীনাতদের, কিছু কবা যায় না—সংগঠন, অস্ত্রসংগ্রহ, বিদেশের সঙ্গে যোগাযোগ, আঘাত হানার কার্যকর পরিকল্পনা। নারায়ণের সঙ্গে মিলেমিশে সরকারি টাকা লুটের ব্যবস্থা করার চেষ্টা আর একবার হয়েছিল, ফল হয়নি। একটা নিষ্ঠুর সত্য আরও প্রকট হয়ে উঠেছে এই চেষ্টার মধ্যে। দুটি বিপ্লবী দল, তাদের আদর্শ এক, উদ্দেশ্য এক, পণ এক, কর্মপন্থা এক, কিন্তু দুটি দলের মধ্যে মিলন হওয়া প্রায় অসম্ভব। দেশের মুক্তির জন্য তারা প্রাণ দেবে, কিন্তু একসঙ্গে দেবে না।

আট

১

নাই-বা দিল একসঙ্গে প্রাণ ? প্রাণ দেওয়াটাই আসল কথা।

প্রতিমা মৃদুস্বরে বলে।

বলে অমিতাভকে, সে বোঝাপড়া করতে এলে, তাকে চা আর পানি দিয়ে। এমনই অভ্যাস হয়েছে তাদের, প্রতিমারও। আলোচনা তাদের দুজনের ব্যক্তিগত, প্রণয়গত ও আদর্শগত সাংঘাতিক পরিস্থিতি নিয়ে, কিন্তু কথা শুরু হয় প্রাণোৎসর্গের মধ্যেও অনৈক্যের সমস্যা নিয়ে। গুপ্তকথা বাদ দিয়ে সাধারণভাবে প্রতিমাকে অনেক কথা শুনিয়ে এসেছে অমিতাভ। শোনার আগ্রহ প্রতিমার দিন দিন বাড়ছিল।

তবে, আজ অবশ্য অমিতাভ একেবারে গোড়া থেকে শুরু করে দিল সমস্যাটা, তার ও প্রতিমার সমস্যাটা, আগাগোড়া খোলাখুলি স্পষ্ট করে তুলতে চেয়ে। তা আসলে তার প্রাণটাকে পণ করাটাই

তো আসল সমস্যা। নইলে আব ভাবনা কী ছিল। তাপ কিছু কম নয়, পুড়িয়ে দিচ্ছে দুজনকেই। ব্যবহারিক, পারিবারিক বা সামাজিক প্রতিবন্ধক কিছু নেই, উদাত বাগ্র আশীর্বাদ।— বতমানে উদ্ভিন্ন, সমস্ত।

ইতিমধ্যে আবও টেব পাওয়া গেছে প্রতিমার দুর্গামেব বহব। শহবে যেন একটা অবৈধ প্রেম বিবোধী আন্দোলনই শুব হয়ে গেছে তোডজোডেব সঙ্গে, ঘবে কইবে পথে ঘাটে তিহায় ত্রি ত্রি উচ্চারণ, আপশোশ আব নোংবা টিটকাপি। এ শহবেব সুপবিত্র ভদ্রসমাজেব ইতিহাসে আব যেন ঘট্টেনি বিঘেব বয়সি সোমথ ছেলেমেয়েব কোলেঙ্কাবি। এই প্রথম ঘটল সৃষ্টিতে অনাঙ্কিষ্টিব মতো চলতি জীবনে বিপ্লবেব মতো, সমাজ সংস্কার ধ্বংস কবে পৃথিবী ওলট পালট কবে দেবাব মতো ভীষণ কাণ্ড। বোঝা যায়, প্রচণ্ড প্রচাব চলেছে, প্রচুব অধাবসায়েব সঙ্গে, পেছনে আছে সংবন্দ জালা আব দুবভিসন্ধি। প্রচাব খুব স্পষ্ট— অমিতাভেব মতে ছেলেগুলিব নাবি এই গ্যাবসা। তাদেব স্বদেশি কবাব মানে এই। ভদ্রঘবেব মেয়ে বাগিয়ে নষ্ট কবা। প্রতিবেশী মায়েবা এসে চৌকাটেব এপাশ থেকে প্রতিমাব মাকে বলে গেছে বর্লিনি তোমায় আমবা, বর্লিনি? এখন সামলাও। বাপেবা বলেছে প্রতিমাব বাবাকে, বাপ হয়ে স্বদেশি ছোঁড়াকে মেয়ে ঘুষ দিয়ে স্বদেশি কবা, ইলেকশনে ভোট বাগানো? পথে-ঘাটে খেলাব মাঠে ক্লাব লাইব্রেরি-দাওয়ায় বৈঠকে জগতেব এই কুৎসিততম বীভৎসতম কাণ্ডেব বসালো বর্ণনায়ুক্ত ছাপা হ্যান্ডবিল নিয়ে হাসাহাসিব সীমা নেই।

হাঁ, ছাপা হ্যান্ডবিল বেবিয়ে গেছে। বাতাবাতি বাড়িব সামনে দেখলে ও দুয়েবে আঠা দিগে আঁটা হয়ে গেছে, বাড়িব প্রত্যেকেব নামে লেখা খামে এসেছে বিনা মাশুলে। প্রতিমাব নামেব খামেব কাগজটিব উলটো পিঠে আবাব একটি কালি দিয়ে ছবি আঁকা। ছবিটা বানু আর্টিস্টেব সন্দেহ নেই, প্রতিমা আব অমিতাভেব মুখ কার্টুনেব মুখেব মতো। কয়েকটা গাঁচড়ে স্পষ্ট। বাকিটা চব্ব ম গা ঘিন ঘিন কবিয়ে ছাড়ে দেখা মাত্র।

আমাবও মবাই ভালো।— প্রতিমা বলে অমিতাভেব গৃহিণে বলাব চেষ্টাব শুবতেই। আলোচনাও তাই আপনা থেকে ভিবমি খেয়ে পড়ে আসল কথায।

জানলাব শিকে বাঁধা বঙিন পাডেব টুকবোটা বাতাসে উড়ে উড়ে আছড়ে পড়ে। একটু জেগেই বইছে বাতাস। চোখেব জলেব বালাই মিটিয়ে দিয়ে অসহ্য প্রতিবাদ যেন লাগচে এসে গেছে প্রতিমাব চোখ, বন্ধ হয়েছে পলক পড়া। নাকেব ডগায় বড়ো ঘামাচিব মতো ছোটো বণটি টুকটুকে হয়ে পেকেছে। সমস্ত পাংশু মুখে যেন জালাই লেপা আছে, শুধু ওই বণটুকু তাব ব্যাথাব প্রটীক।

আমি চারিদিক বিবেচনা করোঁছ পিত্ত, সব কথা।

তাডাতাডিও বলে অমিত।

কবেছ?

সে কপাই বলছিলাম তোমাকে

জেঠিমা আচমনা ঘবে আসে, প্রতিমাব জেঠিমাই সংসারেব কর্তা। বোগা ফবসা শুদ্ধ মূর্তি, চ্যাভালো মুখখানায় ভদ্রঘবেব গৃহিণীপনায় শ্রৌচা হলাব ভ্রান্ত বিবাদেব সৌম্যতা, কপালে ডগডগে লাল সিঁদুবেব মস্ত ফোঁটা, চুল ওঠা সিঁথিতে কিন্তু সিঁদুব প্রায় নেই। সিঁদুব লোগে চুল ঝবে যায়— কাব কাছে এ কথা শোনাব পব থেকে সিঁথিব সিঁদুব কপালেব ফোঁটায় নামিয়ে জেঠিমা চুলকে বেহাই দিয়েছে। ঘবে ঢুকে সে দেখতে পায় মেয়ে তাব তাকিয়ে আছে জানলাব দিকে, টিপয়ে এলানো পিত্তুব বাঁ হাতেব আঙুলগুলি অমিতেব থাবাব আঙুলে আটকানো। এই হাতে মেলানো হাত স্থগিত কবে দেয় তাব বণবজিগী মূর্তিতে আবির্ভাবেব উদ্দেশ্য, মুখোমুখি খোলাগুলি প্রচণ্ড আক্রমণে অমিতাভকে ঘামেল কবা।

অমিত সে । কখন এলে, কেমন আছ বাবা ? ওমা, দুধেব কড়া চাপিয়ে এসেছি উনুনে ।

হাব মেনে নয়, জায়েব আশায় জেঠিমা যেন পালিয়ে গেল তাদেব ছেড়ে ।

আমি সব ভেবেছি পিতৃ। চারিদিক বিবেচনা করে আমি শেষ সিদ্ধান্ত কবেছি। সব কথা ভেবে চিন্তে—

আমাব কথাও ?

জানালাব বাইবে জেব বাতাস দোল যাওয়া গাছপাল্ল'ব দিক থেকে এমন ভাবে মুখ দিলিয়ে লালচে চোখে এমনি কটমট করে তাকায় প্রতিমা পেছনে মাথা হেলিয়ে আঘাত কবাব উদ্যত ভাঁজতে যে মুগ্ধ হয়ে মাথা গুলিয়ে যায় অমিতাভেব ।

তাই বলে প্রতিমা বেয়াও কবে না, ঘা মারে। কী তিন্তে তাব গলাব আওমারু, ওই সঠাম গনা, ঘাড়ে নামা বাকের মাঝামাঝি যেখানে তাব একটি অঁচিলেব মতো নীল জন্মচিহ্ন ।

আমাব কথাও তুমিই ভেবেছ । ভেবে চিন্তে তুমিই ঠিক কবেছ আমাকে কী কবতে হবে শোনাও হুকুম, শোনাও ।

এত বেশি বাড়াবাড়িতে একটু তখন চটে যায় অমিতাভ । হাতে গাথা হাত দুটি পড়ে আছ টিপয়েব আশ্রয়ে, অ্যাসট্রেতে নামিয়ে বাখ জ্বলন্ত সিগারেটের ছাঁকা যে কোনো মুহূর্তে লাগতে পাবে তাদেব যে কোনো জনেব হাতেব চামডায়। তবু কী আশ্চর্য কথা অমিতেব মনে হয় দ্যাখো ওই বন্ধমুষ্টিব দিকে চেয়ে। সমান নয়, শক্ত নয়, অনেক ছোট, অনেক কোমল, স্পর্শবৃণী লাভগাভবা থাবা প্রতিমা'ব । মাখনে গভা, তবে ভেতবে হাড় আব বাইবে চামডা দিয়ে ঠেকানো' হয়েছে খেবড়ে যাওয়া, গলে যাওয়া ।

সে ম'বিয়া হয়ে বলে, হ্যাঁ, ঠিক কবেছি, তুমি কী কববে তাও আমি ঠিক কবেছি । হুকুম দিতেই এসেছি। শোনো আমাব হুকুম— তুমি বা ববতে চ'ও স্পষ্ট কবে বলে।

তাব মানে ?

আমি ঠিক কবেছি, তুমি ম' বলবে তাই হবে । তোমাব কথাই শেষ কথা । তাবপব আব কোনো ওর্ক নাই, বিচাব বিবেচনা নাই ।

প্রতিমা ভডকে গিয়ে ঠোট বাঁকিয়ে একটু ভাবে ।

আমি যদি বলি

এব অসমাপ্ত কথাতেই সায দেয অমিত, তাই হবে । আমি ভেবেচিন্তে কি দেখলাম জানো । আমি এমন একটা মহাপ'বম নই যে আমাকে ছাড়া বিপব হবে না । বোকাব মতো সত্যি তাই আমি খ্যাদ্দিন ভেবেছিলাম পিতৃ । আমি যদি কবি তবেই দেশাঙ্কব হবে নইল হবে না, আমি বাদ পড়লে কালীদাদেব চেঁচা পণ্ড হয়ে যাবে । আমি অবশ্য চাই

নিজেব কথাও অসমাপ্ত থেকে যায় অমিতেব ।

আমি কী বলব ? কাভবভাবে বলে প্রতিমা ।

তুমিই বলবে ।

তিনটে বাজে, চা আনি চা খাও ।

চা ববং পবে খাব —

চা খাও ।

স্টোভ ধ'বিয়ে চা কবে আনতে পনেবো বিশ মিনিট লেগে যায়, সেই অবসবে ধীবে ধীবে শান্ত হয় অমিতাভ, প্রতিমাকে নতুন কবে শ্রদ্ধা কবাব আবও একটা কাবণ পায় । কিন্তু সেই সঙ্গে আবাব হিসাবও আসে, সহজ বাস্তব বিচাব । প্রতিমা একটা মেয়ে । কালীদা বলে, মেয়েবা বিপব-প্রচেষ্টায় বাধা । প্রতিমা তাব বিপব-প্রচেষ্টাকে সাবাদ কবেছে । চা কবে আনতে গেছে গোছগাছ হয়ে

আসার জন্য সন্দেহ নেই। কি, তার কথাই শেষ কথা, এই চরম ক্ষমতা মেয়ের মতো কীভাবে করুণ কোমল শরম-শালীন অসহায়তার রূপে খাটানো যায় তার কায়দা ঠিক করতে গেছে তাতেই বা সন্দেহ কী!

চিনিকটা চা করে আনে প্রতিমা। খাওয়া চলে, তবে কিনা মিষ্টিতে স্বাদ গুলিয়ে যায়।

প্রতিমা বলে, শোনো। তুমি যা বললে আমি তাই মানলাম। আমার কথাই শেষ কথা।

অমিত অসহায়ের মতো বলে, নিশ্চয়।

প্রতিমা বলে, আমার কথা এই, তুমি বলো আমবা কী করব। আমি সত্যি বুঝে উঠতে পারছি না কী করা উচিত।

মিষ্টি করে হাসে প্রতিমা তার কাঁদা চোখ আর পাংশু মুখে,—তুমিই বলো।

অমিত বলে, আগে সুপুরি এলাচ কিছু দাও।

আবার অশান্ত স্কন্ধ হয়ে উঠেছে ভেতরটা। কর্তব্য স্থির করার দায়িত্ব ফিরে এল। প্রতিমার রায় বিনা তর্কে মেনে নেবার সিদ্ধান্ত করে সে আত্মলোপের এক আশ্চর্য শাস্তি অনুভব করেছিল। তার যা খুশি করার স্বাধীনতা আছে, সে বেছে নিতে পারে। প্রতিমার সে জোর নেই, তার ইচ্ছা অনিচ্ছা তবেই খাটে দয়া করে যদি সে তা মেনে নেয়। সে যেচে না এলে তার নাগালও প্রতিমা পেত না। দুর্নাম রটেছে দুজনেরই, কিন্তু ঘায়েল যদি হয় তবে শুধু প্রতিমাই হবে। সতীশ নাগের মেয়ে করুণা বিষ খেয়ে মরেছিল, কতদিন আগে? তিন বছর হবে? অমিত ভোলেনি। ভূতনাথের কিছুই হয়নি, রোমাঞ্চকর উপন্যাসের বীর নায়কের মতো ঈর্ষার গোপন পূজাই যেন সে পেয়েছিল। চাকরি নিয়ে বিয়ে করে সে সুখী হয়েছে, সমাজে তার স্থানটুকু সঙ্কুচিত হয়নি। তাই অমিত ভেবেছিল, প্রতিমাকেই শেষ সিদ্ধান্তের অধিকার দেওয়া কর্তব্য। এটা খেয়াল হয়নি, যার জোর নেই তার অধিকার খাটাবার জোরও থাকে না। প্রতিমার পক্ষে সত্যই সম্ভব নয় শেষ কথা বলা।

তবে দেখা মায় ঠিক অতটা অবলা নয় প্রতিমা। তাদের সারা জীবন সম্পর্কে শেষ কথা বলতে না পারুক, আজকের শেষ কথাটা সে বলতে পারে।

বলে, আজ থাক। আজ আমরা কিছু ঠিক করব না অমিত। তুমিও না, আমিও না।

বেরোতে পাব বাড়ি থেকে? অমিত প্রশ্ন করে,—মা, জেঠিমা, সুসমাদি এঁরা শেষ জবাব না শুনলে ছাড়বেন?

প্রতিমা ভেবে-চিন্তে বলে, হাসিখুশি মুখ নিয়ে বেরিয়ে যাও। জিজ্ঞেস করলে জবাব দেবে, পিতৃ জানে, পিতৃর কাছে শুনবেন।

তুমি কী বলবে?

বলবখন।

যাওয়ার আগে অমিত বলে, কালীদা বলছিল ও দুটো নিয়ে যেতে। দরকার আছে।

নিরাপদে রাখার জন্য দুটি পিস্তল প্রতিমার হেফাজতে দেওয়া হয়েছিল।

প্রতিমার মুখে হাসি ফোটে।—সুইসাইড করতে পারি ভয় হচ্ছে? নিয়ে যাবে নিয়ে যাও কিন্তু তোমাদের রিভলবার দিয়ে সুইসাইড করব, অত বোকা ভেবো না। ওর দাম জানি। মরি যদি এমনি মরব, আরও ঢের উপায় আছে, মরব তো তোমাদের রিভলবার দুটো ধরিয়ে দিয়ে শত্রুতা করে মরব কেন?

তবে এখন থাক।

কতক্ষণ মানুষ মাথা ঘামাতে পারে নিজের ব্যাপাব নিয়ে, যত তা গুরুতর হোক? এই অস্থায়ী ব্যবস্থায়, বিচার বিবেচনা সাময়িকভাবে মূলত্ববি রাখায়, কী যে স্বস্তি পায় অমিতাভ! আজ পনেরো

তাৰিখ, পৰশু সতেরো। ওইদিনেৰ পৰিকল্পনাৰ সাফল্যৰ উপৰ কত কিছু নিৰ্ভৰ কৰছে। দলেৰ ভবিষ্যৎ, সংগঠনেৰ দুৰতা, আৰও অস্ত্ৰশস্ত্ৰ, প্ৰবলতৰ বিপ্লবী সংগ্ৰাম, ৰক্তেৰ বৰ্ষণে মাটি ভিজিয়ে স্বাধীনতাৰ ফসল গজানো। ভালো কি লাগে এ সব ঝঞ্জাট, হৃদয়েৰ এই ক্ষুদ্ৰতাৰ বালাই এই একটা মেয়েকে ভালোবাসা, একটা মেয়েৰ সুনাম দুৰ্নামেৰ ভাবনায় বিব্ৰত হওয়া ? হঠাৎ যদি অসুখ হয়ে মরে যেত প্ৰতিমা—

না, সুইসাইডেৰ সে পক্ষপাতী নয়, ওটা ঘৃণ্য কাজ—একমাত্ৰ দলেৰ জন্যে বিপ্লবেৰ প্ৰয়োজনে ছাড়া। ধৰা পড়তে পুলিষেৰ অসহ্য নিৰ্যাতনে, দেহমানে অমানুষিক পীড়নে ভেঙে পড়তে বা উন্মাদ হতে হবে এটা এড়াবাবৰ জন্যও সে আত্মনাশ সমৰ্থন কৰে না। হোক পীড়ন, চুৰমাৰ হয়ে যাক দেহেৰ হাড়, মনেৰ গঠন, ওই পীড়ন দেশে প্ৰতিশোধেৰ আগুন জ্বালাবে। তবে অসুখ হয়ে প্ৰতিমা যদি হঠাৎ মারা যায়, কাৰও কিছু বলাব বা কৰাব থাকে না। পুলিষেৰ গুলিতে বা ফাঁসিৰ দড়িতে মৰাৰ আশায় ওই মৰণেৰ শোক সে তুচ্ছ কৰতে পারে।

অন্তত পারে কি না পারে দেখা তো যায়, যখন আৰ প্ৰতিবাদ বা প্ৰতিকারেৰ উপায় থাকে না।

অমিতাভ অনুভব কৰে, সারা জীবনেৰ আত্মজ্ঞান আৰ জীবন ও জগৎ সম্পৰ্কে দৃষ্টিভঙ্গি তাৰ এতদিনে এই প্ৰথম ওলট-পালট হয়ে যেতে আৰম্ভ কৰেছে। বিপ্লবী দলে যোগ দিতে তাকে বদলাতে হয়নি, তাৰই সম্বিত ক্ষেত্ৰ পুঞ্জীভূত আক্ৰেশ তাকে এদিকে ঠেলে দিয়েছে। বিদ্রোহেৰ পথে, দলেৰ শিক্ষায় বিপ্লবীদেৰ সঙ্গে মেলামেশায় শুধু কঠোৰ হয়ে জমাট বেঁধেছে সেই ঘৃণা, দুৰ হয়েছে বিশ্বাস, কঠিন হয়েছে পণ। নিজেৰ সঙ্গে বিৰোধিতায়, বোঝাপড়াৰ দৰকাৰ হয়নি। আজ প্ৰথম প্ৰচণ্ড আত্মবিৰোধী লড়ায়ে কেমন যেন নতুন মনে হছে জীবন আৰ জগৎ। বাতিল কৰা স্নেহ-মমতা আশা-কামনা স্বপ্নগুলি যেন যেমন সে ভেবে রেখেছিল তেমন ছিল না কোনোদিন, আজ তাই প্ৰহৰে প্ৰহৰে দিনে দিনে তাকে আশ্চৰ্য হয়ে যেতে হছে—নিজেৰ ওই ৰূপগুলিৰ নতুন নতুন চেহাৰা দেখে।

মোড়ে মোড়ে পুলিষ মোতায়েন, পথে লোক চলাচল কমে গেছে, কাঙালিটোলার গা-ঘেঁষে ছোটো বাজাৰটা এক ৰকম বসেনি। শহৰেৰ শঙ্কা আৰ চাপা উত্তেজনাৰ শান্ত ৰূপ ৰূপটাৰ মতো চোখে লাগে। সোনাভূম্বাৰ একতলা জীৰ্ণ বাড়িৰ আলকাতৰা মাখানো কালো দৰজায় মৰচে ধৰা তালো আঁটা। মৰচে ধৰাই ছিল তালোটায়ে, দৰজায় তালো পড়েছে কাল। সোনাভূম্বাৰ সঙ্গে দৰকাৰ ছিল অমিতাভেৰ। ওকে খুঁজে বাব কৰতে হবে মুসলমান মহল্লায়।

২

কঠিন থেকে কঠিনতৰ হয়ে উঠেছিল কালীনাথেৰ মুখ। এত কাছে ঘনিয়ে এসেছে নিৰ্দিষ্ট দিন, সতেরোই তাৰিখ, এখন আবার ভাবতে হছে সমস্ত পৰিকল্পনা স্থগিত কৰাব কথা। এ যেন ভাগোৰ পৰিহাস—যে ভাগ্য তােদেৰ বৈপ্লবিক কাজে বাধা পর বাধা সৃষ্টি কৰতে কোমৰ বেঁধে লেগেছে গোড়া থেকে। সতেরোই তাৰিখেৰ চাৰ-পাঁচটি দিন বাকি—কোন রহস্যময় অন্ধকাৰ থেকে মাখা তুলল এই হিন্দুপ্ৰধান শহৰে হিন্দু-মুসলমান হাঙ্গামাৰ আশঙ্কা। ছোটোখাটো হাঙ্গামা হয়েও গেল দু-একটা। একগাড়া বাড়তি পুলিষ এসেছে, একশো চুয়াল্লিশ টাইট হয়েছ, প্ৰথমতম কৰছে শহৰ। সাধাৰণ বিশৃঙ্খলায় খুশি হত কালীনাথেৰা, অন্যদিকে নজৰ থাকত সরকারেৰ পুলিষেৰ, কিন্তু এই অসাধাৰণ অবস্থাৰ জন্য স্বাভাবিক টিলেমি বেড়ে ফেলে ম্যাজিষ্ট্ৰেট থেকে লাঠিধাৰী কনস্টেবল পৰ্যন্ত সবাই সতৰ্ক, সজাগ—একদল সশস্ত্ৰ পুলিষও এসে ভিড় কৰেছে শহৰে। নাৰায়ণেৰ কাণ্ডেৰ

ফলে যা হয়েছিল প্রায় সেই অবস্থা, শুধু সরকারের এই সজাগ দৃষ্টি তাদের দিকে নয়। কী উদ্ভট, অসঙ্গত, অর্থহীন এই হিন্দু-মুসলমানের বিবাদ ! এই সেদিন দেশের মুক্তি আন্দোলনে এই শহরের হিন্দু-মুসলমান কোলাকুলি করেছে, হিন্দু জল খেয়েছে মুসলমানের হাতে, মুসলমান বলেছে বাজাতে চাইলে বাজাও বাজনা মসজিদের সামনে, তুমি আমার ভাই।—কটা বছর কেটেছে তারপর ? এ তো মোটে ছাব্বিশ সাল !

কালীনাতের সতেরোই তারিখটির একটা ইতিহাস ও তাৎপর্য আছে, শুধুই ডাকাতির পরিকল্পনা নয়। আঠারোই লিটনের মৃত্যুতিথি, যার পুণ্য অথবা অন্যরূপ স্মৃতিতে শহরের একাংশ লিটন টাউন নামে খ্যাত। লিটন নিহত হয় এক ছেলেমানুষের কাঁচা অপটু হাতের হোমমেড জবরজং অস্ত্রে। মসার বা রডা পিস্তলের গুলিতে নয়, চলনসই রকম বোমাতেও নয়, কলোরাপটাশ অর্থাৎ পটাশিয়াম ক্লোরেট আর মোমঝাল মিশিয়ে কালীপূজার রাত্রে ফাটাবার যে পটকা বানাবার বাবুদ ছোটো ছেলেরাও তৈরি করতে জানে, সেই বাবুদে তৈরি দু সের আড়াই সের ওজনের দেশি বোমায়। সব পাটের দড়ি পেঁচিয়ে পেঁচিয়ে জড়ানো বস্তুটি দেখে কারও কল্পনা করার সাধ্য ছিল না সেটা বোমা হওয়া সম্ভব, জগতে যখন ডিম্বাকৃতি ছোটো কালো প্রচণ্ড বোমাব আবিষ্কারও পুরানো হয়ে গেছে। দুটি দিন নিদারুণ যন্ত্রণায় ছটফট করে লিটন মরেছিল। তার হত্যাকারী ছোকরাটিও অবশ্য ওই বোমাতেই আহত হয়ে জেল-হাসপাতালে অনেক দিন ছটফটিয়ে বেঁচে উঠে তারপর ফাঁসি গেছে। কিন্তু অত অল্পে কী শোধ হয় লিটন সাহেবের মৃত্যুশ্রুতি ! ধরপাকড়, জেল, বিনা বিচারে আটক, নির্যাতন, এ সবেও নয়। সেই কর্তব্যপরায়ণ ভারত-প্রেমিক ম্যাজিস্ট্রেটের স্মৃতিকে সম্মান দেখাতে হয়েছে কালো শহরবাসীদের।

শহরের সেৱা আধুনিক অংশকে লিটনের চিবস্থায়ী স্মৃতিতে পরিণত করে পরবর্তী ম্যাজিস্ট্রেট ব্যান্ডেল সন্তুষ্ট হয়েছিল। কিন্তু কার্লটনের মন ভরেনি। বিশেষত সারা দেশে, আর এই শহরে যখন আবার গোপন ষড়যন্ত্র ভয়ানকভাবে মাথা চাড়া দিয়ে উঠছে অসহ্য স্পর্ধায়। শহরের লোক তো লজ্জা দুঃখ ভয়ে কাতর হয়ে ক্ষমা ভিক্ষার তাগিদে স্বেচ্ছায় লিটন টাউনের নামকরণ করেনি, ও নাম চালু হয়েছে ব্যান্ডেলের প্রীতিপূর্ণ কঠোর বেসরকারি এবং স্বীকৃত সরকারি ভাষারই ঘোষণাতে। ও রকম সরকারি ভাবে নয়, বেসরকারি দেশি ভাবে দেশি লোকের উদ্যোগে দেশি লোকের চাঁদায় লিটনের জমকালো স্মৃতিরক্ষার জিদ কার্লটনের। শহরবাসীর অনুতাপের, প্রায়শ্চিত্তের, রাজদ্রোহীদের প্রতি তিরস্কারের রূপধরা প্রতীকের মতো সে স্মৃতিসৌধ চিরদিন শহরের বুককে বিরাজ করবে।

তাই, লিটন মেমোরিয়াল ফান্ডের যে কমিটি তা খাঁটি বেসরকারি, প্রেসিডেন্ট থেকে সভোৱা সকলে নেটিভ, বেসরকারি নেটিভ। কার্লটন নিজে সাধারণ সভা পর্যন্ত নয় সে কমিটির। তবে দুঃখের বিষয় কোনো দেশি ব্যক্তি স্বেচ্ছায় যেচে এক পয়সা চাঁদা দেয়নি ফান্ডে, ত্রিশ হাজার টাকা যে উঠেছে তার প্রত্যেকটি পাই কার্লটনের খাতিরে দেওয়া। কার্লটন তা জানে, জেনে সে অসুখী নয়। এও তো জয়, এও তো প্রতিপত্তি, এও তো মর্যাদা।

প্রথমে ডেকেছিল ভৈরবকে, সে প্রেসিডেন্ট হতে রাজি হয়নি। আগামী নির্বাচনের অজুহাত তুলে পাঁচশো টাকা চাঁদা দিয়ে সরে গিয়েছিল। রাজি হয়েছিল ভুবন, ভৈরবের রায়বাহাদুর তার মাথা হেঁট করে রেখেছে অনেকদিন, আগামী বছর সেও রায়বাহাদুর হবে। কার্লটনও চেয়েছিল এ রকম লোক, কমিটির সভোর তালিকাও তৈরি করেছিল সে, কার্লটন বললে ভুবন কমিটির মিটিং ডাকে, কার্লটন যে প্রস্তাব আর পরিকল্পনা দেয় তা পাশ করিয়ে দেয়, কার্লটনের সঙ্গে পরামর্শ করে চাঁদার জন্য বাছা লোককে সময় মতো সুযোগ মতো ধরে, কাজ এণিয়ে নেয়—কার্লটন কোনোদিন কমিটি মিটিংয়ে

উপস্থিত হয়নি বা ভুবন ছাড়া কোনো সভ্যের সঙ্গে ফান্ড সম্পর্কে আলাপ করেনি। ম্যাজিস্ট্রেট কার্লটন নয়, শহরের এই বিশিষ্ট গণ্যমান্য ভদ্রলোক কজন লিটনের স্মৃতিরক্ষার আয়োজন করছেন।

আঠারোই লিটনের মৃত্যুতিথিতে, সকালে সাধারণ সভা ডেকে লিটন মেমোরিয়াল হলের ভিত্তি পত্তনের অনুষ্ঠান পালন করা হবে। ত্রিশ হাজার একাশি টাকা যে চাঁদা উঠেছে ফান্ডে, সেই টাকা খরে খরে সাজানো থাকবে সভাপতির সামনে টেবিলের ওপর সকলের দর্শনীয় হয়ে। এটাও কার্লটনের আইডিয়া। টাকার অঙ্কটা সভায় ঘোষণা করলেই চলাবে—ভুবনের এ প্রস্তাবে সে আপত্তি করেছে। সবটাই লোক দেখানো ব্যাপার, বাইরের ভূয়ো নাটকের ভূয়ো অভিনয়, দেশি লোকের কমিটি থেকে শুরু করে চাঁদা তোলা পর্যন্ত লিটনের স্বদেশি স্মৃতি-তর্পণের আগাগোড়া সমস্ত আয়োজনটাই, কার্লটনের তাই বোধ হয় স্থপাকার টাকা দেখিয়ে নেটিভদের তাক লাগাবার শখ হয়েছে।

কার্লটন এবং অন্যান্য সরকারি কর্মচারিরা সভায় যাবে কর্তা হিসাবে নয়, অতিথি হিসাবে। এও অসাধারণ ঘটনা, জেলার ম্যাজিস্ট্রেট স্বয়ং উপস্থিত থাকতে সভায় প্রিজাইড করবে সাধারণ বেসরকারি লোক।

শুধুই কি নৈতিক প্রতিশোধ চায় কার্লটন, প্রকাশ্য ঘোষণা চায় যে টেরিস্টরা যাকে হত্যা করে, দেশের লোক তাকে দেয় শ্রদ্ধা সমবেদনার পূজা ? তাই তার এত উদ্যোগ আয়োজন, শুধু এই কারণে ? টবরিস্ট দমনের আন্তরিক উগ্র প্রতিজ্ঞা তো তার আছে, এদিকে তার সক্রিয় উৎসাহ আর কার্যকর পরামর্শ বিশেষ প্রশংসা অর্জন করেছে সর্বোচ্চ স্তরে, এও কি তার সেই মনোবাসনারই অঙ্গ ? কার্লটন নিজেও বোধ হয় তা জানে না। তার ছাঁচে ঢালা অসীম আত্মসন্তুষ্টিতে পরিপুষ্ট মন এ ধরনের আত্মচিন্তায় নিজেকে বুঝতে চাওয়ার চেষ্টা করতেও জানে না। মাঝে মাঝে সে শুধু ভাবে ভবিষ্যতের কথা। উঁচুতে উঠিয়ে কলকাতায় তাকে নিয়ে যাবে গবর্নমেন্ট, স্থায়ীভাবে নিয়ে যাবে, মফস্বলে জীবনের অভাবের জন্য তাকে ছেড়ে একা কলকাতায় বাস করার কষ্ট আর মার্জেরির করতে হবে না। তার কলকাতার বাড়িতে তার ঘরে তার শয্যায় তার সঙ্গে মার্জেরির রাত কাটবে। উচ্চপদ ! খুশি মার্জেরি ! ব্রিটেনকে সে ভালোবাসে। ব্রিটিশ সাম্রাজ্যের জন্য সে প্রাণ দিতে পারে। সেটা জানা কথাই।

সতেরোই মেমোরিয়াল ফান্ডের টাকাটা ভুবন বাড়িতে এনে রাখবে, টাকাটা দরকার হবে পরদিন সকাল আটটায়। এই টাকাটা রাতারাতি লুট করার ইচ্ছা কালীনাথদের। টাকার দরকার তো তাদের আছেই, এমন ডাকাতি করার উপযুক্ত টাকা আর কোথায় পাবে ! কার্লটনকে জানিয়ে দেওয়া হবে অত্যাচারী বিদেশি হাকিমের স্মৃতিরক্ষার ব্যবস্থার বাস্তব প্রতিবাদও করে দেশের লোক।

ভুবনেরও হয়তো চৈতন্য হবে আশা করা যায়। দেশের লোকের মনে বিভ্রান্তি সৃষ্টির চেষ্টায় এতটা উৎসাহ হয়তো ভবিষ্যতে সে দেখাবে না।

সতেরোই তারিখ পিছিয়ে দেবার প্রশ্ন তাই নেই, ওই দিনই হয় ভুবনের বাড়ি চড়াও হবে, না হয় বাতিল করবে সমস্ত পরিকল্পনা আর আয়োজন।

সতেরোই তারিখ কি আবার পেছিয়ে দিতে হবে ? নেতাদের মধ্যে কথাটা উঠেছিল বেশ জোরের সঙ্গেই। সে এক স্মরণীয় বিতর্ক গোপন বৈঠকের পাঁচজনের পক্ষে, গভীরভাবে আত্মবোধ নাড়া খাওয়ার অভিজ্ঞতার মতোই বহুদিন চারজনের মনের মধ্যে গাঁথা হয়েছিল। বেঁচে থাকলে পঞ্চম জনেরও মনের ভবিষ্যৎ আলোড়নে সেদিনের ওঠা ঢেউয়ের রেশ থেকে যেত সন্দেহ নেই। পনেরোই বিকালে কলকাতা থেকে সেজদা আসে, অমিতাভ তখন প্রতিমার কাছে। এ বছর বীরেন সেনের এ শহরে আসা এই প্রথম, দলের অনেক তরুণ সভাই সাক্ষাৎভাবে তাকে চেনে না। সেজদা বিদেশে গিয়েছিল জার্মানি ঘুরে আসবার চেষ্টায়, সম্ভব হলে বিপ্লবোত্তর অজানা অদ্ভুত রহস্যময় রাশিয়ায়। ইংল্যান্ডে পা দেওয়া মাত্র তার পাসপোর্টটি পরীক্ষা ও ভুল সংশোধনের ছুতোয় রহস্যভাবে

তলিয়ে গেল সরকারি দপ্তরে, এমন সব গুরুতর আর মারাত্মক সে সব ডুল যে ইন্ডিয়ান দপ্তরের সঙ্গে লেখালেখি করে সংশোধন করতে দুমাস কেটে গেল। তারপর মিলল শুধু সোজা দেশে ফেরার ছাড়পত্র। নির্দেশ কৃষিবিদ্যায় বিশেষ শিক্ষালাভের যে প্রকাশ্য ছুতো নিয়ে সে বেরিয়েছিল সেটা কিষ্টিং জুটল আর লাভের মধ্যে হল কয়েকজন বিশেষ লোকের সঙ্গে আলাপ-পরিচয়, ভারতের সশস্ত্র বিপ্লব প্রচেষ্টায় পশ্চিমের গোপন সাহায্য সহযোগিতা-সহানুভূতির চেয়ে বাস্তবরূপে পাওয়া সম্ভব হবার আশা। সেটাও কম কী।

প্রতিমার কাছ থেকে বিদায় নিয়ে অমীমাংসিত সমস্যার ভারে বিরত বিচলিত অমিতাভকে এক রকম স্টান আসতে হল বৈঠকে, খবর সে পেল পথেই।

কীভাবে কেন নাড়া খেল সমাজ ধর্মবিশ্বাস সংস্কারের চেতনা, অতীত ভবিষ্যতে সুদূরপ্রসারী সমস্যার ছায়াপাত ঘটল তারিখ পিছিয়ে দেবার তর্কে, তখন চিন্তা করার অবসর ছিল না। জীবনের বিচিত্র বিরাট আশ্রয়-ভিত্তির বিনাশ বিকাশ রূপান্তর ঘটান সঙ্কে সঙ্কে মানুষের ব্যাকুল জিজ্ঞাসা হৃদয়মন আজও মানে খুঁজে খুঁজে চলেছে যে ভাবসংঘাতের, অন্য আলোচনা-প্রসঙ্গে তারই প্রায় অচেতন ভূমিকা অভিনয় করে গেল বিপ্লবী পাঁচজন মানুষ। দুজনের মত হল তারিখ পিছিয়ে দেওয়া। কেন ? না, এত যখন দেরি হয়ে গেছেই, আরও কিছুদিন দেরি হোক। শহরের এই অবস্থায় অ্যাকশন স্থগিত করাই উচিত। এই কোথাও কিছু নেই হঠাৎ খাপছাড়া ব্যাপার ঘটে ব্যাঘাত সৃষ্টি হচ্ছে অ্যাকশনে, এর মধ্যে নিশ্চয় একটা নিগুঢ় ইঞ্জিত আছে, ঘটনাচক্রের পিছনের দুর্বোধ্য কোনো শক্তির নির্দেশ আছে। তাদের সাবধান করে দেবার জন্যই হয়তো চামড়ার বস্তি পুড়েছে, হিন্দু-মুসলমানে মারামারি হয়েছে।

ঠিক এমনি করে না বললেও মোটামুটি এই ছিল দুজনের যুক্তি। এদের দুজনেব আগে যোগ ছিল পুরানো দিনের বিপ্লবী দলের সঙ্গে।

কালীনাথের মুখ বিদ্যুৎভরা মেঘের মতো। তার চূপ করে থাকার ভঙ্গি দেখেই বোঝা যায় সে রাগছে, ভয়ানক রাগছে।

মা কালীর পা ছুঁয়ে বোমা করতে নামিনি মেঘেন। সে যুগ নেই, পার হয়ে এসেছি, জগতে ঢের লোক বিপ্লব করেছে, মাকালী-ফাকালীর নামও তারা শোনেনি।

মানে কি হল ? প্রশ্নটাও ক্রুদ্ধ

জবাবটা হয় কটু।—মা কালীকে সেলাম ঠুকে এক সঙ্গে বোমা-সাধনা আর কুমাবী-সাধনা আজকাল চলে না।

এটা বাড়াবাড়ি কালীনাথের, কুমারী-সাধনার কথাটা। কবে দু-একজন কে বিপ্লবের নামে মেয়ে নিয়ে মজ্জেছিল সেটুকু ভেজাল প্রমাণই করে বিপ্লবীদের কঠোর নিষ্ঠার খাঁটিত্ব। নিয়মভাঙা বাধাহীন উগ্র তপস্যার যাযাবর জীবনে কবে একজন অসাধারণ যোগাযোগের বিহুল রাত্রি আত্মহারা হয়ে প্রমাণ করেছে সেরা বিপ্লবীও বাস্তব মানুষ, আগনের রাস্তা ছেড়ে ভোগের রাস্তায় নেমে কে অতীত গৌরবের গল্পে মিশিয়েছে প্রেমের কাহিনি, সে অপরাধে বিপ্লবীদের অপবাদ দেওয়া হাস্যকর। কিন্তু ওটাই তো আসল কথা নয় কালীনাথের। তা হলে হয়তো আরও কটু আরও অশ্লীল ভাষাতেই অপবাদ দিত। কুমারী-সাধনা আধ্যাত্মিক ব্যাপার, তাতে তন্ত্র-মন্ত্র আছে, অধ্যাত্ম জগতের অতল অন্ধকার আর রহস্যের ঐতিহ্যে শব্দটা টোল টোল। বিশ্বাসের যত তফাত থাক, পাঁচজন তারা জীবন-মরণ সমান করা জীবনবাদী। তাই কালীনাথের অন্যায় মন্তব্য নিয়ে তীব্র তীক্ষ্ণ কথা কাটাকাটি, ছোটো নোংরা মানে ছেড়ে ওই আসল সংঘাতের দিকেই আলোচনা মোড় নেয়। সকল আদর্শ সকল বিশ্বাসের, জগতের ইতিহাসে সকল অকাতর আত্মদানের যা উৎস তাকে অস্বীকার করে কোন আদর্শ টিকবে, কোন বিশ্বাসের দৃঢ়তা আসবে ?

সুরেন বলে, তাই যদি না হবে তবে একটা কথার জবাব দাও। মুসলমান নেই কেন আমাদের মধ্যে ? কেন তারা আসে না ? বাড়ি ছেড়ে বেরিয়ে আসে শওকতের মতো ছেলে, কেন তার মন বিগড়ে যায়, আমাদের পথ ঠিক নয় বলে কেন সে মাথা ঘামাতে বসে রাশিয়ায় কী হচ্ছে, মার্কস লেনিন কী বলেছে তাই নিয়ে ? ওরা একদিন রাজা ছিল এ দেশে, ওদের গা জ্বালা করে না কেন, ইংরেজ না তাড়িয়ে ঘুমোয় কী করে ?

আপনি উলটোপালটা কথা বলছেন, অমিতাভ বলে, গত আন্দোলনে ওরা যোগ দিয়েছে।

নিরামিষ আন্দোলন ! কান্নাকাটি উপোস করার আন্দোলন ! মেয়েন মুখ বাঁকায়।

এটা তাদের সকলেরই মনের কথা। আন্দোলনটার বিরাটত্বের জন্য কিছুকাল আগে পর্যন্ত মনে যে কিছু কিছু ভাবটুকু ছিল তাদের, তাও দ্রুত উপে যেতে আরম্ভ করেছে। বরং দেশের এক প্রান্ত থেকে আর এক প্রান্ত পর্যন্ত দেশের সাধারণ মানুষের মধ্যে যে অভূতপূর্ব সাড়া জাগার জন্য আন্দোলনটার বিরাটত্ব, আন্দোলনের ব্যর্থতা বিবুদ্ধে মনোভাবটাই উগ্র করে তুলেছে।

আমরা ওদের টানবার চেষ্টা করি না বলেই হয়তো ওরা আসেনি। আমরা হিন্দু ছেলেই দলে টানি—আমাদের কে টেনেছিল ? শুধু আমাদেরই কেন মাথা ব্যথা ? আমাদের ধর্ম, আমাদের সভ্যতায় এমন বিশেষ কিছু না যদি থাকবে এতকাল ধরে শুধু আমাদেরই বোমার দল হত না কালীনাথ।

এ সব কথা তলিয়ে কেউ ভাবেনি, বুঝবার চেষ্টা করেনি কোনোদিন। আজ কিনা তাদের সতেরেই ৩১ম্বার অনেক কষ্টের আয়োজন বাতিল হয়ে যেতে বসেছে হিন্দু-মুসলমানের দাঙ্গায়, আজ কিনা কথা উঠেছে বিপ্লবীর ধর্ম-বিশ্বাসের, আজ এই ভয়ঙ্কর প্রকাশ বাস্তব সত্যটা রূঢ়ভাবে প্রকট হয়ে উঠেছে যে হিন্দু-মুসলমানের এ দেশটার জন্য সশস্ত্র বিদ্রোহের দল গড়ছে শুধু হিন্দু ! কল্পনায় আর পরিকল্পনায় আছে অনেক কিছু, দেশের যে যুবশক্তির ব্যাপক বিদ্রোহের আগুনে পুড়ে ছাই হয়ে যাবে ইংরেজের শাসন তার জাত ধর্ম প্রদেশ থাকবে না, স্বাধীনতা আসবে না বিশেষভাবে এর জন্য অথবা ওর জন্য,—কিন্তু আগুন জ্বালাবার ভূমিকা তো শুধু তাদেরই দাঁড়িয়েছে। কেন এমন হয় ? কী মানে এই অসঙ্গতির ? অস্পষ্ট জিজ্ঞাসার অসীম গুরুত্ব অনুভব করে তাদের হৃদয় উতলা হয়, মনে হয় জীবন দিতে এগিয়েও অনেক কিছু ভাবা হয়নি। জীবন এত বৃহৎ, এমন ব্যাপক আর সামঞ্জস্য-বিরোধিতায় এত বেশি দুর্বোধ্য তার সমগ্র মূর্তি যে তাদের মতো দু-চারশোর দু-চার হাজারের জীবন-পণ ব্রতপালন সেই বিস্তৃতিতে দু-চারটি চেউ ছাড়া কিছু নয়।

এ চিন্তা বড়ো ক্রেশকর তাদের পক্ষে। বৃহতের চিন্তা কেন উদ্ভুদ্ধ করার বদলে হতাশা অবসাদ ঘনিয়ে আনে কে জানে !

মেয়েন যেন সুযোগ বুঝেই গোড়ার কথায় ফিরে আসে, মা কালীকে অত তুচ্ছ করে উড়িয়ে দিয়ে না কালীনাথ। সবই বুঝি, তবু সোজা কথাটা কী জানো, এমনই কথায় কথায় একটা প্রতিজ্ঞা করায় আর গভীর রাত্রে নির্জন মন্দির ছুঁয়ে প্রতিজ্ঞা করায় তফাত আছে। মানুষ তো আমরা।

বীরেন বলে, থাকগে ও সব কথা, কাজের কথায় এসো। যা বুঝি না সে সব ইঞ্জিত সংকেত নয়, মুশকিলটা কী, সব বানচাল হবে কিনা হিসাব করে দেখা যাক।

আমার হিসাব করা আছে। কালীনাথ বলে:

তার হিসাবে, অসুবিধা যা দাঁড়াচ্ছে তা আর কিছু নয়, টাইম ফ্যান্টের অসুবিধা, শহরে অফিসার ও সশস্ত্র পুলিশের সংখ্যা বেড়েছে, পুলিশ অনেক বেশি সতর্ক, খবর পেলেই ছুটে যাবার জন্য সব সময়ে প্রস্তুত। সাধারণ অবস্থায় ভুবনের বাড়িতে মাঝরাতে হানা দিতেই চারিদিকে সোরগোল উঠলেও, সঙ্গে সঙ্গে পুলিশকে খবর দিতে লোক ছুটে গেলেও, টাকাটা বাগিয়ে ছত্রভঙ্গ হয়ে পড়ার যথেষ্ট সময় তারা পেত। এখন তার চেয়ে অনেক তাড়াতাড়ি পুলিশ এসে পড়বে। সৈদবাজারের মোড়ে যে আর্মড পুলিশের ঘাঁটি পড়েছে সমাদ্দারদের বাইরের দালানে, সেখানে আজ

মোট এগারোজন পুলিশ আছে খবর জেনেছে কালীনাথ, সতেরোই তারিখেও সম্ভবত মোটামুটি তাই থাকবে, ওই ষাঁটিটাই সবচেয়ে কাছে ভুবনের বাড়ির। তবে হইচই হলেই শব্দ শূনে ছুটে আসবার মতো কাছে নয়। তাদের বন্দুক ছোঁড়ার শব্দ আর সোরগালের অল্প যে আওয়াজ পৌঁছাবে, তাতে বড়ো জোর কান খাড়া করে থাকবে। বিশেষত ভুবনের বাড়ি যেখানে সে এলাকায় কোনো হাঙ্গামা নেই, হাঙ্গামা হবার আশঙ্কাও কেউ করে না। তবে থানার চেয়ে ওদের খবর দেওয়া যাবে আগে, থানার পুলিশের চেয়ে ওরা এসে পড়তে পারবে কম সময়ের মধ্যে।

কাজেই তাদের নতুন সমস্যা শুধু এই যে সময় তারা পাবে কম। তা ছাড়া আর কোনো বিশেষ মুশকিল ঘটেনি। বাড়িতে চড়াও হয়ে যারা টাকাটা লুট করে কাজের শেষে পালাবে তাদের কিংবা টাকাটা নিয়ে যারা শহরের বাইরে সরে পড়বে তাদের পক্ষে শহরের যেদিকে হাঙ্গামা তাব ধারে কাছেও ঘেঁষতে হবে না। সৈদিক দিয়ে কোনো নতুন অসুবিধা সৃষ্টি হয়নি। তবে এরাও সময় পাবে আগের হিসাবের চেয়ে কম। সময়ের সমস্যাটাই গুরুতর।

তবে সে জন্য আটকাবে না, কালীনাথ সাবধানে হিসাব করে দেখছে, শুধু স্পিড তাদের বাড়াতে হবে খানিকটা, আগের পরিকল্পনাকে কঠোর নির্মমভাবে সংশোধন করতে হবে একটু। যেমন, আগে যে ঠিক ছিল একেবারে চরম প্রয়োজন উপস্থিত না হলে কাউকে গুলি করা হবে না, ফাঁকা আওয়াজ করে ভয় দেখিয়ে বুঝিয়েই কাজ হাসিলের চেষ্টা করা হবে শেষ পর্যন্ত, এ নিয়ম বদলাতে হবে। কেউ বাধা দিলে অসুবিধা সৃষ্টি করলে একবার সাবধান করেই গুলি করা হবে, মেরে ফেলার জন্য অবশ্য নয়, জখম করতে। দারোয়ান জগজীবন সতাই দুঃসাহসী বেপরোয়া লোক, একনলা বন্দুক নিয়ে সে খুব সম্ভব বীরত্ব দেখাবার চেষ্টা করবে, ওব সঙ্গে সময় নষ্ট করা চলবে না। ভুবনকে বুঝিয়ে বলাব চেষ্টা যে আমরা দেশের জন্য টাকা তুলছি ভুবনবাবু, লিটনের স্মৃতিরক্ষার চেয়ে টাকাটার সদ্ব্যয় হবে, দরজা দিয়ে লাভ নেই—আমরা দরজা ভাঙব, সিন্দুকের চাবির মায়ায় কেন মরণ ডেকে আনছেন, চাবিটা দিন, এ সব বিস্তারিত মার্জিত ভদ্র পন্থা চলবে না। সংক্ষেপ করতে হবে সৰ্ব।

পালানোর সময় সংক্ষেপ করার কথাও ভেবেছে কালীনাথ। ঠিক ছিল যে কাজের শেষে পাড়াব বাইরে থেকে গতিবিধি গোপন হয়ে হারিয়ে যাবে লোকের কাছে। কয়েকজন তলিয়ে যাবে শহবেই এদিক ওদিক, একটি ঘোড়ার গাড়ি অপেক্ষা করবে বিছানাপত্রের বাস্তিল নিয়ে, সেই গাড়িতে কয়েকজন ঠিক বারোটা দশের গাড়িটা ছাড়ার সময় স্টেশনে পৌঁছে সাধারণ যাত্রীর মতো টিকিট কেটে গাড়িতে উঠবে। দুজন টাকার পুঁটলি নিয়ে গেলো লোকের বেশে অপেক্ষা করবে পলাশপুরের রাস্তায়, শেষ ট্রেনের যাত্রী নিয়ে যে বাস ছাড়বে স্টেশন থেকে সেই বাসে উঠে ঝাউতলাব শালবনের ধারে নিতাইনী গায়ের কাছে নেমে যাবে। এখন এ অবস্থা চলবে না। কাল চুরি হবে শঙ্করের বাবাব ফোর্ড গাড়িটা, শঙ্করের সাহায্যেই হবে। ওটা চেনা গাড়ি তো বটেই, মোটর গাড়ির চলাফেরার শব্দ লোকে শোনে, চেয়ে দেখে এবং মনে রাখে বলে মোটরে চেপে হানা দেবার কথা পুরানো পরিকল্পনায় ছিল না। নতুন অবস্থায় মোটরে চেপেই হানা দিতে হবে। টাকা লুটে নিয়ে মোটরেই পালাতে হবে সকলের, এখানে ওখানে নির্জন নির্দিষ্ট স্থানে একে ওকে নামিয়ে দিতে দিতে, যারা ডুব মারবে শহরের ঘরে ঘরে ছড়ানো জীবনে। টাকা নিয়ে তিনজন মোটরে যাবে ঝাউতলার বন পর্যন্ত, দুজন নেমে যাবে টাকা নিয়ে, একজন মোটর হাঁকিয়ে চলে যাবে রূপসা নদীর তীর পর্যন্ত। সেখানে মোটর গাড়িটা ফেলে রেখে নৌকায় পাড়ি দেবে গোপনতায়।

রাত এগারোটা পর্যন্ত আলোচনা হয়, কালীনাথের পরিকল্পনাই মেনে নেয় সকলে। রাত্রি বারোটা দশের গাড়িতে বীরেন ফিরে যায় কলকাতায়। গায়ে ফতুয়া, কাঁধে চাদর, গলায় কণ্ঠি, হাতে ভাঙা ছাতা, বগলে কাঁথা জড়ানো পুঁটলি দেখে কে ভাবতে পারবে সে অল্পদিন আগে ইংল্যান্ডে গিয়েছিল, বিলাত-ফেরত লোক।

একটা নিশ্বাস ফেলে কালীনাথ, একবার হাই তোলে। দেহের মনের কী খাটুনি তার যাচ্ছে বোঝা যেন যায় তাকে দেখে, কিন্তু সীমাহীন ধৈর্যের কাছে শান্তি ক্রান্তিও তার হার মেনেছে, বিরক্তি বিতৃষ্ণার ছাপটুকুও নেই তার মুখে।

সে অমিতাভকে প্রশ্ন করে, কী হল ভাই ?

আমি রেডি আছি কালীদা। অমিত শান্ত কণ্ঠে বলে। তারও যেন জীবনের চরম দুর্দশার সমস্যা সরল হয়ে গেছে গত কয়েক ঘণ্টার বৈপ্লবিক আলোচনায়।

কী ঠিক করলে ?

আমি রেডি আছি।

বেশ, সায় দিয়ে বলে কালীনাথ, বেশ তো।

৩

আকশনের পরিকল্পনায় কালীনাথের ভুল ছিল না, কেবল একটা দিক থেকে সে হিসাব ধরেনি, ধরাটা সম্ভবও ছিল না। শহরে অশান্তি ও আতঙ্ক, এ অবস্থায় হঠাৎ কারও বাড়িতে স্বদেশি ডাকাত পড়লে, পাড়ার লোকের প্রতিক্রিয়া যে সাধারণ অবস্থার চেয়ে অন্যরকম হতে পারে, তাদের পক্ষে বিপজ্জনক হতে পারে, এটা গোয়ালে আসেনি। বাড়ির সামনে কর্তার দেওয়া মস্ত যাত্রার আসর পর্যন্ত বিনা প্রতিবাদে স্বদেশি ডাকাতদের মেনে নেয়, কর্তার হা-হুতাশ বৃথা যায়, এই তাদের জানা ছিল। প্রথমে কিছু ডাকাডাকি চৌচামেচি শুরু হতে পারে আশেপাশে, তারা কে টের পাওয়া মাত্র সব চূপ হয়ে যাবে, মনে হবে ভুবনের বাড়ি ছাড়া সমস্ত পাড়া আবার ঘুমিয়ে গেছে। এত বেশি হইচই হবে, এমন দলবদ্ধ প্রতিরোধ আসবে কাজ যখন অর্ধেক এগিয়েছে, ছাদ থেকে ভাবী বেঞ্চ ও তক্তাপোশ ফেলে গাড়ির বাস্তা আটক করবে, ভোজালিব খৌঁচায় ফাঁসিয়ে দেবে গাড়ির টায়ার, কালীনাথেরও তা ধারণাতীত ছিল। বারবার ঘোষণা শুনেও যেন ওরা বন্ধমূল বিশ্বাস কাটিয়ে উঠতে পারে না, বুঝে উঠতে পারে না যে সত্যসত্যই কসাইপাড়ার মুসলমানরা হানা দেয়নি, তারা স্বদেশি বিপ্লবী, লিটন মেমোরিয়েলের কলঙ্ক থেকে শহরকে তারা বাঁচাতে এসেছে। সেটা আশ্চর্য কিছু নয়, অনেকগুলি মনের একটা ধারণা বদলে আর একটা ধারণা আনতে বিশৃঙ্খলা জাগে, সময় লাগে, তাবা স্বদেশি বুঝেও যেন সকলে সংশয়ভরে ইতস্তত করে, ঠিক করে উঠতে পারে না কর্তব্য কী ! তারই মধ্যে সংকেত আসে পুলিশের আগমনের, প্রায় শেষ মুহূর্তে, টাকার বাস্তিল বাগিয়ে যখন ভেতর থেকে দলের লোক বেরিয়ে আসছে, বেঞ্চ টৌকি সরিয়ে পথ করা হচ্ছে গাড়ি চলার, তারা যে স্বদেশি এ বিষয়ে সংশয় ঘুচে যাওয়ায় যখন পাড়ার বাসিন্দাদের প্রতিরোধ নিষ্ক্রিয় হয়ে শুধু তাকিয়ে থাকায় পরিণত হয়েছে। শহরের এটা পুরানো অংশ, দোতলা তিনতলা পাকা বাড়ির এলাকা হলেও রাস্তাটা সংকীর্ণ।

ভাগ্যক্রমে পুলিশ আসে গাড়ির পিছন দিক থেকে, এ রাস্তায় গাড়ি ঘোরানো যেত না। পুলিশ তফাতে থাকতেই এরা গুলি চালায়, বুটের আওয়াজ তুলে ছুটে আসতে আসতে থমকে দাঁড়ায় পুলিশের দল, জবাব দেয়। সংঘর্ষ চলতে চলতে তারা আয়োজন শেষ করে পালাবার। একজন ফাঁসিয়ে দেয় পিছনের চাকার ভালো টায়ারটি, একটা ভালো আর একটা চূপসানো চাকার চেয়ে এ ভাবে গাড়ি ভালো চলবে।

দুদিকের বাড়ির রোয়াক বারান্দা দেয়াল ঘেঁষে গুলি চালাতে চালাতে পুলিশ এসেছে বরাবর। ওদের হাতে রাইফেল, সংখ্যাও অনেক বেশি, এদের শুধু পিস্তল।

তিনজন আহত ও তিনজন সুস্থ ডাকাতকে নিয়ে ফটা চাকার গাড়িটা তারপর বিপজ্জনক বেগে এগিয়ে অদৃশ্য হয়ে যায় রাস্তায় এদিকের মোড়ে, কালীনাথের হুকুমে অন্য চারজন আগেই

এদিকে দৌড়ে যেতে যেতে দুদিকে গলি খুঁজিতে মিশিয়ে গিয়েছে। এদিকে একজন পুলিশ হুমড়ি খেয়ে পড়ে থাকে রাখানাতের বাড়ির রোয়াকে, আর একজন দুহাতে পায়ের হাঁটু চেপে ধরে বসে কাতরায়। তার আঘাত গুরুতর নয়।

প্রতিমাকে দেখে আশ্চর্য হয় না কালীনাথ। এটা জানাই ছিল যে তাদের অনেক গোপন খবর প্রতিমা জানে, অস্ত্রশস্ত্র গোপন রাখার মতো কাজে পর্যন্ত বাইরের যারা তাদের সাহায্য করে তারাও যে সব বিষয়ের হৃদিস পায় না। পুরানো নীতি বাতিল করে প্রতিমাকে দলে নেওয়া নিয়ে দলের মধ্যে অনেক আলোচনা, অনেক তর্ক হয়ে গেছে।

প্রতিমার মুখ কঠিন, ব্যথা-কাতরতার ছাপ সে মুখে নেই দেখে স্বস্তি বোধ করে কালীনাথ।

শেষরাতে না এসে সকালে এলেই হত !

তুমি থাকো কী না থাকো।

মুখ কঠিন হোক, প্রতিমার গলা বেশ ভারী।

আমার সঙ্গে তোমাদের এ রকম করা অন্যায ছোটোমামা। শঙ্কর কিছুতে বলবে না অমিতকে কোথায় রেখেছ, রাত দুটো পর্যন্ত সাধলাম। তুমি না বললে সে বলতে পারবে না। তুমি কোথায় আছ তাও বলবে না। শেষকালে যখন বললাম তোমার খবর না দিলে সোজা থানায় গিয়ে যা জানি সব প্রকাশ করে সুইসাইড করব, তখন জানাল। এ সব কী ছোটোমামা ? আমি কি তোমাদের পব ? তোমাদের বুদ্ধি-বিবেচনা কিছু নেই ! যাকে বিশ্বাস করতেই হবে জানো তাকেও অবিশ্বাস কব। কী লুকানো আছে আমার কাছে ?

শঙ্করের দোষ নেই। আমিই বারণ করেছিলাম, দু-চারদিন তোকে যেন কিছু না জানায়। কদিন পরে সব কিছুই তুই জানতে পেতিস পিতু।

মুদুরের ভীষুর মতো কথা বলে কালীনাথ, প্রতিমার মুখের দিকে তাকায না, সে যেন পিস্তল বাগিয়ে রাইফেলের সঙ্গে লড়াই করা শর্ড কঠোর মানুষটি নয়। হৃদয়মনের এ কোমলতা তাব কেন আছে, কী করে থাকে কালীনাথ জানে না। বিপন্ন বিচলিত হয়ে থাকে। কী করে এখন যে মেয়েটাকে জানায়, জগতের সব বীরত্ব সব পৌরুষেব পালা শেষ হয়ে গিয়ে যখন শেষরাতেটা মড়ার মতো নিঝুম হয়েছে, স্পষ্ট শুধু অনুভব করা যাচ্ছে প্রতিমার বৃকের ধুকধুকানি।

কদিন পরে কেন ছোটোমামা ?

এ অসহ্য হয়ে ওঠে কালীনাথের। তাই যতদূর সম্ভব মোলায়েম করে অল্পে অল্পে সহিয়ে বলবে ঠিক করেও আগুয়ান পুলিশদের লক্ষ্য করে যেমন দ্বিধামাত্র না করে আচমকা বুলেট ছুঁড়েছিল, তেমনই সাদামাটা বাস্তব ঘোষণার মতো সে সোজাসুজি খবরটা বলে বসে, অমিত মারা গেছে।

বলে যেন বাঁচে। নিজেকে ফিরে পায়। এই ভালো। এমনি করে বলাই উচিত হয়েছে, একটা মরণের খবর জানাতে সে-ই বা কেন বিব্রত হবে, খবর শুনে প্রতিমাই বা কেন ব্যাকুল হবে ?

প্রতিমা ব্যাকুল হয় নিশ্চয়, তবে তার ব্যাকুলতা দিয়ে মোটেই বিব্রত করে না কালীনাথকে। বরং পাথরের মূর্তির মতো অনড় অচল হয়ে বসে থাকার জন্যই কালীনাথ বিব্রত বোধ করে বেশি। কোথায় আছে ? শেষে এই প্রশ্ন করে প্রতিমা।

তা জেনে কী করবি ? টাউনে নয়।

একবার দেখব।

কে তোমাকে এখন নিয়ে যাবে ? কী করে নিয়ে যাব পাঁচ মাইল রাস্তা ? তাকে নিরস্ত করার জন্যই বুদ্ধি কঠোর ভাবে কথা বলে কালীনাথ।

তোমায় নিয়ে যেতে হবে না। কোথায় রেখেছ দয়া করে বলো, আমি নিজেই যেতে পারব ছোটোমামা। আরও কঠোরভাবে জবাব দেয় প্রতিমা।

শ্রান্তিতে অবসন্ন হয়ে আসছিল কালীনাথের শরীর, কিন্তু প্রতিমাকেও আর না বলা চলে না। ভেবে-চিন্তে তাকে সে পুরুষের বেশ ধরতে বলে, ভোররাত্রে এতবড়ো মেয়েকে রডে বসিয়ে সে পাঁচ মাইল সাইকেল চালাতে পারে না। কালীনাথ ঘরের বাইরে গিয়ে দাঁড়ায়, ধুতি শার্ট আর একটা কোট দিয়ে যায়। বুক বাঁধার জন্য গামছাটা প্রতিমা নিজেই পেড়ে নেয় দড়ি থেকে, নির্জন ঘরে বসে ওই গামছাটা দিয়েই প্রথমে শুকনো চোখ দুটো কয়েকবার ঘষে নিবে যত জোরে পারে বুক বেঁধে নেয়। ভেতর থেকে যত কিছু অসহ্য চাপ দিচ্ছিল তাও যেন সে বাইরে চেপে গামছা বেঁধে ঠেকিয়ে রাখবে, বুকটা যাতে বোমার মতো না ফেটে যায়।

নয়

১

এইভাবে দু'ত আঁমুকে দেখতে গেল প্রতিমা। শালবন ঘেঁষা গাঁয়ের প্রায় বনের মধ্যে গ্রাস করা অংশটুকুর মাটির ঘরটিতে পাকা এবং আরও কয়েকজন উপস্থিত ছিল। দলের লোক ও দলের বন্ধু। পুলিশের সঙ্গে সংঘর্ষ হওয়ায় শহরের অনেক বিশ্বাসযোগ্য বন্ধুর সাহায্য কালীনাথদের নিতে হয়েছে। পাকা বাদ পড়েনি।

দলের ভিতরকার খবরাখবর পাকা মোটামুটি বরাবরই জানে। একটু তফাত থেকে দলের কার্যকলাপ কিছু কিছু লক্ষ করা, একে ওকে সতর্কভাবে অনুসরণ করা এ সব রোমাঞ্চের লোভ সে সামলাতে পারেনি। তার শুধু জানা ছিল না যে তাব এই গোপন গতিবিধি কালীনাথদের কাছে মোটেই গোপন নেই, আটলিগাঁর জঙ্গলে গাড়ির স্টিয়ারিং হুইলে তাদের সাবধান করে বেনামি স্লিপটি কে লিখেছিল তাও নয়। তার এই আগ্রহ ও কৌতূহল লক্ষ করে তাকে আর একটা সুযোগ দেবার কথাও কালীনাথ ভাবছিল।

পাকাও সারারাত জেগেছে কিন্তু তার চোখে ঘুম ছিল না। এ অবস্থায় ঘুম থাকার কথাও নয়। কিন্তু ভিতরের আলোড়ন আর কষ্টটা তার অদ্ভুত মনে হচ্ছিল। এমন গৌরবময় মহান মরণকে সরকারি বন্দুকের গুলি কী কুৎসিত করে একে দিয়েছে অমিতাভের সুশ্রী মুখখানার বিকৃতিতে তা চোখে দেখার পর থেকে তীব্র ক্ষোভের জ্বালা তাকে পুড়িয়ে দিচ্ছে। এ তার অবুঝ ছেলেমানুষি ক্রোধ নয় যে, মানুষ যুদ্ধে মরলেও তার অমিতদার মুখশ্রীর কেন হানি হবে, মৃত্যুর এই বাহ্যরূপের মধ্যে তার কাছে স্পষ্ট হয়েছে এ ভাবে প্রাণ দিতে বাধ্য হওয়াটা কি অসহ্য অন্যায্য, এই অকথা অনিয়ম ! একদিকে বিদেশি দানবের কুৎসিত জ্বরদস্তি, অন্যদিকে সারা দেশটার তাই মেনে নেবার কলঙ্ক ! দেশের বিরুদ্ধেই আজ পাকার জ্বালাটা বেশি, কত দূর তারা অপদার্থ, এ ভাবে যাদের জাগাতে হয় ! পাকার শোকাভূর হবার অবকাশ নেই, কার জন্য কীসের জন্য শোক সে জানে না, হয়তো সংসারের সাধারণ জীবনে আত্মীয়বন্ধুর মধ্যে মাঝে মাঝে নিজেকে একা বোধ করার যে অসহ্য উদাস বেদনা অনুভব করে সেই রকম কোনো অবসরে অমিতদার কথা ভেবে কান্না আসবে। কী যেন এক সংশয় আর হতাশা এখন তাকে কাবু করেছে। অমিতাভকে দেখে যত তার মনে হয় এমন চরম অন্যায্য এমন পাশবিক হত্যা জগতে আর ঘটেনি, যত তীব্র হয়ে ওঠে তার ক্ষোভ আর আক্রোশ, কেমন এক অসহায়তা বোধ করার কষ্ট তত বেশি উগ্র হয়ে উঠে তাকে আত্মহারা করে দিতে চায়।

এইটুকু সে টের পায় আর এটা তার কাছে অদ্ভুত লাগে যে এ সমস্ত ঘটনা, ষড়যন্ত্র আয়োজন সংঘর্ষ মৃত্যু, এ সবের সংক্ষিপ্ত ক্ষুদ্রতা তাকে পীড়ন করছে। তার অসন্তুষ্ট মন আরও বিরাট আর ব্যাপক লড়াইয়ের অভাবে হাহাকার করছে। একজন অমিতাভ আর একটা পুলিশের মরণ নয়, এমন একটা লড়াই যাতে একটা পক্ষ নিশ্চিহ্ন হয়ে যাবে।

ও রকম লড়াই হলে তার পক্ষটা যদি নিশ্চিহ্ন হয়ে যায় তাতেও পাকার আপত্তি নেই। সেও তো নিশ্চিহ্ন হয়ে যাবে আর সবার সঙ্গে।

মনের এই অবস্থায় পুরুষবেশী প্রতিমাকে দেখে পাকার যেন চমক ভাঙার মতো চমক লাগে। আশ্চর্য অভিভূত হয়ে সে বিহ্বলের মতো তাকিয়ে থাকে প্রতিমার দিকে। খানিকক্ষণ সে যেন বুঝেই উঠতে পারে না অনেক দিনের জানা চেনা প্রতিমার আবির্ভাবকে। অবাস্তব কল্পনার যে উগ্র স্তরে উঠেছিল তার কিশোর চেতনা, সেই স্তরের আর একটা স্বপ্ন যেন বাস্তব রূপ ধরে এসে তার চেতনাকে গ্রাস করেছে।

একসঙ্গে মেকি আত্মীয়তা, পচা ভদ্রতা, মার্জিত বলমল কুসুচি আর দেশের পরাধীনতার বিরুদ্ধে অবাধ্য খেয়ালে বিদ্রোহ করে আসা অস্থির ছেলেমানুষি মন!—এ মন সব পারে, এ মনের সব সম্ভ হয়।

তবে কি না, সাধারণ বেশে এলেও প্রতিমার এই অভিসারের গভীর শোকাবহ দিকটা তার কাছে মামুলি মনে হত। মানুষকে মরতে দেখে তার কান্না পায়, যন্ত্রণা দেখে তার বুক টনটন করে, মৃতের জন্য শোক তার ধাতে নেই। তার মায়ের মরণ হয়তো জগতের চরম ও শেষ মৃত্যুর মতো পরবর্তী সমস্ত মরণকে তার কাছে অর্থহীন করে দিয়েছে।

নিজের বিপরীত অভিমানে গড়া নিদারুণ এক আত্মিক নির্যাতনের কবল থেকে মুক্তির স্বাদে সে এক অপব্রূপ সূহতা বোধ করে নতুবা এই পরিবেশে প্রতিমা যখন অপলক চোখে অমিতাভকে দেখছে তখন এ ভাবে তার দিকে চেয়ে থাকা অস্বাভাবিক হয়ে দাঁড়াত। অন্দরে ড্রয়িংরুমে বা প্রকৃতির রোম্যান্সময় লীলাভূমিতে কোথাও ভদ্র সমাজের ভালো-মন্দ সরল-চালাক কোনো মেয়েকে পাকা কখনও ভালো চোখে দেখতে পারে না, ওরা সবাই ন্যাকামি আর হীন ছলনা চাতুরীতে ভরা কদর্য, কুৎসিত ওদের হৃদয়মন। ওদের ভাবালু চোখ, মিহি কথা, কোমলতা, হাবভাব সব কিছু মুখোশ, সমস্ত ভান। ভাবকল্পনার মানেরই শুধু বোঝে না তা নয়, মনে মনে হাসে। ওদের ভেতরটা ফাঁকা বাইরেটা ফাঁকি। ফুলের মতো বা পরিব্রূপের মতো সুন্দরী ভদ্র মেয়েদের মধ্যে পাকা চেয়ে দেখার বা তারিফ করার মতো রূপ খুঁজে পায় না, সাজগোজ আর স্বভাবের ন্যাকামির মতো এ রূপলাবণ্যও তার বিতৃষ্ণা জাগায়।

বৃক্ষ মলিন ফুল, চাঁপা, বেঙিরা বরণ তবু চেয়ে দেখার মতো, ওরা তবু মনে তার একটু প্রীতি ও কামনার তাপ আনতে পারে।

কিন্তু আসলে সে তো আর সত্য নয়। ভদ্র জীবনের বিজাতীয় আত্মবিরোধিতা থেকে মুক্তিরোধের ছটফটানি অত সরস প্রক্রিয়া নয় যে ভদ্র জীবনকে সোজাসুজি ঘৃণা করে অভদ্র অসভ্য জীবনকে ভালোবেসে ফেললাম। এক মিথ্যাকে অস্বীকার করতে অন্য মিথ্যা আসে, এক বিকার বর্জন করতে অন্য বিকার প্রশস্ত পায়। মোহই যদি না থাকবে পাকার বাবু-মেয়েদের জন্য, এত তার রাগ কীসের, এমন গায়ে পড়া জ্বালাবোধ? এদের নিয়ে গড়ে তোলা বাবু-ধর্মী কাব্য-কল্পনার নির্যাস থেকেই যদি তারও অপার্থিব মানসী না সৃষ্টি হয়ে থাকবে, এরা কী আর কীসের মতো নয় বলে কেন তার এত জ্বালা, আপশোশ, অভিমান? নতুন মামির আদর-যত্নের আবেগ-ব্যাকুলতা কী করে তাহলে আকর্ষণ-বিরাগের জটিল আবর্ত সৃষ্টি করে, মনের মধ্যে থাকে এক নতুন মামি, তাকে নিয়ে একা একা অবাধ স্বপ্নের জাল বুনতে বুনতে বিভোর হয়ে যাওয়া চলে, বাইরের নতুন মামি সামনে এলে টের পাওয়া যায় এ একেবারে অন্য মানুষ।

এ বিকার ছাড়া কিছু নয়। পাকার এইটুকু বয়সে অনেক অস্থিরতা, অশান্তি বিরোধ, অনেক খ্যাপামি অনিয়ম আচরণ নতুবা অর্থহীন হয়ে যেত। পাকার জগতের কোনো ছেলে কমবেশি এ বিকার থেকে মুক্তি পায় না। কেউ মানিয়ে নেয় আপস আর আত্মসমর্পণে, কারও বিকার চাপা থাকে অন্য জগতের সংস্পর্শে না আসায়, শান্তশিষ্ট নিরীহ হয়ে থাকে নৈতিক আত্মপ্রবঞ্চনা আর দুমুখো জীবনের নিয়ম-অনিয়ম সব মেনে নিয়ে। শুধু পাকার মতো পেট ভরে যত খুশি দুধ—খাওয়া-জীবনীশক্তি শাসনের জাঁতায় মুষড়ে না গিয়ে পরিণত হতে পারে তেজে, অবাধ বিচরণের অভিজ্ঞতায় তুলনামূলক বাস্তব বিচারবুদ্ধি, আর আদরের প্রশ্রয়ে গড়া একগুয়েমি থেকে হয় বিদ্রোহের সূত্রপাত, তাদের মধ্যেই উৎকট হয়ে প্রকাশ পায় এই ভাবগত বিকার।

যা চাই যেমন চাই তাই আমার পাওয়া চাই, সব কিছু গন্ডগোলের মূল তো শুধু এই। আঁতুড় থেকে জীবন তাকে শিখিয়েছে অসম্ভব স্বপ্নকল্পনাও জীবনেরই অংশ, আকাশেব ওই চাঁদকে হাতে পাওয়া যায়। এ শিক্ষা যাতে বিচ্যুত না ঘটায় সে জন্য তাই দরকার হয় ছেলেমেয়ের গড়ে ওঠার এত নিয়ন্ত্রণ, এত নৈতিক শিক্ষাদীক্ষার সমারোহ। চোখের সামনে দেখা যায় এ সব ছাড়াই চাষাভূসোর ছেলেমেয়ে চিরদিন ঢের বেশি নীতিপরায়ণ হয়ে আসছে, তবু। দাবি করতে শিখেই ভদ্র ছেলেরা স্বভাবতই চাঁদকে চেয়ে বসে হাতেব মুঠোয় কিন্তু ইতিমধ্যে শিখিয়ে পড়িয়ে নেওয়াও শুবু হয়ে গেছে তাদের শিক্ষা যে না পেয়েও পেয়েছি ভেবে কীভাবে নিজেকে ঠকাতে হয়। চাঁদ না পেয়ে তাই শুধু আসে হতাশা আর বিবাদ, শুধু বিবর্ণ হয়ে যেতে থাকে জীবনটা বাস্তব রঙের অভাবে, ব্যর্থতার বেদনাকে রাঙাতে খরচ হয়ে সাদাটে হয়ে যায় সংকীর্ণ সীমাবদ্ধ জগৎটুকু। কিন্তু যে ছেলে মোটামুটি এড়িয়ে গেছে ওই নিয়ন্ত্রণ আব নৈতিক গড়নের প্রক্রিয়া, সে কেন মানবে চাঁদকে না-পাওয়াব পরাজয়, জ্যোৎস্না দিয়ে ক্ষতিপূরণের ধাঙ্গা ! স্বপ্নকে সে চেয়েই যাবে বাস্তব পাওয়ার মধ্যে তার জন্মগত দাবিব মতো, না পেয়ে বেড়েই যাবে তার রাগ অভিমানের জ্বালা, ভেঙে সে চুবমার কবে দিতে চাইবে তার জগৎকে আঘাত হেনে হেনে।

কেন্দ্র সে নিজেই, সমালোচনা বিদ্রোহ আর মুক্তি কামনাব। অন্য এক জগতে, বাস্তব জগতে মুক্তি খোঁজার মধ্যেও তাব আত্মগত অনেক বিবোধ।

এটা না হয় হল যে ভদ্র মানুষের প্রকাশ্য আব অপ্রকাশ্য জীবনের উৎকট পার্থক্য, বাড়ি-ঘর আসবাব-পত্র সাজ-পোশাক খাওয়া-দাওয়া আনন্দ-উৎসব সামাজিকতার রং আলো রূপ শোভা বুদ্ধি ও মাধুর্যের শোভন সুন্দর উপস্থিত সমারোহের সঙ্গে সঙ্গে কদর্য কুৎসিত হিংসা দ্বেষ হীনতা দীনতা স্বার্থপরতা নির্মমতার সমাবেশ, সুখ শান্তি হাসি আনন্দের আবরণের নীচে অতল গভীর দুঃখ বেদনা হতাশার অভিশাপ—সব কিছু মিলে তাকে তাড়িয়ে নিয়ে গেল তাদের কাছে যাদের জীবনযাপনে বা হৃদয়মনে অন্দর-বাহির নেই। কিন্তু অন্দর-বাহির একাকার হওয়াটাই তো সব নয় তার কাছে, আত্মবিরোধিতা কম হলেই তো নোংরা নিঃস্ব বধিত ব্যাহত জীবন সুন্দর সার্থক জীবন হয়ে ওঠে না।

এ জগতে আশ্রয় আর ও জগতে মুক্তি, এর মধ্যে না আছে আশ্রয় না আছে মুক্তি। এ অমিলের সামঞ্জস্য খোঁজার মতো মারাত্মক কিছু নেই। এ জীবনে সীমাবদ্ধ হয়ে মনের খিদে আর ও জীবনে সীমাবদ্ধ হয়ে পেটের খিদে তবু সয়, ভরা পেটের মনের খিদে কী করে মেটাবে পেটের খিদেয় ভরা জীবনের মন ! তাই, দুটো জগৎ সে আত্মসাৎ করতে চায় তার চেতনায়। সযত্ন প্রসাধনে ও বেনারসির আবরণে গৌরাঙ্গী নতুন মামি আর তাড়ির নেশায় আলুথালু হেঁড়া গামছার বেড়ির টানাটানিতে নানা বিপর্যয় ঘটবেই। ব্রাহ্মণ বৈষ্ণব খ্রিস্টান সহজিয়ার মেশালে হবে ভাবরাজ্যের আবর্ত, পাক খাবে মাঝি চাষি কেরানি ব্যারিস্টার কামার চামারের মেয়ে-বউ থেকে বাজারের রহস্যময়ী বেশ্যাকে ঘিরে, বছর শোলো বয়স হতে হতে !

এ সব পাকারই জীবনের এক পরবর্তী অধ্যায়ের চিন্তা। এ দিনটির অভিজ্ঞতা বারংবার ঘুরে ঘুরে তার মনে পড়েছে বরাবর। দুটি বিশেষ কারণে অমিতাভের মৃতদেহের সামনে বসে গভীর হতাশার সঙ্গে জীবনে প্রথম এক অদ্ভুত অসহায়তা বোধ করে উতলা হওয়া আর খুঁটি ও শার্ট কোট পরা মাথায় পাগড়ি বাঁধা প্রতিমাকে দেখে সমস্ত দেহে মনে মনোরম এক উত্তাপের সঞ্চারে উষ্ণ ও আনন্দিত হওয়া।

২

দেখা-শোনা সেবা-যত্ন যা-কিছু করার করছে শ্যামল জানার পাতানো পিসি। বয়সে সে শ্যামলের সমান হবে। কাল থেকে পিসি অবিরাম বিভ্রিভি করে বকেছে আপন মনে, কাপের পর কাপ চা তৈরি করে দিয়ে মাছ তরকারি রেঁধে বেড়ে খাইয়েছে। হাসপাতাল হয়েছে বাড়িতে, খুনে ডাকাত কুটুম এসে ভিড় করেছে খুনেটার ঘরে। পুলিশ এবার ধরে নিয়ে পিসিকে নিশ্চয় ফাঁসি দেবে। কিন্তু এতদিনের নিয়মভঙ্গ করে পিসি কাল সন্ধ্যা হতে বাড়ি যায়নি। ভোর ভোর এসেছিল কাল পিসি, প্রায় রাত থাকতে। কাশতে কাশতে আগের দিন একটু বেশি কাবু হয়ে পড়েছিল শ্যামল।

শ্যামলকে বিছানায় শুইয়ে খানিকক্ষণ গোমড়া মুখে তাকিয়েছিল। তারপর নিজেই বলেছিল, না, আমি রইবনি। করব কি রয়ে ? কেশে কেশে মরো নয়তো বাঁচো যদি মরণ ঠেকাতে পাবব ? মোর বাপু বেতো ব্যারাম।

শ্যামল কেশে কেশে রাতারাতি মরছে না বেঁচে আছে জানতে বুঝি সকাল হওয়ার ৩০ মিনিট পিসির। এসে রাতারাতি বাড়িতে ব্যান্ডেজবাঁধা কেঁপে ও অমিতাভ এবং আরও তিনজন অতিথির সমাগম হয়েছে দেখে তার মেজাজ বিগড়ে গিয়েছিল। আর ঠান্ডা হয়নি।

সন্ধ্যার পর শ্যামলের মৃত স্তিমিত চোখে নতুন প্রাণের দীপ্তি দেখে বলেছিল, ফুর্তি কীসের শূনি ? খুনে ডাকাত কুটুম সাঙাত পেয়ে ? এ মায়ের বাছাটার যে জ্ঞান হল না খেয়াল আছে ? বেতে রইতে হবে তো মোকে ? রইব না, মোর গরজ নেই !

কিন্তু পিসি রয়েছিল। নিজের গরজে।

পিসি চা এনে দেয়। প্রতিমার বেশ তার চোখে পড়ে না। কেউ কাঁদছে না দেখে তার অসহ্য ঠেকে। কেন, আপনজন কি কেউ আসেনি যে ছেলেটার জন্য একটু কাঁদে, এমন বেঘোরে বেকায়দায় যে ছেলেটা মারা গেল ? এ সব বাবু বোঝে না সে, সজল চোখে পিসি জানায়। ইংরেজরাজ সবাইকে নিতি চোখের জলে ভাসায় বলে ইংরেজ মারতে খুনে হয়েছে, তাই বলে কি আপনার লোক মরলে পরেও চোখের জল ফেলা বারণ ! বীরত্ব করে কেউ মরেছে বলে কাঁদতে পাবে না তার আপনজন !

মরেনি পিসি, এ ছেলেরা মরে না। মরলে পরে দুদিন কেঁদে ভুলে যেত, এ ছেলেকে কেউ কোনো দিন ভুলবে না। এখানে তীর্থ হবে, দূর থেকে লোক ভিড় করে দেখতে আসবে।

শ্যামল বলে কথাটা। ভাবাবেগের সঙ্গেই বলে, কারণ জেলে জেলে আর আন্দামানে জীবনের সঙ্গে তার ভাবপ্রবণতাটাই সব চেয়ে বেশি ক্ষয় হয়ে গেছে। শক্তি থাকলে সে আকুল হয়ে কাঁদত, কারণ কান্নায় তার দুর্বলতার লজ্জা নেই, হৃদয়কে দমন করার কঠোর সংযমের প্রয়োজন তার ফুরিয়ে গেছে।

তবে তার কথায় সবার রাঙাটে চোখগুলি জলে ভরে যায়, কালীনাথের চোখ পর্যন্ত। প্রতিমার গাল বেয়ে ধারা নামে। বোঝা যায় গৈয়ো পিসির মূল্যবিচার অস্বস্ত, খুনে বিপ্লবীদেরও একটা দিক নরম থাকে, মানুষ থেকে গিয়ে যা কঠিন করা অসম্ভব।

এটা যেন পাকার জ্বিদের জয়।—সে ভাবে, হুঁঃ নইলে তোমাদের এত কড়াকড়ি কি জন্যে শূনি কালীদা ? আমার তোমরা নাম কেটে দাও। আমার মনের জোর নেই।

এখনও পাকা জানে না কালীনাথ তাকে আর একটা সুযোগ দেবার কথা ভাবছে।
 কেঁট বলে, ক্যামেরাটা আনতে যদি তোর খেয়াল হত পাকা !
 পাকা বলে এখানে জোগাড় করা যায়।
 সে কালীনাথের দিকে তাকায়। কালীনাথ মাথা নেড়ে বলে, না, ক্যামেরা দরকার নেই।
 সাইকেলে গিয়েও আনতে পারি আমারটা।
 না। সোজা টাউনে ফিরে যাবে, এদিকে আর আসবার দরকার নেই।
 বেলা বাড়লে কালীনাথ শাস্ত শক্ত সুরে বলে, পিতু, এবার যেতে হবে। পাকা, তুমিও পিতুর
 সঙ্গে যাও। হেঁটে গিয়ে বড়ো রাস্তায় এগারোটার বাস ধরবে। সাইকেল থাক।
 প্রতিমা বলে, যাই মামা, কিন্তু—
 কিছু কেন আবার ?
 পলকহীন চোখে তাকিয়ে অমিতাভের দেহটা দেখিয়ে বলে—কী করবে ?
 যদিইন পারা যায় গোপন রাখতে হবে পিতু। অমিত কলকাতায় ফিরে গেছে।
 বুঝলাম। কী করবে বলো না ?
 বনে লুকিয়ে ফেলা হবে, মাটির নীচে।

ঘড়ি দেখে কালীনাথ আদাস বলে, দেরি কোরো না, বাস চলে যাবে।

পিসি বলে, নোসো, ওবা খেয়ে যাবে।

বাস পাবে না।

পাবে পাবে, দুকরের বাস পাবে। ছিষ্টি উলটে যাবে না ওরা দুকরের বাসে গেলে। অত তুমি
 হুকুম ঝেড়ো না বাপু !

শাড়িটা মাথায় পাগাঁ কবে এনেছিল, প্রতিমা বেশ বদলায়। পিসির রাঁধা ডাল-তরকারি দিয়ে
 ভাত খেয়ে দুপুরবেলা বনের একটু ঘুর পথে বড়ো রাস্তাব দিকে চলতে চলতে পাকা হঠাৎ বলে
 বসে, তোমায় সুন্দর দেখাচ্ছিল পিতুদি, অদ্ভুত দেখাচ্ছিল।

প্রতিমা ছিল আনমনা।—কি বললে ?

না, কিছু বলিনি।

কিছুক্ষণ চুপচাপ হেঁটে আবার বলে, বলছিলাম কী, আমি ঠিক বুঝতে পারছি না পিতুদি। এতে
 কি হবে ? এ সব করে ?

কীসে ? ও ! এখন ও সব তর্ক থাক পাকা।

তর্ক নয়, কালীনাথ যে বলে জেনে শুনে দশজনে জাগবে, পথ পাবে। সবাই বিদ্রোহ করবে কিন্তু
 লোকে তো কিছু জানতেই পারছে না। অমিতদা প্রাণ দিল, সেটাও গোপন রাখতে হবে।

এ সব কথা থাক পাকা। গোপন কিছু থাকবে না, গোপন কি থাকে ?

তার এই কথাকে প্রমাণ করান জনাই যেন পুলিশ তাদের ঠেকাল। স্টেশনে বাস থেকে নেমে
 দুজনে তারা একটা ছ্যাকড়া গাড়ি ভাড়া করে উঠে বসেছে, হাড়-বের-করা রুগ্ন ঘোড়া দুটো
 চাবুক খেয়ে প্রাণপণ চেঁচায় গাড়িটা টানতে শুরু করেছে, একসঙ্গে দুদিকের পাদানিতে উঠে দাঁড়াল
 দুজন লোক, রিডলবার বাগিয়ে। সঙ্গে তাদের আট-দশজন পুলিশ, সঙ্গে সঙ্গে গাড়িটা ঘিরে
 ফেলেছে।

এ রকম জ্বরদস্ত বাহিনী ছাড়া একটা ছেলে আর মেয়েকে ওরা ধরতে পারে না, এমনই
 ভয়ংকর হয়ে উঠেছে ওদের কাছে টেরিস্টরা।

শুধু পাকাকে ওরা চাইছিল, পাকার সঙ্গে থাকায় প্রতিমাকে ধরেছে। পাকাকে পুলিশের দরকার হয়েছিল বিশেষ কারণে, ফাঁসিতে লটকাবার জন্য নয়। পাকা দলের ভেতরে নেই, হাতেনাতে কার্যকলাপে যোগও দেয় না, অথচ সে অনেক খবর রাখে—এটা বিশ্বাস দাঁড়িয়ে গিয়েছিল পুলিশের। পাকার মতো খামখেয়ালি ছেলের কাছ থেকে সহজে খবর আদায় করা যাবে এ রকম একটা ধারণাও তাদের হয়েছে। এটা হয়েছে রায়বাহাদুর এন এন ঘোষাল গতবার কলকাতা ফেরার সময়। পাকার ওপর একটু নজর রাখতে বলে যাবার ফলে। পাকার এলোমেলো খাপছাড়া চালচলন তাদের নজরে পড়েছে।

এটা যে পাকার নিজস্ব ব্যক্তিগত দিক, গঙ্গা কামারের কামারশালায় দু-চার ঘণ্টা বসে থাকা, টো টো শহরে পাক দেওয়া, দুপুর রাতে চামার বস্তিতে আড্ডা দেওয়া বা নির্জন প্রান্তরে খরনার ধারে বসে কাব্য করার সঙ্গে স্বদেশি দলের ভেতরের খবর জানার কোনো সম্পর্ক নেই, এটা জানা ছিল না পুলিশের। সত্য কথা বলতে কী, স্বদেশি দলের বোমা তৈরি-টৈরির মতো দু-একটা কাজ ছাড়া সব কিছু যে কত দূর সাধারণ আর স্বাভাবিক ভাবে চলে, সে ধারণাই তাদের ছিল না। স্বদেশিদের গভীর গোপন মারাত্মক ষড়যন্ত্র ঘিরে ঘিরে তাদের কল্পনায় গড়ে উঠেছিল উদ্ভট রোমাঞ্চকর নাটকীয়তা। স্বদেশি দমনে সে-ই বেশি কৃতিত্ব দেখিয়েছে এ কল্পনা যার ভেঁতা ছিল, অনুর্বর ছিল মায়ায়মতাব মতো ; যে জানত গোপনীয়তা যত বেশি মিশ খেয়ে যাবে চারিপাশের প্রকাশ্যের সঙ্গে সে যে তত দুর্ভেদ্য, প্রকাশ্যে চা খেতে খেতে বা তাস পিটোতে যে খোশগল্পই করতে হবে, লাট মারার পরামর্শ চলবে না এমন কোনো কথা নেই, দৈনিক হাজার হাজার লোকের মধ্যে হাজারটা সাধারণ জিনিসের হাতবদলের মতো তুচ্ছ সাদামাটা ভাবে পিস্তলের মতো মারাত্মক জিনিসেরও হাতবদল অনায়াসে হতে পারে, স্বদেশির ভয়ও সে করত তত বেশি। কারণ, স্বদেশিরা যে তাকে এতটুকু ভালোবাসবে না এই বাস্তব সত্যবোধের মধ্যেও তার কল্পনার এতটুকু ভেজাল মেশাবার উপায় ছিল না।

ছ্যাকড়া গাড়ি চলছে। পাদানির দুজন ভেতরে বসেছে, সামনাসামনি।

কোথা থেকে এলে ?

তুমি বলছ কাকে ? পাকা ফাঁস করে ওঠে।

আহা চট্টেন কেন ! কোথায় গিয়েছিলেন জিগ্যোস করছি।

প্রতিমা জবাব দেয়, জোড়াগড়ের রাজবাড়ি দেখতে গিয়েছিলাম।

পাকা ভাবে, প্রতিমার সত্যি বুদ্ধি আছে। বাসের প্রায় সঙ্গে সঙ্গে একটা ট্রেন এসেছে বটে স্টেশনে। বাসের কথা বললে ড্রাইভার কন্ডাক্টরকে জিজ্ঞাসা করলেই জানা যেত তারা কোথায় উঠেছিল। জোড়াগড় স্টেশনের কাছে প্রাচীন রাজপ্রাসাদের জঙ্গল ঢাকা ধ্বংসস্থল আছে।

শেষে দুজনকেই নিয়ে যাওয়া হল রায়বাহাদুর এন এন ঘোষালের দরবারে।

ঘোষাল উঠে দাঁড়ায়, প্রতিমাকে হাসিমুখে অভ্যর্থনা জানিয়ে বলে, আসুন।

পাকাকে বলে, আরে তুমিই প্রকাশ না কি ? কী আশ্চর্য, আমি তোমার ভালো নামটা ভুলেই গেছিলাম। তাই তো এ কী রকম হল !

৩

গভীর মনোযোগের সঙ্গে দু-চার মিনিট এ-ও ফাইল দেখার বিরাম দিয়ে দিয়ে ঘোষাল তাদের সঙ্গে সাময়িক ভাবে আলাপ চালিয়ে যায়, ভৈরবের খবরাখবর জিজ্ঞাসা করে, প্রতিমার কাছে জোড়াগড়ের ভগ্নস্থলের বিবরণ ও ইতিহাস শোনে, ভারতের প্রাচীন সভ্যতা সম্পর্কে নিজের মত শোনায়, কাজের কথায় আসে না। কার্লটন একবার ঘরে এসে দাঁড়িয়ে দাঁড়িয়ে এক মিনিট তার সঙ্গে কথা বলে যায়,

একনজরের বেশি তাকায় না পাকাদের দিকে। এমনই তার আশ্চর্য সংযম ! অথবা ? পাকা ভাবে। ঘোষাল তাদের চা খাওয়ায়, চায়ের সঙ্গে লোচন ময়রার বিখ্যাত সন্দেশ। চায়ের সঙ্গে সন্দেশ ছাড়া মানাবে কেন ?

দেওয়ালের নীচের দিকটা আলকাতরা রং, মাথার ওপরে নিশ্চল পাখা, মেঝের মাঝখানে ভারী মোটা সরকারি টেবিল চেয়ার ছাড়া এতবড়ো ঘরটাতে শুধু বৃক্ষ শূন্যতার গাঙ্গীর্থ—দেওয়ালে ক্যালেন্ডার পর্যন্ত ঝোলানো নেই। জানালা দিয়ে চোখে পড়ে কম্পাউন্ডের সদর গেটে পাহারায় ও সশস্ত্র সিপাহির কোমর থেকে ওপরের অংশটা, রাস্তার ওপারে উঁচু দেয়াল ঘেরা মেটে লাল রঙের জেলের বাড়ির ওপরের দিকটা। কী রকম চেহারা জেলের ভেতরটার ? সাইকেলে, পায়ে হেঁটে কত শতবার জেলটার সামনে দিয়ে যাতায়াত করেছে কিন্তু ভেতরে কী আছে দেখবার সাধ তো কখনও পাকার হয়নি !

নলিনী চুপচাপ বসিয়ে রেখেছিল দুঘণ্টা, এখানেও ঘণ্টাখানেক কাটল। কি বিস্ত্রী শাস্তশিষ্ট ভদ্রভাবে এ রকম প্রতীক্ষা করা ! জেলটার পেছনে সূর্য আড়ালে পড়েছে।

আমাদের ধরেছেন কেন ?

আমি ঠিক জানি না। আমি আজ মোটে এসেছি।

পাকা জানে এটা মিছে কথা। ঘোষাল এবং আরও অনেককে নিয়ে কলকাতা থেকে কাল ভোরে স্পেশাল ট্রেনের আবির্ভাব তাদের অজানা নয়।

প্রতিমা সবিনয়ে বলে, আমি একটু ইয়েতে যাব।

বেশ তো, বেশ তো !

ঘোষাল আদালি ডেকে হুকুম দেয়। আদালির শুধু উর্দি সম্বল, অস্ত্রশস্ত্রের বালাই নেই। দরজার কাছ থেকে তাই আরও একজন প্রতিমার সঙ্গে যায়। সে অস্ত্রধারী।

তুমি একটু বসো পাকা।

ঘোষালও উঠে যায়। যায় নলিনী দারোগার ঘরে। নলিনী তড়াক করে উঠে দাঁড়ায়।

মেয়েটাকে ছেড়ে দিন। জেরা করে নেবেন, যদি কিছু বলে ফেলে। তবে ছুঁড়িটুড়িকে ওরা আসল কারবারে টানে না।

ইয়েস সার।

ছেলেটাকেও ছাড়তে হবে।

নলিনী শূন্যদৃষ্টিতে তাকায়।

আজ নয়, কাল। যদি না কনফেস করে। ভৈরব চাপ দেবে, ওপরে গিয়ে চাপ দেবে, তালুতে। বুঝলেন ? আসল কাউকে পেলেন না, ওই রেকর্ডে এইটুকু একটা বাচ্চাকে আটকেছেন জানলে ওপর থেকে জুতো আসবে, আস্ত জুতো। বুঝেছেন ?

হোঁড়াটা জানে সার, অনেক খবর জানে।

বার কবুন খবর। আমি দেখছি চেষ্টা করে। আমায় কিছু না বললে আজ রাতটা পাবেন, আপনারা চেষ্টা করে দেখুন। কাল ওকে ছেড়ে দিতেই হবে।

ঘোষালকে এক মুহূর্ত আনমনা দেখায়। মনে হয় কাব্যচিন্তা করছে।—কিন্তু মরে যেন না যায়। বাইরে যেন জখম না হয়। বুঝলেন ?

ইয়েস সার।

প্রতিমার ডাক পড়ে নলিনীর কাছে। আর সে ফেরে না।

ঘোষাল কথা বলে পাকার সঙ্গে, তার ছেলেবেলার কথা, তার মার কথা। সেই পুরনো কথা, আরও বিস্তারিত, রং ছড়ানো—কত নিবিড় স্নেহভরা আত্মীয়তার সম্পর্ক ছিল পাকার মার সঙ্গে

ঘোষালের, কত যত্নে কতরকম আচার করে, খাবার করে সে খাওয়াত ঘোষালকে। পাকা জানে তার মাকে টেনে আনবার মানে। মার কথায় সে ছেলেমানুষ বনে যায় এটা ঘোষাল টের পেয়েছিল গতবার ভৈরবের বাড়িতে যখন দেখা হয়। ফাঁপর ফাঁপর লাগে, অসহ্য ঠেকে। কিন্তু এটা ভৈরবের বৈঠকখানা নয়। হিসেবি সতর্ক হয়ে গেছে পাকার মন। সেও খানিকটা অভিনয় করে। একটু অভিভূত হবার ভাব দেখায়।

তারপর এক সময় নলিনী ঘরে আসে। দরজার কাছে দাঁড়িয়ে তার সঙ্গে চুপিচুপি কথা হয় ঘোষালের। কথার শেষে চিন্তিত গভীর দেখায় ঘোষালের মুখ।

বড়ো মুশকিলে ফেললে পাকা তুমি। মেয়েটিকে এরা ছেড়ে দিচ্ছে। প্রতিমা নাম নয় মেয়েটির ? প্রতিমা সব কথা খুলে বলেছে।

কীসের কথা ?

এতক্ষণে তবে কাজের কথা উঠল, আক্রমণ শুরু হল ! ভেতরটা শক্ত হয়ে যায় পাকার। ভয় করে। অসাবধানে কিছু বলে ফেলার ভয়, বোকামি করে সন্দেহ জাগাবার ভয়। প্রতিমাকে ছেড়ে দিয়েছে, কী দেয়নি—কে জানে ! তাকে তফাত করা হয়েছে। একা করা হয়েছে। এবার একা তাকে সামলাতে হবে সব।

ঘনিষ্ঠ, আপন হয় ঘোষাল। বলে যে পাকাকে সে বাঁচাবে যে করে হোক। সে ক্ষমতা তার আছে। পাকার বাবা ঘোষালের আপন বড়ো ভাইয়ের মতো—ছেলেবেলা থেকে পরিচয়। স্নেহ দিয়ে পাকার মা ঘোষালকে চিরদিনের জন্য বেঁধে রেখে দিয়ে গেছে। কিন্তু খুলে বলতে হবে সব কথা পাকাকে। না বলার কোনো মানে নেই। প্রতিমা সব বলে দিয়েছে। পুলিশও জানে। পাকা সব জানাক ঘোষালকে, নিজের দায়িত্বে সে তাকে ছেড়ে দেবে। নয়তো কী যে বিপদে পড়বে পাকা, সে যদি বুঝত—

কী বলব বলুন না ? খালি বলছেন বলতে হবে। আমি কিছু করিনি, মিছিমিছি আমায় ধরে এনে—

পাকা নিজেই বোঝে তার অভিনয় ভালো হচ্ছে না, একটু কেঁদে ফেলতে পারলে হত। কিন্তু কান্না না এলে উপায় কী ! তা ছাড়া এরা যদি বুঝতেও পারে সে না জানার ভান করেছে তাতেও বেশি কি এসে যাবে। তাকে বেশ সন্দেহ করেই ধরেছে, মিছিমিছি নয়। হয়তো অনেক কিছু জেনে শুনেনি ধরেছে। সে কিছু বলবে না এটুকু অস্বস্ত ববুক।

বাইরে আলো ম্লান হয়ে আসছে। আদালি ঘরে একটা আলো বুালিয়ে দিয়ে যায়, টেবিলেও একটা আলো দেয়।

ছেলেবেলা আমায় একজন গাঁজা খেতে শিখিয়েছিল পাকা। তাকে কাকা বলতাম—কাকাই বটে ! কী ভক্তিই যে করতাম ! তোমার মতোই বয়স হবে। বাবা একদিন টের পেয়ে বললেন : তুমি ছেলেমানুষ, তোমার দোষ নেই, তোমায় কিছু বলব না। কে তোমায় শিখিয়েছে তার নামটা বলো। কী বোকাই তখন ছিলাম ! বাবাও ছাড়বেন না, আমিও কিছুতে বলব না। শেষে দড়ি দিয়ে আমায় বেঁধে—মাথা হেলিয়ে হেলিয়ে ঘোষাল তার বাবার অতীত কর্তব্য পালনে সায় দেয়।—বাবা সত্যি আমায় বাঁচিয়েছিলেন। নয়তো গাঁজা খেয়ে কী হতাম কে জানে ! যে মুহুর্তে নাম বললাম, বাবা আমায় ছেড়ে দিলেন।

গাঁজা খেতেন ? ছি ছি ! আমি হলে বাবা জিঞ্জেরস করা মায়ে বলে দিতাম কে খেতে শিখিয়েছে।

সে সময়কার ঘোষালের মুখ পরবর্তী জীবনে অনেকবার মনে পড়েছে পাকার। বিশেষভাবে মনে পড়েছে যখন হঠাৎ ঠান্ডা লেগে বা আনমনে শক্ত কিছুতে কামড় দিয়ে জোড়া লাগানো ভাঙা চোয়ালদের হাড় টনটন করে উঠেছে। তিনটি আঙুলের একেবারে কদাকার নখ চোখে পড়েছে।

পরবর্তী জীবন, সে রাত্রির পরের।

যন্ত্রণার এক অজানা নতুন জগতের সঙ্গে প্রথম পরিচয়ের রাত্রি। কতটুকু আঙুল মানুষের, দেহের কতটুকু অংশ! সেই আঙুলের নখের নীচে একটা ছুঁচ ঢুকতে থাকলে জগৎটা বিদীর্ণ হয়ে যেতে চায়, কিন্তু যায় না। ক্ষুদ্র গোপন অঙ্গটি পিষ্ট হলেও তাই। চেতনার সীমায় তোলা যাতনার মধ্যে কোনো পার্থক্য নেই, সেই অনুভূতির জগতে সর্বাঙ্গ একাকার। এই অসহ্য অদ্ভুত জগতের সঙ্গে সে রাত্রির ঘনিষ্ঠতা ছাড়া, শূণ্য ও রকম নিবিড় ঘনিষ্ঠতা ছাড়া যে জগতের কোনো মানে মানুষের কাছে থাকে না, চেতনাকে কোনোদিন পাকা এমন অস্তুরঙ্গভাবে চিনতে পেরে না। মনে হয়তো কাব্য আর কল্পনা হয়েই থাকত চিরদিন, মনের জোরে মানুষের যন্ত্রণা জয় করাকে একটা দুটো মানুষের খেলো নাটকে বাহাদুরি বলেই জেনে রাখত। মনের জোর যেন দু-চারজন মানুষের একার সম্পত্তি, কোটি কোটি দুর্বল মনের ব্যতিক্রম, যন্ত্রণার সঙ্গে যুদ্ধে মানুষ হার মানবে এই নিয়মের অনিয়ম। যন্ত্রণাকে জয় করাই স্বভাব মানুষের, তার চেতনাটাই যন্ত্রণার সঙ্গে পাল্লা দেবার মতো ব্যথার সঙ্গে সঙ্গে স্তরে স্তরে তীর তীক্ষ্ণ হয়ে উঠতে থাকে চেতনাও, আয়ত্তে রেখে রেখে ব্যথাতেই কেন্দ্রীভূত হতে থাকে ছড়ানো জগৎ থেকে সরে এসে এসে, যন্ত্রণাহীন অকাতর বলে জগৎ থাকে না, জীবন থাকে না, জীবন থাকে না, কিছুই থাকে না। যন্ত্রণাই অস্তিত্ব, যন্ত্রণাই সব। যন্ত্রণার যত উন্মত্ত আক্রমণ, সেই আক্রমণেই তত ভেঁতা হয়ে যায় যন্ত্রণাবোধ। একটা সীমার পর চেতনা নিজেকে ঘুম পাড়িয়ে দেয়। মানে হারিয়ে মিথ্যে হয়ে যন্ত্রণা।

ভয়ানক বলে কোনো ব্যথা নেই, যন্ত্রণা নেই। কোনো মানুষ কোনোদিন ভীষণ কষ্ট পায়নি, পাবে না। ভয়ানক শূণ্য ভয়টা। যন্ত্রণা পাবার আগে মিথ্যা কল্পনার মিথ্যা যন্ত্রণা। যন্ত্রণার শেষ কথা মরণ। শূণ্য ভয়ের ফাঁকিতে যন্ত্রণা আর মরণ মানুষকে কাবু করে রেখেছে।

ভয় মানুষের তৈরি, স্বার্থপর মানুষের। ঘুমোতে না চাইলে পাকার মা পর্যন্ত পাকাকে ভয় দেখাত। মার কি ভয় ছিল না যে ঘুমিয়ে অসুখ করে পাকা মরে গেলে আদর করার সোহাগ করার বৃকে করে মেতে থাকার কেউ থাকবে না? পুতুল হারানোর ভয়ে মাও যদি ছেলের জন্য ভয় সৃষ্টি করে, কানাকড়ি হারানোর ভয়ে মানুষ কেন পরের জন্য ভয় সৃষ্টি করবে না?

হঠাৎ একদিন চরম দৈহিক যন্ত্রণা ভোগ করে পাকা বীরত্বের মর্ম বুঝেছে, জেনেছে যে যন্ত্রণা আর মৃত্যুকে জয় করা মানুষেরই বাস্তব জীবনের সাধারণ বাস্তব ধর্ম।

যাই হোক, নির্যাতনের ফলে একটা উপকার হয়েছে। মনের গতিটা ঘুরেছে পাকার। দ্রুত অনিবার্য বেগে অস্তুরঙ্গতে একটা বিপ্লব ঘটান মতো। জ্ঞান ফেরার পর তৃতীয় কি চতুর্থ দিনে, প্রতিমা খানিকটা উদবেগের সঙ্গেই শূন্যেছিল, কিছু বলেছে কি-না মনে আছে?

বলিনি।

তখনও একটা অস্পষ্ট স্বপ্ন অনুভব করেছিল। না বলাটা তার বাহাদুরি হয়নি, একটা বিচ্ছিন্ন বিশেষ ঘটনা ঘটেনি তার জীবনে, মানুষের একটা রীতি, সাধারণ নীতি পালিত হয়েছে মাত্র— অনির্দিষ্ট মানুষের মধ্যে নিজের ছড়িয়ে যাওয়া এই অনির্দিষ্ট অনুভূতিতে যেন মোটামুটি একটা মীমাংসা হয়ে গেছে তার মর্মান্তিক বিরোধের, সারা জগতের সঙ্গে একা ঝগড়া করার। এ সব অনুভূতি নিজে বুঝবার মতো পুষ্ট হতে দানা বাঁধতে বহুকাল লেগেছিল, কিন্তু অভিশপ্ত শত্রু-জগতের সঙ্গে আত্মীয়তা তার শূন্য হল জ্ঞান ফিরে আসার সঙ্গে সঙ্গে। পচা আবদ্ধ ভদ্র জীবনের ওপর রাগ করে বেচারি মরিয়া হয়ে রীতি-নীতি নিয়ম-কানুন বাধা-নিষেধের দেয়াল শূণ্য ভেঙেই চলেছিল, নিজের ঘৃণা আর জ্বালার চাবুকে পাগল হয়ে বাড়িয়েই চলেছিল দিশেহারার মতো ছুটে বেড়াবার

জন্যে আরও বড়ো—আরও বড়ো জগৎ : জগৎ যত বড়ো হয়েছে, চলাফেরা মেলামেশোর জগৎ, দিবারাত্রির জগৎ, নিয়মহীনতার জগৎ, তত তাকে গুটিয়ে আসতে হয়েছে নিজের মধ্যে। ভদ্র মেহের বাঁধন ছিঁড়ে কী হবে, কী হবে মিস্তি হাসি গান গল্প গন্ধ শোভা ভরা সাজানো ঘর ছেড়ে পথে পথে খুলোয় হেঁটে, নরম বিছানার স্বপ্নালু ঘুমের বদলে চামার বস্তিতে হইচই করে, সাপ জঙ্গলের বরনার ধারে একার ভাবরাজ্য গড়ে তুলে, সাইকেলে দূর গাঁয়ে পাড়ি দিয়ে, বিপজ্জনক মরণরতে অংশ নিয়ে, কাউকে যদি সে আপন না করে, কাউকে ভালো না বাসে ! নিজেকে না দিলে কে তাকে আপন করবে, কার সাধ্য আছে : কীসে তার সাধ মিটবে, শুধু তারই জন্য জগতে কে আছে !

ভীру আত্মীয়বন্ধুরা পাকার খবরও নেয় না, দেখতেও আসে না। সে বিপজ্জনক হয়ে গেছে। গবর্নমেন্ট। ভদ্রতা বা আত্মীয়তা রাখতে গিয়ে কীসে কী হবে কে জানে, যখন খুশি যাকে খুশি যে কারণে খুশি ধরে নিয়ে যতদিন খুশি আটক রাখার যা খুশি করার আইন পর্যন্ত আছে। শত্রু হলেও অহিংস কংগ্রেস সম্পর্কে গবর্নমেন্ট বরং অনেকটা উদার। পাকার মতো মারাত্মক জীবদের যারা ছায়া মাড়ায় তাদেরও গবর্নমেন্ট ক্ষমা করে না।

তা হোক, জগতে সবাই ভীру নয়, ভীৰুই জগতে সব চেয়ে কম। পাকা কাউকে ভালো না বাসুক, তাকে অনেকে ভালোবাসে। শুধু তার অশান্ত অবস্থা উদ্ভ্রান্ত প্রাণটুকু, তেজি প্রাণটুকু কত প্রাণে টান জন্মিয়েছে সে হিসাবও পাকা কখনও রাখেনি, পাকাকে যাদের আপন ভাবাব অধিকার তারাও ভাবেনি। ছেলে-বুড়া মেয়ে-পুরুষ এত লোক তাকে দেখতে আর খবর নিতে আসে, জাত-বেজাতের লোক, যেন খাপছাড়া ঠেকে ব্যাপারটা সবার কাছে। সংখ্যায় তুলনায় কম হোক, ভদ্র জাতও অনেকে আসে। সংখ্যার স্বল্পতাটা ফাঁপিয়ে দেয় স্কুল-কলেজের ছাত্ররা—স্কুলের ছেলে পাকার যে এত কলেজীয় বন্ধু আছে কে তা জানত ! দোকানি মিস্ত্রি ফিবিওয়াল্লা আসে—গঙ্গা কামার সপরিবারে, বাচ্চাকে পর্যন্ত কাঁধে চাপিয়ে। খবর পেয়ে চামার-বস্তি ফাঁকা হয়ে এসে নিঃশব্দে জমা হয় ভৈরবের বাড়ির সম্মুখে, বেঙি জেনে নেয় পাকা বেঁচে আছে এবং অবশ্য অবশ্য বেঁচেই থাকবে, চূপচাপ সকলে আবার বস্তিতে ফিরে যায়। আটলিগাঁর মতো আরও কতকগুলি গ্রাম পাকার কুশল চায়। এত তাড়াতাড়ি কী করে চারিদিকে খবর ছড়াল কেউ ভেবে পায় না।

অমিয়া প্রতিমাকে বলে, দেখেছ কাণ্ড ?

চোখের নীচে কালি পড়েছে নতুন মামির। পাকার মাথায় আইসব্যাগ চেপে ধরে সে থাকে প্রতিবাদের হতাশার প্রতিমূর্তির মতো, পাকার গরম মাথা বরফ দিয়ে ঠাণ্ডা করার ভরসা যেন তাব চিরতরে মুছে গেছে, এ শুধু নিয়ম পালন।

প্রতিমাও কম আশ্চর্য হয়নি। পাকাকে সে ছেলেমানুষ বলেই জানত। কোন ফাঁকে সে এত বড়ো হয়ে গেছে টেরও পাওয়া যায়নি। আজ এ ভাবে শুয়ে থাকতে দেখে তারও প্রথম খেয়াল হয়েছে অমিতাভের চেয়েও পাকা বেশি ঢাঙা।

দশ

১

পরের বছর ম্যাট্রিকুলেশন পরীক্ষার সময় বসন্তকাল এল। দখিনা আর কোকিলের কলরব তো বটেই, গুটি বসন্তের একটু উগ্রতার মহামারি নিয়ন্ত্রণে। পরীক্ষা দিয়ে পাঁচ ফিরেছে আটলিগাঁ। পাকা গিয়েছে দেশভ্রমণে, অনন্ত আর নতুন মামির সঙ্গে। ভ্রমণে নতুন মামির শ্রান্তি এলেই পাকার কেটে পড়ার ইচ্ছা। একা খুশিমতো বেড়াবে। ভারতের এদিক ওদিক।

এতকাল পরে পাকার বাবা আর একটা বিয়ে করেছে। ছেলের স্বদেশিওলাদের সঙ্গে যোগাযোগের ফলে তার চাকরির দারুণ অবনতি ঘটেছে। ভবিষ্যতে কী আছে কে জানে ! অবাধ্য বিপথগামী ছেলে মন ভেঙে দিয়েছে। বিয়ের কারণ অবশ্য সেটা নয়।

পাকা বলেছিল পাঁচুকে, বয়ে গেল। সংমা তো আর মা নয়। বাবার শখ হয়েছে বিয়ে করেছে, আমার কী ?

কিন্তু পাঁচুর কাছে পাকা প্রায় স্বচ্ছ। তার আঘাত আর অপমান পাঁচুর কাছে গোপন থাকেনি।

লেখাপড়ার লম্বা ছুটি, পাঁচুর কাজের অভাব নেই। ভাবনা চিন্তা মানস-কল্পনার অভাবও ঘটে না। গেরস্ত চাষির বড়ো সংসার, জমিজমা গোরু-বাছুরের সম্পদ কম। কম বলেই ছোটোবড়ো খুঁটিনাটি সব কাজ নিজেদের করতে হয়, লোক রাখার সাধ্য নাই। ঘরের কাজ, মাঠের কাজ, বাজারের কাজ, হাটবাজারের কাজ—সব কিছুই অংশ পাঁচুর জুটে যায় পরীক্ষা দিয়ে বাড়িতে পা দেওয়ার সঙ্গে সঙ্গে। চিঠি আর দরখাস্ত লেখবার জন্য অনেকে আসে, বাড়িতে ডাকে। পাঁচুর হাতের লেখা মুক্তার মতো সুন্দর, চিঠি লিখতে এক পয়সা ও দরখাস্ত লিখতে দু-পয়সা মজুরি নেয় পাঁচু। লেখাপড়া শিখতে অনেক খরচ, বড়ো কষ্টের পয়সা খরচ।

পবীক্ষার খরচ জোগাতে পাঁচুর মার একটি গয়না গেছে। রুপোর গয়না, ওইটাই তার শেষ সম্বল ছিল।

পনী, ' দিয়েই যেমন তেমন সাময়িক একটা চাকরি করার সাধ ছিল পাঁচুর, ধনদাস রাজি হয়নি। তাছাড়া, চাকরিই বা কোথায় ! তার চেয়ে ঢের বেশি পাশ করা ঢের ছেলে বেকার বসে আছে। দেশের হালচাল বড়ো খারাপ। অনেককাল চাকবি করছে এমন অনেকের চাকরি পর্যন্ত খসে যাচ্ছে।

আর কি লেখাপড়া হবে ? মাঝে মাঝে এ ভাবনাটা পাঁচুর মনে আসে, তেমন জোরালো আকাঙ্ক্ষার রূপে নয়। লেখাপড়া শিখে বড়ো হবার উগ্র উচ্চাকাঙ্ক্ষা তার জন্য নয়, ও সব কামনার শিকড় তার জীবনেও গভীর স্তরে পশে না, রস পেয়ে পুষ্ট হয় না। জজ ম্যাজিস্টার অন্য জগতের জীব, অন্য জগতের জীবনের সার্থকতা, তার জগতের নয়। লেখাপড়া শিখে জজ ম্যাজিস্টার হওয়ার সাধ বা স্বপ্ন তার জগতে এত কৃত্রিম যে রাজা হওয়ার আশীর্বাদটা বরং ঢের বেশি বাস্তব আর স্বাভাবিক শোনায়।

তবে কলেজে পড়ার ইচ্ছা পাঁচুর হয়। পাশ করে পাকা নিশ্চয় কলেজে ভরতি হবে। পাকার সঙ্গে পড়তে পেলে মন্দ হয় না। কিন্তু তাতেও ওই জগতান্তরিত হবার দরকার থাকার অসুবিধা। কলেজে পড়তে এদিকে বাপখুড়োকে প্রায় সর্বস্বান্ত হতে হবে। যেমন আশা কবেছিল, পরীক্ষা তত ভালো হয়নি, পাঁচ-দশটাকা বৃত্তি যদি পাওয়াও যায়, বাড়ির অবস্থা কাহিল হওয়া তাতে ঠেকবে না। তার চেয়ে বড়ো কথা, ও রকম সর্বস্ব পণ করে লেখাপড়া শিখতে গেলে শুধু আর একটা পাশ করে খেমে যাওয়ার মানে হয় না। ম্যাট্রিক পর্যন্ত পড়ে শেষ করা যায়, চাকা এক পাক ঘুরল, তার সমাজ সংসারে গণ্য হওয়ার মতো মূল্য বাড়ল। চাকা আবার ঘোবালে অস্ত বি.এ. পাশ পর্যন্ত আর একটা পুরো পাক ঘুরতে দেওয়া চাই। চার বছর পড়া, চার বছর পড়ে অন্য সমাজ সংসারের মানুষ হয়ে যাওয়া, কারণ ওখানে ছাড়া তার আর তখন নিজের জগতে মূল্য নেই, সে সীমা পার হয়ে গেছে।

ভদ্রলোকের জগৎ সম্পর্কে পাঁচুর যথেষ্ট মোহ আছে। কিন্তু চাষাভূসোর জগৎ তার এমন আপন, এত প্রিয় যে তাকে বিগড়ে দেওয়া সামান্য মোহের কাজ নয়।

যেটুকু ঘষামাজা পেয়েছে তাতেই তার চোখে তার জগৎ বেশ খানিকটা নিঃস্ব অর্থহীন কুৎসিত হয়ে গেছে তবু। কী যে তার অবস্থা হত কে জানে, হয়তো গাঁয়ের চাষির জীবন আর চাষি আত্মীয়বন্ধুর প্রতি ভালোবাসা অশ্রদ্ধায় বিধিয়ে যেত, পাকা তাকে বাঁচিয়ে দিয়েছে। ভদ্রজীবনে পাকার বিদ্রোহ, অমার্জিত চাষাড়ে জীবনের সঙ্গে ঘনিষ্ঠ হবার জন্য তার ব্যাকুলতা এ খড়ের বাড়িতে

এসে তার মুখ নোংরা গরিব বাপখুড়ো পিসিমাসি ভাইবোনদের মধ্যে বিনা সমালোচনায় সহজ শ্রদ্ধা সহজ আনন্দে বাস করা, পাঁচুর নজরকে নতুন ভঙ্গি দিয়েছে। তার কাকা একগুঁয়ে জ্ঞানদাসের গোঁয়ো উগ্রতাকে বিদ্রোহের মর্যাদা দিয়ে চিরদিনের জন্য পাঁচুকে পাকা আত্মমর্যাদার ভিত্তি দিয়ে গেছে।

মনে মনে সে কাকার পরম ভক্ত, মাঝখানে শুধু কিছুদিনের জন্য একটা খটকা লেগেছিল। কাকা বুঝি তার শুধু মাথা গরম গোঁয়ার, দেশও বোঝে না, স্বাধীনতাও বোঝে না, বাঁড়ের মতো শিং নেড়ে শুধু গুঁতোতে জানে। পাকা জ্ঞানদাসকে খাঁটি বীরের সম্মান দিয়ে তার মনের সংশয়ের মেঘ কাটিয়ে দিয়ে গেছে।

দেশ ও স্বাধীনতা-সংগ্রামের বিখ্যাত কত ভদ্র নেতার সম্পর্কে পাকার সাংঘাতিক অভক্তি আর কটুক্তি পাঁচুকে চমকে চমকে দিত। সেই পাকা জ্ঞানদাসকে—তার গোঁয়ার-গোবিন্দ কাকাকে—শ্রদ্ধাভক্তি দিয়ে গেছে। পাঁচুর কি আর সংশয় থাকে !

বাড় থেকে বাড়তি বাঁশ কাটা হয়েছে গোটা দশ-বারো। কাল হাটবার, গাড়িতে হাটে বেচতে পাঠাতে হবে। পাঁচুও হাত লাগিয়েছে। ধারালো দা দিয়ে কাটা বাঁশের কঞ্চি সাফ করতে করতে তার মনে হল একটা কথা। হাটে না পাঠিয়ে—

আঁ ?

হাট দুকোশ তো ? সদর সাত কোশ। হাট থে বাঁশ লেবে লোচন রসিক না তো খলিমুদ্দীরা। ফের সদরে চালান দেবে, লাভ করবে। তার চেয়ে মোরা যদি—

হাঁ ?

বসন্তের কাছারি-বাড়ি সংস্কারের জন্য দুটি বাঁশ দিতে হবে, ঘাড়ে করে নিয়ে গিয়ে পৌঁছে দিয়ে আসতে হবে।

ধনদাস ঠেকনা বাঁশের লাঠি কাটছিল। ডগার সবু দিক থেকে বা শাখা থেকে লাঠির মতো একরকম ঠেকনা নিতে হয়, মাথায় বাঁশ বইতে হলে, দম ফুরিয়ে গেলে একটু থেমে জিরোবার সময় মাথার বদলে এই ঠেকনা লাঠিতে দিতে হয় বাঁশের ভার। দুটি বাড়তি সবুজ বাঁশের ওজন কত সে-ই জানে যে বাঁশের জোড়া মাথায় চাপিয়ে বয়। পুষ্ট মোটা তিনটি বাঁশ বইবার সাধ্য জোয়ান মন্দেরও হয় না। দম ফেটে যাবে, ঘাড় বেঁকে যাবে। হাট-বাজারে মাথায় যারা বাঁশ বয়ে নেয়, দুটির বেশি বাঁশ বড়ো দেখা যায় না।

সদরে দরটা কেমন ?

তা কে জানে ! পাঁচুকে মানতে হয়, তবে কিনা হাট থে কিনে সদরে তো চালান দেয়। মোরা যদি সদরে যাই—

মুখ চাওয়াচাওয়ি করে না ধনদাস আর জ্ঞানদাস। একজন বাঁশ-বাড়টার দিকে, আর একজন বাতাবি লেবু গাছের বাড়তি রংলাগা ফলটার দিকে দু-চারক্ষণ তাকিয়ে থাকে। তারাই খরচ করে পাঁচুকে সদর স্কুলে পড়িয়েছে, তারাই যদি এখন পাঁচুর মতামতকে যথেষ্ট পরিমাণ মর্যাদা না দেয় তা হলে চলবে কেন !

কথাটা মন্দ নয়।

জ্ঞানদাস প্রথম সায় দেয়। কী মৃদু তার কথা, স্নেহ-শ্রদ্ধা, মায়া-মমতায় কী স্নিগ্ধ সুমিষ্ট তার উচ্চারণ ! এই জ্ঞানদাস নাকি জমিদার বসন্তের প্রাপ্য খাতির দেয় না, বেকার খাটতে ডাকলে কর্কশ জবাব দেয়, বসন্তের লেঠেলের মাথা ফাটিয়ে রক্তপাত করে।

ধনদাস শুধু বলে, তা দেখি একবার। তোমরা বলছ।

সেদিন তারা সপরিবারে এই নতুন প্রচেষ্টার রোমাঞ্চ ভোগ করে। বড়ো একটা শোল মাছ ধরে ঝাল রান্না হয়। মাছটা ধরে আনে পিসি সুভদ্রা। পরের পুকুরে দুবছর ধরে গোষা মাছ, এমনই দরকারের জন্যই বুঝি সুভদ্রা এঁটোকাঁটা ভাতের কণা কুড়িয়ে দুবছর প্রতিদিন দুপুরে খাওয়ার পর

ডোবার ঘাটে গিয়ে বাঁ হাতে জলে ছলছল শব্দ করে ডান হাত জলে ডুবিয়েছে—হাত ঠুকরে ঠুকরে শোল মাছটা খাবার খেয়ে গেছে। আজ খপ করে কানকোর নীচে চেপে ধরে তাকেই অনায়াসে ধরে এনে সুভদ্রা মাছের ঝাল রান্না করল।

ভোর ৰাত্ৰে যাত্ৰা। অন্ধকাৰ থাকতে। দ্যাখো, আটলিগাঁৱৰ আকাশেও আজ চাঁদ অস্ত যাচ্ছে। চাঁদের অস্ত যাওয়ার মহিমায় ভোর ৰাত্ৰিৰ প্ৰবাদবাক্যেৰ অন্ধকাৰ আজ আম, জাম, বকুল, পলাশেৰ দীৰ্ঘ ছায়ায় ঠাঁই পেয়েছে। গাছ যেন ৰোদেই ছায়া দেয়, দিনেৰ বেলায়। সবাই যখন সজাগ। ভোৱ ৰাত্ৰেৰ ঘুম-কাতৰ চোখকে যেন গাছেৰ ছায়া আশ্ৰয় আৰ বিশ্ৰাম দেয় না।

গোব্ৰুৰ গাড়িতে সদৰ বাজাৰে বাঁশ বিক্ৰি করতে গেল খুড়ো-ভাইপো। মছ্ৰ, দীৰ্ঘপথ, সাইকেলেও সদৰ এত দূৰ নয়। পৌঁছেতেই দুপুৰ হয়ে গেল, বাজাৰ তখন ভেঙে গেছে। এদিকে ৰাত দুপুৰে ৰওনা দেওয়া উচিত ছিল। অতুলেৰ বাঁশকাঠেৰ আড়ত পাঁচুৰ জানা ছিল। দৰ সুবিধে পাওয়া গেল না। সে বেলাৰ মতো বাজাৰ ভেঙে গেছে বলে নয়। মাছ-তৰকাৰিৰ মতো বাঁশেৰ বাজাৰেৰ এ বেলা ও বেলা নেই, দৰটাই পড়ে গেছে এ সব জিনিসেৰ, মাটিতে যা জন্মায়। গাঁয়েৰ হাটে আট ন আনা পেত, সদৰে এসে গড়ে এগাৰো আনা। তাৰই জন্য দুটো মানুষ দুটো গোব্ৰুৰ দিন ভোৱ খাটুনি।

না, বাণিজ্য তাৰে পোষাবে না। গাড়িটা পুৰো বোঝাই বাঁশ এনে বেচলে কিছু হত, দশটা-বাৰোটা বাঁশ এনে বাবসা হয় না।

ফেৰাৰ আগে বিকালেৰ দিকে পাঁচু ভৈৰবেৰ বাড়িতে পাকাৰ খবৰ আনতে যায়। এ বাড়িতে সে অচেনা নয়, কিন্তু পাকা নেই, কে আদৰ করে বসাবে ! পাকা ? পাকা নেই। কোথায় আছে ? কে জানে, কদিন আগে শ্ৰীনগৰ থেকে একটা চিঠি এসেছে।

সাইকেলেৰ দোকানে কানাই কেৰোসিন তেলে ফ্ৰি-হুইল সাফ কৰছিল। পৰীক্ষা দিয়ে সেও দোকানেৰ কাজে বেশি মন দিয়েছে। তাৰও লেখাপড়া সম্ভবত এই ম্যাট্ৰিকুলেশনেই সমাপ্তি। নলিনী দাৰোগাৰ বউয়েৰ গয়না-ডাকাতিৰ ব্যাপাৰে মাৰধোৰ খেয়ে কানাইয়েৰ জ্বৰ এসেছিল, ডাকাতিৰ ধাক্কাও গেছে তাৰ ওপৰ দিয়ে। মাৰ খেয়েছে, মাস দুই আটক থেকেছে, এখন আছে নজৰে নজৰে, মাঝে মাঝে জিজ্ঞাসাবাদেৰ জন্য ডাক পড়ে। শুধু সন্দেহ, সন্দেহজনক গতিবিধি আৰ মেলামেশা ছাড়া তাৰ ৰেকৰ্ড নিৰ্দোষ, নিষ্পাপ। তাৰ চেয়ে বৰং পাকাৰ ৰেকৰ্ড খাৰাপ ছিল। অথচ পাকাকে শুধু দলেৰ বন্ধু বলা যায়, দলেৰ ঘনিষ্ঠ সক্রিয় কৰ্মী। কানাই শান্ত শক্ত, চাপা ছেলে। যেটুকু তাৰ ছেলেমানুষি ছলকে বেড়ানো, সে শুধু বন্ধুদেৰ সঙ্গে মেলামেশাৰ জন্য, তাৰ দলেৰ খাতিৰেই। দলেৰ জন্য উপযুক্ত ছেলেৰ প্ৰাথমিক খোঁজ আৰ বাছাই তাৰ কাজ। এত ঘনিষ্ঠভাবে মিশেও এ জন্য পাকা তাকে কখনও বুঝতে পাৰেনি, একসঙ্গে বিড়ি তামাক টেনে আড্ডা মাৰাৰ মধ্যেও তাৰ চৰিত্ৰেৰ একটা গোপন কঠোৰতা তাকে পীড়ন কৰেছে, তাকে ত্যাগ কৰে দূৰে সৰে যাওয়াৰ জ্বালায় জ্বালায় কাবু হয়েছে। কোন গুণে কানাইকে কালীনাথ তাৰ চেয়ে বিশ্বাস কৰেছে, বেশি মূল্য দিয়েছে পাকা কখনও ভেবে পায়নি।

কিন্তু পাঁচু খানিকটা অনুমান করতে পাৰে। ভাবপ্ৰবণতায় তাৰ বিচাৰ-বুদ্ধি ঝাপসা নয়। তা থেকেই এসেছে সংসাৰে সাধাৰণ চালচলনেৰ ৰীতিনীতিবোধ। কানাইয়েৰ গোপন বিপ্লবী জীৱন একটা আছে আন্দাজ কৰেও কোনোদিন সে তাকে কোনো প্ৰশ্ন কৰেনি।

আজ বিচাৰ বিবেচনা কৰে সে শুধায় : কালীদা ধৰা পড়েনি, না ?

না।

অন্য নতুন কেউ ?

না।

আর কিছুই সে জিজ্ঞাসা করে না এ বিষয়ে। তার এ স্বাভাবিক সংযম জানে বলেই কানাইও এমন জবাব দিয়েছে যার স্পষ্ট মানে এই যে কালীনাথদের খবর সে রাখে। নয়তো সে শুধু বলত : আমি কী জানি ?

কানাইয়ের ন-বছরের নোলকপরা বোন রাধি দুটো কাঁসার বাটিতে তাদের মোয়া দিয়ে যায়। হাত না ধুয়ে দু পরল কাগজ দিয়ে ধরে কানাই মোয়া খায়, বলে, শ্যামলবাবু আছে কেমন ?

তেমনই আছে।

শ্যামলের খবরটা তার নিজে থেকে দেওয়া উচিত ছিল, পাঁচু ভাবে। এদের জগতের লোক সে। কবে শেষ হয়ে গেছে শ্যামলের বিপ্লবী জীবন, ক্ষীণ অশক্ত শরীর নিয়ে কোনোমতে সে টিকে আছে একটা গাঁয়ের একপ্রান্তে, তবু তার কুশলটাই কানাইদের কাছে মূল্যবান, সে তাদের আপনজন, একদিন সে বিপ্লব করেছে। বাঞ্চনপুর থেকে কেউ আটুলিগাঁয়ে তাদের বাড়ি এলে সে যেমন জিজ্ঞাসা করত তার মামার খবর, আটুলিগাঁ থেকে সে এসেছে বলে তেমনভাবে কানাই জিজ্ঞেস করছে শ্যামলের কথা। কানাইয়ের কাছে আটুলিগাঁয়ে একজন মানুষ থাকে, পুরানো বিপ্লবী শ্যামল।

তাই বটে। আত্মীয়তার মানেই তাই।

এই রাধি লো ! জল দিবি নে ?

মুখচোখ কুঁচকে ফোকলা দাঁত বার করা একরাশি হাসি দিয়ে এই ত্রুটি ঢেকে রাধি জল আনে। ধনদাস সম্প্রতি পাঁচুর বিয়ের কথা বলছে, এই বয়সি এই রকম একটি মেয়ের সঙ্গে, হয়তো দুধে দাঁত খসে এমনি ফোকলাও হবে। ভাবলে পাঁচুর গা ঘিনঘিন করে না। আত্মীয়-কুটুম-স্বজাতির ঘরে ঘরে এই বয়সের কেন, এর চেয়ে কচিকচি বউ দেখাই তার অভ্যাস, সংস্কার। তবে কি-না বিয়ের সাধ তার নেই। জ্ঞানদাসেরও অমত। বিয়ে কি পালায় বেটাছেলের ? যাক না কিছুকাল, সাত-তাড়াতাড়ি বাঁধনের কী দরকার !

আজকেই ফিরে যাবি ? কানাই বলে।

নইলে থাকব কোথা ?

এখানে থাক না আজ।

কথাটা বড়ো ভালো লাগে পাঁচুর। পাকার মধ্যস্থতায় তার কানাইয়ের সঙ্গে বন্ধুত্ব। পাকা না থাকায় আজ সে দূরত্ব বোধ করছিল, বন্ধুর কাছে এসেও বন্ধুকে না পাওয়ায় কষ্ট বোধ করছিল। এক মুহূর্তে সে খুশি হয়ে উঠল।

দাঁড়া তবে বিদেয় করে আসি কাকাকে।

বন্ধুর বাড়ি একটা দিন কাটাবার লোভের প্রায়শ্চিত্ত করতে হয় পাঁচুর। পাঁচ ঘণ্টা খানায় কাটিয়ে আটুলিগাঁ ফিরতে হয়। হয়রানির একশেষ।

২

থমথমে মুখে জ্বলজ্বলে চাউনি, তাতে আবার ঘনঘন নিশ্বাস। দেখেই ধনদাসের টের পেতে বাকি রইল না ছেলোটর বেজায় জ্বর এসে গেছে—ম্যালোরি। জ্ঞানদাস আন্দাজ করল, জ্বরজারি সাধারণ ব্যাপার নয়, কিছু একটা ঘটেছে, যা খেয়ে জখম হয়েছে পাঁচু। দেহমন দুয়েই জখম হয়েছে, নয়তো এমন হত না। দাঁতে দাঁতে ঠুঁকে যায় জ্ঞানদাসের, দুচোখ জ্বলে ওঠে। রও রও তোমার সাথে বোঝা পড়া হবে জ্ঞানদাসের, যে তুমি এমন করে যা দিয়েছ তাদের পাঁচুকে। তা হও গে সে তুমি দারোগা জমিদার লাটসায়ের ! আগে একবার শুনতে দাও ব্যাপারটা।

বীজ্য-
সর্বোচ্চ গুণগতমান

১) প্রথম পর্ব, যেখানে বীজ্যের বৈশিষ্ট্য এবং এর গুণগত মান নির্ধারণ করা হয়।
 ২) প্রথম পর্বের পরে বীজ্যের গুণগত মান নির্ধারণ করা হয়।
 ৩) প্রথম পর্বের পরে বীজ্যের গুণগত মান নির্ধারণ করা হয়।

১) প্রথম পর্বের পরে বীজ্যের গুণগত মান নির্ধারণ করা হয়।
 ২) প্রথম পর্বের পরে বীজ্যের গুণগত মান নির্ধারণ করা হয়।
 ৩) প্রথম পর্বের পরে বীজ্যের গুণগত মান নির্ধারণ করা হয়।

১) প্রথম পর্বের পরে বীজ্যের গুণগত মান নির্ধারণ করা হয়।
 ২) প্রথম পর্বের পরে বীজ্যের গুণগত মান নির্ধারণ করা হয়।
 ৩) প্রথম পর্বের পরে বীজ্যের গুণগত মান নির্ধারণ করা হয়।

জীযন্ত পাণ্ডুলিপির একটি পৃষ্ঠা

কিন্তু না, এক খাবলা গুড় আর কলসির ঠান্ডা জল না খাইয়ে পাঁচুকে সে মুখ খুলতে দেয় না। তেতে পুড়ে ঝিদে তেষ্ঠায় এমনই কাতর ছেলেটা, মনের জ্বালা মুখে প্রকাশ করতে গিয়ে আরও তো তাতবে।

বলিস কেনে জিরিয়ে লিয়ে ? মিঠে আর জলটুকু খেয়ে নে আগে। দুকুর গড়িয়ে গেছে বেলা, গরম কত !

ঠান্ডা হয়ে বাড়িতে ফেনিয়ে রোমাঞ্চকর বিবরণ দেয় পাঁচু, কথা আর অঙ্গভঙ্গি মিলে কী যে জমজমট প্রাণবন্ত হয়ে ওঠে তার বর্ণনা। তার প্রাণ থেকে যে তীব্র ঝাঁজ আর উগ্র ক্ষোভ উথলে বেরিয়ে আসতে থাকে সোজা স্পষ্ট গৈয়ো ভাষায় শুনলে নলিনী দারোগারও চমক লেগে যেত। পাকার কথা ধরাই চলে না, কানাইয়ের তুলনায়ও তার পাঁচ ঘন্টার নির্যাতন এক রকম কিছুই নয় বলা চলে। কিন্তু ওদের চেয়ে তার যেন শতগুণ বেশি রাগ। চাষার ছেলে ভীৰু নরম হয়, পাঁচুর রকম দেখে এ ধারণা আর টিকিয়ে রাখা যায় না। পাঁচ ঘন্টা সে কেন তবে মুখ বুজে সব সয়ে গিয়েছিল, একবারও ফৌস করে ওঠেনি। ওটাও রীতি চাষার ছেলের, অত তার ফাঁকা ভাবোচ্ছাস থাকে না, আলগা হয়েও থাকে না হৃদয় মনের ছিপি যে মিছামিছি বেহিসেবি ফুঁসে উঠবে। মাটি তাকে ধৈর্য শেখায়।

ঘরের দাওয়ায় এখানে বিপদ নেই বলে যে প্রাণ খুলে ছাঁকা মিথ্যা আওড়াচ্ছে তাও সত্য নয়। যতটা সে বলতে পারছে তার চেয়ে অনেক বেশিই বরং তার অন্তরের বিক্ষোভ, খাঁটি জ্বালা। কারণ, এ তো শুধু তার উপর নির্যাতনের কথা নয়। এক রাত্রির অত্যাচারে মরতে মরতে বেঁচে উঠে পাকা না হয় একা সে অত্যাচারের জ্বালা নিজের বুকে পুষে সামলে উঠতে দেশভ্রমণে গেছে, সে ভ্রমণের ছেলে, তার দরাজ বুক। এর আগে সরকারি দাপটের টোকাটিও পাঁচুর গায়ে কখনও সরাসরি লাগেনি, তার জীবনে খানায় গিয়ে নলিনী ও তার সাজোপাজোর কানমলা চড়াপড় গালাগালি গায়ে মাখা এই প্রথম। তাই বলে দেশজুড়ে অন্যায়ে জগদ্দল চাপ কি জন্ম থেকে তার বুক চাপ দেয়নি ? গাঁয়ে তার আপন কাকা জ্ঞানদাস আর শহরে তার আপন বন্ধু পাকা ও কানাই কি শুধু তাকে জ্বালা জুগিয়েছে ? জ্ঞান হয়ে থেকে হৃদয় মন জ্বালা করার অসংখ্য কারণ দেখে আসছে, শূনে আসছে—বইয়ে অনাচার অত্যাচারের বিবরণ পড়ে রক্তে আগুন ধরে গেছে। রাগ তাই পাঁচু কম সঞ্চয় করেনি এই বয়সে। স্কুলে পড়লেও মনের চাবাড়ে ভৌতা গুণটা রয়ে গেছে বলে, যা নিছক সহনশীলতা—সয়ে সয়ে সব কিছু সয়ে যাবার বংশগত অভ্যাস, নিজে যা খাওয়ার আগে রাগটা তাই এমনভাবে ফেটে পড়েনি।

ও শালাকে তুমি ঘায়েল করো কাকা, এসো মোরা মারি ওটাকে।

পাঁচু এমনভাবে কাঁদে যেন ফুসফুসে তপ্ত বাষ্প ছাড়ছে, এমনভাবে থরথর করে কাঁপে যেন আঘাত হানার উদ্দাম কামনাই দেহটা নাড়ছে। বাঁশের টেঙ্গ লাগান শালের খুঁটিতে ঠেস দিয়ে বসেছিল প্রথমে, কথা শুরু করে সিঁদেই উঠেছিল, এখন একেবারে উঠে দাঁড়িয়েছে। তার উগ্রমূর্তি দেখলে ভয় করে।

ভয় করে এই জন্য যে, এ তো বাপখুড়োর সামনে হাষিতাষি করা নয় যে ঘরের দাওয়ায় রাগ ঝেড়ে ঠান্ডা হয়ে যাবে। ফৌসফৌসিয়ে জ্বালা উপে যায় না তাদের, বুকুই থাকে,—ভাষার সঞ্জো সারা দেহটা লাগিয়ে প্রকাশ করার এমনই ব্যাকুল চেষ্ঠায় না কমে বেড়েই যায়।

সুভদ্রা ডুকরে কেঁদে ওঠে : ও কথা বলিস নে বাপ ! মোদের পাঁচুকে তোমরা সামলাও না গো, ঠান্ডা করো।

পাঁচু চোখ পাকিয়ে ধমকায় : চূপ মার পিসি, চূপ মেরে যা। মেয়েলোক ছুই কথা কইতে আসিস নে মোদের ব্যাটাছেলের কথায়।

না সোনা, এ সবেবানেশে কথা মুয়ে আনিস নে তুই !

ৱা কাড়ি স নে পিসি, মেৱে মুখ খেঁতলে দেব।

মাৱেৰ ভয় কি পিসি মানে, পাঁচু তাৰ মাৱমূৰ্তি হয়ে দাৱোগাকে মাৱতে চলেছে—চলেই বুৰি গেল !

কী যন্তনা, কথাৰ কথা কইছে বই তো না ? বুড়িয়ে গেলি তোৰ জ্ঞানগম্মি হল না সুভদ্রা মোটে !

সুভদ্রাকে থামিয়ে ধনদাস ছেলেকে শাস্ত কৰাৰ একমাত্ৰ অস্ত্ৰ খাটায়, জ্ঞানদাসেৰ বেলাতেও সে এ অস্ত্ৰ প্ৰয়োগ কৰে থাকে, টিটকাৰি দিয়ে বলে, বীৰপুৰুষ ! কেৱদানি দেখাচ্ছে ! সে ৱইল সে সদৰ থানায়, দাওয়ায় এৱ লক্ষ্মবাম্প ! একদম মেৱে টেবে কস্মো সেৱে এলেই হত ? হাটে চাটে সেপাহিয়েৱ জুতো, ঘৰে মাৱে মাগকে গুঁতো। বীৰপুৰুষ !

তুমি তো কেঁচো, কী জ্ঞানবে ? বাবুৱা অমন কত দাৱোগা ম্যাজিষ্টেট মাৱছে !

কুদ্ধ অপমানিত পাঁচু কটমটিয়ে চেয়ে থাকে, বাপ না হলে মেৱে বসত ধনদাসকে। দুচোখ ভৱা স্নেহ আৱ শ্ৰদ্ধামৰ্যাদা ধনদাস ছেলেৱ সৰ্বাঙ্গে মাখিয়ে দিতে থাকে, মুখে কিন্তু তেমনই টিটকাৰিৱ সুৱেই বলে, অ্যাং* যায়, ব্যাং যায়, খলসে বলে মুইও চলি ! বাবুৱা বোমা পিস্তল দে সাহেব মাৱে, তুই দা নিয়ে ছোট, দাৱোগা মেৱে আয়।

এ তো শুধু টিটকাৰি নয়, বাস্তব জ্ঞানবুদ্ধিৱ কথাও বটে। যে এ ভাবে লাঞ্ছনা কৰেছে তাব পাঁচুকে ডাক যদি উচিত শিক্ষা দেওয়া যায় ধনদাস খুশিই হবে, কিন্তু শিক্ষা দেওয়া যায় কি-না সেটা তো দেখতে হবে ! একজন অকাৱণে ছাঁচা দিয়েছে বলেই তো ৱাগেৱ মাথায় দিকবিদিক জ্ঞান হাৱিয়ে পাথৰে মাথা ঠুকে মৱা যায় না। আগুনে ঝাপ দেওয়া যায় না। সাধ হলেই তো প্ৰতিশোধ নেওয়া যায় না সদৰ থানাৱ প্ৰবল প্ৰতাপ দাৱোগাৱ ওপৰ। শুধু তাই নয়, আৱও হিসাব আছে। অসম্ভব সাধকে ফেনিয়ে ফেনিয়ে পাগল হওয়া, প্ৰতিকাৱহীন জ্বালায় নিজে জ্বলে পুড়ে থাক হওয়া, স্নেফ বোকাৰ্মি। ৱাগেৱ জ্বালায় এ ৱকম পাগলেৱ মতো যে কৰছে পাঁচু, গায়ে কি আঁচড়টি লাগছে নলিনী দাৱোগাৱ, কোনো দিন লাগবাৱ সম্ভাবনা আছে ? এ সব কথা মুখ ফুটে বলতে হয় না ধনদাসকে, পাঁচুৱও ভালো কৰেই এ সব জানা আছে, ধনদাসেৱ টিটকাৰি শুধু মনে পড়িয়ে দেওয়া বই তো নয়। পাঁচুৱ উগ্ৰ প্ৰচণ্ড ৱূপ ঝিমিয়ে আসে, সে গুম খেয়ে থাকে, কিন্তু ক্ষোভ তাৱ কমে না, তাৱ উতলা ভাব যায় না। সে শাস্ত হবে, তাৱ ৱাগ জুড়িয়ে যাবে, এ আশা অবশ্য ধনদাসও কৰেনি।

মোৱ যা হবাৱ হবে। নয় মৱব। মৱলে কী হয় ?

কী হয়। কচু হয়। জ্ঞানদাস ভাৱী গলায় নিবিড় সহানুভূতিৱ সঙ্গে বলে, মৱা কিছু লয় বাপ ! মৱণকে সবাই ডৱায়, আঁধাৱকে ডৱায় না ? দৱকাৱ পড়লে ঘোৱ আঁধাৱে বনবাদাড়ে যায় মানুষ, মৱণকেও বৱণ কৰে। ফল যদি হয় তো মৱ না কেনে তুই, হাজাৱ বাৱ মৰুগে যা, কে বাৱণ কৰেছে ? আৱ কিছু হোক বা না-হোক উয়াৱ গায়ে কাঁটা বিধিয়ে তো মৱবি, না কি ? বোকাৱ মতো মৱাই সাৱ হবে, সেটা কাৰ্জ্জেৱ কথা লয়।

মনে মনে উদবিগ্ন হয়েছে ধনদাস, গভীৱ দুশ্চিন্তা ঘনিয়ে এসেছে। কে জানে বাবুদেৱ বিদ্যা সংসাৱেৱ সহজ সৱল হিসাব গুলিয়ে দিয়েছে কি-না পাঁচুৱ ! জ্ঞানদাসকেও চিন্তিত দেখায়। ভাই তাৱ যাই ভাবুক, ঝাঁকা নিশ্চল গৌয়াৰ্ভূমিৱ পক্ষপাতী সেও নয়, নিছক ঝোঁকেৱ বশে আশ্বনাশেৱ মানে সেও বোঝে না। কড়ায়-গভায় মৱণেৱ মূল্য আদায় না কৰে ভাবেৱ বশে প্ৰাণ দিতে তাৱ সায় নেই। তাৱ ছেলেমানুষ পাঁচু শহৰেৱ স্কুলে পড়ে হয়তো অন্য হিসাব শিখেছে। নলিনী দাৱোগাকে শুধু তেড়ে

মারতে গিয়ে বিপদে পড়াটা হয়তো যথেষ্ট প্রতিশোধ, উচিত কাজ ভেবে নেবে ? অনেক বিষয়ে অনেক কথা পাঁচু বলে যার উদ্দেশ্য এমনই শূন্য, মানে এমনই ফাঁকা !

৩

চাষি সমাজ বর্ষার পথ চেয়ে আছে, বৃষ্টি শুরুর না হওয়ায় ইতিমধ্যে উদ্বেগ বোধ করছে। প্রতিদিন তা শঙ্কায় পরিণত হবার দিকে বেড়ে চলে। অবস্থা এমন যে মারাষ্ট্রক অনাবৃষ্টির কথা ভাবাই যায় না, প্রকৃতির সাধারণ সামান্য অনিয়ম ব্যতিক্রমের ফলে খুব কম অনিষ্ট হলে তাই মারাষ্ট্রক হয়ে ওঠে অনেকের পক্ষে। একটা বছর আংশিক অজন্মার ধাক্কা সামলানো পর্যন্ত অসাধ্য হয়ে গেছে। বনের জন্য স্থানীয়ভাবে আগে একটা বিশেষ বৃষ্টি প্রচুর পরিমাণে হত, বনের সঙ্গে সে বর্ষণও কমে গেছে। বর্ষা নামতে দেরি হলে বিপদ অনিবার্য ; হয় খরা নয় বন্যা। সময়ের নিয়ম একবার লঙ্ঘন করা হয়ে গেলে এই দুটি চরম ছাড়া আকাশ আর সামঞ্জস্য জানে না।

কিছুদিন মাঠে হাড়ভাঙা খাঁটুনি গেছে, জল নামার অপেক্ষায় থাকা ছাড়া এখন আর কাজ নেই, সাময়িক আলস্যে পাঁচুর ক্ষোভ আর অসন্তোষ তাকে অস্থির করে রাখে। ধনদাস ও জ্ঞানদাস দুজনেই সেটা লক্ষ করে, মেয়েদের কিছু না জানিয়ে শুধু তারা দুভাই পাঁচুর বিয়ের কথাটা নিজেদের মধ্যে নাড়াচাড়া করে। কালটির বৃন্দাবনের মেয়েটি দেখতে শুনতে ভালো, ঘরের দিক থেকেও অসমান নয়, শুধু পাঁচুর হিসাবে বয়সটা বেমানান, এগারো হবে। আটের বেশি বয়সের মেয়ে, পাঁচুর সঙ্গে মানায় না, বড়ো মেয়ে আনলে পাঁচু যখন হবে বাইশ চব্বিশ বছরের হালকা জোয়ান, পবিবার তাব হয়ে দাঁড়াবে রসঘন হয়ে আসা থমথমে সোমথ ভারিক্কি যুবতি। সে বড়ো মারাষ্ট্রক যোগসাজস, ভাগ্যক্রমে উতরে যদি যায় তো ভালো, নয় তো সব বিগড়ে যায়। তবে যে জনা তারা তাড়াতাড়ি পাঁচুর বিয়ে দেবার কথা ভাবছে তাতে বাড়ন্ত তৈরি মেয়ে হলেই ভালো।

পাঁচুর বিয়ে দেওয়া সম্পর্কেই জ্ঞানদাসের একটা খটকা আছে, সে খেদের সঙ্গে মাথা নেড়ে বলে, ওতে মন জুড়ায় না গো, সে আশা মিছে। তবে হাঁ, বাঁধন পড়ে একটা, নিব্বপায় করে দেয় খানিকটা। মনের জ্বালা মনেই পুষে রাখতে হয়, হঠাৎ যে ঝাঁপ দেবে তার জো রয় না। ফের ইদিকে কিন্তু—

এ সব কথার মর্ম ভাসা ভাসা বোঝে ধনদাস, পাঁচুর অনেক কথার মতো বস্তুহীন হাওয়া নিয়ে কারবারের মতো ঠেকে। বউ এনে যদি ঠেকানোই যায় পাঁচুর হঠাৎ সাংঘাতিক কোনো কাণ্ড করে বসার বিপদ, গরম যদি নরম হয় পাঁচুর, তবে তো সার্থক হয়েই গেল এখন বিয়েটা দিয়ে দেওয়ার উদ্দেশ্য। এর মধ্যে আবার মনের হিসাব আসে কীসে ?

এটা ছাড়া জ্ঞানদাসের আরও খটকা আছে শুনে ধনদাসের আরও অসহায় মনে হয় নিজেকে।

ফের ইদিকে কিন্তু তোমার আমার মতো নয় পাঁচু, ওর ধারা ভিন্ন। আটক বাঁধন মানবে কিনা কে জানে বল ?

তবে ? তাই যদি না মানে পাঁচু তবে আর তার বিয়ের কথা ভেবে লাভটা কীসের ? মাঝে মাঝে যে কথা অনেকবার অনেক কারণে মনে হয়েছে ধনদাসের আজ আরও জোরের সঙ্গে সেই কথা মনে হয়,—ছেলেকে শহরে পড়তে দেওয়া বুঝি ঝকমারি হয়েছে ! জ্ঞানবুদ্ধি অভিজ্ঞতা দিয়ে ধরা ছোঁয়া যায় না, তার ঘরে নইলে কি এমন সমস্যা সৃষ্টি হয় ! প্রায় এমনই অবস্থায় সে জ্ঞানদাসের বিয়ে দিয়েছিল, পাঁচুর মতোই তার ছটফটানি এসেছিল। স্বভাব যায়নি জ্ঞানদাসের, গৌয়ারই সে রয়ে গেছে ! তা থাক না। তার স্বভাব তো আর বদলাতে চায়নি ধনদাস বিয়ে দিয়ে, বিয়ে করে নাকি কারও স্বভাব পালটায়। সাময়িক যে উন্মত্ততা এসেছিল, পুরুষ মানুষ কেন, তার শান্তশিষ্ট গাইটা

পর্যন্ত যে স্বাভাবিক অবস্থায় দড়ি ছিঁড়ে চার পা তুলে উর্ধ্বাশ্বাসে ছুটোছুটি করে, সেটা তো কেটেছিল জ্ঞানদাসের। যাই বলুক আর যাই কবুক, ভালো থেকে সুখে দুঃখে ঘরকন্না সে করেছে না ? সাত বছরের মেয়ে সে এনেছিল জ্ঞানদাসের বেলা। পাঁচুর বেলা বৃন্দাবনের ওই বাড়ন্ত মেয়েটা এনেও ফল হবে না ? এ কোন দেশি রীতিনীতি হিসাবনিকাশ কে জানে, মাথায় ঢোকে না ধনদাসের।

মাঝে হঠাৎ পাঁচ একবার সদরে গিয়েছিল, শ্যামলের একটা দরকারি ওষুধ আনতে। সদরে যাওয়া কী আর এমন ব্যাপাব, মাসে দশবার খুশি হলে ঘুরে আসা যায় অনায়াসে। এবার শহরের ওপর দাবুণ একটা বিরাগ জন্মেছে, সদরে নলিনী দারোগা থাকে। সদরে যে তার জানাচেনা বন্ধুও শত শত থাকে, কানাই আর নোলক-পরা ফোকলামুখ রাধি থাকে, এক নলিনী দারোগার সদরে বাস করাটা তাদের সবার উপস্থিতিকে ছাঁপিয়ে উঠেছে। ঘণার কী আগুনটাই জ্বলেছে পাঁচুর মনে ! নলিনী ইতিমধ্যে আবার এ আগুনে নতুন ইন্ধন জোগাবার ব্যবস্থাও করে রেখেছিল। কালীনাথের ওপর আর এক চোট নির্যাতন বর্ষণ হয়ে গেছে, সরকারি হুকুমে সে এখন ঘরবন্দী। কালীনাথের মতো চাঁইদের এত চেপ্টাতেও ধরতে না পেরে ইংরেজ সরকার খেপে গেছে, কার্লটনকে মারার একটা চেষ্টা প্রায় শেষ মুহূর্তে তেঁকানো গেছে কিন্তু নিছক ষড়যন্ত্রটা ছাড়া ষড়যন্ত্রকারীদের একজনকেও ধরা যায়নি। সাগব পারের শিখব থেকে গাঁয়ের থানার শেকড় পর্যন্ত সবকারি দপ্তরে তুমুল ঝড় বয়ে গেছে নিম্নলি আক্রমণের, এত কড়াকড়ি ব্যবস্থা এমন বিরাট আয়োজন সব কিছুকে তুড়ি দিয়ে যদি স্বদেশি ছোকরারা এ ভাবে ষড়যন্ত্র চালিয়ে যেতে পারে, কদিন টিকবে ইংবেজ রাজস্ব ? যে ভাবে পাব ধ্বংস করো বিদ্রোহ।

কানাইয়ের যোগাযোগ আছে এটা পুলিশের জানা ছিল কিন্তু হাজার চেষ্টা করেও বাব করা যায়নি যোগসূত্রটা কী। কোনোমতেই কানাইয়ের চব্বিশ ঘণ্টার গতিবিধির হদিস রাখা যায়নি, এক্সপার্ট নজরও হার মেনেছে। তিনদিন হয়তো সে সাইকেল দোকানে ঠুকঠুক মেরামতি কাজ করে বাজারে গিয়ে মাছ-ভরকাবি, দোকানে গিয়ে সওদা আনছে, আর কোথাও যায় না, কিছুই করে না। পর্বদিনও তেমনই বাজারে গিয়ে সে হারিয়ে গেল, ঘণ্টা চারেক পাত্তা নেই। এমনি জেরা করা যায় না, টেব পাবে কড়া নজর আছে, সাবধান হয়ে যাবে, হয়তো যোগাযোগ ঘুচিয়েই দেবে ভয় পেয়ে। চেনা লোককে দিয়ে সাধারণ কথাবার্তার মারফতে জানার চেষ্টা করতে হয়।

মাধব ধীরে ধীরে তাব সঙ্গে পরিচয় গড়ে তুলছে। পিছনের চাকার ভালভটা নিজেই খুলে ফেলে সাইকেল নিয়ে দোকানে গিয়ে ভালভ লাগিয়ে দিতে বলে মাধবকে কথায় কথায় জিজ্ঞাসা করতে হয়, কোথা গিয়েছিল কানাই ?

বেলতলায় কীর্তন শুনে এলাম। আঃ, ফাইন কীর্তন দিয়েছে !

শয়তান ছেলে ! যেখানে ভিড়, যেখানে যাচাই করা যাবে না সে সতাই গিয়েছিল কি-না এমনি সব জায়গা ছাড়া সে কোথাও যায় না ! একবার সুনিশ্চিত জানা গেল দুটি পিস্তল কানাইয়ের হাতে পৌঁছেছে, হানা দিলে মেরামতি দোকানেই খুঁজে পাওয়া যেতে পারে। এ সুসংবাদ, পিস্তল কানাই যথাস্থানে পৌঁছে দেবে। তাড়াতাড়ি দেবে, তাকে সন্দেহ করা হয় জানে, নিজের কাছে বেশি সময় রাখতে সাহস পাবে না। অবিলম্বে আঁটঘাট বাঁধা হয়ে গেল, সমস্ত মনোযোগ কেন্দ্রীভূত করা হল কানাই আর তাদের দোকানবাড়ির ওপর, এবার আর ফসকালে চলবে না। সামনে সাইকেল মেরামতের দোকান, পিছনে কানাইদের বসবাস। বাড়িটার পিছনে একটা পুকুর, ওপারে কুমোরপাড়া—পিছনেও কড়া নজর রইল।

যথাসময়ে কানাই দোকান বন্ধ করল, ভেতরে গিয়ে নাওয়া-খাওয়া সারল। তাবপর গরমের দুপুরে বাড়ির লোকের একটু তন্দ্রার ভাব এলে অন্দরের যে জানালাটা পাশের বাড়ির অন্দরে খোলে এবং যে জানালা মারফতে দুই অন্দরের মেয়েরা কোন বাড়িতে কী রান্না হয়েছে থেকে জগৎ-সংসারের সব বিষয় নিয়ে আলাপ করে, সেই জানালাটি খুলে শিশ দিয়ে ধরে দিল বেসুরো গানের সুর।

ঠিক যেন ডিটেকটিভ গল্প উপন্যাসের নাটকীয় ঘটনা, খানিক পরে সত্যি সত্যি একটি কিশোরী মেয়ে এসে দাঁড়াল জানালার ওপারে। কানাই তাকে জন্মাতে না দেখলেও আঁতুড়ঘরে ট্যা ট্যা করতে দেখেছে, কানাইয়ের নিজে বয়সও অবশ্য তখন ছিল বছর চারেক।

ভাগ্যিস তুই ঘুমোসনি যেঁটু !

আহা, আমি যেন দুকুরে কত ঘুমোই !

নিষিদ্ধ দ্রব্যের প্যাকেটটি কানাই তার হাতে দেয়। পাংশু মুখে কড়া চোখে তাকায় যেঁটু।

ফের তুমি এ সব করছ ? এত তোমার পয়সার খাঁকতি !

নে নে হয়েছে। নিজের ভাগটি তো ঠিক বুঝে নাও !

আচ্ছা, সত্যি এতে কী আছে কানাইদা ? চুপিচুপি একদিন খুলে দেখতে হবে।

যেঁটু ফিক করে হাসে।

কানাই উদাসভাবে বলে, দেখিস। একটি সুতোর গিট দুবার লাগানো হলে ওরা টের পেয়ে যায়। লুকিয়ে এ সব ব্যবসা যারা করে এমনি তারা ভালোমানুষ, পিছনে লাগতে গেলে মজা টের পাইয়ে দেবে। এখান থেকে জিনিসটা একটু ওখানে পৌঁছে দেবার জন্যে এমনি কেউ অতগুলি টাকা দেয় ?

আপিম-টাপিম হবে বোধ হয় আঁ্যা ? তুমি নিশ্চয় আমায় ঠকাও কানাইদা, কম টাকা দাও।

যা পাই তার আদ্যেক দি। আমি দশ টাকা পেলে তোকে পাঁচ টাকা দি। যা এখন, লুকিয়ে ফেলবি যা।

ভোরে স্কুলে যাবার পথে যেঁটুর কাছ থেকে প্রতিমা জিনিসটা নেয়।

আপনি কত পান ?

তোমায় বলব কেন ?

যথাসময়ে তন্নতন্ন করে সার্চ করা হয় কানাইয়ের দোকান আর ঘরবাড়ি। তারপরেই ঘরবন্দীর হুকুম জারি হয়। তবে কানাইয়ের সঙ্গে যে-কেউ দেখা করতে আসতে পারে, তাতে কোনো নিষেধ নেই। কানাই বাইরে যাদের সঙ্গে যোগ রাখত, তারা কেউ যদি কানাইয়ের সঙ্গে যোগ রাখতে আসে কখনও, এই আশা।

একবারে বৃষ্টি শিক্ষা হয়নি ?—কানাই বলে পাঁচুকে, বন্ধুকে পেয়ে সে খুশি হয়েছে বোঝা যায়। ঘরে বন্ধ হয়ে থাকতে থাকতে দম আটকে আসছিল। কেউ বড়ো একটা আসে না এ বাড়িতে, আত্মীয়স্বজনও একরকম বর্জন করেছে। দোকানে কাজকর্ম নেই, ভয়ে কেউ সাইকেল সারাতে আসে না, রসিক একলাটি চুপচাপ দোকানে বসে থাকে। পাঁচুর সঙ্গে এবার কানাই আশ্চর্যরকম খোলাখুলি ভাবে কথা বলে। যেঁটুর মারফত পিস্তল দুটি সরানোর গল্পও সে-ই নিজে থেকে পাঁচুকে শোনায়। গতবার তাকে যে থানা হয়ে গাঁয়ে ফিরতে হয়েছিল এ খবর কানাইকে কে দিল পাঁচু প্রথমে ভেবে পায়নি, দেখা যায় শ্যামলের কাছে তার ঘনঘন যাতায়াতের খবর কানাই জানে। বন্ধুর প্রতি তার ভালোবাসার সঙ্গে একটা অদ্ভুত রোমাঞ্চকর শব্দভঙ্গির ভাব এসে মেশে। বিপ্লবীদের মধ্যে বন্ধুর যে তার এমন গুরুত্বপূর্ণ স্থান আছে তাতে পাঁচুর বিশেষ গর্ব খর্ব হয়। কানাইয়ের আত্মবিশ্বাস, সাহস, শক্তি আর শাস্ত্রভাব তাকে মুগ্ধ অভিভূত করে রাখে।

কানাই ভণিতা করে না, সোজাসুজিই বলে, শ্যামলদা তোর খুব প্রশংসা করেছে। তুই যদি ইচ্ছা করিস পাঁচু, আমাদের সঙ্গে ভিড়তে পারিস।

কদিন ভেবে দেখে বলব।

নিশ্চয়, এ তো ছেলেখেলা নয়। সব সুখের আশা ছেড়ে জেল ফাঁসি সব কিছুর জন্যে তৈরি হয়ে আসতে হবে। বরং না আসা ভালো, এসে ভড়কে গেলে চলবে না।

এ বয়সে মনের এমন ভারিক্কি গড়ন কানাই কোথায় পেল কে জানে ! এমনিভাবেই কি শিথিয়ে পড়িয়ে ছেলেদের গড়ে নেয় বিপ্লবীরা ? কাজের মধ্যে নিজের যে পরিচয় সে দিয়েছে কথাগুলি তারই প্রতিরূপ বলে বেমানান শোনায় না, মনে হয় বয়স্ক অভিজ্ঞ মানুষের মতো কথা বলাব অধিকার তার আছে।

বোধ হয় এখানে থাকব না ভাই।

কেন ?

মিছামিছি বাড়ির সবাই জলুম সহিছে। দোকানের রোজগার একদম বন্ধ। এমনি আটকে থেকেও লাভ নেই।

পালাবি ?

তাই ভাবছি।

এগারো

১

পাঁচুও ভানে।

কানাই আর এক পথের সন্ধান দিয়েছে। মরিয়া হয়ে শুধু নলিনীকে ঘা মারার চেয়েও চবম পথ, ইংরেজ গবর্নমেন্টের সঙ্গে যুদ্ধে নেমে পড়া। পাঁচু জোরালো আকর্ষণ অনুভব করে, এমন বিরাট আয়োজন যাদের—সৈন্য পুলিশ কামান বন্দুক—তাদের বিরুদ্ধে মরণপণ লড়িয়ে নেমে কানাইয়ের মতো বিপজ্জনক জীবন গড়ে তোলা, দাসত্বের মধ্যে মুক্তির স্বাদ পাওয়া।

কিন্তু মনের মধ্যে কীসে যেন বাধা দেয়।

নলিনীকে খুন করে ফাঁসি যাবার মানে সে স্পষ্ট বুঝতে পারে, ওটা তার নিজের ব্যক্তিগত অসহ্য জ্বালার ব্যাপার। ওই বিদেহ আর ওই আঘাতটা সৈন্য-পুলিশ জজ-ম্যাজিস্ট্রেট লাট-বড়োলাটের প্রকাশ্য গবর্নমেন্টের বিরুদ্ধে প্রয়োগ করার কল্পনা তাকে উদভ্রান্ত করে দেয়, ব্যাপারটা মনের মধ্যে আয়ত্ত করতে পারে না। কত তফাত শক্তির—একদিকে কত বড়ো গবর্নমেন্ট, অন্য দিকে কতটুকু কানাইয়ের দল ! ইচ্ছায় হোক, অনিচ্ছায় হোক, মাইনে করা লাখ লাখ সৈন্যরাও তো যুদ্ধে প্রাণ দেয়, এদিকে কত চেষ্ঠায় কত খুঁজে পেতে কত বাছবিচার বাছাই করে কানাইদের এক একটি ছেলে জোগাড় করতে হয়। কানাইয়ের মতো বিশেষ গুণ না থাকলে কাজেও লাগে না।

কী করে কী হবে ? সে যে বুঝতে পারে সেটা নিশ্চয় তার দোষ। নলিনীর কথা ভাবলে পায়ের নখ থেকে চুলের ডগা পর্যন্ত তার জ্বলে যায়। ওটাকে সাবাড় করে এখনি সে হাসিমুখে ফাঁসি যেতে পারে, কিন্তু সারা গবর্নমেন্টের কথা ভাবলে তো এ রকম নাড়া লাগে না। একটা গভীর অতল অসন্তোষ মনটা ভারী করে দেয়, স্কোভের জ্বালা ধিকি ধিকি জ্বলে।

ইংরেজ গবর্নমেন্টের চেয়ে বরং বসন্তবাবুদের উচ্ছেদ করে মেরে দেশছাড়া করার কল্পনায়ই উৎসাহ জাগে বেশি।

কেউ যদি পাঁচুকে বলে দিত।

শ্যামল বলে, বলে দেবার লোকের অভাব নেই ভাই। আমিও এককালে সবাইকে বলতাম, আমার কথা শোনো, মঙ্গল হবে। আজ আমি বলি, যেটুকু বুঝেছে সেইটুকু নিয়ে কাজে নামো। কাজ করো আর সেই সঙ্গে আরও বোঝবার চেষ্ঠা করো। নিজের অভিজ্ঞতার সঙ্গে মিলিয়ে নিজে তুমি যা বুঝবে কারও বাবার সাধ্য নেই মুখের কথায় তোমাকে তার চেয়ে বেশি বুঝিয়ে দেয়।

পাঁচু সংশয় ভরে বলে, কিন্তু মোটামুটি একটা আদর্শ না ধরে, একটা পথ ঠিক না করে— শ্যামল বলে কর্ম আর চেতনার সমন্বয়ের কথা ভাবছিলাম কদিন থেকে। আদর্শ আর কর্মের সমন্বয় ছাড়া পথ নেই। বসে বসে আদর্শ নিয়ে শুধু ভাবলে আদর্শ গুলিয়ে যায়, বৌকের মাথায় শুধু কাজ করে গেলে কাজ পণ্ড হয়।

তা তো বুঝলাম। কিন্তু আদর্শ তো থাকা চাই একটা যাতে বিশ্বাস করি ? নইলে কাজে নামব কী নিয়ে ?

শ্যামল একটু চুপ করে থাকে।

গীতার কর্মযোগ নিয়ে সারা জীবন মারামারি করেছি—গীতা পড়েছ তো ? সারা জীবনের কর্মফল যোগ করে আজ ভাবছি, অত মারামারি নাই-বা করতাম ! ভাব-ভাবনার কথা নিয়ে মারামারি করতে হয়, নইলে মন ঠিক হয় না, ঠিকমতো কাজ কবা যায় না। কিন্তু শুধু ভাবনা নিয়ে মেতে থাকলে চলে ? ভাবনার তাতে পুষ্টি হয় ? চিন্তারও তো খোবাক চাই, কাজ হল সেই খোরাক। যখন সমস্যা আসে কী কবব, এটা করব না ওটা করব, তখন দুদিন চারদিন দুমাস চারমাস ভাবা উচিত। কিন্তু অ্যান্ডিন তুমি কী করেছ সেটা শ্রেফ বাদ দিলে কি চলে ভাবনা থেকে ? আজ কী কবব এই যে চিন্তা সেটা আসলে এসেছে অ্যান্ডিন কী করেছি তাই থেকে—

পাঁচু বোকার মতো হাসে, বলে, শরীরটা আজ ভালো আছে, না শ্যামলদা ? বাইবে বোয়াকে পাটি পেতে বসি আসুন। আসুন না ? শূয়ে শূয়ে শুধু বই পড়বেন, মাথা ঘামাবেন, তাতে কি শরীর টেকে ?

শ্যামল ক্রুদ্ধ চোখে তাকায়, দীর্ঘনিশ্বাস ফেলে। গ্রামপ্রান্তের কুঁড়েঘরে বোগশয্যায্য জীবনকে শুধু ধরে রাখাব সংগ্রাম চালাতে চালাতে সে আব সকলের জীবনে কিছু অনুপ্রেরণা আনার চেষ্টা করছে, তাকে এমন বৃচভাবে বাইরের রোয়াকে বসে সূর্যের আলো খোলা হাওয়া সবুজ শোভা থেকে বাঁচার প্রেরণা সংগ্রহ কবতে বলা !

পরের জনাই শ্যামল বহুকাল বেঁচেছে, আন্দামানেও সে পরের জন্য ভাবত, ভারতবর্ষের কোটি কোটি পর। উনিশ শো পাঁচ সালে বাংলাদেশটা ভাগ হওয়ার ব্যাপার নিয়ে সাবা ভাবতেব পরকে যে সে আপন করেছিল তার জেব টেনে টেনে।

অথচ পাঁচুর কথায় সে ঘা খায়। একটা অস্বস্ত বিরোধ আছে তাদের মধ্যে, থাকে থাকে ঠোকাঠুকি হয়ে যায়। কীসে সে ঠোকাঠুক খেল টের পায় না কিন্তু বেশ একটু লাগে, পথ চলতে হোঁচট খেয়ে আঙুল ছড়ে যাওয়ার মতো—মনের অমিল, হাওয়ার বিরোধ নয় মোটেই। সম্পর্ক তাদের জন্মে উঠেছে পরীক্ষা দিয়ে পাঁচু গাঁয়ে আসার পর থেকে, শেষ জীবনে শ্যামল যেন শিষ্য পেয়েছে মানসপুত্রের মতো প্রিয়, এমন তারা মশগুল হয়ে যায় কথায় যে দেখে মনের সুখেই পিসির চোখে জল আসে। তফাতে উবু হয়ে বসে সে মুগ্ধ হয়ে চেয়ে দেখে দুটির মিল।

শিষ্য বটে, অনেক গুরু তপস্যা করে জীবনে এমন একটি শিষ্য পেলে যমের মতো ধনা হয়ে যায়। তা যম এসে শিয়ারে বসেছে শ্যামলের কিছুকাল হল, নতুন যুগের বামুন-শ্বাষি চাষি জাত থেকেই উঠে এসেছে কিশোর নচিকেতা পাঁচু। হাটে বিকানো একখানি যেন টিনে-মোড়া আধাষুছ ছোটো আয়না, দামি দর্পণের মতো প্রতিফলনে স্তবস্তুতির মতো সব ফিরিয়ে দেয় না। নিজের মনে যা স্পষ্ট নয় পাঁচুকে তা সাড়ম্বরে শোনাবার সাধ্য শ্যামলের নেই, পাঁচুব মধ্যে অবোধ জিজ্ঞাসু নিজেকে শ্যামল নিজেরই লজ্জার মতো দেখতে পায় · ফাঁকি দিচ্ছ ?

কারণ, মুখ দিয়ে যখন তার খই ফোটার মতো অনর্গল বার হতে থাকে নিজের জীবনের মূল্যে যাচাই করা স্বচ্ছ স্পষ্ট সত্য, মেবুদগু সিধে হয়ে যায় পাঁচুর, আলগা তারের মতো তার টিলে শিখিল দৃষ্টি মোচড়-কষা সঙ্গতিতে তীক্ষ্ণ হয়ে ওঠে ; দুটি প্রাণে যেন বৈদ্যুতিক ছোঁয়াছোঁয়ি চলতে থাকে, অনবরত চমক দিতে থাকে বোঝানো আর বোঝার চেষ্টার মিল, গুরুশিষ্যের আত্মীয়তা !

সে অভিজ্ঞতা ভোলার নয়। প্রণয়লীলার মতো তা আনন্দঘন।

পাঁচুই আবার কথা তোলে। বলে, আদর্শের জন্য মরতে পারি।

মরা কিছু নয় পাঁচু। বেঁচে আছি তাই না মরার দাম ? বাঁচাই যখন মরার বাড়া হয়, অন্যের হজম করা ফাঁকা বাতিল জীবনের মতো, মানে মলের মতো তুচ্ছ হল বাঁচাটা, মরাকে তখন কেয়ার করে কে ? আমি আর কটা দেখেছি, অমন কত আছে, কত ছিল, কত হবে। শুধু এ দেশে ? সারা জগতে এরা গন্ডা গন্ডা জন্মাচ্ছে। একটা আদর্শ সামনে ধরে দাও, কীসের জীবন কীসেব কী, চলো মরি, মরে বাঁচি, মরে বাঁচাই ! তবে ওটা হওয়া চাই, জীবনের দাম কষাটা। বাঁচার মতো বাঁচা কাকে বলে আর সে তুলনায় কী বাঁচাটা বাঁচছি ! ওটা ছাড়া হয় না, আগে নালিশ চাই, বুকফাটা নালিশ। নইলে শ্যোরে মতো পাক ময়লায় বেশ কেটে যায়, যেমন আছি সেটুকু বাঁচি বাবা, বেশি চেয়ে এটুকু খুইয়ে লাভ কী। কর্মযোগ মানে লড়াই, কুবুদ্ধিতে তাই গীতার জন্ম। আত্মরক্ষা কি মানুষের জীবন ? পশু আত্মরক্ষা করে বাঁচে, কুমিকীট আত্মরক্ষা করে বাঁচে, মানুষ নয়। মানুষ যুদ্ধ করে, বাঁচার জন্যে মরে। বাঁচার দফা নিকেশ করেছে বলেই না তুই আমি সায়েব মেরে ফাঁসি যাই। কেন যাই ? আমরা টের পেয়েছি, আমরা ফাঁসি গেলে অন্য সবাই টের পাবে, ওদের ফাঁসি দেবে। এমনি হয়, জানিস, এই দুনিয়াব রীতি। আগে একটা কবি ওঠে, একটা পাগল ওঠে, দশটাকে পাগল করে, তারা দেশটাকে খেপিয়ে দেয়। কীসে ? আগুন ছড়িয়েই থাকে ভাগে ভাগে, কম কম, ঠাহর হয় না কী ব্যাপার কীসের ! একজনের বুক আগুন জ্বলে, দাউদাউ জ্বলে, সে ঠাহর পাইয়ে দেয় জ্বালা কীসের ! না কি বলিস তুই ?

বলে, ও দেশের কথা বলছিলাম, রাশিয়ার কথা। ঠিক কী হল ব্যাপারটা ভালোমতো জানা যায়নি, খবর আসে কম। যা বলে মোটামুটি বুঝি, ওই বাঁচাব কথা। মজুর গরিবের বাঁচাব কিছু নেই, শুধু খাটুনি, সবার চেয়ে মবতে ওদের ভয়ভর কম। ওরা খেপলে কারও সাধ্য নেই ঠেকায়। এটা সোজা ব্যাপার, পরিষ্কার বুঝি। আমরা ঠেকছে কোথায় জানিস ? ওদের খেপাবে কে, কীসে খেপাবে ?

বলে, কালীনাথ আমায় পাগল বলে, মাথা নাকি খারাপ হয়েছে তাই এ সব বলি। সব কথাব জবাব দিতে পারি না এই হয়েছে মুশকিল। বুঝি যে জবাব আছে। ওদের দেশে যখন এমনি ভাবেই সত্যিসত্যি ঘটেছে ব্যাপারটা, কেন ঘটল কী করে ঘটল জবাব আছে নিশ্চয়।

ও দেশের গরিব-মজুব হয়তো এ দেশের মতো নয়।

কালীনাথও তাই বলে।

পিসি মাঝে মাঝে লাগসই সুযোগ পেলে এদের কথার মধ্যে ছড়া কাটে, বলে, ও ছাই বলে। খেতে পায় না গরিবদুখি, তার আবার এ দেশ ও দেশ ! গতব সবাব গতব বাবু, পেটের খিদে খিদে, তার এ দেশ ও দেশ কি ?

কালীনাথরা কয়েকজন একদিন গোপনে শ্যামলের এখানে জড়ো হয়, সঙ্গে প্রতিমাও আছে। সন্ধ্যাব পর আচমকা হাজির হয়ে টের পেয়ে পাঁচু উঠোন থেকে ফিরে আসছিল, প্রতিমাই তাকে ডাকল। সেদিন কানাইয়ের খোলাখুলি কথা বলার চেয়েও আজ বিনা ভূমিকায় তার সঙ্গে এদের সহজ কথা ও ব্যবহার পাঁচুকে আশ্চর্য করে দেয়। বিনা আড়ম্বরে আজ তাকে একটা দায়িত্বপূর্ণ কাজ দেওয়া হয়। পাঁচু পারবে কি রাত জেগে বড়ো রাস্তার কাছে পাহারা দিতে, কোনো মোটর গাড়ি যদি আসতে দেখে টুক করে সিধু ষোষের আমবাগানের পেছন দিকে কয়েক আঁটি খড়ে আগুন দিয়ে সরে যেতে ? খড়ে কিছু কেরোসিন ঢেলে রাখলে ভালো হয়।

ঘুম পেলে চলবে না কিছু।

ঘুম পাবে, ঘুমোব কেন ?

পাঁচু তখনই উঠে আসতে যায়, কালীনাথ বলে, বোসো, অত তাড়াহুড়ো নেই। খেয়ে দেয়ে গাঁ একটু নিঝুম হলে পাহারা দিতে যোগ্য। পাকার সঙ্গে তোমার ভাব ছিল, না ?

এ রোমাঞ্চকর স্বপ্নাতীত ঘটনা পাঁচুর জীবনে। মনের রহস্যলোকের অংশে ভক্তিশ্রদ্ধার আবেগ যে একজন মানুষকে কোন আসনে প্রতিষ্ঠা করেছে কাছাকাছি এসে আজ এটা সে ভালো করে টের পায়। এদের তুলনায় কত তুচ্ছ জ্ঞানদাস, তার সরল সহজ বিদ্রোহপনা। একটু ব্যথা পায় পাঁচু। সপরিবারে নিজেকে ছোটো মনে হয়।

পাকার কথা আরও জিজ্ঞাসা করে কালীনাথ, প্রশ্ন করার সুরে মন্তব্য করে, চরিত্র ভালো ছিল না পাকার, খারাপ পাড়ায় যেত ?

পাকার চরিত্র ? এদেব সামিখে অভিজ্ঞত হয়েছে পাঁচু মনে মনে, জিভে নয়—পাকার চরিত্র আপনারা কি বুঝবেন ? তেজের চোটে ছটফটিয়ে বেড়ায়, সব জায়গায় যায়। কারও হয়তো বিপদ হয়েছিল, উপকার করতে যেত, নয় তো অন্য কোনো খেয়ালে যেত। কোনো কিছু মানে না, কাউকে কেয়ার করে না, তাই বলে খারাপ হবে কেন ?

তাই নাকি !

পাঁচুর মুখ কঠিন হয়ে আসে, আপনারা খেদিয়ে দিলেন, আপনাদের জন্য মরতে বসেনি ? বলে দিতে পারত সব কথা। আপনারা অন্যায্য করছেন পাকার ওপরে—

সবাই চুপ করে থাকে, কারও মুখে এতটুকু ভাবান্তর নেই। এ কাঠিন্য ধাত ফিরিয়ে আনে পাঁচুর। তাই বটে, এদের কাছে তুচ্ছ মান-অভিমানের মানে নেই, এরা ভয়ঙ্করের সাধক। বাইরে অঙ্ককার গাঁয়ের পথে ঘরের দিকে চলতে চলতে পাঁচুর মন কানায় কানায় ভাবে থাকে গর্বে আর সার্থকতাবোধে। এদের বিশ্বাসের পাত্র বলে কানাই সম্প্রতি কত বড়ো হয়ে উঠেছে তার কাছে, সেই বিশ্বাস আজ সেও পেল। কোথাও কিছু নেই হঠাৎ।

কালীনাথ আর প্রতিমা ছাড়া অন্য তিনজনকে সে চেনে না। শুধু একজনকে সদরে দু-চারবার চোখে দেখেছে। কে জানে ওরা কারা ?

পরদিন আরও কথা হয়, গীতার কথা, কর্মযোগের কথা, বিপ্লবী বই পড়ার কথা। কাল বিনা শর্তে পাঁচুকে রাত জেগে গ্রামপ্রান্তে পাহারার দায়িত্ব দেওয়া হয়েছিল, আজ গীতা স্পর্শ করিয়ে তাকে প্রতিজ্ঞা করানো হয় যে, যেটুকু সে জেনেছে ও শুনছে বা জানবে ও শুনবে, দেহে প্রাণ থাকতে কখনও প্রকাশ করবে না। দলে ভরতি হোক বা না হোক দলের প্রতি পাকার মতো এ বিশ্বাস সে রক্ষা করবে। পাকার নামোশ্রুতি পাঁচুর কাছে চমকপ্রদ লাগে।

সে নিজে থেকেই জানায়, পাকার একটা চিঠি পেয়েছে দুদিন আগে। ঢাকায় বাবার কাছে আছে পাকা। তাকে একবার বেড়াতে যেতে লিখেছে।

প্রতিমা সাগ্রহে বলে, যাও না ?

পাঁচু বলে, ভাবছি একবার ঘুরে আসব। গতর খাটিয়ে খরচটা তুলতে হবে, দেরি হবে কটা দিন।

কালীনাথ বলে, গেলে একটা কাজও করতে পার। পাকার বাবার দুটো রিভলবার আছে, চুপি-চুপি অন্তত একটা পাকা সরাতে পারে। কীভাবে কী করবে পরামর্শ করে ঠিকঠাক করে আসতে পার, আনাবার ব্যবস্থা করব। যাতায়াতের খরচ পাবে।

পাঁচু আশ্চর্যই হয়ে যায়। একেবারে মশগুল হয়ে আছে এরা, এক মুহূর্তের জন্য অন্য কোনো চিন্তা নেই। কালীনাথ যেন ওত পেতে ছিল পাকার বাবার একটা রিভলবার বাগাতে, সুযোগ টের পাওয়া মাত্র ব্যবস্থা করেছে। যোগসাধনা ছাড়া কি এ রকম একাগ্রতা হয় ?

পাকা লিখেছে : বুড়ো মানুষটা ঝাঁকের মাথায় একটা বিয়ে করে পত্তাচ্ছেন, বাবার কথা বলছি। কিছু বলেন না কিছু বেশ টের পাই। নতুন বউকে নিয়ে হঠাৎ সেকেন্দ্রাবাদে গিয়ে হাজির, আমি গটগট করে বেরিয়ে যাচ্ছিলাম, নতুন মামি কান ধরে আটকে দিল। বলল কি জানিস, বাপ কি তোর চাকর, না তুই তোর বাপের চাকর ? তুই চলিস তোর বাপের হুকুমে যে বাপ তোর মন জুগিয়ে চলবে ? আমি ভেবে দেখলাম যে সত্যি, আমার কী এসে গেল ? দুদিন কথাটথা বলিনি মোটে, যতই হোক বিচ্ছিরি লাগে না মানুষের ? পরদিন সে কী কাণ্ড, সকালে বেড়াতে বেরিয়ে ঘুরতে ঘুরতে খেয়াল থাকেনি, বাড়ি ফিরতে বিকেল হয়ে গিয়েছিল। ফিরে দেখি বাবার নতুন বউ হাউমাউ করে কাঁদছে, পাগলির মতো চেহারা, বাবা টেবিলে মাথা রেখে চেয়ারে বসে আছেন চুপচাপ। নতুন মামি সেদিন যা আমায় একচোট নিলে, যেন ঠিক পাগল হয়ে গেছে, বন্দুক এনে বললে আমায় গুলি করে মারবে। বাবার পায়ে ধরিয়ে আমায় ক্ষমা চাওয়াল তবে ছাড়ল। আমার কী দোষ বল দিকি ? এ সব পাগল মানুষকে বোঝার সাধ্য কারও নেই। পায়ে হাত দিয়ে ক্ষমা চাইছি, বাবা পর্যন্ত কেঁদে ফেললেন। বাবা চিরকাল এমন গভীর মানুষ, আবোল-তাবোল কী যে সব বলতে লাগলেন ছেলেমানুষের মতো ! আমার অবস্থাটা বুঝে দ্যাখ। নতুন মামি ধরে বেঁধে এখানে এনেছে, এক মাস থাকতেই হবে, মরি বাঁচি। আমি কচি খোকা মাঝে মাঝে এমনই আদর-যত্ন করতে চায়, নইলে বাবার নতুন বউ লোক বেশ ভালো—

একবার যাওয়ার জন্য তাগিদটা কবুগ, ফাঁদে পড়ে পাকা যে কত বিপন্ন সেটা খুবই স্পষ্ট। চিঠির সঙ্গে গাঁথা দশ টাকার নোট দুটি পাঁচু তাই প্রসন্ন মনে সহজভাবেই গ্রহণ করেছে। গিয়ে এই নোট দুটিই পাকাকে ফিরিয়ে দিতে হবে। পাকা এমন ব্যাকুলভাবে যাবার জন্য আবেদন জানায়, এমনভাবে চিঠি লেখে, তাকে !

খনদাস বলে, না গিয়ে বরং চিঠি লেখ একটা, জবাব এলে যাস।

জ্ঞানদাস বলে, না, তুই যা পাঁচু, আজকালের মদ্যি যা। কেনে না, ব্যাপার সুবিধে নয়। বড়োঘরের বন্ধু যেচে এমন পত্তর লেখে কখন ? যখন তার মনের বিষম দায়। না তো জগতে তার কত বন্ধু, কত আপনজন, সবার বদলি খেয়াল হল তাকে ? নিচু হবার কথা না, না গেলে নিচু হবি তুই, বিশ্বাসঘাতক হবি।

সুভদ্রার উৎসাহ দেখে মনে হয় পাঁচু এই দণ্ডে ঢাকা রওনা হলে সে হরির লুট দেয়। পাঁচু তার দারোগা মারার পণ করেছে, এই বুঝি মারতে গেল, তার চেয়ে ঘুরে আসুক ঢাকা থেকে, ঠান্ডা হয়ে আসুক।

সদরে কলকাতার ট্রেন রাত দশটায় ছাড়ে, ভোরে পাঁচু রওনা দেয়। বাড়ির মানুষ, বিশেষ করে সুভদ্রা, টুকিটাকি অনেক জিনিস সঙ্গে দিতে চেয়েছিল, পাঁচু সব বাদ দিয়েছে। বিশেষ একটি বিলাসের কাঁথা সেলাই করছিল সারদা, তিন-চারবছরের ছেঁড়া শাড়ির পাড় জমিয়ে, তাতে তার সম্বল একটি বাড়তি শার্ট, পুরনো একটি সুতির কোট আর দুখানা খুতি, কিছু চিড়ে আর এক টুকরো পাটালি বেঁধে ছোটোখাটো পোটলাটি বগলে করে সে রওনা দেয়। রাখানগরের হাটের কাটে সাতটায় সদরের বাস মেলে।

কানাইয়ের বাড়িতে দিনটা কাটিয়ে রাত দশটায় ট্রেন ধরবে, এই উদ্দেশ্য। কানাই এবারও খুশি হল। পালিয়ে যাবার সাধ সে দমন করেছে, কালীনাথের বারণ। দুদিন আগে হঠাৎ ঘরবন্দীর হুকুম তুলে নেওয়া হয়েছে, সকাল-বিকেল খানায় শুধু হাজির দিতে হবে। কাজটা নাকি পাকার। নতুন মামির যোগাযোগে সে অনন্তের জীবন অতিষ্ঠ করে তোলে, তার বন্ধুর ওপর মিছেমিছি জুলুম হচ্ছে।

ভেতরে ভেতরে খবর নিয়ে অনন্ত কোথায় কী কল টিপেছে সেই জানে, শিথিল হয়ে গেছে বিনা বিচারে মানুষের জন্মগত অধিকার খর্ব করার নির্লজ্জ বীধন।

দেখলি তো ? পাঁচু খুশি হয়ে বলে, পাকার সত্যি টান আছে।

কানাই কিন্তু খুশি নয়, তাকে স্বাধীনভাবে শহরে চলাফেরা করতে দেখে সাইকেলের দোকানে খদ্দের আসতে আরম্ভ করছে, তবু কানাই এতটুকু কৃতজ্ঞ নয়। বলে, সব ব্যাপারে ন্যাকামি, সেনটিমেন্টাল ভূত! কে বাবা তোকে মাথা ঘামাতে বলেছে আমার জন্যে ?

পাকা আর জাতে উঠল না কানাইয়ের কাছে। মুখ বুজে থাকার জন্যে মার খেয়ে হাড় গুঁড়ো হয়ে গিয়েও নয়, ওটা যেন কানাইয়ের কাছে সাধারণ স্বাভাবিক কাজ। মুখ খুললে অমানুষ পশু হয়ে যেত পাকা, সে তা হয়নি, শুধু এইটুকু ! পাঁচুর কাছে পাকার বিচার অন্য মাপকাঠিতে, কানাইয়ের কঠোরতা তাই তাকে আহত করে না, মুশকিলেও ফেলে না। দুরন্ত অবাধ্য বেপরোয়া পাকার কাছে কঠিন সংযম চাইতে পারে কানাই, পাঁচু চায় না। ভাবপ্রবণ ! হৃদয় থাকলেই মানুষ ভাবপ্রবণ হয়। তাকে ন্যাকামি বলে না। পাকার সম্পর্কে কালীনাথ-কানাইদের বিচার পাঁচু সোজাসুজি অগ্রাহ্য কবে, পাকাকে এরা জানে না বোঝে না, বিচার কববে কী ! তবে পাকার মতো স্বাধীন একগুঁয়ে ছেলে নিয়ে এদের যে কাজ চালানো মুশকিল, এটা পাঁচু মানে। তাই পাকার দিকে টানলেও তার পক্ষ নিয়ে ঝগড়াও সে করে না।

পাশের বাড়ির সেই ঘেঁটু এসেছিল। পাঁচুর সে একেবারে অজানা নয়, আগেও সে কয়েকবার তাকে এ বাড়িতে আসতে যেতে দেখেছে। কানাইয়ের মা আর দিদির সঙ্গে খানিক আড্ডা দিয়ে ঘেঁটু একখানা বই চাইতে আসে।

একটা বই দেবে কানাইদা ?

বই নেই।

ঘেঁটুকে দেখেই কানাইয়ের মুখভঙ্গি ক্রুদ্ধ কঠোব হয়েছিল, অন্যদিকে মুখ ফিরিয়ে সে প্রায় ধমকের মতো জবাব দেয়। পাঁচু অবাক হয়ে ভাবে, ব্যাপার কী !

বই নেই তো নেই, কদিন ধরে এমন করছ কেন ? কথা কইলে ঝেঁজে ওঠ !

কথা না কইলে হয়। যে মেয়ে বিশ্বাস রাখে না তার সঙ্গে কথা কওয়া পাপ। প্যাকেট খুলেছিল জানি না ভাবছিস আমি ? আমি সব জানি।

পাঁচুর দিকে চেয়ে ঘেঁটু সভয়ে বলে, আঃ, কানাইদা ! মুখ তার সাদাটে হয়ে গেছে।

ন্যাকামি করিস নে ঘেঁটু। যা, পুলিশকে বলবি যা, অনেক টাকা দেবে।

বলেছি পুলিশকে আমি ?

বিশ্বাস কি ? সামান্য বিশ্বাস যে রাখে না, সে সব পারে।

ছেলেমানুষ মেয়ে দাঁড়িয়ে দাঁড়িয়ে কাঁদে। রাগে ভেতরে ভেতরে জ্বলতে থাকে পাঁচু। কানাই হঠাৎ তার চোখে ছোটো হয়ে যায়, বুদ্ধিহীন বর্বর হয়ে যায়। ঘেঁটু চলে যাবার পরে সে খানিকক্ষণ বিচলিতভাবে ছোটো ছোটো নিশ্বাস ফেলে। ভালো করে সব কথা না জেনে না বুঝেও তার ধারণা জন্মে গেছে কানাই কাণ্ডজ্ঞানহীন, তার মাথা বিগড়ে গেছে অনেকখানি। সেদিন বিপ্লবী দলের বিশ্বাস, তেজ, একাগ্রতা আর আত্মবিশ্বাসের জন্য ক্রাসফ্রন্ড কানাইকে মনের মধ্যের মহাপুরুষের আসনে বসিয়েছিল। দু-চার মিনিটে ঘেঁটু আসনটা ভেঙে চুরমার করে দিয়েছে। ভালো কী মন্দ জানে না পাঁচু, কানাইয়ের মন স্বাভাবিক নেই। পাঁচু যে জগৎকে আর জীবনকে জানে, তার গায়ের মানুষ, শহরের মানুষ, দেশের মানুষ—সবাইকার মোটিমাট মনটা যেমন, কানাইয়ের মন তেমন নয়। একটা উগ্র সুরে বাঁধা হয়েছে কানাইয়ের মন, সে শুধু তার নিজের মনের মতো করতে চায় সবাইকে, সে নিজের মস্ত বড়ো চাওয়ায় নিজেই একা সার্থক হতে চায়।

ও সব বোলচাল না দিয়ে, পাঁচু তীক্ষ্ণ চাপা গলায় বলে, খুলে সব বললেই হত যেটুকু। নাই বা করতিস নাটক। তুই ভাবিস কানাই, তুই একাই শুধু দেশকে ভালোবাসিস, আর কেউ ভালোবাসে না।

বুঝিস নে কিছু, চুপ করে থাক।—কানাই গভীর কিন্তু অমায়িক মাস্টার মশায়ের মতো বলে, মিছেমিছে রাগ দেখালাম। কাল ফের আসবে, খানিকটা বুঝিয়ে দেব। অ্যাড্বিন না বুঝে কাজ করছিল, এবার বুঝে করবে।

গোড়া থেকে বুঝিয়ে করলেই হত।

তাই কি সবাই বোঝে ?

পাঁচু আরও রেগে বলে, কেউ কিছু বোঝে না, তুই একা সব বুঝিস ? বোঝাটা তোর একচেটিয়া, না ? কেউ যদি কিছু না বোঝে তোর কাজ নেই কিছু বুঝে, নিজের চরখায় তেল দে। আমরা সবাই ঘাস কাটব, একা তুই দেশোদ্ধার করবি !

রাগে পাঁচুর মেটে তেলা রং বাদামি হয়ে গেছে, ঠোঁট কাঁপছে দেখে কানাই যেন আমোদ পায়, বলে, তোরও একটু ন্যাকামি আছে, কী বুঝবি ! জগতে কত মজা আছে, খবর রাখিস ? বড়োসড়ো মেয়ে দেখেই চোখ কপালে উঠেছে। ওর কি বকম টাকার খাঁকতি ছিল জানিস ? এইটুকু বয়েস থেকে ওর মা এ-বাড়ি ও-বাড়ি চাব আনা আট আনা ধাব চাইতে পাঠাত। এমন স্বভাব বিগড়ে ছিল, সুযোগ পেলেই কবত। আমায় একটু ইয়ে করে, চুরির স্বভাবটা শুধরেছি, টাকার লোভ যায়নি। নইলে ওবকম গাঁজাখুঁবি গল্প বানিয়ে টাকা দিয়ে ওব হাতে মাল সরাই ?

পাঁচু ডাল হয়ে যায়, লজ্জা পায়। বলে, ও বাবা, এমন মেয়ে !

ওই তো, কানাই বলে, ফের উলটো বুঝলি। এমনি মেয়ে খারাপ নয়, বাড়ির দোষে একটা দোষ পেয়েছে। তাও শূধরে আসছে আস্তে আস্তে।

সারা পথ মনটা তরফাতে থাকে পাঁচুর, বেলে ঘুমিয়ে কাটে, স্টিমারে দিনের বেলা নিজের ওপব বিরাগ নিয়ে কাটে। স্কুলে যেমন এখনও তেমন, বাববার তার কাছে স্পষ্ট হয় পাকাদের কানাইদের সঙ্গে কাপে কাপে খাপ খায় না, সে অযোগ্য। স্টিমার যেমন বিশাল নদীতে ভেসে চলে, অজানা আশ্চর্য নদী, মন তার তেমনই ভেসে চলেছে চিন্তা-সাগরে। সাগর কি-না কে জানে, হয়তো পুকুর হবে কিংবা ডোবা, মুখ্য চাষার মুখ্য ছেলে সে। নিজের দীনতায় হীনতায় পাঁচু কাতর হয়ে থাকে। শুধু শ্যামল যেন সেই আটলিগাঁর বনের ধারের মাটির ঘর থেকে মানুষ-বোঝাই নদীর জাহাজে তাকে অনুসরণ করে। কাজ বল, পড়াশোনা বল, শ্যামলকে তো কেউ ছাড়িয়ে যেতে পারবে না, কালীনাথ বা কানাই। রোজ ঘণ্টার পর ঘণ্টা এই শ্যামল তাকে বুঝতে শিখিয়েছে, কী আগ্রহে শিখিয়েছে ! কেন সে তবে কিছুই বুঝবে না ?

আসলে এটা তার পাকার কাছে শেখা, আত্মগত এই প্রক্রিয়াটা, মনগড়া আত্মচিন্তার এই ব্যাকুলতা যে তার ওদেরই কাছ থেকে ধার করা, যাদের কাছে সে তুচ্ছ বলে ভাবছে নিজেকে, তাও পাঁচু জানে না। পাকার এ রকম সর্বদাই ঘটছে। পাঁচুর মাঝে মাঝে হয়। কানাই উগ্র বিদ্বেহ নিয়ে মরিয়া হয়ে কেটে বেরিয়ে গেছে, সে বলে, আমার বয়ে গেল। বলে, যা করব ঠিক করেছি, যা শুবু করেছি, তাই করে যাব—চুলোয় যাক দ্বিধা সংকোচ ভাবনা চিন্তার দোদুল দোলা !

স্কুল-জীবনের নিতাকার সমীকরণের মধ্যেও তিনবন্ধু এই রকমই ছিল, তাদের বন্ধুত্বের জমাট করা মোট রূপটা ছিল এই দিয়েই গড়া। স্কুলের বাঁধন আর প্রতিদিনের মেলামেশা শেষ করে নিজের নিজের কেন্দ্রে কিছুটা তফাত হওয়া মাত্র তারা পরস্পরের পরিচয় প্রতিফলিত করছে। তাদের যোগসূত্র অবশ্য দেশজোড়া সন্তাসী আন্দোলন, তাদের ঘনিষ্ঠতাও ওই অসহ্য ক্ষোভের চরম প্রকাশেরই আর একটা রূপ। তা না হলে, কে পাকা, কে কানাই, কে পাঁচু, কীসেই বা তাদের বেঁধে

রাখত, কোথায় ছিটকে চলে যেত তারা জীবনের বিভিন্ন গতির টানে ! তিনু যেমন গেছে, ধনেশ মুদির ছেলে তিনু। সেও আছে এই শহরেই, অত তার বন্ধুপ্রেম, তিনবন্ধুকে দোকানের লাজেস বিকুট তামাক খাওয়াতে অত তার ব্যাকুলতা, কিছুই তো তাকে ধরে রাখতে পারল না বন্ধুচক্রে। তিনজনেই ভালোবাসত তিনুকে। অথচ পাকাকে এত অপছন্দ করলেও, পাকাকে বর্জন করলেও পাকার সঙ্গে নিবিড় যোগ কানাইয়ের রয়েছে গেছে : তিনজনের কারও আজ মনে পড়ে না এই সেদিনও তাদের যে আর একজন প্রাণের বন্ধু ছিল, সেই তিনু গেল কোথায় ?

সাধারণ বন্ধুত্ব সুযোগ সুবিধার ব্যাপাব। বিপ্লব বন্ধুত্ব গড়ে অনারকম। নতুবা জগতে বিপ্লবী হত কে ?

৩

পাকার সংসার নাম সরমা। সতেরো বছর বয়স, গরিবের মেয়ে। এখানকারই গরিব স্কুলের গরিব মাস্টার সারদাচরণ তার বাপ। সৌন্দর্য চলনসই, স্বাস্থ্যটা সুন্দর। স্কুল মাস্টার বাপ, তাব ভাতে এমন শরীর এ দেশে গড়ে ওঠে না। বাড়তি খাদ্য সংগ্রহের একটা আশ্চর্য প্রতিভা ছিল সরমার, পেয়ারা পাঁপের ছোলা চানাচুর বাদামভাজা তো বাটেই, স্বভাবগুণে কয়েকটা বাড়িকে বশ করে মেয়েব মতো হয়ে ভালো খাদ্যও সে পেত। পাতার পাতানো মাসি পিসি খুড়ি জেটি দিদি বউদিরা তাকে দেখেই খুশি হত, শাস্ত নরম স্বভাব, হাসিমুখে কথা বলে, দুঃখে কষ্টে দরদ দেখায়, সুখে সৌভাগ্যে আনন্দ পায়,—সবচেয়ে বড়ো কথা, বাড়িতে এসে যেটুকু সময় সে থাকে, বাড়ির মেয়েব মতো না-বলতে সংসারের ঝঞ্জাট লাঘবে হাত লাগায়। ছেলেটা ধরা থেকে ভাতের হাঁড়িটা নামানো, ঘবটা ঝাঁট দেওয়া থেকে চট করে দুটো বাসন মেজে ফেলা, কোনো কাজ করতেই তার অহংকার নেই তাই শূণ্য নয়, নিজে বুঝে নিজে এগিয়ে নিজে থেকে করে দেয়। মাছ মাংস দই মিষ্টির ভাগ তাকে না দিয়ে খেতে কয়েকটা পরিবারের রীতিমতো মন খুঁতখুঁত করত। বিশেষ কিছু রান্না হলে সে হাজির না থাকলেও ছোটো ছেলেমেয়ে পাঠিয়ে তাকে ডেকে আনা হত : ও সরমা, আমি ডাল রোধেছি, দাখ তো খেয়ে হয়েছে কেমন ?

বাড়ির কাজে ফাঁকি পড়ত, বাড়ির মানুষ খালি হত, কিন্তু কোনো শাসন মানত না সরমা। তার দারুণ খিদে, পেট ভরে না, বড়ো বড়ো কথা বললে চলবে কেন ! যতটুকু খেতে দেবে ততটুকু খেতে দেব, ঘর-পর নেই।

না জেনে বুঝে ভদ্র সমাজের সব নিয়ম রীতি স্নেহ প্রীতির বাঁধন বজায় রেখে তারই মধ্যে এই নীতি গড়ে তুলে মানিয়ে চলা একটি মেয়ের পক্ষে সহজ প্রতিভার কথা নয়।

অরবিন্দের বয়স নিয়ে দারুণ স্ফোভ হয়েছিল অবশ্যই। শত গরিবের মেয়ে হোক, বৃড়োর কাছে বলি দেওয়াটা সব মেয়েই বোঝে, হোক সে বড়ো সরকারি চাকুরে, মস্ত পয়সাওলা লোক। এ বাড়িতে মাছ দুধ খাবার-দাবারের অচেল ব্যবস্থায় সরমা গোড়ার দিকে মরমে মরে গিয়েছিল। চিরদিন তার খিদে বেশি, তাই যেন সে প্রচুর খাদ্য পেল বরের বদলে। কিছুদিন কোনো জিনিস তার মুখে রোচেনি, খেতে বসে ঠেলে ঠেলে দিয়েছে সব। তাতে একদিকে ভালোই হয়েছে। নতুন বউয়ের পক্ষে মানানসই ব্যবহার হয়েছে। খিদে কদিন বিগড়ে না গেলে প্রথম থেকে সে যদি খিদে মিটিয়ে খেত, অন্যো তো হাসাহাসি করতই, অরবিন্দেরও লজ্জা হত। খিদে চাঙ্গা হয়ে উঠেছে সরমার যথাসময়ে, কিন্তু সে তখন বাড়ির গিন্নি, কী সে খায়, কত খায়, কবার খায় কে তা দেখতে যাচ্ছে ঝি-চাকর ছাড়া, বিশেষত যে বাড়িতে খাদ্যের ছড়াছড়ি, এমনই কত নষ্ট হয়, ফেলনা যায় !

অন্যায়সে সুখী হত সবমা, পাকা যদি না ছেলে হিসাবে পাগল হত সবদিক দিয়ে আর অরবিন্দ যদি না পাগল হত ছেলের সম্পর্কে। এত বড়ো ছেলে থাকার অসুবিধা সরমা সামলে নিত যে ভাবেই হোক, ও বিদ্যা বাঙালি মেয়ের জানাই থাকে, কিন্তু কেউ তাকে সে সুযোগ দিলে তো ! ছেলেকে সরমা চোখে দেখার আগেই পাকা পাকা করে, কী হবে কী হবে করে, বিয়ে করার জন্য হাহুতাশ পর্যন্ত করে, অরবিন্দই সরমাকে ভয়ে দুশ্চিন্তায় পাগল করতে বসেছিল। তারপর আচমকা তাকে নিয়ে সেকেন্দ্রাবাদ ছোট্টা, সারাপথ কত উপদেশ কত সাবধান করা, এবং তারপর সেকেন্দ্রাবাদে ওইসব খাপছাড়া কাণ্ড। এখানে অরবিন্দ এক ঘরে শোয় না, সহজে কাছে আসে না, কথা বলে না, প্রায় তাকে বর্জন করেছে। পাকার সঙ্গে আপস না হলে, পাকা অনুমোদন না করলে, সে যেন গায়ের জোরেই বাতিল করে রাখবে বিয়ে করাটা যতদূর তার সাধ্য, বিয়ে করা জলজ্যান্ত বউটা বাড়িতে বর্তমান থাকলেও।

সরমা অগত্যা পাকার দয়া-ময়া বিবেচনাই জীবনের আশাভরসা করে নিজেকে সঁপে দিয়েছে। তোমার বাবা বিয়ে করেছে, তোমার বাবার বউ হয়েছে, মা হয়েছে সেই সম্পর্কে তোমার,— অমার্জনীয় অপরাধ করেছে, মারো কাটো যা খুশি তোমাব করো।

নতুন মামি সামলে সামলে শূধরে শূধরে চলে, সে একবকম সত্যিই কান ধরে পাকাকে ঢাকায় এনেছে, তার আপসহীন বিরোধকে সংযত করেছে, অনেকখানি ভেঙেও ফেলেছে।

যতই হোক, : : হতা ? নতুন মামি বলত।

মা ? ও তো বাবার ইয়ে ।

আজ আর পাকা এ ধরনের কথা । না। তবে মা বলেও ডাকে না সরমাকে। সুধা ছিল বলে আব অর্থাৎ সম্প্রতি সে হাড়গাড় ভাঙ । বা মরো ছেলেটাকে ছা-ব মতো বুক রেখে সারিয়ে তুলে একেবারে বশ করে ফেলেছিল বলে, নয়তো এ জীবনে হয়তো অরবিন্দ আর নাগাল পেত না ছেলের। সুধার প্রভাব দেখে ঈর্ষায় সরমার বুক জ্বলে যায়, জীবনে সে এই প্রথম জেনেছে চাপা হিংসাব জ্বালা কাকে বলে, যে হিংসা আগুনের মতো পুড়িয়ে দিয়ে চলে। সম্পর্কে ছেলে, সে অন্যের বশ, এ জন্য তার হিংসা নয়। হঠাৎ-পাওয়া এত বড়ো ধেড়ে ছেলের জন্য অত তার মাথাবাথা নেই। তার জ্বালা এই জন্য যে স্বামী বল, সংসার বল, মানসম্মান সুখশান্তি বল, সব ওই ছেলেটার মর্জি দাঁড়িয়েছে বলে।

পাঁচুকে সে আদর-যত্ন করে, পাকার সে বন্ধু। শূধু সেইটুকুতেই একটা অঘটন ঘটে যায়। তার বন্ধুকে খাতির করায় পাকা এবাব দয়া করে মোটামুটি ক্ষমা করে বসে নতুন মাকে, এতদিনের চেষ্টায় নতুন মামিও যা ঘটতে পারেনি।

সুধা সরমাকে দিয়ে পাকার সেবা করিয়ে এসেছে, পাকা চেয়েও দেখেনি। চা খাবার সামনে দিয়ে দেখেনি। চা খাবার সামনে দিয়ে গেছে, পাকা মুখ ঘুরিয়ে চেয়ে থেকেছে অন্যদিকে। চা খাবারটা খেয়ে শূধু ধন্য করেছে সরমাকে নতুন মামির খাতিরে। পাঁচুর ও সব বাধা নেই, প্রথম দিন প্রথম বারেই সে সরমার সঙ্গে সম্মান করে কথা বলেছে, অত খেতে পারব না, কমিয়ে দিন। ভয়ে ভয়ে আরম্ভ করে সরমা আলাপ গড়ে তুলেছে, জেনে নিয়েছে তার গায়ের খবর, ঘরবাড়ি আত্মীয়স্বজনের বিবরণ। দারিদ্র্য সরমা ভালো করে চেনে, সাধারণ অবস্থায় অরবিন্দের ঘরে এলে দারিদ্র্যকে সে আরও বেশি ঘৃণাই করত, কিন্তু অরবিন্দের প্রশ্রয়ের অভাবে আর পাকার লাঞ্ছনায় অবস্থা তার শোচনীয়। পাঁচুর সেবায়ত্নে, তার সঙ্গে ভাব করায়, তার তাই বাধো বাধো ভাব আসে না, বরং পাকার বন্ধু এবং চাষার ঘরের হলেও ছেলেটি যে ভালো এটা জানা মাত্র তার উৎসাহ যায় বেড়ে।

দুদিন এটা দেখে পাকা একেবারে বদলে যায়। যেচে সে প্রথম কথা বলে সরমার সঙ্গে, সন্ধিঘোষণা করে বলে, নতুন মা, তুমি পিঠে বানাতে পার ?

পারি। কী পিঠে ? গলা কেঁপে যায় সরমার।

পাঁচু পিঠে ভালোবাসে। নতুন মা বলে ডেকে সরমাকে পাকা পাঁচুর জন্য পিঠে করতে বলে, এও নাকি সংসারের অঘটন হয়ে ওঠে বিশেষ অবস্থায় ! পাঁচু সেটা টের পাচ্ছিল। বাড়িতে পারিবারিক জীবনের মধ্যে এমন ঘনিষ্ঠভাবে পাকাকে সে আগে কখনও দেখেনি। কানাইয়ের কথা তার মনে পড়ে। পাকার সত্যি পাগলামি আছে। খাপছাড়া পাগলামি।

সরমা অরবিন্দকে জানায়, পাকা আমায় মা বলে ডেকেছে, হাসিমুখে কথা কয়েছে।

রাজা করেছে ! বাড়ি থেকে ওকে দূর করে দেওয়া উচিত ছিল।

হঠাৎ অরবিন্দকেও সেদিন প্রফুল্ল প্রাণবন্ত দেখায়, অনেকদিন পরে অন্দরে তার এদিক ওদিক চলাচল ঘটে, এর সঙ্গে গুর সঙ্গে কথাবার্তা বলে। বউ আর ছেলে দুজনকেই তার চাই, তাই এত অনায়াসে তার এমন বেহায়াপনা, দুজনের একটু মিল হয়েছে শুনাই ঘোষণা করে যে সে খুশি হয়েছে।

সুধার পছন্দ হয়নি পাঁচুকে। তাকে না জানিয়ে পাকা বন্ধুকে আসতে লিখেছে এতেই প্রাণে আঘাত লেগেছে সুধার। কত ছোটো ব্যাপারে কত বড়ো সত্যের ইঙ্গিত পায় একাগ্র উচ্চকিত প্রাণ ! এখনও শরীর ভালো সারেনি পাকার, সুধার মতে মোটেই সারেনি, এরই মধ্যে একান্ত সুধার হয়ে বেঁচে থাকতে তার হাঁপ ধরেছে, সে অন্য সঙ্গী চায়, বাইরের বেপরোয়া উচ্ছ্বল জীবন চায় ! এত তাড়াতাড়ি ? চপল দুরন্ত পাগল ছেলে, কারও আঁচল ধরে সে থাকবে না, সে যেই হোক, সুধা তা জানে। একা সে পাকাকে বেঁধে রাখতে চাইবে কেন ? কিন্তু এ তো নিয়ম নয়, এখনও তো সময় হয়নি ! সে তবে কী ? সে কি হাসপাতালের নার্স যে এত সন্তায় পাকা তার পাওনা মিটিয়ে দেবে ? রাত নটা বাজতে না বাজতে সুধা পাঁচুকে বলে, ওকে আর রাত জাগিয়ে না। গুর শরীর ভালো নয়।

বেশ কড়া সুরেই বলে।

পাকা বলে, আমার ঘুম পায়নি।

শুলেই ঘুম পাবে।

পাকাকে শূইয়ে দিয়ে একদৃষ্টে তার মুখখানা দেখে। চোয়াল ভেঙে বাঁকা হয়ে গিয়েছিল পাকার মুখ, ডাক্তার যতখানি পারে সোজা করে দিয়েছে। কোমল হাতে ম্যাসেজ করে করে বাকিটুকু যদি সুধা ঠিক করতে পারে, নইলে কোনো উপায় নেই। দিনে চারবার সুধা আধঘণ্টা কবে ম্যাসেজ করে। প্রতিরাতে পাকাকে শূইয়ে এমনই আগ্রহ চেয়ে দেখে, কতটা উপকার হল।

পাকার দু-গাল হাতের তালুতে আঙুলে চেপে ধরে সুধা বলে, সামান্য একটু এদিক ওদিক হলে কী হয় ? আগের চেয়ে বরং সুন্দর দেখাচ্ছে তোমার মুখ।

বিশ্রী দেখালে বয়ে গেল।

তোমার তো বয়েই যাবে। নিজের মুখ নিজে তো দেখতে পাও না ! একটা চিঠি এসেছে তোকে দেখাই।

অনন্তের চিঠি। সে কড়া ভাষায় সুধাকে যেতে লিখেছে, জানতে চেয়েছে সারা জীবনটা সে কি এখানে ওখানে ঘুরে ঘুরেই কাটাবে ? বোঝা যায় কাজের ফাঁকে তাড়াতাড়িতে লেখা চিঠি, তবু রসালো করে কিছু ভালোবাসার কথা লেখার চেষ্টা অনন্ত করেছে, একটা মন্ত্রীত্বের জন্য তার প্রাণপাত চেষ্টার মধ্যে। বিনা দ্বিধায় নির্বিচারে সুধা চিঠিটা আগাগোড়া পাকাকে পড়ে শোনায়, অনন্তের প্রেমপত্র যেন তার দাম বাড়াবে।

যাবে নাকি ?

যাব না ? আজ কতকাল হয়ে গেল কলকাতা ছেড়েছি।

পাকার কাছে আরও দাম বাড়াতে চায় সুধা। বাড়াতে বাড়াতে কোথায় গিয়ে ঠেকাবে তা সে জানে না, কিন্তু অন্য উপায়ও তার নেই। শুধু দাম বাড়ানো, নিজেকে দামি করা। সুদে আসলে সব

উশূল করে নেবার সাধ্য তার আছে, কিন্তু সাধ্যে বোধ হয় কুলিয়ে উঠবে না আর কোনোদিন। আজকাল কতবার কত বিহুলতা আসে পাকার, কতবার হাত ধরে শাড়ি ধরে টানে, আচমকা গলা জড়িয়ে ধরে। সেটা সুধাকেই পরিণত করতে হয় ছোটোছেলের মায়ের হাত ধরে টানায়, মায়ের গলা জড়ানোয়। কী রকম থমথমে মুখে স্নেহাৰ্হ গাঢ় চোখে শান্তভাবে চেয়ে ধীরে ধীরে পাকার কপালে হাত বুলিয়ে দিলে, ছোটো একটি চুমু খেলে পাকা শিশুর মতোই ঝিমিয়ে যায়, তার চেয়ে কে ভালো করে জানে ?

মাঝে মাঝে তাই অসহ্য জ্বালায় অদম্য আক্রোশে সুধা জ্বলে পুড়ে ফেটে যেতে চায়। কেন শান্ত হয় পাকা ? সব দিকে দুরন্ত অবাধ্য ও উচ্ছ্বল, কোনো শাসন, কোনো বাঁধন মানে না, বয়সের সীমা পার হয়ে অভিজ্ঞতার দূর দূরান্তরে রহস্য আবিল্কার করতে ছটফট করে, একদিনও কি সে অবাধ্য হতে পারে না তার স্নেহের, অমানা করতে পারে না তাকে ?

আমি তবে কাল-পরশু চলে যাই ?

ইস্ !

তেমনই পরিচিত বিহুল দৃষ্টি, কামনার অতল স্বপ্ন। সুধার স্পষ্ট মনে হয়, এ সময় পাকা যেন একেবারে ভুলে যায় সে কে এবং সুধাই বা কে ! দু-হাত ধবে এত জোরে তাকে টানার মতো স্পষ্ট বাস্তব চাওয়াও তার তাই এত অনুগ্রহ, তার ব্যাকুলতা এত নিস্তেজ। এর মানে সুধা জানে না, বোঝে না। তার বুক ফেটে কান্না আসে।

ইস্, যেতে দিলে তো ?

কে যাচ্ছে ? তোকে ছেড়ে যেতে পারি পাগল ? সুধা নত হয়ে তার কপালে গাল রাখে, মাথা তুলে বলে, ঘুমোবি না ? কপালে চুমু খেয়ে বলে, এবাব ঘুমো ?

মশারি ফেলে আলো নিভিয়ে সুধা চলে যায়, পনেরো মিনিট পরে এসে দেখে পাকা ঘুমিয়েছে। পাঁচুব সঞ্জে সারাদিন ঘুরে বেড়িয়েছে এই শবীরে, ঘুম তো আসবেই।

সে এখন করে কী, তার তো ঘুম আসবে না অর্ধেক রাত, হয়তো সমস্ত রাত ! কাল সে করবে কী, পরশু, তার পবের দিন ? আলো জ্বলে মশারি তুলে পাকার সর্বাঞ্জে চোখ বুলায় সুধা, কপাল থেকে এলোমেলো চুল সরিয়ে দেয়, সস্তর্পণে স্পর্শ করে দেখে বাঁ চোয়ালের যেখানটা আজও একটু ফুলে আছে। উঠছে পড়ছে ঘুমন্ত পাকার বুক। কী হবে তবে, কী করা হবে ? সে বোধ হয় পাগল হয়ে গেছে, সুধা ভাবে। কিন্তু পাগল যদি হয়েই থাকে, ভুলতে কেন পারে না যে এই তার পাকা, তার এই পাকার সারা জীবনটা সামনে পড়ে আছে। কেন শুধু মনে থাকে যে বিপ্লব করতে গিয়েছিল বলে পুলিশ খেঁতলে দিয়েছিল বলে পাকাকে বৃকের মধ্যে পাওয়া গেছে, নইলে ওকে ধরার সাধ তার স্বপ্ন থেকে যেত। সংসারে কত রকম মেয়েপুরুষের কতরকম ভালোবাসা হয়, কে না জানে বয়সের হিসাব সম্পর্কের হিসাব কত শতবার সংসারে ভেসে গেছে, কত শতবার ভেসে যাবে। তারও ভেসে গেছে ও সব তুচ্ছ হিসাব, কী গ্লানি কত অনুতাপ কোন যাতনায় সারা জীবন দক্ষে দক্ষে মরবে সে জানতেও চায় না। কত নরকের কীট জন্মেছে সংসারে, সেও নয় আব একজন হল। সব সে মেনে নিতে রাজি, শত শতবার রাজি। জগৎ সংসার চুলোয় যাক। পাকার বাকি জীবনের হিসাব কেন তবে তাকে এমন ব্যাকুল করে, তার হৃৎস্পন্দন খামিয়ে দিে চায় ? এ তো নিয়ম নয়, সঞ্জাত নয় ! তার মতো সংসারের অভিশাপ হতে চেয়েই পাগল হয়েছে, কেউ তারা এই বিপরীত হিসাব কষেনি। তার এ কী হল ?

এই সেদিনও পাকা মরণাপন্ন হবার আগে, বুঝি সম্ভব ছিল ভাবা যে কিছু হবে না পাকার, একদিন ভুলে যাবে সব, মনে তলায় চাপা পড়ে যাবে জীবনের একটা পুরানো অধ্যায়, মাঝে মাঝে শুধু নতুন মামিকে মনে পড়ে হয়তো একটু ব্যাকুল, একটু আনমনা হয়ে যাবে।

আজ ওই ভুলে যাওয়া সহজ নয়, ভুলে যাওয়ার ভয়ংকর মানে তার আতঙ্ক এনে দেয়। খেলা আর উন্মাদনা দুদিনের বেশি টানা যাবে না, তারা ফুরিয়ে যাবে, তাদের ছাড়াছাড়ি হবে, এ সব সবাই জানে, সবাই বাতিল করে উড়িয়ে দেয়। আজ এই তাৎপর্যটাই বড়ো হয়েছে, ভোলা যায় না, তুচ্ছ করা যায় না। পাকাকে নিয়ে সে যদি দেশ ছেড়ে পৃথিবীর অপর প্রান্তেও পালিয়ে যায়, দুদিন পরে তারা ফুরিয়ে যাবেই। তা যাক। কিন্তু তার পাকার তখন হবে কী !

কী হল তা, কেন এমন ভাবে সব গুলিয়ে যায়, সে তো এমন ছিল না ! ছেলেবেলা থেকে মানুষের মন ভুলানো শিখে এসে এসে ছেলেখেলা হয়ে গিয়েছিল জীবন, একটি কিশোর তার মন ভুলিয়েছে জেনে জীবনের প্রথম কী বিস্ময় কী রোমাঞ্চ জেগেছিল, কী পুলকের স্বাদ পেয়েছিল ! তারপর থেকে শুধু জয় করেছে, বশ করেছে ওই কিশোরটিকে, জগৎ সংসার সব ভুলে থেকেছে। তার এত রূপ এত মায়ী তবু পাকা সাড়া দেয় না বলে তার বেঁচে থাকার রুচি ছিল না, কষ্টে পাগল হতে বসেছিল। আজ সেই বিহুল ব্যাকুল চোখে তাকায়, হাত ধরে আঁচল ধরে টানে, গলা জড়িয়ে ধরে। আর সে তাকে আজ শিশুর মতো স্নেহে ভুলিয়ে শান্ত করে ঘুম পাড়ায়।

চলে যাবে ? কাল সকালেই বিদায় হবে চিরদিনের মতো, আর যাতে পাকার সঙ্গে দেখা না হয় ? কিন্তু পাকা যদি মুম্বড়ে যায়, ওই অভিমानी পাগল ছেলে ? স্নেহ মমতা যত্নের অভাবে যদি মরে যায় অন্য কাণ্ড করে ?

মশারির পাশে দাঁড়িয়ে দাঁড়িয়েই সুধা নিঃশব্দে কাঁদে। আলোটাও নেভায় না। তার রূপ তাব শাড়ি ঝলমল করে আলোয়। মোটরে সোফায় পালঙ্কে ঘরকন্নার হাসি গান আনন্দে উজ্জ্বল যে ছিল আর যার জীবনটা মানুষের চোখ আর মনকে ঝলসে দিত।

8

পাঁচু পিস্তলের কথা বলে। পাকা সঙ্গে সঙ্গে উৎসাহী হয়ে ওঠে।

দুটোই নিয়ে যাস।

পাঁচু বুঝিয়ে বলে যে দুটো নিয়ে কাজ নেই, বিশেষভাবে একটার কথাই যখন বলা হয়েছে, নির্দেশটা মেনে চলাই ভালো। তার নিয়ে যাওয়াও ঠিক হবে না। দুদিনের জন্যে বেড়াতে এসে সে চলে গেল তার এদিকে পিস্তল চুরি গেল—

সে আমি সামলে নেব। এক মাসের মধ্যে বাবা টের পাবে না।

একটা পিস্তল তোলা থাকে, সেটা পাকা অনায়াসেই দিতে পারবে। সহজে কারও খেয়াল হবে না ওটা চুরি গেছে। নেহাত যদি ধরাই পড়ে, পাঁচুর ওপরে যাতে সন্দেহ না হয় পাকা সে ব্যবস্থা করতে পারবে। এত ভাববে কেন পাঁচু এই সামান্য ব্যাপারে ? কালীদাদের কত দরকার পিস্তলের, পাকা দিতে চায় তবু পাঁচু নিয়ে যাবে না ? কীসের ভয় এত ? দিন দশেক পাঁচু এখানে থাকে। এ বাড়ির অনভ্যন্ত জীবন তাকে পীড়ন করছিল। পাকাকে অবলম্বন করে বেশির ভাগ সময় কেটেছে তার, নইলে দুদিনও সহ্য হত না, যদিও এক নতুন মামি ছাড়া বাড়ির লোকের ব্যবহার হয়েছে নিখুঁত। সুধাও তাকে অবজ্ঞা অপমান করেনি, শুধু অভাব ঘটেছে তার সদয় ব্যবহারের। তাকে যেটুকু দেখেছে শুনছে পাঁচু তাতেই তার মনে এক রহস্যময় ধারণা সৃষ্টি হয়েছে। রানির মতো এত জমকালো রূপ এমন মহারানির মতো চলনবলন, পাকার মশারির পাশে একা দাঁড়িয়ে সে কাঁদে !

গল্প করে রাত জাগবে বলে অসুখের অজুহাতে সুধা তাদের দু বন্ধুকে এক ঘরে শূতে দেয়নি। পাকাকে একটা কথা বলতে গিয়ে পাঁচু সুধাকে পাকার বিছানায় মশারির নালে ঠায় দাঁড়িয়ে অদ্ভুত

এক বিকৃত মুখভঙ্গি করে কাঁদতে দেখে ভড়কে গিয়ে পাকার ঘরের দরজার কাছে থেকে ফিরে এসেছিল।

পরে সে পাকাকে প্রশ্ন করেছে।

কাঁদছিল। সত্যি ? আমি তো জানতে পারিনি !

আর কিছুই পাকা বলেনি।

দুজনে ঘুরে বেড়িয়েছে শহরে মফস্বলে নদীতে নৌকায়, আগের মতো উদ্দেশ্যহীনভাবে পাক খেয়ে বেড়ানোর চূড়ান্ত করে কিন্তু নয়। পাকাকে এমন শাস্ত, এত নিস্তেজ পাঁচু আর দেখেনি। যে অস্থিরতা আছে আগের তুলনায় তা কিছুই নয়। তবে শরীরটা তার সতাই সারেনি, দুর্বলতা রয়ে গেছে। মনটাও সামলে উঠতে পারেনি টের পাওয়া যায়। এ যেন সবার সেরা প্রমাণ যে শুধু প্রাণটুকু রেখে কী অমানুষিক নির্খাতনটাই করা হয়েছিল, পাকার মতো ছেলে এতদিন পরেও গা ঝাড়া দিয়ে উঠতে পারছে না। পাঁচুর ক্রোধ আর বিদ্বেষ নাড়া খেয়ে গুমড়ে গুমড়ে ওঠে। এই কারণেও মনটা তার আরও ছটফট করে ফিরে যেতে। নলিনীর কিছু করা হয়নি, দিন এদিকে চলে যাচ্ছে একে একে।

পাঁচু ভাবে, তাদের শহরে ফিরে গেলে হয়তো তাড়াতাড়ি পাকা সেবে উঠত।

পাকা বলে, যেতে দেবে না।

শুনে পাঁচু স্তম্ভিত হয়ে যায়। যেতে দেওয়া হবে না বলে পাকা কোনো জায়গায় যাবে না, করতে দেওয়া হবে না বলে পাকা কোনো কাজ করবে না, পাকার মুখে এক রকম বশ্যতা বাধ্যতার কথা সে এই প্রথম শুনল।

পাঁচু একটি পিস্তল নিয়ে যায়। সঙ্গে নেবার নির্দেশ তাকে দেওয়া হয়নি, পাকার উৎসাহে এটুকু নিয়ম সে ভঙ্গ করে। কিন্তু দুটি নিয়ে যেতে রাজি হয় না, পাকা ভীষু বলে গাল দেওয়া সত্ত্বেও।

বাকসো তোলা পিস্তলটি নিয়ে পাঁচু চলে যাবার এক সপ্তাহেব মধ্যে কালীনাথের কাছ থেকে আর একজন আসে পাকার কাছে। পাঁচুর কাছে শোনা গেছে পাকা দুটি পিস্তলই দিতে পারে বিশেষ হাঙ্গামা না করে। তা কি সম্ভব ? বিনা দ্বিধায় পাকা অরবিন্দের ড্রয়ার খুলে দ্বিতীয় পিস্তলটি চুবি করে এনে দেয়।

কিছু টাকা এবং খানকয়েক গয়নাও দেয়।

পাকা সরমাকে বলে, নতুন মা, তুমি দেশকে ভালোবাসো ?

ওমা, দেশকে কে না ভালোবাসে !

মুখে তো সবাই ভালোবাসে। সত্যিকারের ভালোবাসা আছে ? ত্যাগ করতে পার দেশের জন্যে ?

কেন পারব না ? বলে কী করতে হবে, করছি।

তোমার কয়েকটা গয়না দাও, স্বদেশিদের জন্য পারবে দিতে ? ওরা প্রাণ দিচ্ছে, তুমি কটা গয়না দিতে পারবে ?

সরমার মুখ হাঁ হয়ে যায়, বিস্ফারিত চোখে খানিকক্ষণ পলক পড়ে না, কয়েকবার সে ঠোঁট চাটাচাটি করে। তারপর বলে, দিচ্ছি।

দু-একখানা গয়না নয়, ট্রাঙ্ক খুলে গয়নার বাকসোটা সরমা পাকাকে এনে দেয়। বলে, নাও, আমার যা ছিল সব দিলাম। তুমি আমায় যেমন ভাব, আমি তেমন নই পাকা। আমিও মানুষ। চোখ ফেটে জল বেরিয়ে আসে সরমার।

পাকা অভিভূত হয়ে বলে, বাকসো শুদ্ধ যে দিলে, বাবা টের পেলে কী হবে ?

সে হবেখন। গয়না কি কারও চুরি যায় না ?

সরমা জলভরা চোখে মুচকে হাসে। পাকার সমস্ত মুখ হাসিতে ভরে যায়।

পরদিন সকালেই অরবিন্দ পিস্তলের অন্তর্ধান টের পায়। ড্রয়াবে ছিল সরকারি রিভলবার, এটা অরবিন্দের সঙ্গেই থাকে, সেটাই নিয়ম। অন্য ড্রয়ারগুলি খুলে, আলমারি হাতবাক্সো খাটের তোশকের তলাটা একবার খুঁজে দেখে খোলা ড্রয়ারের সামনে দাঁড়িয়েই গম্ভীর কালো মুখে সে ভাবে। অনেকক্ষণ ভাবে। মাঝখানে শোবার ঘরে গিয়ে বাক্সো খুলে দেখে আসে, অন্য পিস্তলটিও সেখানে নেই। ক্রোধে ক্ষোভে ভয়ে বিরাগে তার গা কাঁপে, দাঁড়াতে না পেরে চেয়ারে বসে সে ভাবে।

সফল সার্থক তার জীবন, কত বড়ো চাকরি করে, আত্মীয়স্বজন বন্ধুবান্ধব, আগের এক স্ত্রী, তার ছেলে, নতুন দ্বিতীয় স্ত্রী, কত কিছু নিয়ে তার জীবন। আজ একদিনে একমুহূর্তে তাসের ঘরের মতো সব ভেঙে পড়েছে। পাকা তার ছেলে। একমাত্র ছেলে। ছেলে যার শত্রু হয় সে কেমন করে সামঞ্জস্য বিধান করে জীবন ?

চূপ করে বসে থাকে অরবিন্দ। সারাজীবন সে নিয়ম মেনেছে, আইন মেনেছে। সরমাকে সে ঘরে এসেছে আত্মীয় বন্ধু সমাজ ধর্মের রীতিনীতি নিয়ম সমর্থনে। বিরোধ করবে শুধু পাকা।

নেয়ে খেয়ে নেওয়ার তাগিদ এলে অরবিন্দ বলে, আপিস যাব না। শরীর খারাপ।

ড্রাইভার গাড়ি বার করেছিল, যথাসময়ে গ্যারেজে ফিরিয়ে নিয়ে যায়। তক্মা-আঁটা চাপরাশি এসে সেলাম করে ধমক খেয়ে বেরিয়ে গিয়ে রাস্তায় নেমে বলে, শালার মর্জি নাই আপিস যাবার, আগে বললেই হত।

নেয়ে খেয়ে শোয় অরবিন্দ। ছুটির দিনে স্বামীকে দুপুরের সেবা দিতে গিয়ে সরমা ঝাঞ্জালো ধমক খায়। সমান ঝাঁজে জবাব দিয়ে সরমা মেঝেতে মাদুর বিছিয়ে শুড়ে পড়ে।

বেলা চারটে নাগাদ অরবিন্দ পাকাকে ডেকে পাঠায়। গড়গড়ায় নল ধবে সে খাটে বসে ছিল, পাকা ঘরে এলে বলে, চেয়ারটা টেনে এনে বোসো।

পাকা নীরবে আঙা পালন করে। আজ সে ভালো ছেলে। অরবিন্দ বলে, তোমার একটা কথা জিজ্ঞেস করতে চাই। জবাব দিতে না চাও দিয়ো না, কিন্তু মিথ্যে কথা বোলো না।

আমি মিথ্যে বলি না বাবা।

মিথ্যে বলে না ! তার মানে যদি সে জিজ্ঞাসা করে, তুমি কি আমার পিস্তল চুরি করেছ ? পাকা বলবে, হ্যাঁ চুরি করেছি !

তারপর কী হবে ?

তারপর কি করবে অরবিন্দ ?

গড়গড়ার নল ছুঁড়ে ফেলে দিয়ে অরবিন্দ বলে তুমি অপদার্থ হয়ে গেছ, অধঃপাতে গেছ একেবারে। দুদিন পরে তুমি কলেজে ভরতি হবে, আজও ঠিক করলে না আমায় জানালে না, আর্টস পড়বে না সায়াপ পড়বে ?

কেন ? সেদিন যে বললাম আমি সায়াপ পড়ব ?

বলেছিলে নাকি ? মনে নেই।

পরদিন অরবিন্দ মফস্বলে যায়। কয়েকদিন পরে ফিরে এসে সে রিপোর্ট দাখিল করে যে সোনালগাঁর কাছে ডিঙি-নৌকায় নদী পার হবার সময় ডিঙি উল্টে সে নদীতে পড়ে যায়, অতি কষ্টে নিজের প্রাণ বাঁচিয়েছে বটে, কিন্তু সরকারি রিভলভারটি নদীতে খোয়া যায় অন্যান্য জিনিসের সঙ্গে। সরকারের সে বিশ্বস্ত কর্মচারী, কিন্তু দুঃখের সঙ্গে তাকে জানাতে হচ্ছে যে চলাচলের এমন অবস্থার মধ্যে তাকে কাজ করতে হয় যে শুধু স্বাস্থ্য বজায় রাখা কঠিন হয়ে পড়ে না, প্রাণ নিয়ে পর্যন্ত টানাটানি পড়ে।

অরবিন্দ বুঝতেও পারেনি যে চিন্তায় ভাবনায় দিশে হারিয়ে কী কড়া আর ঝাঁঝালো রিপোর্ট সে পেশ করেছে ডিঙি উলটিয়ে নদীতে পড়ে রিভলভার হারানোর গল্প ফেঁদে। দপ্তরে সাড়া পড়েছে। ওপরওয়ালাকে নাড়া দিয়েছে। একুশ বছরের ব্রিলিয়ান্ট সার্ভিস, একুশ বছরের কর্তব্যপারায়ণ দায়িত্বশীল নিখুঁত চাকর। কত ফাঁকিবাজ রায়বাহাদুর হয়ে গেছে, অরবিন্দ আজ পর্যন্ত কোনো পুরস্কার পায়নি। রিপোর্টের জবাবে হঠাৎ এক মাসের মধ্যে অরবিন্দ উচ্চতর গ্রেডে উঠে গেল। নববর্ষের লিস্টে সে রায়বাহাদুর হয়ে গেল।

কীসে কী হয় !

বারো

১

সত্য কথা বলতে কী, ঢাকার অভিজ্ঞতা সুখকব হয়নি পাঁচুর পক্ষে। ঢাকার জন্য তার মনটা খারাপ হয়ে গেছে। সে টেব পেয়েছে পাকা অসুস্থ, তার শরীর মন এখনও ধাক্কা সামলে উঠতে পারেনি। শুধু তাই নয়। একেবারে সেই চূর্ণবিচূর্ণ অচেতন অবস্থা থেকে সে আটকা পড়েছে ন্যাকামির ফাঁদে, যাতে আহুদি নানা পুতুল তৈরি হয়। নমুনা দেখে এসেছে পাঁচু। আগেকার পাকাকে যা নাগাল পায়নি, যার ছোঁয়াচ পেলে পাকা হাঁসফাঁস করত, কাবু অবস্থায় পেয়ে পাকাকে তাই আচ্ছন্ন করেছে। এ ব্যাপাব পাঁচু জানে, বড়োলোকের ঘরে একচেটিয়া হলেও গরিবের ঘরে যে একেবারে হয় না তা নয়। যেমন কায়তপিসির ছেলে রতন। নিজে প্রাণপাত কষ্ট করে ছেলেটাকে হাবা করেছে। বিশ বাইশ বছরের ছোকরা, আজও পিসি তাকে চোখের পলকে হারায়। মায়ের আঁচল ছাড়া রতনেরও চলে না, বোকার মতো কী ভোঁতা মিনমিনে তার কথা আর হাসি, আপিমের নেশায় যেন বিমিয়ে আছে সর্বক্ষণ !

পাকাকে যদি এবা তাড়াতাড়ি দলে টেনে নিত, ছিনিয়ে আনত ওই নতুন মা নতুন মামিদেব কবল থেকে !

শ্যামল হাসে। অত ভাবছ কেন ? ডানপিটে ছেলে, দুদিন আদব খেয়ে ও ছেলে কখনও বিগড়ে যায় ? গায়ে জোর হলেই ফের মাথাচাড়া দিয়ে উঠবে। দুদিন খাক না ওষুধ।

মাঝখানে একটু ভালো হয়ে শ্যামলের শরীর আবার খারাপ হয়েছে। ভাটার অবস্থাই শরীরের ওর মধ্যে একটু উনিশ-বিশ। মনের জোর ? মনের জোর কি শরীর জোরের ওপর নির্ভর করে ? তেজের জন্য পালোয়ান হতে হয় না, পাঁচু তা জানে, সে কথা নয়। এই রোগজর্জর দুর্বল ভাঙা শরীরে জীবন ধীবে ধীবে অস্ত যাচ্ছে শ্যামলের, তার তবে এত মানসিক শক্তি আসে কোথা থেকে ? হয়তো শ্যামলের সঙ্গে পাকার তুলনা হয় না। সারাজীবন একটানা প্রতিরোধের মধ্যে শ্যামলের মনের জোর গড়ে উঠেছে, পাকা এখনও যে সুযোগ পায়নি। একদিকে একভাবে শক্ত কঠিন হয়নি তার মন, এখনও নড়বড়ে হয়ে আছে, কাদায় পোঁতা খুঁটির মতো এদিক-ওদিক উলটে-পালটে হেলে পড়ে চাপ লাগলে।

তাছাড়া শ্যামলেরও দুর্বলতা আছে। সেটা যে নিছক দৈহিক দুর্বলতার জনাই, পাঁচু ক্রমে ক্রমে তা টের পাচ্ছিল।

তার নিজের দুর্বলতা ?

এই একটা মজা হয়েছে পাঁচুর বেলা। চাষার ঘরে জন্ম, সেই ঘরেই বসবাস, চাষাদের সঙ্গেই নাড়ির যোগ, এদিকে জীবনের পরিধি হয়েছে বিস্তৃত, একেবারে দেশের বিপ্লবী-জীবনের অগ্রগণ্য

চেতনার প্রাপ্ত ছুঁয়ে। ডোবা হয়ে নালা বেয়ে সাগর ছুঁয়েছে, ওই অসীম অগাধ জীবনের জোয়ার-ভাটা তার জীবনেও বয়। শহরে পড়তে গিয়ে অন্যজাতের কজন লোকের সঙ্গে পরিচয় হয়েছে বলে খুব বেশি আসে যায় না। চেনাজানা অভ্যস্ত পুরষানুক্রমিক ছোটো ছোটো ডোবায় ডুবে থাকলে কোনো হাঙ্গামা নেই। গাঁয়ের আরও দু-চারটি চাষির ছেলে খানিক লেখাপড়া শিখেছে, পাঁচ একা নয়। একটু অন্যরকম, একটু খাপছাড়া হলেও তারা মোটামুটি মানিয়ে নিয়েছে, লেখাপড়া ভুলেটুলে গেছে, বোনো জল ঝেড়ে ফেলেছে। পাঁচুর হয়েছে এই মুশকিল যে চুঁইয়ে গড়িয়ে আসা জল যেন নয়, জীবন-সমুদ্রের তরঙ্গ এসে হানা দিয়েছে তার ডোবায়—বেচারি ছেলেমানুষ, জমি-চষা চাষির ছেলে। শ্রেফ সে ভুলে গেছে নিজের কথা। নইলে এত বৈচিত্র্য, এত রোমাঞ্চ, এত অর্থকরী সম্ভাবনার ইঞ্জিতগুলির সঙ্গে সে এঁটে উঠতে পারত না। সে সবল কী দুর্বল, বাহাদুর কিংবা সামান্য, বিচার-বিবেচনার অধিকারী অথবা বেয়াদপ, সব ভাববারও তার সময় নেই, দ্বিধা সংশয় প্রতিক্রিয়াও নেই। কদাচিৎ তার যে আত্মবোধ জাগে বিষাদ বেদনার প্লানির রসে টইটমুর হয়ে পাকার আহ্বানে ঢাকা যাবার সময় স্টিমারে এবং ঘুমন্ত পাকার খাটের মশারির বাইরে দাঁড়িয়ে নতুন মামির আলুখালু বেশে কান্না দেখার রাত্রি, তাও আসলে পাঁচুর নিজের কথা ভেবে নিজে বিচলিত হওয়া নয়। তার ব্যক্তিগত কোনো স্বার্থ নেই, সে কেন ও রকম নিদারুণ মনোকষ্ট পারে পরের জীবনের বিরোধ আর জটিলতায় ! জীবনে যত নতুনত্ব এসেছে ওটা তার সে সব আয়ত্ত করারই প্রক্রিয়া। কালীন্যথ বল, শ্যামল বল, পাকা বল, কানাই বল—আত্মচিন্তা ওদের পাগল করেছে, আমিত্বের পরাধীনতা ওদের বেঁচে থাকাই ব্যর্থ বিস্তী বেদনাদায়ক করে স্বাধীনভাবে বাঁচার জন্য ফাঁসিকাঠে ঝুলে ঝুলে মরাকেও বড়ো করেছে। ওদের সংস্পর্শে এসে এই জ্বালার ভাগও পাঁচুকে নিতে হয়—বিরোধী জগৎকে একেবারে ভেঙে চুরমার করে ফেলার যে আকাশ-ছোঁয়া স্পর্ধা পাকার, সে স্পর্ধার সামান্য অংশটুকু পেতে হলেও জগৎকে বিরোধী করার যে দাবুণ মনোকষ্ট তারও একটু ভাগ না নিয়ে উপায় কী !

গাঁয়ের সমবয়সি ছেলেদের সঙ্গে পাঁচুর ঘনিষ্ঠতার প্রবল জোয়ার-ভাটা ঘটে থাকে। শহরে থাকার সময় দুবছর আসে, লম্বা ছুটিতে গাঁয়ে এলে প্রথম কিছুদিন অসুবিধার পর ধীরে ধীরে ঘনিষ্ঠতা বাড়ে। তবে শেষ পর্যন্ত খানিকটা ব্যবধান থেকেই যায়। একেবারে কেঁচেগণ্ডুষ করার সাধ্য পাঁচুর আর নেই। তাদের সমাজের আরও দু-চারটি ছেলে স্কুলে পড়েছে, দুবছর আগে রাখান্যথ ম্যাট্রিকও পাস করেছে। স্কুলের বিদ্যার যে মানে নেই, নিছক ফাঁকি, ওবা তার প্রমাণ। গাঁয়ে সমাজে পরিবারে নিজেদের ঠাই করে নিতে সব বিদ্যা শ্রেফ ভুলে মেরে দিয়ে বসে আছে, কোনো কাজেই লাগে না। একটা অকাজে লাগে, সেটা অহমিকা,—আমার পেটে বিদ্যা আছে, আমি স্কুলে পড়েছি ! চিঠিপত্র লেখার কাজ পর্যন্ত হয় না ওদের দিয়ে, চর্চা নেই, ভয় পায়, ভুল হবে, ফাঁকি ধরা পড়ে যাবে ! রাজেন ক্লাস সেভেন পর্যন্ত পড়েছিল, তার বাবা চিঠি লেখাতে আসে পাঁচুকে পয়সা দিয়ে।

পাঁচুও হয়তো ওদের মতো হত। কিন্তু তার অন্য জগতের ছোঁয়াচ লেগেছে। শুধুই সে বিদ্যা লাভ করেনি।

এবার পাঁচুর বিদ্যালান্ডের কাজ থেকে ছুটিটা সুদীর্ঘ, হয়তো বা চিরদিনের জন্যই। নিজের অজান্তে নিজেকে কেন্দ্র করে আটলিগার চাষাভূসো ছেলেদের একটা দল পাঁচু গড়ে তুলছিল। এ রকম একটা সংগঠন গড়ার কথা সে ভাবেনি, সংগঠন যে গড়ে উঠেছে নিজে সে এটা টেরও পায়নি, মন তার ছিল অন্যদিকে। হাতে ঘাটে মাঠে এই সব ছেলেদের এর ওর তার সঙ্গে ভিন্ন ভিন্ন ভাবে দেখা হয়, ইয়ার্কি ফাজলামি চলে, হাসাহাসি ঝগড়াঝাটি রাগারাগি হয়,—দেশের কথা ওঠে। দেশের কথাটা উঠবেই।

যেমন, রাজেনের সঙ্গে দেখা হয়েছে গোয়ালপাড়ায়। রাজেন এসেছে বাছুর নিতে, তাদের গোবুটার বাছুর গেছে মরে, দুধ দুইতে বাছুর লাগে। নিজের বাছুর পরের বাছুর সোনা বোঝে না,

যে কোনো বাছুর সামনে পেলে তার গা চেটে সে বাঁটের দুধ খুলে দেয়—বাছুর ছাড়া বাঁটে হাত দিতে গেলে শিং নেড়ে পা ছুঁড়ে লাফিয়ে সোনা হুলস্থূল বাধিয়ে দেয়।

পাঁচ এসেছে যাঁড় খুঁজতে, দেশ ছোটো যাঁড়। মেজোবাবুদেব খেয়ালের যাঁড়ের মিশেল বাছুরটা বিয়োতে আর তাকে বাঁচিয়ে রাখতে লক্ষ্মীর প্রাণান্ত হয়েছে—তাকে পোষাটাই দাঁড়িয়েছে লোকসানে। গাই-বলদকে লোকসানে পুষতে হলেই হয়েছে চাষির নিজেব বেঁচে থাকা ! লক্ষ্মীর এবার ছোটোখাটো দেশি বাছুর হোক, আর মিশেলে কাজ নেই।

এই ভাবে দেখা। কী উদ্দেশ্যে দুজনের গোয়ালপাড়ায় আসা প্রথমে সেটা জানাজানি হল। চাষাড়ে টিপ্পনি হল গোবু বাছুব মানুষ মিশিয়ে : মেজোবাবুর সেজোবউ নিজের বাচ্চা হারিয়ে গরিব চাষির বাচ্চাদের জন্য গাঁয়ে শিশু-নিকেতন খুলছে, ছোটো একটা আটচালায়। এবং শিক্ষারের ছুতায় যে বিলাতি সায়েবটা ধনঘন আসে তার কল্যাণে মেজোবাবুর নিবুদেশ মেজো ছেলের বউ মিশেল বাচ্চা বিয়োতে গেছে হাসপাতালে। এই সব রসালো আলোচনা।

কলকাতায় কী করে জানিস ? পাঁচু রহস্যের সুরে শুধায়।

কী করে ?

বাছুর মরে গেলে চামড়াটা খড়ে জড়ায়। তাই সামনে ধবে গোবু দোয়।

কলকাতায় সব ফাঁকিবাজি, চোবের আড্ডা। কাকার সেবার গাঁট কাটলে, পুলিশ একটা টাকা নিলে কাকার ঠা. . . চোর ধরলে খবর দেবে।

হবে না ? ইংরেজ আছে মোদের গাঁট কাটতে, যেমন কল্ল তেমন চাকর।

যে কথাতেই শুরু হোক, দুই কিশোরের আলাপে ইংরেজ আসবেই, ইংরেজ এলেই আসবে আনুষঙ্গিক শোষণ পেষণ দাবিদ্রা দুর্ভিক্ষ মহামারির কথা এবং তারপব সহজে সস্তায় পরাধীনতাব অভিশাপ যে ঘুচবে না এই সিদ্ধান্ত।

এই সাতাশ আটাশ সালের দেশ-জোড়া দুর্দিনে এ দেশেব কোনো ছেলবুড়োর আলাপে এ সব কথা না উঠে পারে ? আঁতুড়েব শিশুও টেব পায় তার সর্বাঙ্গীণ অভিশাপের কারণ কী। কিছু পাঁচুর আলাপটা ঠিক তেমন নয়। একুশ সালের উদগত আশা স্বপ্ন হয়ে গেছে, বোমাবুদের অদ্ভুত দুঃসাহস ছাড়া চারিদিকে নিষ্ক্রিয় ফোক, কলকারখানায় ধর্মঘটের শ্রীবৃদ্ধিতে স্বাধীনতার ইঞ্জিত সবার চোখে পড়ছে না। বিদেশির শানন আর নিজের দেশ নিয়ে সাধারণ মানুষের নিষ্ক্রিয় অবসাদের অফুরন্ত আলোচনা শেষ হচ্ছে হতাশায়। নাঃ, এ দেশের স্বাধীনতা সহজে নয়, সস্তায় নয়। তাব মানে কিন্তু মানুষ এই বুঝছে না যে মুক্তি সহজে যখন হবে না তখন সে জনা কঠোর লড়াই করি, সস্তায় যখন হবে না তখন চরম মূল্য দিই—সবার ভাবখানা এই যে কী আর করা যাবে, আমাদের মন্দ কপাল ! কে জানে কবে কীভাবে দেশের ভাগ্য ফিরবে ? অন্য অঞ্চলের অন্য জেলায় গ্রাম আরও বিমিয়ে গেছে। পাঁচুদের এগুলি লড়ায়ে গ্রাম, খাজনাবন্ধের তুমুল সংগ্রাম হয়ে গেছে এদিকে, আজও ক্ষতচিহ্ন চোখে পড়ে। এদিকের হতাশায় রীতিমতো বুক পুড়ে যায়, খুচখাচ আন্দোলনের নামে দাবুণ অবজ্ঞা জন্মায়—তার চেয়ে কিছু হবে না ধরে নিয়ে দাওয়ায় বসে গুড়ুক টানাই ভালো।

পাঁচু কিনা সংস্পর্শে এসেছে, একটু ছোঁয়াচ পেয়েছে তাদের, একুশের জোয়ারাস্তিক ভাটাব আদর্শের এই চরম টানের দিনে একমাত্র যারা প্রাণের নাও-কে স্রোতের বিপরীতে টেনে নিতে প্রাণপণ করেছে, পাঁচুর কথাবার্তা তাই আশা ভরসা বিশ্বাস উদ্দীপনা জাগায়। গাঁয়ের শিথিল মছুর নিঃস্ব জীবন চাষি কিশোরের, বাঁশঝাড় শালবন আম কাঁঠালের আদিম রহস্য-ঘেরা ডোবাপুকুর, গোয়াল কুঁড়ে, হাটা হাট, জমিদারের দিঘি-দালান, দিনের দেবতা, রাতের অপদেবতা নিয়ে দিনরাত্রি। তবু পাঁচুর আলগা ছাড়া ছাড়া আলাপ শুনলে কালীনাথেরও মনে হত পাঁচু বুঝি দলের প্রচার চালাচ্ছে :

চাষি কিশোর গা চুলকে খড়ি তুলে বলে, বাস্ রে, ইংরেজের সৈন্য কত !

পাঁচু বলে : বাঃ, বেশ বলছিস তুই হাঁদার মতো ! সৈন্য আছে তো হয়েছে কী ? কামান বন্দুক আছে তো আছে, তাতে কী ? এ দেশে লোক যে কোটি কোটি ! সেটা মনে আছে ? এ দেশে কত গাঁ কত শহর তার হিসাব রাখিস ! সবাই খেপে গেলে সৈন্য দিয়ে কামান বন্দুক দিয়ে করবে কী ? ধর না কেন আমাদের এই গাঁ-টা। ধর একশো সৈন্য এল, দু-চারটে কামান আনল, তিন চারশো বন্দুক আনল। আমরা বললাম, বটে ? আচ্ছা, রোসো, মজা দেখাচ্ছি। কানাই মনাই যত কামার আছে সবাই রাত জেগে দিশি বন্দুক বানাল, আমরা সবাই কোলোরাপটাস মোমঝাল দিয়ে দিশি বোমা বানালাম, বর্শা শড়কি লাঠি দা কুড়োল সব বানালাম। তিন-চার হাজার মেয়েপুরুষ একসাথে ঝাঁপ দিয়ে পড়লাম। ওই একশোটা সৈন্যের দামি দামি বন্দুক কামান কবার গর্জাবে, কতক্ষণ গর্জাবে ? মোদের দু-একশো মারতে মারতে মোরা ওদের কচুকাটা করে—

হায় রে কিশোরের কল্পনা ! গান্ধীর সেই পুরানো স্বপ্নবৎ জনগণ-আন্দোলনের সঙ্গে ভাবতের মুষ্টিমেয় সন্ত্রাসীর আন্দোলনকে মিলিয়ে গড়ে তুলেছে প্রাকৃতিক অভ্যুত্থান ! ভুলে গেছে যে ইংরেজের পাঁচটা রাইফেল গর্জিয়ে হাজার লোকের অহিংস সভা ছত্রখান করে দিয়েছে। কিন্তু তাতেই বা কী এসে যায় ! পাঁচু তো আর ঘোষণা করছে না যে কাল এ রকম সর্বভারতীয় বিরাট অখণ্ড অভ্যুত্থান ব্রিটিশরাজের সৈন্যসামন্ত কামান বন্দুক উড়িয়ে দিয়ে দেশকে স্বাধীন করবে। পিসি কী পাঁচুকে বৃপকথা বলত এই জন্য যে ঘুম ভেঙে উঠেই সে কান্ধু মিয়ান খোঁড়া বুড়ো দেশি ঘোড়াটায় চেপে ইংলন্ডে মের বিয়ে করতে পাড়ি দেবে ! কী ভাবে কোন কথটা বলা হল সেটা ধরা চাষি ছেলে বুড়ো মেয়ে মরদেব স্বভাব নয়, কথার তারা মর্মেটা নয়। সে হিসাবে কি আব এমন খাপছাড়া অদ্ভুত কথটা পাঁচু তাদেব বলেছে ? দীনহীন নরম অহিংস গোবেচারি সেজে কিছু হবে না, বাপ-পিতেমোর আমল থেকে বিদেশির যত লাথি ঝাঁটা জমা হয়েছে সব সুদে আসলে ফিরিয়ে দিতে হবে, এ ছাড়া কোনো উপায় নেই—এ তো সহজ সরল বাস্তব কথা।

চাষি ছেলেরা এ সব কথা শুনতে চায় পাঁচুর কাছে। তারা পাঁচুকে ঘিবে নিজেদের গুণিত করে। একটা বিশেষ ঘটনায় জন পনেরো ছেলে এক সঙ্গে তার পরামর্শ চাইতে এলে পাঁচু আশ্চর্য হয়ে প্রথম টের পায় যে দলটা গড়ে উঠছে এবং এখন নেতৃত্ব দিতে হবে তাকে।

২

ঘটনা সেই চিরকোলে অনাচার।

গরিব চামির মেয়ে দেখে বড়োলোক জমিদার বা তার ছেলের লোভ। এ ক্ষেত্রে মেয়েটি গণেশ সাঁতরার, ছেলেটি মেজোকতরি। কলকাতার উঁচু পরীক্ষা দিয়ে হেমন্ত দেশে এসেছে। গোবরে যত পন্নাই ফুটক, দুকলি তেমন সুন্দরী নয়। তবে লোভ থাকে পুবুকের চোখে এবং মনের মধ্যে মেয়ের জন্য কত চেষ্টা চরিত্র আর হাঙ্গামা ঝঞ্জাটের বলাই দরকার হিসাব থাকে তার। শায়া ব্লাউজ ঢাকা যাদের দেখা অভ্যাস হেমন্তের, তারা কেউ এমনি শূণ্য একফেরতা একটি শাড়ি পরে সামনে এলে দুকলি কোথায় উড়ে যায়, কিন্তু তাদের রুচি আলাদা। বাপ হলে চর পাঠাত, হেমন্ত একেলে ছেলে, নিজেই গেল সাঁতরাদের বাড়ি। উদারভাবে সাঁতরাদের কৃতার্থ করার জন্য গায়ের জোরে ঢোকায় বদলে একটা ছতো করে অন্দরে ঢুকে জাঁকিয়ে বাসে বলল, ক-বিষে জমিতে নতুন ধরনে চাষের পরীক্ষা করব গণেশ, আমার অনেক দিনের শখ। তুমি খেটেখুটে দেবে, দেখাশোনা করবে। তোমার ঘরদোরের অবস্থা তো—

আজ্ঞে এ বর্ষায় গলে যাবে।

সেদিন হাত ধরা পর্যন্ত। দুকলি হাঁ না জোর করে বলতে ভরসা পায়নি। বলা কী যায়। মেজোকর্তার বড়ো ছেলে। যার শখ হলে গরিব মানুষের ঘর জ্বলে যায়, মানুষ এ পৃথিবীর বাতাসে শ্বাস টেনে স্বর্গে গিয়ে সেই নিশ্বাস ফেলে। অন্য কোনো ফাজিল ভোঁড়া হলে কি উচিত দুকলিকে বলে দিতে হত না, এ বজ্জাতটার কথা ভিন্ন এর ক্রোধ আর প্রতিহিংসা কে ঠেকাবে, কীসে ঠেকাবে, ভিটেমাটি ছাড়া করে সপরিবারে তাদের উচ্ছলে দেওয়া এর পক্ষে কত সহজ! অন্যদিকে, ভাঙা ঘর দুয়ার যদি নতুন হয়, বাঁধা জমিটুকু যদি ছাড়ানো যায়, পেট ভরে যদি দুটো খেতে মেলে, গায়ে যদি দুটো শাড়ি গয়না ওঠে—এ সব তুচ্ছ করে উড়িয়ে দেওয়াও তো তাদের পক্ষে সহজ নয়!

গণেশের ভাঙা কুটির ঘিরে সে রাতটি নামে বিহুল, ক্লদান্ত, ভয়ানক। অন্ধকার রাত্রির অতল রহস্যের মতোই পুঞ্জীভূত ভয় ও লোভের সঙ্গে তাসহায় একটি দীনহীন পরিবারের চরম সংগ্রামের রাত। এ জগতে এমন অদ্ভুত এত অসঙ্গত ঘরোয়া সংগ্রামও চলে অনুভব করতে পারলে আটম বোমার সংগ্রামী জগতেরও রোমাঞ্চ হত। লাভের হিসাব দুবে থাক, একদিকে প্রায় সর্বনাশের সম্ভাবনা, তবু সেই সর্বনাশের দিকে ঝুঁকে সুনিশ্চিত লাভ ও নিরাপত্তার ভবসার সঙ্গে লড়াই করা। ব্রাহ্মণ পণ্ডিতকে বরাবর তারা প্রণাম ঠুকেছে, দেবদেবীকে পূজা দিয়েছে, স্বর্গ গ্রাব নবক ছাড়া কোনো ভবিষ্যৎ তারা জানে না, অথচ সেই বিরাট ঈশ্বরের সেই নিখুঁত বিধি-বাবস্থা তাদের এতটুকু কাজে আসে না। সর্বশক্তিমান মেজোকর্তার ছেলের ভোগে দুকলিকে লাগাবে কী লাগাবে না সে পরামর্শে ঘৃণাক্ষর গণেশের নাম পর্যন্ত তারা উচ্চারণ করে না। তাদের ঘরোয়া ব্যাপাবে, জমিদারের ছেলে তাদের মেয়েটাকে ভোগ করতে চায় এই সমস্যার বিচারে, পাপপুণ্যের হিসাব তারা তোলেই না। তারা যেন টের পেয়ে গেছে ও ঈশ্বর বল গ্রাব পাপপুণ্য বল—ও সব তাদের জীবন-মরণের হিসাব-নিকাশে আসে না।

শুধু সমাজ আর অভিজ্ঞতার হিসাব দিয়ে তারা আজ বাতের নৈতিক যুদ্ধ মাত করতে চায়। দুকলি প্রায় নির্বাক, মাঝে মাঝে দু একটি কাটা কাটা কথা শুধু বলে, আলোচনার পক্ষে তা-ই যথেষ্ট। দুকলি শুধু তাদের মনে পড়িয়ে দেয় যে সেও আছে, সেও একটা রক্তমাংসের মানুষ। তাতেই কাজ হয়।

গোমড়া মুখে ভেবে ভেবে শেষ পর্যন্ত তারা ঠিক করে, না এ পথ ভালো নয়। এতে শেষ পর্যন্ত মজল হয় না।

গায়ে দুষ্টান্ত আছে, মেজোকর্তার নিজেব নজর পড়েছিল ঘোষদেব বিনির ওপর। কী হল কী এল কী গেল দুদিন ভালো ঠাহর হল না, কোথায় বইল মেজোকর্তাব শখ, কোথায় রইল বিনি, সমাজ গেল ধর্ম গেল। বিনি আজ ঘুটেকুড়ানির বাড়া।

বড়ো ক্ষণস্থায়ী বড়োর এই চোখের পিরিত, হযতো তিন রাত্রি মিলন সইবে না, বিষিয়ে যাবে। হেমস্তের মনে হবে, কেমন যেন পচা পচা গন্ধ দুকলির গায়ে, খসখসে চামড়া, ভোঁতা হাবা কথা, টনটনে আদায়ের বুদ্ধি। বাবুদের ছেলেমেয়ের ফাঁকা পিরিত তবু দুটো মাস একটা বছর চলে তবে ফাঁকিতে দাঁড়ায়, চাষির মেয়ে বাবুর ছেলের দুদিনের বেশি ভর সয় না। মেয়েপুরুষের তফাত শুধু নয়, আকাশ-পাতাল তফাত। খিদের সময় যেমন হাঁসটা মুরগিটা দেখে প্রাণটা হঠাৎ চনমনিয়ে ওঠে, দুকলিকে দেখে মেজোকর্তার ছেলের হয়েছে তাই, এ ফাঁদে ধরা দেওয়াটা উচিত হবে না।

হেমস্ত এসে শুনল, দুকলি মামাবাড়ি গেছে।

কদিন বাদেই এসবে আঞ্জে।—ভয়ে ভয়ে গণেশ জানাল।

কী নির্লজ্জ বীভৎস হিংসা বংশানুক্রমিক জমিদারের! একেবারে তো প্রত্যাখ্যান করেনি, মুখে লাথি মেরে তো জবাব দেয়নি জঘনা প্রস্তাবের, আচমকা আত্মসমর্পণ করতে ভরসা না পেয়ে ছিল

করে দুদিন শুধু সময় চেয়ে নিয়েছে। শুধু এই জন্য এমন দিশেহারা অত্যাচার ! মনগড়া অপরাধের দায়ে গণেশকে বেঁধে এনে বেদম মার, মহাজন শ্রৈলোক্যকে দিয়ে সঙ্গে সঙ্গে জমি বে-দখলের মামলা বুজুর শাসানি, গভীর রাতে লোক পাঠিয়ে হানা দিয়ে ভাঙা ঘর দুয়ার তছনছ করা ! এ সব কি তবে দুকলির জন্যে, বালবিধবা কচি চাষাড়ে মেয়েটার জন্য হেমন্তের উন্মাদ ভালোবাসার প্রমাণ ? আগের দিন চোখে দেখে পরের দিন হাত ধরে টেনে এতই সে ভালোবেসে ফেলেছে মেয়েটাকে যে কলকাতার উচ্চশিক্ষা ভুলে ভালোবাসার নিয়মকানুন ভুলে যে ভাবে হোক মেয়েটাকে পাওয়ার জন্য যাচ্ছেতাই কাণ্ড আরম্ভ করেছে ?

পাড়ার নকুল দাস, আগে সে পুলিশের জমাদার ছিল, এখন বুড়ো বয়সে ঘরে বসে খায়, সে যেচে আপসের দায়িত্ব নেয়। গণেশকে ভর্ৎসনা করে বলে, যে ছেলে খুশি হলে মেম বিয়ে করতে পারে, সে ছেলে তোর মেয়ের দিকে কেন তাকিয়েছে বুঝতে পারলি না হারামজাদা—মেয়েকে মামাবাড়ি পাঠিয়ে দিলি ? বালির বাঁধ দিয়ে তুই সাগর ঠেকাবি ? কাল মেয়েকে নিয়ে আয়গে যা। আমি এদিক সামলে নিচ্ছি।

সকালে গিয়ে হেমন্তকে কঁজো হয়ে প্রণিপাত জানায়, মুচকি হেসে সবিনয় ভর্ৎসনার সুবেই বলে, করছেন কী ছোটোবাবু, মশা মারতে কামান দাগছেন ? হারামজাদা গণেশ আজ মেয়েকে আনতে ভিন গাঁ গেছে, নইলে ওর কান ধরে টেনে এনে নাকে খত দেওয়াতাম।

মেয়ে আনতে গেছে ?

আজ্ঞে আনতে গিয়ে সেখান থেকে না ভাগে। বড্ড ভয় পেয়ে গেছে। যা দাবড়ানিটা দিলেন ! কোথা ভাগবে ?

স্বজন আছে, কুটুম আছে, তীর্থ বিদেশ আছে। দেনায় ঘরদোর জমিজমা মাথাটি বিকানো। শালার কি আছে, গাঁয়ে কোন লোভে ফিরবে ?

হেমন্তকে চিন্তিত দেখে নকুল মুচকে হাসে, বলে, আপনি ভরসা দিলে ফিরিয়ে আনতে পারি। খরচাপত্র করে গিয়ে পড়ি একবার, কি বলেন ? নগদ টাকা কিছু গুঁজে দিই হাতে !

দুকলি কোথাও যায়নি, মামাবাড়ি থাকলে তো যাবে ! বাড়িতেই লুকিয়ে ছিল। পাঁচুর কাছে যারা আজ এসেছে পরামর্শের জন্য, চোঁচামেচি শুনে এই ছেলেরা হইচই করে গিয়ে হাজির না হলে মাঝরাত্রে মেয়েটাকে টেনে হিঁচড়ে নিয়ে যেত। এরা গণেশকে ভরসা দিয়েছে। মাঝখানে নকুল আপসে সব মিটিয়ে দেওয়ায় হয়েছে মুশকিল। গণেশ আর চায় না যে ছেলেরা তাকে রক্ষা কবুক। চিরদিনের রক্ষাকর্তা জমিদার, সেই জমিদারের ছেলে ভবিষ্যৎ জমিদার হেমন্ত, তার রক্ষণাবেক্ষণেই গা ঢেলে দিতে গণেশ রাজি হয়ে গেছে।

এখন পাঁচু কী বলে ?

আমি বলি কী, দুকলিকে শূধানো যাক, সে কী বলে !

ষোলোটি ছেলে চমৎকৃত হয়ে যায়, চূপ করে থাকে।

পাঁচু মর্মে মর্মে টের পায় নেতৃত্ব দেওয়া কী কঠিন কাজ ! তার কথার মর্মই কেউ ধরতে পারেনি।

পাঁচু এক মুহূর্ত গভীর হয়ে থাকে, দুবার গলা সাফ করে। মুখের ভাব কঠিন করে। ধীরে ধীরে বলে, খানিক সত্যি শুনি, খানিক গুজব শুনি। এলোমেলো আবোল-তাবোল কত রকম কত কথা ! আসল ব্যাপার জানি কি ? তলে তলে কত কিছু ঘটতে পারে, গণেশ সীতরা বানিয়ে রটাতে পারে দশ কথা। তবে কি-না, দুকলি যদি বলে তার মন নেই, সে বাঁচতে চায়, সে ভিন্ন কথা। তাই ওকে শূধানো।

হারানের ছেলে দানু বলে, তা বটে, তুই ঠিক বলেছিস পাঁচু ! ও ছুঁড়ি যদি তলে তলে বজ্জাতি করে থাকে, তবে মোরা এর মধ্যে নেই। ওকে শূখোলে হবে কী ?

পাঁচু বলে, উঁহু, তা নয়। বজ্জাতি করেছে না করেছে সে মোরা দেখতে যাব না। বড়োলোকের ছেলে যদি ভুলিয়ে ভালিয়ে নষ্ট করে থাকে মেয়েটাকে, সে ওরা বুঝবে। জ্বরদস্তি অত্যাচার মোরা ঘটতে দেব না—বাস্। না কি বলিস ?

সকলের উৎসাহ অনেক কমে গেছে টের পাওয়া যায় ! পাঁচু নিজের ভুল বুঝতে পেরে বলে, ওটা বললাম কথার কথা, মেয়েটা খারাপ হয়েছে এমন তো নয় ! মোর মন বলে, ও খাঁটি আছে। নয়তো ওই শালার পো হাঙ্গামা করবে কেন ? তবু একবার শুধিয়ে রাখা, পরে না বলতে পারে মোদের ব্যাপারে তোমরা এস নি !

এ যুক্তি সকলের মনে লাগে। তাই বটে, গণেশ বা দুকলি তো তাদের কাছে ধন্য দিয়ে বলেনি, মোদের বাঁচাও !

পাঁচুকেই দুকলির মনের ভাব বুঝতে যেতে হয়। মেয়েদের মন বোঝার বিদ্যাও সে যেন শহরেরর স্কুলে আয়ত্ত্ব করেছে। তবে চাষি মেয়েরা মোটে রহস্যময়ী নয়, ওতে তাদের লাভ নেই, পোষায়ও না। তখন বেলা হয়েছে, মেঘহীন আকাশে ঠাটাপোড়া রোদ। দুকলির মা শাক বাছছিল, উনোনের তোলা কাঠ ধুইয়ে ধুইয়ে জ্বলছে। রান্নাঘরটা পড়ে গেছে সাঁতরাদের, শোবার ঘরের দাওয়াব এক পাশে বেড়া দিয়ে রান্না হয়।

দুকলির মা বলে, পোড়াকপালে মেয়ে রে বাবা, ঘর না পুড়িয়ে কি ছাড়ে ? সোয়ামিকে যেদিন খেলো হারামজাদ, সোঁদন জানি ও মেয়ে নিয়ে মোর মরণ হবে।

তেমন ঝাঁজ নেই, জ্বালা নেই তার কথায়। নকুলের সঙ্গে গণেশের কত্তাবাড়ি দরবারে যাওয়ার খবর পাঁচু জানত। আধ-অন্ধকার ঘরে গণেশ শুষেছিল, সেখান থেকে তার গর্জন আসে, মেয়ে তোর করল কী, মেয়ে ? বাগানে বেগার খাটা নিয়ে গম্বগোল, তাতে তুই মাগি তোর মেয়েকে টানিস কেন রে ? ফের রা করবি তো মুখ খেতলে দেব।

দুকলির দোষ কি সাঁতবা পিসি ? পাঁচু বলে।

কে জানে বাপ কার দোষ ?

পাঁচুকে উদ্দেশ করে গণেশ বলে, হেমন্তবাবুর শখ চেপেছে ফল-সবজির বাগান করবে, মোকে বলে বেগার খাটতে। না বলতে খান্না হয়েছিল, আপসে চুকেবুকে গেছে। বড়োলোকের রাগ কতক্ষণ রয় ?

তা বটে। বড়োলোক রেগেই রয়, আরও বেশি রাগ হলে সেটা বড়োলোকেরও বেশিক্ষণ সয় না। দুকলির সঙ্গে আর মোকাবিলা না করলেও হয়, ব্যাপার বোঝা গেছে। গণেশ সোজা পথ ধরেছে, ইচ্ছায় হোক অনিচ্ছায় হোক দুকলি তাতে সায় দিয়েছে। মেয়ের জন্য তাই লাঞ্ছনাব ভয় নেই গণেশের, আগামী পুরস্কার মেয়ের কল্যাণে তার কপালে ঝুলছে। দুকলি আড়ালে গেছে—সামাজিক ভাবে।

সেটা অভ্যাস করতেই বোধ হয় ছেলেমানুষ পাঁচুর জন্য পর্যন্ত ঘরে আধ-অন্ধকারে দুকলি গা ঢাকা দিয়ে আছে।

সবাই জানবে, ঘোঁট পাকাবে, টিটকারি দেবে, কিষু তার বেশি যেতে কেউ সাহস পাবে না, না ব্যক্তিগত ভাবে, না সামাজিক ভাবে। কেউ বাড়াবাড়ি করলে হেমন্ত তাকে টিট করে দেবে।

তবে একটা স্পষ্ট বোঝা যায়, মনটা এদের খুশি নয়, নেহাত নিরুপায় হয়েই গা ভাসিয়ে দিয়েছে। তা, মানতে হলে শক্তিমানের দাপটকে এমনি করেই মানুষ মানে। তাতে হেমন্তের জ্বরদস্তি, কুৎসিত অত্যাচার কাটানো যায়নি, নিছক মন্দ মেয়ের কলঙ্ক বা মা-বাপের মেয়ে বেচারি কেলেক্কারি হতে চলেনি ব্যাপারটা। কিষু তবু এ অবস্থায় অন্যান্যটা ঠেকাতে এগুনো মুশকিল। বড়াদের বা ছেলেদের সহানুভূতি জাগবে না, যার সর্বনাশ তার যদি প্রতিরোধ না থাকে তো দশজনের কীসের

গরজ ? গণেশ নিজেই হয়তো গাল দিয়ে বসবে দশজনকে, একেবারে অস্বীকার করবে কারও কোনো কুমতলব আছে তার মেয়ের সম্পর্কে !

কাকা মোকে শূধোতে পাঠাল, পাঁচু বলে, বলল কী, পাঁচু, তোর সঁতরা পিসেকে শূধিয়ে আয়, ব্যাপার কী ! বাবুরা যদি বাড়াবাড়ি করে, গাঁয়ে কি মানুষ নাই ? সয় বলে কি সব অনায়ায় সইবে গাঁয়ের লোক ? গাঁয়ের ছেলে বুড়ো পক্ষে দাঁড়ালে গণেশ সঁতরার ভয়টা কী ?

তোর কাকার বড়ো দয়া। দয়া করে পাঠিয়ে দেছে, যা রে পাঁচু শূধিয়ে আয়, ব্যাপার কী !

এর পর কথা চলে না। পাঁচু বিব্রত বোধ করে এক ঘটি জল চেয়ে খায়। জল দেয় দুকলির মা, দুকলি যে ঘরে তার কিছু প্রমাণ মেলে এবারে ! চাপা গলায় গণেশের সঙ্গে সে কথা কইছে, দু-একটা ধারালো কথা পাঁচুর কানে আসে। নিমেষে পাঁচু চাঙ্গা বোধ করে। বাঁচবার উপায় থাকলে দুকলি যদি বাঁচতে চায় তবে আর কীসের পরোয়া করে পাঁচু ! হেমন্তের বাবারও সাধা নেই তাকে স্পর্শ করে।

কিন্তু বৃথাই আশা, অপমান ঠেকাবার পণ নিয়ে দুকলি বুখে উঠে বিদ্রোহ কবে না। ঘরের মধ্যে কলাহের গুঞ্জন থেমে যায়, দুকলি কাঁদছে কি-না বাইরের থেকে ঠিক ধরা যায় না। হাজার কাঁদলেই বা কী আসে যায় ! নিজের মান বাঁচাবার যত সাধই তার থাক, মরি বাঁচি গোঁ ধরে তেজের সঙ্গে নিজে যদি সে বুখে না দাঁড়ায়, এমন একটা সুযোগ পেয়েও মরিয়া হয়ে ঘরের আড়াল ছেড়ে ছুটে বেরিয়ে এসে জোর করে মনের কথা না বলতে পারে, ঘরের কোণেই সে কেঁদে বুক ভাসাবে আর বাপের দুটো যুক্তি আর একটা ধমকে এমনি এলিয়ে যাবে বাঁচাব সাধ। দুকলি যদি দোমনা হয় কার কী করার আছে ? মন খারাপ করে পাঁচু বিদেয় হয়ে আসে।

৩

খান দুই বাড়ি আর ঝোপঝাড় পেরিয়ে পাঁচু খানিকটা এগিয়েছে, পিছনে দুকলির ডাক শোনে—অ পাঁচু, পাঁচু ! একটু দাঁড়া না !

পাঁচু দাঁড়াতে দাঁড়াতে দুকলি এসে তার নাগাল ধরে। পায়ে চলা সবু মেটে পথটা এখানে দুপাশের বাঁশঝাড় হেলে পড়ে ঢেকে রেখেছে। পাঁচুর হাত চেপে ধরে দুকলি ব্যাকুলভাবে বলে, কী বলছিলি পাঁচু ?

কদিনের ভয়-ভাবনায় দুকলির মুখ শুকিয়ে এতটুকু হয়ে গেছে, কালিমারা মুখে তার রাজার ছেলের সঙ্গে পিরিতের সুখকল্পনার চিহ্নও নেই। পাঁচু নিজেকে ধিক্কার দেয়। হাঃ, কালীনাথের দলের সে বিশ্বাস পেয়েছে, পাকা কানাইরা তার বন্ধু, তাই মগজে তার সব সময় মস্ত মস্ত চিন্তা গিজগিজ করে, সোজা কথা সহজভাবে আর ঢোকে না মাথায়। এমন একটা ব্যাপারে গাঁয়ের ছেলেরা উৎসাহী হয়ে যেচে এল তার কাছে বিহিতের ব্যবস্থা করতে, সে গা ভাসিয়ে দিল চিরকেন্দ্রে ঝিমানো ভীৰুতায়, সাবধানে চুলচেরা হিসাব করতে বসল, এতে ওই হয়, ওতে ওই হয় ! একটা কুৎসিত অনায়ায় ঘটতে যাচ্ছে, ছেলেরা কোমর বেঁধেছে সে অনায়ায় ঠেকাতে, সে কোথায় উৎসাহের সঙ্গে বাঁপিয়ে পড়বে সে কাজে, তার বদলে তার শুধু মাথাব্যথা অনায়ায়টা ঠেকানো উচিত কী উচিত নয় ! অত্যাচার প্রতিরোধের প্রথম শর্ত যেন কেউ অত্যাচার চায় কী চায় না স্থির করা। ছি, পাঁচু ছি !

বলছিলাম, বাবুদের ভয়ে পাঁক গিলতে হবে ? গাঁয়ে মানুষ থাকে না ? তিন গুঁতোতে ভাঙা যায় না হারামজাদার ছিঁচলেমি ? তা তোরাই যদি না চাস তো—

না চাই কী গো ! কে বললে চাই না ?

তোর বাপ যে গাল দিলে মোকে ?

বাপ না বাপ, মাথা ঠিক আছে ? ভয়ে হাত পা সঁধিয়ে গেছে পেটের মধ্যে।

পাঁচু বলে, বটে ? তা দানু বললে, তোর নাকি ফুর্তি খুব, কলকাতা যাবি, মোটর চাপবি !
দানুর মুখে নুড়ো জ্বলে দেব। ছোঁড়া মোর ফুর্তি দেখেছে, না ? ওর বোনকে বাঘে ধরুক যোগে
খাক, ও যাক ফুর্তি দেখতে !

তা, তোমার মনের খবর কে জানবে বলো ? বাঘে ধরলে তো চেঁচায় মানুষ, দশটা আপন
জনকে তো ডাকে যে, মোকে বাঁচাও গো।

তোর বউকে বাঘে ধরলে দেখিস কত চেঁচায়, গলা দিয়ে কত আওয়াজ বেরোয় দেখিস ! তোর
বউকে যেন দশটা বাঘে ধরে পাঁচু, তার মধ্যে যেন কটা সাহেব বাঘ থাকে।

পাঁচু তখন খুশি হয়ে তাকে ভরসা দিয়ে বলে, আচ্ছা যা, বাঘে তোকে ধরবে না দুকলি, ভয়
নেই। বাঘ আমরা জন্ম করব।

দুকলি মিনতি কবে বলে, ছায়ায় একটু বসি আয় পাঁচু। আড়ালে বসে কটা কথা কই।

পাশের বাঁশবন প্রায় ছুঁয়েছে, তার মধ্যে দুর্ভেদ্য অন্তরাল ও ঘন নিবিড় ছায়া। কথা বলবার
তাগিদ পাঁচুও বোধ কবছিল। শক্ত হওয়ার মমটা দুকলিকে ভালো করে বুঝিয়ে দেওয়া দরকার। কীসে
তাব সত্যিকারের ভরসা সে ধারণাও হয়তো তার নেই।

পাঁচুকে দুকলি জঙ্গলের গভীর গহনে টেনে নিয়ে যায়, আচমকা শান্তিভঙ্গে মস্ত একটা
বিষাক্ত সাপ কয়েক হাত তফাত দিয়ে ফুঁসতে ফুঁসতে পালিয়ে যায়, এক মুহূর্ত থমকে দাঁড়ানোর বেশি
গ্রাহ্যও কবে না। মানুষের ভয়ে দুদিন চোরের মতো লুকিয়ে লুকিয়ে থেকে কী যেন হয়েছে দুকলি,
মানুষের চোখ কানের সীমা ছাড়িয়ে গিয়েও তার স্বস্তি নেই, আরও সে নিরাপদ আড়াল চায়।

কোথা চলেছ ?

ওই হোথা বসিগে চ।—দুকলি জঙ্গলের আরও ভেতরের দিক দেখিয়ে দেয়। বাঁশবনের সেই
দুর্গম নির্জন স্থানটিতে পৌঁছে পাঁচু দেখতে পায় কয়েক হাত জায়গা সাফ কবে একটি চাটাই বিছিয়ে
রাখা হয়েছে, কাছে আছে একটি সরা-চাপা মাটির কলসি।

দুকলি বলে, চুপিচুপি জায়গাটা খুঁজে রেখেছি, বাড়িতেও বলিনি। মুখপোড়া এলে টুক কবে
পালিয়ে এসে লুকিয়ে রইতাম।

ছোটো ছোটো নিশ্বাস ফেলে দুকলি। পাঁচু অভিভূত হয়ে থাকে। এবার তার দুকলির কাছে
নিজেকে ছোটো মনে হয়, একটা মেয়ের কাছে !

এসো মোরা বসি।

চাটাইয়ে বসে হেসে কেঁদে কত কথাই দুকলি তাকে বলে, রাত্রিবেলা ভয়ে আঁতকে আঁতকে
ওঠার কথা বলতে বলতে সে গা ঘেঁষে আসে পাঁচুর। জগৎ-সংসার যখন তার ঘাড় মটকে দিতে
উদ্যত হয়েছে, একজনকে খুঁজে পায়নি ভরসা করে যার মুখের দিকে তাকাতে পারে, তখন একা সে
সাপখোপের এই ভয়ানক জঙ্গলে আত্মগোপনের স্থানটি খুঁজে বার করেছিল—আজ এখন সেইখানে
সে বন্ধু পেয়েছে একজন, পৃথিবীতে তার একমাত্র আপনজন ! কিশোর প্রাণের অতল কৃতজ্ঞতায়
কখন সে পাঁচুর গলা জড়িয়ে ধরে।

পাঁচু সাহস দিয়ে বলে, ভয় কী, আমি তো আছি !

তাই বটে। চাষার ছেলে পাঁচু থাকতে রাজপুত্রে দুকলির কীসের ভয়, কীসের লোভ ?

আকাশের মাঝামাঝি সেই সূর্য, তেমনই প্রচণ্ড রোদ। আটলিগাঁর মেটে পথ কুঁড়েঘর বনবাদাড়,
কর্তাদের দোতলা দালান, শালবনের সবুজ ঢাল, সব তেমনই আছে বাঁশবনের সৌদাগন্ধি নিবিড়
ছায়ায়। নতুন একটা পৃথিবীর জন্ম হল পাঁচুর জন্য ! অথবা তার কিশোর জীবনের সমস্ত শোভা

সমস্ত আনন্দ সব তেজ সব উদ্দীপনার সামঞ্জস্য ঘটেছে। এই চড়া রোদে ঘামতে ঘামতে বাড়ির পথে হেঁটে চলায় তাই দিগ্বিজয়ী নাচের আমেজ বোধ হয়। প্রথমেই মনে হয়, পাকা কী ভাবে ? এ কৌতূহল এত প্রচণ্ড, পাকার মনোভাব আন্দাজ করতে এমন আগ্রহ বোধ করে পাঁচু যে, তার ইচ্ছা হয় এখনি আবার ঢাকা রওনা হয় পাকাকে শুধু এই কথাটা জিজ্ঞাসা করে আসতে। পাকা নিশ্চয় হাসবে, নয় ছি ছি করবে। পাকা ভালোবাসার কাব্য জানে। তার কাব্যের জগৎ স্তম্ভিত হয়ে যাবে। ভালোবাসার অনেক প্রযুক্তি, অনেক আয়োজন, অনেক হাঙ্গামা। বলা নেই কওয়া নেই আচমকা বাঁশঝাড়ের পচা হাওয়ায় কি প্রেমের আনন্দ সৃষ্টি হয় ?

পাঁচুর মুখে একটু দুষ্টামিভরা মুচকি হাসি ফুটে থাকে। পাকার সঙ্গে তার তর্ক নেই। তার শুধু জানার ইচ্ছা পাকা কী বলবে !

8

বেলা থাকতেই গণেশ নিয়ে হেমস্তের দরবারে হাত জোড় করে দাঁড়ায়। তার মুখের ভাব কবুণ, চোখ প্রায় ছলছল করছে।

বলতে ভরসা পাইনে ছোটোকত্তা ! কাল বাগানের কাজ শুরু করতে লাড়ব।

কেন ?

আজ্ঞে মামাবাড়ি গিয়ে মেয়েটা জুরে পড়েছে। দেখতে যাব।

অপমানে ফরসা মুখ রাঙা হয়ে যায় হেমস্তের। নকুল বলল রাজি হয়েছে, আবার বিগড়ে গেল গণেশ ? ঘরের কোণে দোনলা বন্দুকটা ঠেস দিয়ে রাখা ছিল। সেটা হেমস্ত হাতে তুলে আনে। ছাইবর্ণ হয়ে যায় গণেশের মুখ।

তুই শালা ইয়ার্কি পেয়েছিস আমার সঙ্গে ? পাখি মারতে গিয়ে খানিক আগে দেখে এলাম মেয়ে তোর জল আনছে, মামাবাড়ি গিয়ে জুরে পড়েছে ? তোর কগণ্ডা মেয়ে রে হারামজাদা ?

মাথা হেঁট করে থাকে গণেশ। ভয়ে লঙ্কায় তার বুক ফেটে যায়। এমনই বাঁকা বাঁকা ভাষা আড়াআড়ি কথাবার্তাই হয়েছে তার হেমস্তের সঙ্গে। হেমস্ত কখনও বলেনি তোমার মেয়েকে আমার চাই গণেশ, সেও কখনও বলেনি মেয়ের বদলে আমায় কী দেবে। মেয়েটা তার উহ্য থেকেছে তাদের দরদস্তুরে। ঝুঁজে পেতে এ মেয়ের সে বিয়ে দিয়েছিল। জামাই তার পায়ে হাত দিয়ে প্রণাম করত, মাথা নত করে তার প্রীতিবাক্য সদূপদেশ শুনত। এ ছোঁড়া তাকে শালা হারামজাদা বলে গাল দিচ্ছে ! সে কি-না দরদস্তুর করেছিল, অসামাজিক উপায়ে মেয়ের বয়সকালের সাধ-আত্মাদের রফা সামঞ্জস্য করবার সঙ্গে মোটা কিছু পণ বাগাবার চেষ্টা করেছিল, তাই আজ তার এমন লাঞ্ছনা !

জমি নিয়ে খাজনা নিয়ে বেগার খাটা নিয়ে তাকে বেঁধে এনে হেমস্ত মুখে থুতু দিলে বৃকে লাখি মারলে তার এতটা লাগত না। সে আলাদা ব্যাপার, সে ব্যাপারের আলাদা রীতি, আলাদা নিয়ম। নির্জন ঘাট থেকে পথ থেকে দুকলিকে হেমস্ত যদি ধরে নিয়ে যেত গায়ের জোরে, সেও হত আলাদা কথা। সামাজিক বিয়ের জন্য হোক বা না হোক, মোটামুটি তার মেয়ের সঙ্গে একটা সম্পর্ক গড়তে তার সঙ্গেই বোঝাপড়ায় নেমেছে হেমস্ত, কিন্তু এ পর্যন্ত তার বাপের মর্যাদা বরবাদ করেনি। সে-ই আজ সব আড়াল তুলে দিয়ে শালা হারামজাদা বলে গাল দিচ্ছে মুখোমুখি।

চালাকি ছাড়, গণেশ ! দশখানা করকরে নোট গুনে নিয়ে এখন বজ্জাতি ?

নোট ?

ওরে শূয়ার ! এখন আকাশ থেকে পড়লি ? নকুল তোকে টাকা দিয়ে আসেনি ?

বাগানো দুনলা বন্দুকের দিকে চেয়ে গণেশ ধীরে ধীরে বলে, না, কেউ মোকে টাকা দেয়নি। তোমার টাকা আমি চাই না।

শুনে হেমন্ত তৎক্ষণাৎ নরম হয়ে যায়। বন্দুকটা টেবিলে রেখে বলে, নকুলটা তা হলে বজ্জাতি করেছে, টাকা তোমায় দেয়নি ? দাঁড়াও ওকে ডেকে আনাচ্ছি। তোমার সামনে ওর দুটো কান যদি আমি কেটে না নিয়েছি—

সে তুমি কেটো। গণেশ বলে, কান কেন, গলা কেটো। আমি তোমার টাকা চাইনে। একশো কেন, লাখ টাকা চাইনে।

এমন আবেগময় ব্যাপার, অথচ জমিদার-বাচ্চা হেমন্তের কাছে কোনো মূল্যই পেল না। তার হল শুধু জ্বালা ! সে জ্বালা নিবারণ করতে গভীর রাত্রে জন কতক লোক নিয়ে সে চড়াও হতে গেল গণেশের ভাঙা কুঁড়েতে। আহা, যেন বৃপকথার রাজকুমার চলেছেন দৈত্য-দানবের কবল থেকে রাজকন্যার উদ্ধারে !

চাষি ছেলের হাতে নিদারুণ মার খেয়ে তারা ফিরে এল। এমনটা তারা অবশ্য ভাবতেও পারেনি, আগে জানলে প্রস্তুত হয়েই যেত।

হেমন্তকে নাকে ঝত দেওয়াল ছেলেরা। টিকলো নাক আর চেরা খুতনির খানিকটা চামড়া উঠে গেল। হেমন্ত সতাই বৃপবান, সুন্দর ছাঁচে ঢালা তার মুখখানা, বনেদি জমিদারের ঘরে বংশানুক্রমে বৃপসি মেয়ে কেনার ফলে সাধারণত যেমন হয়। লষ্ঠনের আলোয় বীভৎস কুৎসিত দেখাল হেমন্তের মুখ। ভেতরের এক কনর্ষ বোগই যেন ফুটে বেবিয়েছে।

রাত্রেই চারিদিকে জানাজানি হয়ে যায়। ঘুম স্থগিত রেখে আটুলিগাঁ উত্তেজিত জটলা চালায়। রাগে দুঃখে বুক ফেটে যায় মেজোকর্তা বসন্তের, হাত-পা কামড়ে তার মরতে ইচ্ছা কবে। অত রাত্রে হাতের কাছে কেউ নেই, তাই হেমন্তের মার উপরেই একচোট ঝাল ঝাড়ে। একটা চাষার মেয়ে বাগাতে কেলেঙ্কারি করে, বংশের নাম ডোবায় এমন হতভাগা অপদার্থ ছেলে সে বিইয়েছে কেন, এই হল হেমন্তের মাব অপরাধ ! বদ বংশের মেয়ে না হলে তার পেটে এমন ছেলে জন্মায় ?

তোমাদের কাছেই শিখেছে অকাজ কুকাজ। যেমন বাপ ছিল, তেমনই ছেলে হয়েছে।

শিখেছে ? নাকে দড়ি দিয়ে যাদের টেনে আনবে তাদের কাছে কানমলা খাওয়া শিখেছে ?

বহুদিন পরে বসন্ত আজ আবার হেমন্তের মাকে মেরে বসে। তার জমিদারিতে বাস করে তাকে প্রজারা অবজ্ঞা করছে এই মনঃপীড়া নিয়ে আজকাল তাব দিন কাটে, নিজের ছেলের এই আত্মসম্মানবোধের অভাবে যেন তার চরম হল। প্রজার ঘরে এদিক ওদিক দুটো একটা ফুল ফুটলে, চোখে পড়লে জমিদারের, জমিদারের ছেলের পূজায় তা লাগে। কিন্তু এই কি তার প্রক্রিয়া ? হেমন্ত কি গাঁয়ের সাধারণ বখাটে ছোঁড়া যে কাঙালের মতো পিণ্ডিত করতে চাষার বাড়ি যাবে, চোরের মতো মার খেয়ে নাকখত দিয়ে বাড়ি ফিরবে ? সামান্য চাষার তুচ্ছ একটা মেয়ে ! হুকুম দিয়ে ডেকে পাঠালে যে আসে, না এলে যাকে বাপ-দাদা সমেত পিঠমোড়া দিয়ে বেঁধে আনা যায়। গায়ের জোরে মেয়েটাকে ধরে আনিয় হেমন্ত যদি কেলেঙ্কারি করত তাতেও গৌরব ছিল বসন্তের।

এখন শুধু ভরসা, হেমন্ত প্রচণ্ড প্রতিঘাত হানবে। ধুয়ে মুছে সাফ করে দেবে সমস্ত লজ্জা অপমান কলঙ্ক। আতঙ্কে গলা বুজে যাবে আটুলিগাঁর, বুক ছোটো হয়ে যাবে—আজ রাত্রির ঘটনা তুচ্ছ হয়ে তলিয়ে যাবে ভয় ও ভক্তিতে। সকালে তাই শত শতবার বসন্তকে নিজের মৃত্যু কামনা করতে হয়, অসহ্য ক্রোধের জ্বালার মধ্যে আসে অকথ্য যন্ত্রণাবোধ, হতাশা। ভোরে আটুলিগাঁর কাক ডাকবার আগে হেমন্ত শহরে পালিয়ে গেছে।

আটুলিগাঁর মেজোকর্তার ছেলে চাষার হাতে মার খেয়ে রাতারাতি ভেগেছে কলকাতায়।

আমার ছেলে নয়, মধু। অনেকবার সন্দেহ জেগেছে, আজ প্রত্যয় হল। ছোটোলোক চাকর-মুনিশ কেউ ওর জন্ম দিয়েছে। দ্যাখো, ও যখন ওর মার পেটে এল আমি বেশির ভাগ সময় সদরে, নয় কলকাতায় থাকতাম—

হেমন্তের মাকে মাঝে মাঝে লাঞ্ছনা গঞ্জনা দেওয়ার জন্য ছাড়া কোনোদিন যে খটকা বসন্ত কারও কাছে প্রকাশ করেনি, মনের মধ্যে পুষে রেখেছে, আজ তা বেরিয়ে আসে। মধু ভট্টাচার্য্য অবশ্য বহুকালের ইয়ার স্তাবক, এ রকম মানসিক অবস্থায় এ সব লোককেই বেশি অন্তরঙ্গ মনে হয়। বাপ ছিল এ অঞ্চলের বিখ্যাত উকিল, মধু কিছুদিন ডাক্তারি পড়েছিল, চিকিৎসা পেশা করে গাঁয়ে আছে। বাপের জমিজমা কিছু অবশিষ্ট আছে, টাকা-পয়সা-সম্পত্তির বেশির ভাগ উড়ে গেছে বয়সকালে। লোকটা ঝানু।

মধু বলে, মাথা বিগড়ে গেছে ? যা-তা বলছ কেন ? অন্যের কাছে তোমার চেহারা পেয়েছে, না ? যাই বল মধু, আমার ছেলে ভয়ে পালিয়ে যেত না।

মধু মৃদু হাসে।—ভয়ে ? এত বড়ো জমিদারি চালালে কি হবে, তোমার ভাই এ সব বুদ্ধি কম। লজ্জায় পালিয়েছে ছেলেটা, ভয়ে নয়। একালের ছেলে, শহরে পড়েছে, ঘষামাজা পেয়েছে, এই যাকে বলে কি-না মার্জিত বুচি। একটা ছুঁড়ির সঙ্গে ফচকেমি করতে গিয়েছিল, লোকে কী ভাবছে, কী করে সবাইকে মুখ দেখাবে, এই সব ভেবে লজ্জায় পালিয়েছে। বুঝলে না ?

আবার বলে মধু, ছেলে যাক না শহরে, কী হয়েছে ? এ ব্যাপারটা না ষাঁটাই তো ভালো। যতই হোক, মেয়ে নিয়ে ব্যাপার, লোকের মনটায় নানা রকম হয়। শাস্তি দিতে চাইলে কি ছুতোর অভাব ঘটে ? ওই গণেশটাকে, ছোঁড়াগুলোকে, ছুঁড়িটাকে ঠুকে ঠাণ্ডা বানিয়ে দাও। হুকুম দিয়ে গ্যাট হয়ে বসে থাকো।

ছোঁড়াগুলো কে জানো মধু ?

জানি বইকী। বুড়াগুলোকেও জানি।

বয়স্করা কিন্তু ছেলেদের মতলব জানত না, পিছনে ছিল না। জ্ঞানদাস পর্যন্ত ভাসা ভাসা জেনেছিল। ঘটনার পর শুষু সে আর তারই মতো দু-চারজন গোঁয়ার কাজটা পছন্দ না করেও সমর্থন করেছে। সাধারণভাবে বয়স্কদের সমাজ চমকে গেছে ছেলেদের কাণ্ডে, শঙ্কিত হয়ে উঠেছে। এ নিছক গোঁয়ারত্বি ; শোচনীয় অবিবেচনা। এ ছাড়া কি আর উপায় ছিল না হেমন্তকে ঠেকাবার, যাতে চারিদিক বজায় থাকত, কর্তাবাবুরা আহত অপমানিত ও কুপিত হত না ? জমিদারের ছেলেকে ঠেঙানো ভালো, কিন্তু ঠেঙিয়েই কি পার পাওয়া যায় ? জমিদারও ঠেঙাবেই, সেটা কি এখন ঠেকাতে পারবে ছেলেরা ? আঘাত যে ব্যাপকভাবেই আসবে, দোষী নির্দোষ নির্বিশেষে শাস্তি পাবে, নাস্তানাবুদ হবে, তাও জানা কথাই।

এখন কোন দিক দিয়ে কী ভাবে অত্যাচার আসে, বড়োদের তাই ভাবনা।

বসন্তের ছেলে না হয়ে সাধারণ কেউ হলে এ ব্যাপার নিয়ে সামাজিক মজলিশ বসত, ব্যাপারটার সঙ্গতি-অসঙ্গতি এবং কী করা-না-করা নিয়ে। রসালো মজাদারও হত মজলিশটা, ঠাট্টা তামাশা, কথা কাটাকাটি রাগারাগি এবং হয়তো বা ছোটোখাটো দু-একটা হাতাহাতিতে এবং মিটমিট হত জোড়াতালি দেওয়া মীমাংসায়। কিন্তু জমিদারের ছেলে-ঘটিত এ ব্যাপারে প্রকাশ্য মজলিশ অসম্ভব। কে ষাঁটতে যাবে বিষয়টা, কে ঘোষণা করবে যে সে জানে কী ঘটেছিল, সঙ্গতি-অসঙ্গতির প্রশ্ন নিয়ে আলোচনা করা তো দূরের কথা।

হাটে মাঠে ঘরের দাওয়ায় দু-চারজনের মধ্যে সাবধানে ঘরোয়া আলাপ আলোচনাই চলে। সেই গুজবেই মুখরিত হয়ে থাকে আটুলিগাঁ।

জ্ঞানদাস আপশোশ করে বলে, আগে একটু পরামর্শ করলি না পাঁচু !

কী পরামর্শ ? ঘরে ডাকাত পড়েছে তার পরামর্শ কী ?

মেয়ে নিয়ে কাণ্ড, এ বড়ো ঝকমারি কাজ। লোকে এগোয় না মোটে, সায় দেয় না। খাজনা বন্ধের ব্যাপারে দ্যাখ, বুক ঠুকে সব ঘাড় তুলে দাঁড়িয়েছিল। এতে মন করবে কী, নোংরা ব্যাপার ওতে গিয়ে মোর কাজ নাই। ঠেঙিয়েছিস আচ্ছা করেছিস, ওর বাপ শালাকেও ঠেঙানো দরকার। তা ঠেঙালেই তো হয় না, আঁটঘাঁট বাঁধতে হয় আগে।

কী আঁটঘাঁট বাঁধব ?

পাড়ায় গাঁয়ে ঘোঁট পাকাতি আগে সে সবাই দ্যাখো গরিবের পরে কী অত্যাচার। বাবুদের ছেলে জবরদস্তি মেয়েছেলের ধর্ম নষ্ট করেছে। দু-চারজন ভদ্রলোককে মধ্যস্থ মানতি। তাতেই ভড়কে যেত বজ্জাতটা, মিটে যেত ব্যাপার। তবু যদি আসত জোর খাটাতে, তখন পিটিয়ে দিত। ব্যাপার হত কী, আগে থেকে হইচই করা থাকলে দশজনকে পিছনে পাওয়া যেত। রাগ হত সবার।

খুব সহজ রাজনীতি। পাঁচুও বোঝে। কিন্তু বাঁশবনে দুকলি তাকে রাজনীতি ভুলিয়ে দিয়েছে। আগে ঘোঁট পাকালে হেমন্ত যদি ভড়কে গিয়ে পিছিয়ে যেত, তাকে আঘাত করার, ঘাড় ধরে তাকে উঠানে নাকে খত দেওয়ানোর সুযোগও তাহলে যে ফসকে যেত ! আগে পাঁচু জানত না, দুকলি নিজে জানিয়ে দিয়েছে সে সত্যই কত ভালো, কত ভীষু, কত অসহায়। টাকার জোরে বা গায়ের জোরে হোক, দুকলিদের নিয়ে যারা খেলা করে তাদের মতো পাষণ্ড জগতে নেই। পাঁচুর আগের হিসাব পালটে গেছে। স্বেচ্ছায় খুশি হয়েও যদি কোনো দুকলি কোনো হেমন্তের সঙ্গে ভাব করে, পাঁচু তাকে এতটুকু দোষ দেবে না, মন্দ ভাববে না। মন্দ শুধু হেমন্তেরা, সব দোষ ওই এক পক্ষের। ওদের ফাঁসি দিতে হয়।

শ্যামল তাকে পূর্ণ সমর্থন জানায়। বলে, তা বইকী, যা অন্যায় অত্যাচার সেটা তাই থাকে, হাসি মুখে খুশি হয়ে একজন মেনে নিলেই সেটা শুদ্ধ হয়ে যায় না।

যেহেতু গুরু-শিষ্য দুজনেরই মনে উঁকিঝুঁকি মারে তাদের বোধগম্য এই কথাটার পিছনের প্রকাণ্ড সত্যটা যে জগতে যত পাপ যত অনাচার সব প্রত্যক্ষ বা পরোক্ষভাবে ধনবান শক্তিমানদের সৃষ্টি, দুজনেই তারা অস্বস্তি বোধ করে। কৃতকার্যের জন্য পাঁচুর মনে কোনো স্কেভ, কোনো আপশোশ নেই। নলিনী দারোগাকে মারবার সাধটা নিশ্চয়তার মধ্যে তার মনে অসহ্য চাপ দিচ্ছিল। দুকলির মান বাঁচাতে হেমন্তকে শাস্তি দেওয়ার প্রতিক্রিয়ার সাময়িক ও আংশিক একটা শাস্তি এসেছে। বড়ো চিন্তা তাই একটু পীড়া দেয়, অস্বস্তি দেয়। একদিকে মনে হয়, কত কথা চিন্তা করার ছিল, কিছুই হল না। অন্যদিকে সেই সঙ্গে মনে হয়, নিজের কাজের যেন অজুহাত খুঁজছে, কৈফিয়ত সৃষ্টি করছে।

বিকলে আকাশ ছেয়ে ঘনকালো মেঘ ঘনিয়েছে। মেঘ ঘনাবার সমারোহ মাথায় নিয়েই পাঁচু শ্যামলের কাছে এসেছে। জানা কথা যে আজ দারুণ বর্ষা নামবে। এত দেরি করে যখন এসেছে, মাঠের অর্ধেক ফসল জ্বালিয়ে দিয়ে একেবারে বন্যা বইয়ে দিয়ে ছাড়বে এবারের বর্ষা। তাই নিয়ম।

বৃষ্টি নামবে। বাড়ি যাও।

যাই।

যাই বলেও পাঁচু যায় না। বন্ধুর জন্য তার মন কেমন করছিল। শ্যামলের সঙ্গে অনেকটা বন্ধু-সঙ্গ মেলে, যতই সে বড়ো হোক। আনমনে সে বলে, এমনই মেঘ দেখলে পাকা কি করে জানেন ? গুম খেয়ে যায়।

গুম খেয়ে যায় ?

হাঁ। মেঘ হলে ওর নাকি মিছিমিছি মন কেমন করে, গান শুনতে সাধ যায়, ভয়ানক কষ্ট হয়। নিজেকে তাই ধিক্কার দেয়।

লঠনের আলোয় শ্যামলের মুখচোখের কৌতুহল সবটা ধরা যায় না।—ধিক্কার দেয়, না ?

পাকা বলে, এই তো প্রমাণ ভেতরে ভেতরে আমি ভদ্রলোক। মেঘ হয়েছে বৃষ্টি হবে, প্রতি বছর মেঘ হয়, প্রতি বছর বৃষ্টি হয়। মেঘ হলে আমার এমন বিস্তী লাগবে কেন ? জানিস পাঁচু, আমি ঢং করি তোদের সঙ্গে। ভেতরে ভেতরে আমি ওই ঝাঁটি ন্যাকা হাঁদা ভদ্রলোকের বাচ্চা। এমন করে পাকা বলে, যদি শুনতেন !

বাইরে টপটপ মোটা মোটা জলের ফোঁটা পড়তে শুরু হয়েছে। শ্যামল বলে, পাকার একটা খবর পেয়েছি, তোমায় বলিনি।

পাঁচু সাগ্রহে বলে, পাকার খবর ?

পাকাকে দলের সভা হতে বলা হয়েছে। পাকা রাজি হয়নি।

রাজি হয়নি ! পাকা ?

কালীনাথ ওকে একদিন বাতিল করেছিল। কালীনাথ নিজে ঢাকায় গিয়ে পাকাকে জানিয়েছে তার নাম কাটা ভুল হয়েছিল। সেদিন রাত্রেই কালীমন্দিরে শপথ করিয়ে তাকে একেবারে দলের মেম্বর করা হবে। পাকা নাকি কেঁদে ফেলেছিল, বলেছিল, আর তা হয় না কালীদা। অনেক বুঝিয়েও কালীনাথ তাকে রাজি করতে পারেনি।

তলিয়ে না জানলেও পাঁচু মোটামুটি পাকার দুঃখ জানত। এই সেদিনও সে শ্যামলের এই বাড়িতে কালীনাথদের সঙ্গে পাকাকে নিয়ে ঝগড়া করেছে, বলেছে পাকাকে তারা কেউ বোঝে না। ঢাকায় পাকার রকমসকম দেখে পাঁচু খুশি হতে পারেনি, কিন্তু বলা মাত্র বাপের রিভলবার ও সংমার গয়নার বাক্সো বিপ্লবের জন্য দান করে পাকা সেটা পুথিয়ে দিয়েছিল। তবু কালীনাথ নিজে গিয়ে বলাতেও পাকা রাজি হল না দলে আসতে ?

পাকা কারণ দেখায়নি ?

দেখিয়েছে। ওর নাকি ব্রহ্মার্চ্য নেই। ছেলেটা একটু পাগলাটে।

পাঁচুর মনে পড়ে। ব্যায়ামাগারে পাকার সেদিন নাম কাটা গিয়েছিল। খেদের সঙ্গে পাকা বলেছিল, চরিত্র কাকে বলে জানিস পাঁচু ? গা বাঁচিয়ে চলার শূচিবাইকে। চান্দিকে গোবর ছড়া দিয়ে মাঝখানে বসে থাকলে চরিত্র ঠিক থাকে, বিধবারা নইলে চরিত্র ঠিক রাখে কী করে বল ? গোবরের গন্ডি পেরোলেই চরিত্র নষ্ট হয় ! ব্রহ্মার্চ্য কাকে বলে শুনবি ? যে বাড়িতে মেয়েলোক থাকে সে বাড়ির চৌকাঠ না ডিঙোনোতে। মেয়েলোকের ঘরের চৌকাঠ ডিঙোলেই ব্রহ্মার্চ্য নষ্ট হয়।

৫

বৃষ্টিতে পাঁচু বাড়ি ফেরে। গণেশের বাড়ি হয়ে আসে। এগারোটি ছেলে আজ রাত্রে গণেশের উত্তর ভিটের আধ-ভাঙা ঘরে আশ্রয় নিয়েছে, ইতিমধ্যেই ঘরের অর্ধেকটা জলে ভেসে গেছে। সমস্ত ঘরটা গলে যাওয়া আশ্চর্য নয়। ঘরের মোঝেতে বাঁশ পুঁতে যেদিকে বৃষ্টি পড়ে না সেদিকে মাচা তৈরি করে ছেলেরা জড়া জড়ি করে শূয়েছে। কাঠ বাঁশের অভাব তাড়াতাড়িতে জোড়াতালি দিয়ে তৈরি, মাচাটির যায় যায় অবস্থা।

অন্য ঘরটি বর্ষায় বাসের একেবারে অযোগ্য। অন্ন বড়ো চালায় খড় তুলবার সাধ্য গণেশের হয়নি, বুদ্ধিমানের মতো দাওয়ার কোণটা ঘিে সে সেইটুকু চালা সে মেরামত করেছে। হাত চারেক

লম্বা হাত দুই চওড়া ঘর, তবে এক ফোঁটা বৃষ্টি পড়ে না। গুটিসুটি হয়ে গাদাগাদি করে শুয়ে বসে সুখে রাত কাটাও।

বাড়িতে সবাই অন্ধকারে জেগেই ছিল, সুভদ্রা লঠন জ্বালে। বিকালে মেঘ ঘনাবার আগে গোবিন্দ পিয়ন একখানা চিঠি দিয়ে গেছে। আজ তার এ পাড়ায় চিঠি বিলি করবার দিন নয়, কৌতূহলের খাতিরে নিজের গরজেই এসেছিল। পাকার চিঠি, ইতিমধ্যে খাম খুলে পড়া হয়েছে। ধনদাস আর জ্ঞানদাস চেষ্টা করে সাধারণ চিঠির মোটামুটি পাঠোদ্ধার করতে পারে।

ধনদাস বলে, কী চিঠি লেখে তোর বন্ধু, মানে বোঝা দায়। বিষয়টা কী ?

আগে পড়ি।

বিষয়টা গুরুতর, কিন্তু লম্বা চিঠিতে এখানে ওখানে শুধু ছুঁয়ে গেছে পাকা, বাকি সব মনের কথা, জল্পনা-কল্পনা। তবে সে জল্পনা-কল্পনার মানেও পাঁচু আন্দাজ করতে পারে, পাকার বর্তমান মনের ভাবটা চিঠিতে বেশ ফুটেছে। পাপ-পুণ্য উচিত-অনুচিত তা পাকা বলছে না, কিন্তু সকলের বেলা তো এক নিয়ম খাটে না, মানুষ তো স্বাধীন। যেমন ধর, কারও প্রাণ বাঁচাতে যদি কেউ চুরি করে, সেটা কি পাপ ? কারোর ক্ষতি যদি সে না করে তবে যা খুশি করার অধিকার পাকার নিশ্চয় আছে। আমি মরি বাঁচি গোপনায় যাই নরকে ডুবি অন্যেব তাতে কী এল গেল, খুশি হলে আমি তো আত্মহত্যাও করতে পারি ? আইনে অবশ্য বলে পারি না, কিন্তু আইন যারা করেছে তারা মুর্থ, যে আত্মহত্যা করবে সে নাকি আইনের ধার ধারে ! অন্যের অনিষ্ট না করে নিজেকে নিয়ে যা খুশি করার অধিকার নিশ্চয়ই মানুষের আছে, নইলে স্বাধীনতা কীসের, নইলে তো শুধু অন্যের ইচ্ছায় চলতে হয়।

এ সব কথা কীসে উঠল কেন উঠল পাকা তা লেখেনি, অনুমান করতে যদিও পাঁচুর কষ্ট হয় না। ঢাকায় কটা দিন সে চোখ কান বুজে ছিল না। পাকার মশারির বাইরে দাঁড়িয়ে সুধাকে কাঁদতে দেখার, ওভাবে কাঁদতে দেখার মানে বুঝতে, চাষাভূসোর ছেলে সে, তার মাথা ঘামাতে হয় না। সে না হয় হল, জগতে কারও ক্ষতি না করো পাপ করার অধিকার না হয় পাকা দাবি করল, কী করেছে না জানিয়েও পাঁচুর কাছে কৈফিয়ত দাখিল করল যা খুশি করার স্বাধীনতার, কিন্তু আত্মহত্যার কথা লেখে কেন পাকা ? শুধু কি যুক্তি হিসাবে উল্লেখ করেছে, না অন্য কিছু আছে পাকার মনে ? আরও অনেক কথা পাকা লিখেছে। তার জীবনে সব উলটো হয় কেন পাকা। বুঝতে পারছে না। যেদিকে যাদের সঙ্গে যাবার জন্য সে ব্যাকুল হয়েছিল তারা একদিন বিনা দোষে তাকে তাড়িয়ে দিয়েছিল, আজ যখন তাদের সঙ্গে ভিড়বার উপায় নেই, নিজেই সে আধিকার নষ্ট করেছে, তখন আবার তার কাছে ডাক এল ! পাঁচু জানে না, এমনই হয়েছে চিরকাল, যখন যা চেয়েছে পাকা, এমনিভাবেই সব গোলমাল হয়ে গেছে। কোনদিকে কাদের সঙ্গে যেতে চেয়েছিল পাকা, আজ ডাক এলেও যাদের সঙ্গে ভিড়তে পারছে না, সে সব কিছু লেখেনি। পাঁচুর বুঝতে অসুবিধা হবার কথা নয়।

বিষয়টা কী ? ধনদাস প্রশ্ন করে।

আবোল-তাবোল লিখেছে খেয়ালের কথা—নিজের মাথায় আঙুলের টোকা দিয়ে পাঁচু বলে, মাথাটা এখনও ঠিক হয়নি।

অ !

ধনদাসকে বুঝিয়ে এড়াবার জন্য শুধু নয়, পাঁচুর সতাই ধারণা হয়েছে যে পাকার মাথা বিগড়ে গেছে। সে পাকাকে জানে, ভালোবাসে, তাই তার এলোমেলো ভাসাভাসা চিঠিখানার মধ্যে বেদনা ও হতাশার গভীরতা সে ধরতে পারে। আত্মহত্যার উল্লেখটা তাকে দারুণ দুর্ভাবনায় ফেলেছে। শ্রান্ত ক্লান্ত হয়ে শুয়েও অনেক রাত্রি পর্যন্ত এই দুশ্চিন্তা নেড়েচেড়ে জেগে থাকে। একবার ভাবে, এ

অসম্ভব, সে মিছে ভাবছে, পাকার পক্ষে আত্মহত্যার কথা মনে আনাও সম্ভব নয়। আবার ভাবে, পাকার পক্ষে অসম্ভব কিছু আছে কি ?

মাথা ঠিক থাকলে, বিবেচনার শক্তি থাকলে, একটা ব্যাপারকে ফেনিয়ে ফাঁপিয়ে এত বড়ো করে তুলতে কি পারত পাকা, এমন কিছু সৃষ্টি ছাড়া অস্বাভাবিক ব্যাপার যা নয় ? সারা জীবন তখনই হতেই হবে, উদ্দেশ্য আদর্শ কাজকর্ম সব পড় হয়ে যাবেই যাবে, আত্মহত্যার কথা পর্যন্ত ভাবতে হবে ! এমন ভয়ংকর যদি এ ফাঁদটা, একবার পা দিলে জীবনে আর সামলে নেবার সাধ্য থাকে না, সংসারে তবে ব্যাটাছেলের তো বাঁচাই কঠিন !

তারা কি ফচকে ফাজিল ছোঁড়া, শুধু বজ্জাতি করে বেড়ায়, অসামাজিক ঘটনাচক্র তৈরি করার ফিকির ছাড়া জীবনে আর কিছুই নেই তাদের যে ওরকম কিছু ঘটলে চিরদিনের জন্য পাপী অভিশপ্ত হয়ে যাবে ? পাকা কি তার নতুন মামিকে তৈরি করেছে, না ঘটনাগুলি সৃষ্টি করেছে ? তাছাড়া, সে-ই যেন বিশ্ব-ব্রহ্মাণ্ডকে রসাতলে পাঠাল, এত বাড়াবাড়ি কেন পাকার !

ভালোবাসা ? এই যদি ভালোবাসা হয়, এত কষ্টকর আর এমন সর্বনাশা ভালোবাসা মাথায় থাক পাঁচুর। জগতের কোটি কোটি পুরুষ মেয়ের সাধারণ ভাবে সাধারণ পিরিত হলেই তার যথেষ্ট হবে। কোনো মেয়েছেলের জন্য কোনো ব্যাটাছেলে আশা-আকাঙ্ক্ষা আদর্শ-পরিকল্পনা কাজকর্ম সব চুলোয় দিয়ে গুমরে গুমরে আত্মহত্যার কথা চিন্তা করবে, ভাবতেও পাঁচুর গা ঘিনঘিন করে।

দুদিন ক্রমাগত বর্ষণের পর সকালের দিকে আকাশ খানিকটা পরিষ্কার হয়ে আসে। বিকালে আর এক দফা শুরু হয়ে রোদ ওঠে পরদিন। গ্রামের চিরকোলে জোড়াতালি দেওয়া শ্রীহীন বর্ষিত জীবন বর্ষাকালে পাশবিক কদর্য হয়ে ওঠে। বহুযুগ পিছনের পুরনো পচা সভ্যতা-ভব্যতার একটু যে আবরণ থাকে অন্য সময়, পশুর জীবন থেকে যা খানিকটা তফাত করে রাখে মানুষের জীবনকে, বর্ষায় যেন তাও ধুয়ে মুছে যায়। মনে করাও কঠিন হয়ে পড়ে যে এই মাটির পৃথিবীতে মানুষ স্থানে স্থানে শহর বানিয়েছে, কলকারখানা চালিয়েছে, শত্রু স্থায়ী পথে পথে যানবাহনের চাকা ঘুরিয়েছে, বৃষ্টিতে ইট পাথরের শুকনো আশ্রয় বানিয়েছে, দোকানে খাদ্য বস্ত্র আরাম সাজিয়ে রেখেছে স্তরে স্তরে, মানুষ আর বুনো নেই, সভ্য হয়েছে।

শ্যামল হাসে। ওয়াড়হীন তেলচিটে বালিশে ভর দিয়ে মাটির দেওয়ালে বসানো জানলার কাঠের গরাদের ফাঁকে সে বাইরের খইখই জল দেখছিল, একটা মরা বাছুর ভেসে এসে জানলার নীচেই বকুল চারার ডালে ঠেকে আছে। গরাদের আলকাতরা উঠে গেছে বহুকাল, পোকায় খোয়ে কাঠ জীর্ণ করে ফেলেছে। এবার শ্যামলের ঘরে জল পড়বে না আশা করা গিয়াছিল। প্রথম দিকে জল পড়েনি, তারপর টিপটা প টিপটা প ফোঁটা পড়তে শুরু হয়েছে, চৌকি পাতার জায়গা মেলেনি। হোগলা এনে তার চৌকির ওপর টাঙিয়ে ঢাকতে হচ্ছে। বর্ষা শ্যামলের সয় না, অল্প অল্প জ্বর হয়েছে। নিরুপায় হয়েই সে দু-একমাস শহরে গিয়ে থাকতে রাজি হয়েছে। বর্ষণ স্থগিত হলেই তাকে নিয়ে যাওয়া হবে।

প্রতিহিংসাও বৃষ্টি ধরবার অপেক্ষায় ছিল।

কত ভেবে কী ভাবে ছকে নিয়ে প্রতি-আঘাতের যড়যন্ত্র ও আয়োজন হয়েছিল প্রথমে ধরাও গেল না, ক্রমে ক্রমে স্পষ্ট হল। বিপিন ঘোষের বাড়ি ডাকাতি হল, শোনা গেল নগদে গয়নায় বেশ কিছু গেছে। বিপিন অবস্থাপন্ন লোক। কারও বাড়িতে ডাকাত পড়া আশ্চর্য নয়, গাঁয়ের লোক আশ্চর্য হয়ে গেল এই জন্য যে ডাকাত পড়ার হইচইটা তেমন ভাবে তারা টের পেল না। ডাকাতি হলে রাতারাতিই সমস্ত গ্রাম টের পায়, হুলস্থূল হয়, ডাকাতির সময়েই অথবা ডাকাতরা চলে গেল। গ্রাম

দূরে থাক, পাড়ায় সব লোকে ভোরের আগে জানতে পারেনি রাত্রে পাড়ায় একটা ডাকাতি হয়ে গেছে, অনেকে শুধু একটা গন্ডগোল টের পেয়েছিল।

জল্পনা কল্পনা বিষয় প্রকাশের সুযোগও ভালোরকম পেল না আটুলিগাঁর অধিবাসীরা। এগারোটা নাগাদ সদর থেকে পুলিশ এসে গাঁ ছেয়ে ফেলল। তোলপাড় হয়ে যেতে লাগল চারিদিকে।

একটা ডাকাতি নিয়ে সরকারের এত মাথাব্যথা হয়, পুলিশের এমন তৎপরতা দেখা যায়, আটুলিগাঁর জানা ছিল না। চিরদিন গাঁয়ের লোকেরাই দল বেঁধে পারলে ডাকাতি ঠেকায় না, না পারলে ডাকাতরা লুটেপুটে সরে পড়ে। ধীরে সূছে মছরগতিতে আনুষ্ঠানিকভাবে সরকারি তদন্ত ও প্রতিবিধানের মোটামুটি প্রহসন চলে। লোকবিশেষ ও অবস্থাবিশেষে কিছু ব্যতিক্রম হয়, এইমাত্র। বিপিন এমন কী বিশেষ লোক, স্বদেশি ডাকাতির মতো এমন কী বিশেষ অবস্থা যে সরকারের এত বেশি টনক নড়ল !

আটুলিগাঁর সাধারণ মানুষ বোকা হাবা নয়, এক দুপুরের ঘটনার গতি আর ঘটনাগুলি ঘটাবার কাজে উৎসাহী মানুষগুলির যোগাযোগ দেখে ব্যাপারটা তারা বিকালবেলাই মোটামুটি আঁচ করে নেয়। মধু ভটচাজ, তারিণী পাঁজা প্রভৃতি অনেকেই নাকি জানে, কারা ডাকাতি করেছে। তারা আটুলিগাঁয়েরই একদল কিশোর ও জোয়ান ছেলে এবং দু-চারজন বয়স্ক লোক। এগারোটা নাগাদ পুলিশ আসে, বাবোটা নাগাদ গণেশ আর ধনদাসের বাড়ি খানাতল্লাশ আরম্ভ হয়, তারপর চামিাপাড়াব আরও অনেক বাড়ি। প্রথমেই গ্রেপ্তার হয়েছে গণেশ আর ধনদাস। জ্ঞানদাস আর পাঁচুকে পাওয়া যায়নি।

গণেশের বাড়িতে সাতজন ডাকাত গ্রেপ্তার হয়েছে। তারা অবশ্য ছেলেমানুষ। এক দুপুরে একুশটি ঘব লম্বভম্ব করে ছেলেবুড়ো মেয়েপুরুষকে লাঠিব গুঁতো মেবে ডাকাত খোঁজা হয়েছে। হাতকড়া পড়েছে একুশজনের হাতে। খাজনা বন্ধের বদনামি আটুলিগাঁর চামিাপাড়া ! এত বছর পরেও পোড়াভিটের কলঙ্কচিহ্ন আঁকা আটুলিগাঁ !

নলিনী তদন্তের ভার নিয়ে এসেছে।

পুলিশ এসেছে শুনাই পাঁচুকে একরকম বগলদাবা করে জ্ঞানদাস খিঁচকে পথে ডোবার ধারের বাঁশবন দিয়ে সরে পড়েছিল। কর্কশ থাবা, মোটা মোটা আঙুল, তাই দিয়ে বজ্রমুষ্টিতে পাঁচুব হাত ধরে টেনে নিয়ে গিয়েছিল, পাঁচুর কোনো কথা কানে তোলেনি।

শেষে মুক্ত হাতে একটা পলাশগাছের গুঁড়ি আঁকড়ে ধরে পাঁচু প্রতিরোধ করায় সে থেমেছিল, মুঠি শিথিল করেছিল।

বুঝিস নে কেন বোকা হাঁদা, হট্টগোলের মধ্যে পেলে তাকে যে মেরেই সাবাড় করবে। তুই তো আসল আসামী।

কীসের আসামী ?

পাঁচু তখনও ব্যাপার বোঝেনি। একুশ সালের গাঁ-জ্বালানোর অভিজ্ঞতা জ্ঞানদাসের, তারপর থেকে এতগুলি বছর অভিজ্ঞতার পর অভিজ্ঞতা সে চট করে যা আন্দাজ করে ফেলেছে পাঁচুর তা বোঝার ক্ষমতা নেই।

হেমবাবুকে মেরেছিলি। এটা তার উশূল শুবু বুঝিস নে তুই ? এ জন্য বলছিলাম অত বাহাদুরি করিস নে পাঁচু, করিস নে। খুদ্দুর প্রাণী তুই, বল বুঝে না কাজ করলে খতম হয়ে যাবি। সাধ করে খতম হতে তোর ব্যগ্রতা কেন রে হারামজাদা, কীসের শখ অত ?

তবু পাঁচু মুখ গোমড়া করে থাকে, চারিদিকের জঙ্গলের মতো।

উদিকে দুকলিকে বুঝি লোপাট করলে এতক্ষণে !—জ্ঞানদাস খিকার দিয়ে বলেছিল।

তখন গা ঝাড়া দিয়েছিল পাঁচু, জ্ঞানদাসের সঙ্গে প্রায় উড়ে গিয়েছিল গণেশের বাড়ির পিছনের শুকনো মরা পাটখেতে। গণেশের হাতে তখন হাতকড়া পড়েছে, তার বাড়িতে প্রলয় চলছে। পাঁচুকে পাটের আড়ালে দাবিয়ে রেখে জ্ঞানদাস একা গিয়েছিল। দুকলির জন্য জ্ঞানদাসকে বাহাদুরি করতে হয়নি। বাড়ির পিছনে উঁটা-শাকের খেতে মাকে সঙ্গে নিয়ে দুকলি দাঁড়িয়ে ছিল। বাড়ির সামনে পুলিশ এলেই গাঁয়ের মেয়েরা খিড়কি দিয়ে পিছিয়ে যায়। যাতে দরকার হলেই পুকুর ডোবায় নেমে জলের নীচে ডুবে আত্মগোপন করা চলে। দেশে যখন বর্গিরা আসত তখন থেকে বাংলাদেশের মেয়েরা এটা অভ্যাস করেছে।

জ্ঞানদাস বলে, দুকলি, মোর সাথে আয়।

দুকলি বলে, মা ?

মার ডর নেই, তুই আয়।